

ANTONII MATTHAEI JC.

IN ILLUSTRIS ACADEMIA ULTRAJECTINA ANTECESSORIS

COMMENTARIUS

ad

LIB. XLVII. ET XLVIII. DIG.

DE CRIMINIBUS

ADJECTA EST BREVIS, ET SUCCINCTA IURIS MUNICIPALIS INTERPRETATIO

EDITIO PRIMA FLORENTINA

IN SEX VOLUMINIBUS DISTRIBUTA

ET ADNOTATIONIBUS AUCTA

THOMAE NANI JC.

IN TICINENSI ARCHIGYMNASIO IURIS CRIMINALIS

ANTECESSORIS.

VOL. I.



FLORENTIAE 1824.

EX TYPOGRAPHIA JOSEPHI PAGANI.

Super. Permiss.

Perspicuo poteris fonte levare sitim.
A. Nanger. *Lus.* ix. vers. ult.

EGREGIIS ADOLESCENTIBUS

IN ITALICIS UNIVERSITATIBUS

IURI CRIMINALI OPERAM DANTIBUS

IOSEPH PAGANI

S. P. D.

Vix animum subiit cogitatio typis meis
evulgandi celeberrimum opus DE CRIMINI-
BUS AB ANTONIO MATTHAEO elucubratum,
illud statim vobis nuncupare constitui,
optimae spei Adolescentes, qui in Italiae
nostrae Athenaeis pro Jure criminali ad-
discendo labores studiumque confertis.
Quod et Vobis iucundum fore gratissi-
mumque iure putavi, cum huius tam in-
clyti Vobisque necessarij operis exempla-
ria modo frustra desiderentur. Quis e-
nim, testibus summis Iurisconsultis, Libros
XLVII. et XLVIII. Pandectarum, et IX.
Codicis rectius, aut luculentius interpreta-
tur, quam Batavus ille Antecessor? Quis,
servili excusso auctoritatis iugo, viam ster-
nentibus Historia et Philosophia, latissi-
mum Iurisprudentiae Criminalis quasi cam-
pum aut diligentius perlustrat, aut utilius?
Qualis et quantus ille sit, satis docent

ipsius Prolegomena, in quibus de crimine, deque eius elementis, tam accurate et ingeniose disserit, ut Iuris Criminalis, ex rectis Romanarum legum ac rationis principiis deducti, instaurator ab omnibus merito habeatur, atque illi, in magna hac Iurisprudentiae parte, eadem prorsus convenire videantur, quae de nostro Alciato dixit Gravina. *Iurisprudentia, illius manu sublata, oculos ad primordia sua reflectens, vetera ornamenta nativamque dignitatem a suis repetit auctoribus.*

Ut vero auctior et vobis acceptior nunc prodiret Matthaei Commentarius, huic eximii in Ticinensi Academia Antecessoris Thomae Nani adnotationes adiunxi, in quibus sibi tria haec proposuit consultissimus vir: exactissimam legum interpretationem: ductam a certis monumentis atque apprimè utilem eruditionem; et, quod omnium praestantissimum est, politicas doctrinas, ut, quae praecipuis veterum et recentium populorum legibus ac moribus recepta sunt, percipiant adolescentes, meliora agnoscant, atque in sua ipsi civitate pro tempore deferant, vel amplectantur.

Vos interea exoptatissimum opus accipite: ab hoc edocti, patriae et civibus prodesse contendite: laboribusque favete; quos in communem omnium utilitatem impendo. Valete.

PROLEGOMENA

CAPUT I.

Quid sit Crimen:

- | | |
|--|--|
| 1. Quid sit Crimen, quantumque distet a delicto? | tantum instigavit ad scelus? |
| 2. Crimen dolo contrahitur: an et culpa? | 10. Explicatur L. 20. de his qui not. insani. |
| 3. Quas impetu fiunt, an fiant dolo? | 11. De his qui opem ferunt. |
| 4. An nequitia, vel luxuria doli species. | 12. De his qui mandat scelus, quæque mandatum exsequuntur. |
| 5. Cogitatio nuda an crimen? | 13. An jussus eadem ratio, quæ mandati? |
| 6. An conatus solus? | 14. Rati habitio an mandato comparanda in criminibus? |
| 7. An consilium aliis dedisse crimen? | 15. Qui prohibere potuit, nec prohibuit, an reus criminis? |
| 8. Quid sit consilium alii dare? | 16. An maritus, si non prohibeat uxorem. |
| 9. An ille criminis reus, qui | |

ACTUM de Criminibus ante omnia quid sit crimen investigabimus: hanc enim primam cujusque operis partem sapientes esse iubent. Crimen est delictum, quod publicæ vindictæ gratia accusatur apud eum, qui potestatem gladii habet, ad animadvertendum in facinorosos homines. Delictum cum definimus, latius vocabulo utimur, quemadmodum J. C. usi sunt in L. 1. et 2. D. de Leg., L. 1. et 5. §. ult. D. de poen. Angustius sumpta vox, non genus, sed speciem denotat, opponiturque crimini, L. 2. §. septimus C. de vet. jur. enucl., L. quis sit fugitivus 17. §. noxas D. de aedil. ed., quo sensu ita definire possumus: Delictum est peccatum, de quo civili potissimum actione agunt ii, ad quos ea res pertinet. Cicero quidem 2. de Invent. delinquendi, peccandique verbo eandem significationis potestatem tribuisse videtur, cum ait, Non est mirum, si nunc primum deliquerit: nam necesse est eum, qui velit peccare,

aliquando primum delinquere. Verum nos nostros auctores sequuti, nominatim Modestinum in *L. obligamur* 52. §. *ex peccato D. de oblig. et act.*, peccatum summum genus statuamus; cuius species hae sunt; quasi delicta, delicta, crimina. Et ut nihil praetereamus, sunt peccata quaedam ita levia, ut ea queramur magis, quam exsequamur, ut legibus quoque nulla sit imposita poena; cuius generis si quis requirat, inveniet sequentibus locis, *L. et si quis* 14. §. *Divus D. de relig. et sumt. fun. L. 3. §. non perpetuae D. de sepul. viol., L. verum est* 39. *D. de furt.* Sunt alia, quae legibus vindicantur, non una tamen omnia severitate. Nam de quasi delictis civiles tantum actiones propositae sunt, *tit. Inst. de obl. quae ex quas. del., L. 5. D. de obl. et act.* De veris delictis potissimum quidem civili iudicio agitur: si cui tamen ita libeat, etiam criminaliter extra ordinem experiri poterit, *L. ult. D. de privat. del., L. ult. D. de furt., L. ult. D. de iniur., §. in summa Inst. eod.* Crimina vero per accusationes, vel legibus publicorum iudiciorum vindicantur: nonnunquam etiam sine accusatore, ab eo qui iurisdictioni praeest, inquiritur *L. 3. §. poena D. stellion., L. 1. D. de publ. iud., L. ea quidam 7. C. de accus., L. Divus 6. D. de custod. reor., L. congruit 13. D. de off. praes., Nov. 128. cap. 21.* Ex hac enumeratione apparet, delicta quidem privata etiam crimina esse, et dici recte posse; nempe privata crimina, crimina extraordinaria, quia extra ordinem coercentur: at non omne crimen, etiam delictum privatum posse nuncupari. Repugnat haec appellatio primum quidem eriminibus publicis, quoniam exsequutio cuiusvis e populo competit: dein extraordinariis illis, quorum nomine nulla est prodita civilis actio. Tametsi enim actiones civiles saepe concurrant cum iudiciis extraordinariis, et publicis, *L. 3. D. de sepul. viol., L. 1. et 2. D. de fur. bal., L. 1. §. 1. D. de effract. et expil., L. 3. D. expil. haered., L. 3. D. de term. mot., L. inde Neratius 23. §. si dolo D. ad L. Aquil., L. 2. §. 1. D. vi. bon. rapt., L. quod SC. 6., et L. seq. D. de iniur., L. 5. 9. 11. 16. pen. C. ad L. Corn. de fals. L. 1. §. 1. D. de calumn.; id tamen perpetuum non est. Nam in praevaricatorem, in*

eos qui collegium illicitum coierunt, in dardanarios, et pantapolas nulla est prodita civilis actio: sicut nec in eum, qui scopelismum fecerit, qui Nili chomata ru- perit, quae partum abegit. De parricidio quoque, de incestu, de maiestate, haeresi, apostasia, et si qua sunt similia, frustra Praetorem adieris, quandoquidem ex causa horum criminum actio civilis proposita nulla est. Ut igitur concludam, ita existimo: et Delictum ge- nus et speciem esse: Genus species complecti duas, de- lictum privatum, et crimen: Delictum privatum etiam crimen esse extraordinarium, non contra omne cri- men, etiam delictum privatum. Nec quisquam putet, idcirco haec nobis absurde constitui, quod specie- rum oppositarum ea sit natura, ut altera de altera di- ci non possit: id enim mutatione iuris et incremento contingit, ut cum ab initio species vere a se invicem disparatae essent, nunc ex parte confusae sint. Exem- plo rem declarabimus: de furto olim tantum civiliter agebatur: post in improbiores animadversum crimina- liter, *L. 1. et 2. D. de fur. bal.*, *L. 1. D. de oblig. cum simil.*: denique receptum, ut omnes fures vel civili- ter conveniri possent, vel ad praefectum urbi deduci, *L. interdum 56. § 1. L. ult. D. de furt.*, *L. 3. §. Item re- scripsit D. de bon. eor. qui ant. sent. mort., sib. consciv., Nov. 69. cap. 1. vers. quid enim.* Idem de reliquis iudi- cium esto (1).

His constitutis videamus quemadmodum crimen, contrahatur, utrum dolo tantum, an et culpa? Dolo contrahi dicitur, affectu, animo, §. placuit *Inst. de furt.*, *L. 3. de iniur.*, *L. 1. §. ult. D. de abig.*, §. ita tamen

(1) Cum in delicto propositum delinquendi expenditur, promi- scue in iure accipi palam est delictum et crimen, imo et malefi- cium, flagitium, facinus et scelus. Vid. *L. 53. D. de furt. L. 14. D. ad Leg. Cornel. de sicar. L. 16. D. de poen. L. 13. C. de tes- tam. milit. et L. 6. C. ad Leg. Jul. de vi pub.* Cum vero in de- licto ratio iudicii ad illud vindicandum inspicitur, delictum a cri- mine distinguitur; hinc ex eadem ratione intelligi oportet discrimen, quod auctor explicat inter delictum et crimen. Obiter mo- neo crimen quandoque accipi pro accusatione. Vid. *L. 1. §. 2. D. de susp. tut. et curat.*

Ins t. vi bon. rapt., L. 23. §. excipitur et ille D. de aedil. ed., L. pen. D. ad L. Jul. de adult., L. plagii 14. C. ad L. Fab. de plag., L. nec exemplum 20. C. ad L. Corn. de fals., L. Divus Pius 31. D. eod., adeo ut Lex Cornelia de sicariis, ne latam quidem culpam dolo equiparari patiatur, L. in lege 7. D. ad L. Corn. de sicar. Neque mirum; nam ut aliorum quoque Auctorum sententias adiungamus, Mens peccat, non corpus, et unde consilium abfuerit, culpa abest, *Liv. lib. 1.* Non exitus rerum, sed hominum consilia vindicantur, *Cic. pro Milon.* Quam sententiam Hadrianus expressurus L. 14. D. eod. In maleficiis voluntatem, non exitum spectari rescripsit. Et Comicus cum furti crimen ab adversario sibi obiectum purgat, fatetur personas quadam ex Graeca fabula in Eunuchum a se traslatas, sed sine crimine: non enim imprudentiam crimen esse.

Si id est peccatum, inquit, *peccatum imprudentia est*

Poetae; non qui furtum facere studuerit.

Eodemque argumento Auctor Metamorphoseos errorem a crimine vindicans, fortunae non sceleri adscribit, dum ita canit *lib. 3.*

At bene si quaeras, fortunae crimen in illo,

Non scelus invenies: quod enim scelus error habebat?

Ex quibus, aliisque similibus (plurima enim huiusmodi loca apud sapientes observantur) firmiter arguere possumus, culpam extra crimen esse. Neque tamen id sine temperamento asserendum; quin ita iudicandum; culpa non vere quidem et proprie crimen contrahi: contrahi tamen quodammodo; id enim multis ex Legibus colligitur, L. qui aedes 9. L. si fortuito 11. D. de inc. ruin. naufr., L. 3. §. 1. D. de off. praef. vigil. L. 2. in fin. D. de term. mot., L. Divus. 15. D. ad L. Corn. de sic., L. 16. §. eventus, L. si quis 38. §. qui abortionis D. de poen., atque ideo non veri, id est, dolo patrat sceleris poenam mereri, sed puniri mitius extra ordinem, d. L. 9. D. de incend. ruin. naufr., L. 3. §. adiectio, L. 4. §. 1. D. ad L. Corn. de sicar., L. milites 12. D. de custod. et exhib. reor., L. fere 108. D. de reg. iur. Nec obest quod supra dictum, ne latam

quidem culpam æquiparari dolo; id enim intelligendum respectu poenae ordinariae, quae ob dolum, non culpam infligitur. Quantum vero ad casumatinet, is fato non noxae imputatur, si modo culpa non praecesserit, si omnino fortuitus fuerit: ut enim Plato scripsit 9. *de Leg.* fortunae imperare nullus Legislator potest: et ut idem 12. *de Leg.*, mali ignavique semper puniendi sunt, ut meliores fortioresque evadant; infortunati vero minime: Quod si culpa praecesserit, et quasi causam casui dederit, non est extra poenam: ita accipienda *L. 5 §. ult.*; *L. 11 §. casu de poen.* (2).

Porro dolo subiicimus non solum propositum, quo delinquant, exempli gratia, latrones qui factionem habent; sed et impetum, puta ebrietatis, irae, amoris, libidinis, *d. L. 11 §. deliquitur*, et *L. 16 §. causa D. eod.*, *L. 7 §. ult. D. ad L. Jul. repetund.* Tamen si enim Philosophi ea, quae quis huiusmodi affectu abreptus fecerit, mixti generis dicant, id est, partim voluntaria, partim involuntaria; tamen palam est, propius ea accedere ad voluntaria, cum principium actionis in agente sit, neque is penitus ignoret actionis suae circumstantias, aut si ignorat, ignorantia illa ut plurimum accersita vel affectata sit. Aristoteles enim 3. *Eth.* 2., et 5. *Eth.* 10. cum actiones distinxisset in voluntarias, involuntarias, et mixtas; voluntariam definit cuius principium est in agente, sciente actionis suae circumstantias; involuntariam, cuius principium seu causa extra agentem est, ita ut nihil ad id, quod agitur, conferat: mixtam, in qua partim vis, partim voluntas conspicitur: item quam quis, tametsi principium in agente sit, ignorans tamen, aut per ignorantiam obit. Ex his autem, quas mixtas vocat, alias

(2) An verae poenae locus sit ob factum culpa admissum, subdubito. Loci quippe iuris, quos Auctor indicat, eam tantum animadversionem respiciunt, quae a minoribus Magistratibus ius gladii, sive merum imperium non habentibus, veluti Praefecto Vigili, proficiacebatur. Vid. praeter ceteris *L. 3 §. n. D. de off. Praef. Vig.*

propius ad voluntarias accedunt, aliae involuntariis adnumerantur. Ad voluntarias propius accedunt eae, in quibus et vis, et voluntas conspicitur: ut cum quis ad aliquid faciendum impellitur spe maioris boni, aut timore maioris malitatis. Et aliquando quidem laudem merentur, aliquando excusationem, aliquando nec laudem, nec excusationem. Laudem merentur, cum quis spe excellentis alicuius boni indignum aliquid, aut indecorum sustinuit: ut si quis aere vitam redemerit a latronibus, aut Magistratus, iussu furentis plebis, nudus saltaverit in foro, aut insaniam seditionis mitigandae gratia simulaverit, aut sapientiae causa abiecerit fortunas. Excusationem, si quis indignum aliquid facere substinuit ad declinanda ea, quae vim naturae humanae superant, ut si tortus ab hostibus dolori succumbat, arcanaque suorum enunciet, aut si fame urgenti cibo utatur humano. Nec laudem nec excusationem, cum quis spe alicuius boni, aut metu mali admittit aliquid prorsus turpe; ut si quis tollendi tyranni causa consuescat cum eius uxore: aut ne ipse moriatur, alterum, qui iubetur, occidat: aut ne nocens damnetur, iudicium datis pecuniis corumpat. Ad voluntaria etiam propius accedunt ea, quae ignorantes quidem admittimus, non tamen per ignorantiam: voluti quae ebrietatis, irae, amoris, voluptatis causa facimus: cuiusmodi admissa vix excusantur, tametsi poenitentiam comitem trahant; neque enim per haec delinquit facile, nisi qui aut nimium affectibus indulget, aut otiosus est. Utrumque autem in vitio; non moderari animo; non fugisse nutriculam amorum, et libidinis otium. Ex his adparet, recte nos impetum subiecisse dolo: veruntamen quantum ad iram attinet, cavendum, ne adversemur summae auctoritatis viro Platoni, qui lib. 9. de Legib. aliter distinxit. Nam ille, inquit, qui iram servat, nec repente, sed cum insidiis se postea vindicat, homicidae voluntarii est persimilis: qui non servat, sed impetu fertur, et absque praemeditatione interficit, involuntarii homicidae similis iudicatur. Maiora vero supplicia illis decet imponere, qui consulto per iram

interfecerunt; illis contra qui repente et inconsulto, leviora. Quibus verbis satis aperte innuit, quae impetu fiunt, ad involuntaria magis referenda, quam voluntaria. Hunc obicem ut amoliamur, existimo ita nos recte dicituros, videri quidem non sponte fecisse, qui impetu feruntur, si cum insidiatoribus comparentur, qui temere excandescentibus longe improbiore habentur: sed si comparentur cum illis, qui per ignorantiam delinquant, voluntariis potius, quam involuntariis adnumerandos; quia, ut diximus, principium actionis in agentibus est; neque per ignorantiam agunt, sed ignorantes: ignorantia autem culpa non omnino vacua deprehenditur.

Nequitia quoque et luxuria doli appellatione continentur: ita enim Ulp. in *L. 23. §. excipitur et ille D. de aedil. ed. Capitalet fraudem admisisse dicemus dolo malo, et per nequitiam: ceterum si quis errore, si quis casu fecerit, cessabit edictum.* Et Marcianus in *L. pen, D. de incend. ruin. naufr.*, *Si fortuito incendium factum sit; venia indiget; nisi tam lata culpa fuit, ut luxuriae, aut dolo sit proxima.* Et sane valde ridiculum foret, si quis diceret, eum qui inhonesti oblectamenti causa os liberi hominis palma verberat, aut noctis praesidio, atque aetatis improbitate obvios quosque fustibus multat, dolo id non facere. Quin quo quisque eo genere petulantior, eo deterior, cuius petulantia ista mediationem, et insidias habeat aductas: poenitentiam adeo nullam, ut et insomnes noctes agant, quos illa vexandi libido frustrata est. Atque hos proterviae mores quoniam graphice depinxit Juvenalis *Sat. 5.* non possum, quin versus eius adscribam:

*Ebrius ac petulans, qui nullum forte cecidit,
Dat poenas, noctem patitur lugentis amicum
Pelidae, cubat in faciem, mox deinde supinus.*

Et paulo post:

*Me, quem Luna solet deducere, vel breve lumen
Candelae, cuius dispenso et tempero filum,
Contemnit: Et,
Stat contra, starique iubet: parere necesse est.
Nam quid agas, cum te furiosus cogat, et idem*

*Fortior ? unde venis ? exclamat , cuius aceto ,
Cuius conche tumes ? quis tecum sectile porrum
Sutor , elixi vervecis labra comedit ?*

Nil mihi respondes ? aut dic aut accipe calcem etc.

Ex hac descriptione manifestum fit, quemadmodum in misera illa cum petulantibus rixa, plura concurrant, contemptus hominis mediocris, meditatio, clamor, plagae; absit autem omnino poenitentia: quis ergo dubitet amplius petulantiam dolum esse (3)?

- 5 Dehinc de cogitatione criminis, et conatu tractemus. Dolo contrahi crimen diximus: per dolum autem factum dolosum intelligimus. Nuda cogitatio crimen non est, nec quisquam poenam eius patitur, *L. cogitationis 18. D. de poen.* Quamquam enim furem latronem, adulterum aliqua significatione, ex animi propositione sola quis dicere possit, tamen oportet crimina assumpto actu intelligi. Itaque qui numquam rem alienam invito domino contrectavit, nunquam alienam matrem familias corrumpit, tametsi eius mentis sit, ut occasione data id commissurus sit, fur, vel adulter non est, *L. fugitivus 225. D. de V. S.* Philosophorum id est, scelera mente metiri; nomothetarum manu. Eleganter Cicero 3. *Offic.*, *Aliter leges, aliter philosophi tollunt astutias: Leges, quatenus manu res tenere possum: philosophi, quatenus ratione at intelligentia.* Poterat quis obiicere, non solum ex nostris, sed et ulterius generis probatis Auctoribus sententias eiusmodi, quibus nuda quoque voluntas crimini imputari videtur. Ita enim Hadrianus in *L. 4. D. ad L. Cornel. de sicar.*, *In maleficiis voluntas spectatur, non exitus.* Arcadius et Honorius in *L. quisquis C. ad L. Jul. maiest.* Eadem severitate voluntatem sceleris, qua effectum puniri iura voluerunt Paulos. 5. *sent. 23. §.*

(3) Nequitia cum luxuria nequaquam est confundenda. Illa siquidem summus dolus est; haec autem dolo tantum proxima, atque in his potissimum perspicitur, qui nimis festivitate rebus noxiis operam dant, ac inde facinus suscipiunt adversus legem. Vid. *L. pen. D. de incend. ruin. et naufr. L. 4. §. 1. D. ad L. Corn. de sicar. L. 6. D. de re milit. et Nov. 2. Cons. laai.* Porphyro genatae in fin.

1., *Consilium uniuscuiusque, non factum puniendum est.* Cicero pro Milon., *Nisi forte, quia perfecta res non est, non fuit Punienda. Perinde quasi exitus rerum, non hominum consilia legibus vindicentur.* Valerius Maximus Lib. 6. cap. 1., *Non enim factum tunc, sed animus in quaestionem deductus est, plusque voluisse peccare nocuit, quam non peccasse profuit.* Donatus in Andr., *Non perficere, sed conari aliquid velle ad scelus perfectio est.* Apulejus 3. Florid.. *In maleficiis etiam cogitata scelera, non perfecta, adhuc vindicantur, cruenta mente, pura manu.* Juvenalis Sat. 13.

*Nam scelus intra se tacitum qui cogitat ullum,
Facti crimen habet.*

Respondeo: pleraque haec loca non de cogitatione nuda loquuntur, sed de crimine assumpto aliquo actu inchoato; praebentque ipsae illae obiectiones nobis argumentum, non solum consummatum, sed et inchoatum scelus; non modo perfectum, sed et conatum crimen esse; ut si quis conspiravit in necem Principis, vel senatorum eius, si quis venenum coxerit si ambulaverit cum telo hominis occidendi causa, si alienas nuptias interpellaverit, si stupri causa virginem prostraverit in terram, tametsi perficere non potuerit, quis dixerit, cum extra crimen esse? Sufficit, ut eodem loco Apulejus sit, *ad poenam, conari punienda.* Dixi pleraque loca: postremus enim poetae, non tanquam a nomotheta, sed tanquam a philosopho profectus intelligi debet, fuere enim antiquissimi sapientes poetae. Ceterum quae poena conatum maneat, ordinaria, an mitior aliqua, opportunius dicetur infra, tit. de poen. et tit. ad L. Corn. de sicar. (4).

Consilium ergo nudum, nuda cogitatio crimen non

(4) Ex legibus ab Auctore allatis illud erui posse existimo, conatum scilicet delinquendi quandoque puniri uti crimen perfectum. Vid. L. 1. et 7. D. ad Corn. de sicar., L. 7. C. cod., L. 1. in fin. D. ad Leg. Pomp. de parric. L. 5. C. ad Leg. Jul. maiest. quandoque crimen efficere extraordinarium. Vid. L. 1. et ult. D. de extraord. crimin. L. 21. § 7. D. de furt., quandoque denique extra criminis ambitum esse. Vid. L. 6. D. ad Leg. Corn. de fals.

est: videamus, an consilium aliis dedisse crimen sit? Id affirmandum non timide: ut enim vetustas censuit, et attica quidem sapientia: Consilium vere res sacra est: estque mortalis Deus quodammodo, qui alteri consilium dat: nam quemadmodum Deus facile auxiliatur et sine sumtu; ita is quoque, qui alteri salutaria consulit. Rei igitur sacrae usum si quis ab honesto ad flagitia transtulerit, non immerito criminis reum faciemus, cum divina quoque providentia plerumque fiat, ut malum consilium consultori sit pessimum, *Eccles. 27.* Hoc vetustatis iudicium subsequutus Saturninus. in d. L. 16. de poen. respondit, *Alios suadendo iuvise sceleris est instar: nec minus consilia, atque facta puniuntur.* Et Plautus in *Curcul.*, Qui monet, inquit, adjuvat. Regul. quoque iuris dictat, ex consilio non fraudulento obligationem non nasci, L. 47. D. de R. J., cui consequens est, ex fraudulento nasci. Ita furti tenetur, cuius consilio furtum factum est, L. saepe 53. in fin. D. de F. S., L. qui servo 36., L. si quis uxori 52. §. cum Titio D. de furt.: iniuriarum, cuius consilio iniuria alteri illata, §. Atilicinus D. eod. Lege Julia de adulteriis tenetur, cuius consilio adulterium factum est, cuiusve consilio dolo malo factum est, ut in adulterio deprehensi pecunia, aliave qua pactione se redimerent, L. haec verba 12., L. is cuius ope 14. D. ad L. Jul. de adult. Lege Cornelia de sicariis, cuius consilio dolo malo innocens iudicio capitali oppressus, naufragus suppressus fuerit, L. 3. §. item cuius familia, L. 1. pr. D. ad L. Corn. de sicar., L. 3. §. ult. D. de incend. ruin. naufr. Lege Pompeja, cuius consilio parricidium factum erit, L. 6. D. ad L. Pomp. de parricid. Lege Julia de annona, cuius consilio, dolo malo factum est, uti navis, nautave retineretur, L. 2. §. 1. D. ad L. Jul. de annon. Lege Julia peculatus, cuius consilio factum est, ut quis pecuniam publicam auferret, L. 1. D. ad L. Jul. pecul. Lege Fabia, cuius consilio et persuasione servus a Domino fugit, L. pen. §. ult. D. ad L. Fab. de plag., L. 2. Cod. eod. Denique vix ullam reperiemus. Legem publicorum privatorumve iudiciorum, quae non eum quoque adprehendat, cuius dolo malo factum esse dicetur.

Hanc autem quaestionem satis difficilem et perple- 8
xam, ne desultorie tractasse videamur, aëge apertius
quid sit consilium dare, exponamus. Haud dubie con-
silium is dat, qui non solum monet, aut exhortatur,
sed et instruit, et perficendi sceleris viam ostendit: ve-
luti, si quis furem doceat, qua parte aedium pater-
familias iniuriæ pateat, quibus ferramentis horrea
effringi possint: Si quis adultero locum, tempus, oc-
casionem stupri explicet: Si quis calumnatori det pro-
bationes, alleget accusationis capita etc.; quis dubitet
hunc criminis reum esse, cum tantum non architec-
tus totius flagitii dici possit? Neque, quod ad hunc
attinet, distinguendum arbitror, fueritne reus et sine
consilio peccaturus, nec ne: ad summam enim quid
interest, utrum quis suapte sponte peccaturo consilium
dederit, an ei, qui peccaturus non erat, nisi alter ma-
le consulisset? Illud fortasse, quod consultor hic ali-
quando improbius sit illo: quia per hunc corrumpitur
animus maleficii insolens: ille vero, tametsi non cor-
rumpit hominem frugi, tamen et ipso quo viam mon-
strat, causam delicto præbet.

Verum, an is quoque qui tantum monuit, qui exhor- 9
tatus est, qui instigavit, criminis reus sit, ambigi po-
test: utrinque enim rationes sunt, seu affirmare quis,
seu negare maluerit. Negandi rationes hæc sunt: Ulpia-
nus in *L. in furti 50. §. pen. D. de furt.* verbum consi-
lium ita interpretatur, *Consilium dare videtur, qui
persuadet, et impellit, atque instruit consilio, ad
furtum faciendum*: Hæc oratio coniuncta esse videtur,
ut non sufficiat suasisse, nisi et instruxerit. Imperator
in *§. interdum Inst. de furt.* ait, *Certe qui nullam o-
pem ad furtum faciendum adhibuit, sed tantum con-
silium dedit, atque hortatus est ad furtum faciendum,
non tenetur furti*. Papinianus in *l. 20. D. de his qui not.
infam.*, *Ob hæc verba sententiæ præsidis provin-
ciæ; Callido commento videris accusationis insti-
gator fuisse; pudor potius oneratur, quam ignomi-
nia videtur irrogari: non enim qui exhortatur, man-
datoris, opera fungitur*. Adfirmationis argumenta sunt
sequentia: Marcianus in *L. 1. §. 1. incidit D. ad SC. Tur-*

pil., Incidit in hoc Senatusconsultum et qui accusatorem submittit, aut instigat, aut qui mandat alicui, et instruit eum, ad accusationem capitalem, dando probationes, allegando accusationes. Haec oratio disiuncta esse videtur, non coniuncta: Ulpianus in *L. 12. D. ad L. Jul. de adult.* Haec verba legis; Ne quis posthac stuprum, adulterium facito sciens dolo malo, et ad eum qui suasit, et ad eum qui stuprum, vel adulterium intulit, pertinent. Idem in *L. 1. §. 4. D. de serv. corr.*, Et verius est, etiamsi malo monstravit, in quem modum delinqueret, teneri eum; imo, etsi erat servus omnimodo fugiturus, vel furtum facturum, hic vero laudator huius propositi existit, tenetur. Non enim oportet laudando augeri malitiam. Sive ergo bonum servum fecerit modum, fecerit deteriorem, corrupisse videtur. Idem in *L. 36. D. de furt.*, Si alius servum fugam persuaserit, ut ab illo subripiatur, furti tenebitur is, qui persuasit, quasi ope consilio eius furtum factum sit. Plus Pomponius scripsit, eum qui persuasit, quamvis interim furti non teneretur, tunc tamen incipere teneri, cum quis fugitivi fur esse coeperit; quasi videatur ope consilio eius furtum. Idem in *L. 11. §. Atilicinus D. de iniur.*, Atilicinus ait, etsi persuaserim alicui, alias nolenti, ut mihi ad iniuriam faciendam obediret, posse iniuriarum mecum agi. In hoc rationum et auctororum conflictu fortasse quis existimaret, negantem tanquam mitiorem amplecti vos debere: verum ita clementiae laudem sectari debemus, ut ne severitatis gloria pereat: qua nisi haec in parte utamur, augebimus malitias, hominesque improbos invitabimus ad conflanda scelera; quippe quisque sciant, impune se exhortari, et instigare alios posse. contra illud vulgatum: Expedit reip. timere poenam criminis, nec esse maleficia impunita, *L. si unus 27. §. pacta D. de pact.*, *L. ita vulneratus 51. D. ad L. Aquil.* Ad leges autem negantes non difficulter responderi potest. Nam in *d. L. 50. §. pen. D. de furt.*, tametsi oratio videatur esse conjuncta, vere tamen disiuncta est, atque accipi debet, *arg. d. L. 36. D. eod.*; neque novum est, ut oratio figura verborum coniuncta, pro disiuncta ac-

ei platur, *L. saep. 53. D. de V. S.* In §. *interdum inst. de furt.* quod dicitur, eum cui hortatus est ad furtum faciendum, non teneri, id interpretaudum ex *d. L. saepe V. S., d. L. 36., et L. 52. §. neque verbo D. de furt.*, non teuetur furti, si eventus non fucrit sequutus: at sequuto eventu, omnino furti tenetur,

Aliquo plus difficultatis habere videtur *L. 20. D. de 10 his qui not. infam.* Glossographi suo more plures adferunt rationes, quibus ea concilietur cum *L. 1. §. incidit. ad SC. Turpil.* Ex his secundam potissimum probō: Papinianum nimirum de verbis, vel Edicti, vel Senatusconsulti loqui: Marcianum de sententia. Si verba spectas, non esse calumniatorem eum, qui instigavit: in primis si instigaverit per alium: esse, si mentem et sententiam, *d. L. 1. §. verum hunc D. ad SC. Turpil.* Tametsi enim a mandatore distet, qui exhortatur, tamen quia malitiam auget, impune id ferre non debet. Plautius possis ita dicere: responsum Papiniani in *d. L. 20.* non esse intelligendum de quovis instigatore, sed eo qui, instigavit per alium: huius enim callidum commentum est, quo subducere se poenae calumniae satagit. Atque hunc non quidem teneri, si verba SC. spectes: teneri tamen, si mentem et sententiam, *d. 1. §. L. incid. iunct §. verum hunc D. SC. Turpil.* Ita malo quam cum Antonio Fabro 6. *Coniect. 6.* vim adferre vulgatae lectioni; pro *mandatoris*, emendando *damnatoris*: quae emendatio cum libris Florentinis, tum ipsi contextui repugnat. Ceterum nec hac in parte distinguendum puto, fueritne reus et absque instigatore peccaturus, nec ne. Nec moveor *d. l. 11. §. Atilicinus D. de iniur*: verba enim, *alias nolenti*, ita recte interpretabimur cum Accursio, *maxime alias nolenti*, ut sit responsi sensus iste: Omnis quidem, qui instigavit, iniuriarum tenetur; maxime tamen is, qui auctor fuit *alias nolenti*. Nec illud conturbat, quod ista distinctio communi doctorum calculo sit probata: Distinguit enim supradicto modo communis schola, cum de poena disputat: nos vero inpraesentiarum non tam de poena, quam de reatu disserimus; de poena acturi *tit. de poen.* Illa distinctio magis in rerum le-

Cov. clem. si
furiosus par.
§ 2. Me-
noch. 2. de
arb. cas. 357.
n. 17. Clar. §.

fin. ques. 88. gnique argumentis obtinet, qua distinguimus, fueritne eventus sequutus nec ne; ita enim circa furtum distinguimus, *d. L. 53. in fin. de V. S. d. §. interdum Inst. de furt., d. L. 36., d. L. 52, §. neque verbo D. eod.:*

Far qu. 129-
part. 3,

circa iniuriam, *L. 15. §. si curaverit D. de iniur.* Excipio speciem propositam *L. si quis servo 20. C. de furt.,* ubi tametsi nec servus corruptus, nec furtum factum sit, utraque tamen actio et furti, et servi corrupti competit. Excipio etiam Juliam maiestatis Legem, qua tenetur, qui vel verba fuderit contra Principis maiestatem, *arg. L. 5. verb. cogitaverit C. ad leg. Jul. Maiest., L. un. C. si quis Imp. maled. (5).*

- 11 De iis, qui opem ferunt, nemo, opinor, ambigit, an crimen contrahant: quid sit opem ferre, inquiramus. Opem tulisse intelligitur non solum is, qui in ipso crimine auxiliaris ad fuit, exempli causa, caesum attinuit, quo minus fugeret, aut iniuriam propulsaret; sed et is, qui cum crimini patrato non interfuisset, ferramenta tamen, tela, venena commodavit sciens rei causa commodaret: idem qui post commissum crimen fugam rei iuverint, instruxerint, quive latitantem receperint, celaverint, *L. si pignore 54. §. qui ferramenta D. de furt., L. si sciente 7. D. ad L. Pomp. de parricid., L. un. vers. et qui eis auxilium C. de rapt. virg., L. 1. §. 1. D. ad L. Corn. de sicar., L. 1. et tot. tit. D. de receptat.* Hoc amplius eum quoque tulisse opem dicemus, qui tametsi manus non moverit, adstitit tamen terrendi causa: quod doctores recte, tradiderunt de eo, qui armatus adstitit caedenti, vel stupranti. Is quoque, qui excubitoris opera functus est, impune id ferre non debet. Qua autem poena tam hi, quam illi adficiendi sint, opportunius proponetur *tit. de poen.*

5) De consulente hoc certum est iuris principium, ut tunc deum reus sit, cum incipit esse ipse, qui consilio utitur. Exinde patet praecipuum inter mandatum et consilium discrimen. Ad furtum autem quod spectat omnia dirimit quaestionem *L. 52. §. 19. D. de furt. = Neque verbo, neque scriptura quis furtum facit: hoc enim iure utimur, ut furtum sine confectione non fiat. Quare et opem ferre, vel consilium dare tunc nocet, cum secuta confectione est.*

Progrediamur ad mandatores et mandatarios. Qui ¹² mandant scelus, quique mandatum exsequuntur, utique rei sunt, et ordinariae quidem poenae subiungendi: idque cum nostrorum testimoniis, tum rationibus, atque argumentis copiose probatur: ab interpretibus etiam, ut loquuntur, communiter receptum est. Nostrorum auctorum totidem loca sunt, quot locis dicitur, teneri non solum eum, qui fecerit, sed et qui dolo malo curaverit ut quid fieret; nihil interesse, ipse quid facias, an per alium fieri cures, causamve crimini praebeas, *L. 3. §. item cuius, L. nihil interest 15. D. ad L. Corn. de sicar. L. 6. C. de his quib. ut indig., L. 5. C. de accusat., L. pen. C. Si reus vel accus. mort. fuer. L. 8. C. de calumn., L. 11. §. si mandatu D. de iniur., Paul. 5. sent. 23. §. mandatores, L. 1. §. deiecisisse D. de vi et vi arm., L. 5. §. ult. D. Quod vi aut clam., L. 5. pr. D. Ne quis eum qui in ius voc. vi exim., L. 1. §. 1. D. de eo per quem fact. er.* Argumenta autem in praesentem adduci possunt sequentia: nempe cum quis alicui mandat scelus, mandantem quidem caput esse, mandatarium vero manum, et instrumentum mandantis. Instrumentum autem non eius generis, quod mere passive se habet, ut securis in manu lictoris, et marculus in manu artificis: sed quod cooperativum dialectici vocant, quia in producendo effectu, insita quadam vi, simul movetur, ut milites iussu Imperatoris pugnam capessentes. Quemadmodum igitur in armis, et militum virtus, centuriones, praefecti, fortuna denique ipsa plurimum sibi vindicant, et laus tamen belli feliciter confecti ad Imperatorem pertinet: ita in criminibus patrandis, tametsi conducta sicariorum manus sit, sceleris tamen infamia ad utrosque pertinet. Hinc sacro quoque oraculo caedes Uriae Davidi, caedes Nabothi Achabo impingitur, quod illius mandato, huius aut mandato, aut certe conniventia caesi fuissent; 2. *Sam. 9. 12., et 1. Reg. 22. 19.* Et Absalomus occidisse Ammonem fratrem dicitur, quod famulis trucidandum obiecisset, 2. *Sam. 13. 28.,* non alia profecto de causa, quam quod ipse necare videatur, qui necandum aliis tradidit. Va-

Duar. ad tit.
D. de accus.
ap. 2 Me-
noch. 2. de
arb. cas. 352.
553, clar. §
fin. quaes. 89.

lerius *Max. Lib. 9., cap. 11. Interficiendum tradidit, an ipsa iugulavit? Quanto enim levius est scelus, cui tantummodo manus abest?* Quare merito Platonis rationem non probamus, qui *Lib. 9. de legib.* mitius agere videtur cum eo, cuius consilio homo occisus est, quam cum eo, cuius manu. Videndum tamen est, ne huic sententiae adversetur Javolenus in *L. liber homo, 37. D. ad L. Aquil.*, ubi respondit, si liber homo, cui imperare non poteram, meo mandato damnum dederit, cum eo qui dedit agendum esse; non ergo mecum, qui mandaveram. Verum vitiosa est consequentia: ut enim iam olim Accursius adnotavit, quod huic responso deest, aliunde supplendum: nempe, non solum cum eo, qui damnum dedit, sed et cum mandante agi posse.

- 13 Iussus fere eadem est ratio, quae mandati: sed quantum ad crimen, non quantum ad poenam. Quoniam enim viro bono non possit ulla tanta necessitas imponi, ut facinoris alicuius labe se maculet, adparet eum, qui iubenti paruit, criminis reum esse. Idque ex philosophorum fontibus, eleganter demonstratur. Ille enim de contentione malorum ita sentiunt: Propositis duobus malis, veluti turpi et turpi, tristi et turpi tristi et tristi, turpius quidem nullam esse electionem; ex tristibus id, quod minus triste est; ex turpi et tristi, triste potius eligendum esse, tanquam id sit bonius: Atqui palam est, cum iis, qui iubendi potestatem habet, delictum imperat, proposita duo esse: peccatum, et poenam: quorum illud turpe est, hoc non turpe, sed triste. Vir ergo bonus potius poenam iniustam sufferat, quam ut doloris, aut cruciatus metu sciens scelere se contamine. In specie, ut ad patrem et filium descendamus, fuerunt olim, qui dicerent, patri in omnibus parendum; alii nihil necesse esse patri parere: fuit et tertia herciscundorum sententia, qui dicebant, in quibusdam parendum esse, in aliis minime. Prima sententia ut superstitiosa, secunda ut argutiola frivola, et inanis, explosae sunt: tertia merito obtinuit, teste Gellio 2. cap. 7., nam ea quae iubet pater, aut honesta sunt, aut turpia, aut media

generis. In honestis, et indifferentibus parendum: in turpibus nequaquam. Itaque si patris iussu filius patriam prodiderit, aut norvecam occiderit, aut arcam Civitatis expilaverit, non admittent excusationem potestatis sapientes: rectissimeque Aristoteles scripsit 3. *Eth.* 1. ridiculam fuisse Alcmaeonis apud Euripidem excusationem, quod patris iussu matris delicta punisset. His consentanea sunt, quae nostri auctores scribunt de filiis familias et servis: Ulpianus in *d. L. 11. §. Proculus D. de iniur.*, Proculus recte ait, si in hoc te conduxerim, ut iniuriam facias, cum utroque nostrum iniuriarum agi posse. Idemque ait, et si filio mandavero, ut tibi iniuriam faciat. Idem in *L. 7. §. 4. D. arbor. furt. caesar.*, Siye quis suis manibus caedat, sivi imperet servo, hac actione tenetur. Idem etsi libero imperet. Idem in *L. 157. D. de R. J.*, Ad ea, quae non habent atrocitatem facinoris, vel sceleris, ignoscitur servis, si vel dominis, vel his, qui vice dominorum sunt, veluti tutoribus, et curatoribus obtemperaverint. Ergo ad ea, quae habent atrocitatem criminis, non ignoscitur. Eleganter Alfenus in *L. servus 20. D. de O. et A.*, Servus non in omnibus rebus sine poena domino dicto audiens esse solet: sicuti si dominus hominem occidere, aut furtum alicui facere servum iussisset. Quare quamvis domini iussu servus piraticam fecisset, iudicium in eum post libertatem reddi oportet. Et quodcumque vi fecisset, quae vis a maleficio non abesset, ita oportet poenas eum pendere. Atque ex his locis patet, quid respondendum sit ad regulam iuris in *L. 167. §. 1. de r. j.* Non videtur dolo malo facere qui parere necesse habet: Et in *L. 169.*, Eius culpa nulla, cui parere necesse est. Distinguendum enim inter modica, et atrociora delicta: in modicis ignoscitur; in atrocioribus non acque; e. g. Non est atrox crimen ducere eam, quae virum nondum eluxit: ea re filius, qui iussu patris duxit, non notatur infamia, *L. 1. verb. qui eum, L. 11. §. ult.*, et *L. seq. D. de his qui not. infam.* Laqueos ponere, qua possit forte vicini pecus incidere, non est atrox: quapropter si liber homo id iussu alterius fecerit, in iubentem est actio, *L. li-*

V. Tiraq. de poen. caus. 34. 35. Me-

nech. 2. de
arb. cas. 354.
Clar. §. fin.
quaest. 60. n.
14. Gail. 1
de pac. pubb.
n. 12. Peck
in cap. quod
quis maudat.
de r. j. in 6.

per homo 37. *D. ad L. Aquil*, Libertatem sibi adscribere iussu domini, non est gravius scelus. Excusatur ergo servus a poena legis Corneliae qui id fecerit, *L. ult. C. de his qui sibi adscrib. in testam.* Dixi quod ad crimen, nam quod ad poenam eandem esse causam iussus, et mandati: tametsi enim in atrocioribus non ignoscitur filiof. et servo, fere tamen mitius puniuntur, *L. servus* 8. *C. ad L. Jul. de vi*, *L. 2. C. de sepul. viol.*, *L. 4. §. qui filium D. de re milit.* Ita Mitridates Atilium sibi iusdiantem supplicio adfecit: servos dimisit, quod domini imperio parere coacti essent, *Appian. de bel. Mithrid.* Tiberius Pisonem filium crimine belli civilis liberavit: patris quippe iussa nec potuisse filium detrectare, *Tacit. 9. Annal.* Subditos quoque, qui Magistratus imperio coacti deliquerint, aliquo mitius puniendos nonnulli observant.

14

Quid de ratihabitione dicemus? In contractibus mandato comparatur, et retrahitur ad tempus negotii gesti, *L. donatione* 25. *C. de donat. int. vir. et ux. L. semper qui* 60. *D. de R. J.* In maleficiis quoque mandato comparari Ulpianus testatum in *L. 152. §. in maleficio D. eod.* Hinc si quis alium meo nomine deiecerit, idque ego ratum habuero, mandasse videor, *L. 1. §. sed et si* 14. *D. de vi arm.* Homicidium quoque meo nomine perpetratum si ratum habuero, adstringi me legi Corneliae, non desunt qui scribant. Verum rigidior est, meo quidem iudicio, haec sententia; nec in foro, sed in templis, et pro concione laudanda: quandoquidem qui ratum habet, neque ipse sua manu deliquit, neque causam sceleri dedit. Cumque in delictis puniendis spectetur tempus, quo commissa sunt, *L. 1. D. de pen.*; eo autem tempore nihil attinuerint ad eum, qui postea rata habuit, qua fronte poenam ei irrogare poterimus? Regula vero iuris, quae vult ratihabitionem in maleficiis quoque mandato comparari, hactenus vera videtur, ut pecuniarie conveniri possit, qui maleficio privatum ratum habuit; non etiam accusari criminaliter (6). Nec recte in contra-

Decian. 9.
crim. 28.
Clar. §. fin.
quaest. 87.
n. 5 Peck
in cap rati-
habitionem
u, 9.

(6) Citata *L. 152. D. de R. J.* desumpta est ex Ulpiani libris ad edictum, in quo de pecuniariis actionibus tantum agebatur.

rium adfertur c. de homicid. in 6.; praeterquam enim, quod hic non quaerimus, quid iure Pontificio cautum sit, etiam de iis solum loqui videtur, qui Assassinos perpetrata caede receperant, defendunt, occultant. Gaudet quidem improbe alieno scelere, qui ratum habet: verum improbitas gaudii non obligat poena sceleris. Tiberius id agnovit, cum causam Pisonis ad Senatum remisit hisce verbis: *Nam si legatus officii te minos, obsequium ergo Imperatorem exiit, eiusdemque morte, et luctu meo laetatus est, odore, seponanque a domo mea, et privatas inimitias, non Principis ulciscar. Sin facinus in cuiuscunque mortalium nece vindicandum detegitur, vos vero, et liberos Germanici, et nos iustis solatiis adficite*, Tacit. 3. Annal. Eodemque argumento Cicero depulit obiectum sibi ab Antonio crimen Philip. 2. Cum enim Antoninus argueret, conscius fuisse caedis in Caesare patrae, eo quod M. Brutus, alte extollens pugionem, Ciceronem nominatim exclamasset, atque ei recuperatam libertatem esset gratulatus, Cicero ita respondit, *Tu omnium stultissime non intelligis, si id quod me arguis, voluisse interfici Caesarem, crimen sit; etiam laetatum esse morte Caesaris crimen esse: Quid enim interest inter suasorem facti, et probatorem? aut quid refert, utrum voluerim fieri, an gaudeam factum? ecquis est igitur, te excepto, qui illum regnare gaudebat? qui illud aut fieri noluerit, aut factum improbaverit? omnes enim in culpa*. Hactenus Cicero (7) Agnovisse porro hoc etiam videtur JC. in interpretatione Edicti de infamibus, negans infamem esse, qui nuptias contra Edictum contractas ratas habuit, *L. quid ergo 1. D. de his quid not. infam.* Sed. et interpretibus suboluisse videtur

Salicet. in l.
6. C. de no-
cas. Covar.
in d. elem.
part. 2. §. 1.
a. 5.

(7) Allata Ciceronis verba recte auctorem explicasse haud mihi persuadeo. Ciceroni enim mens fuit obiectum sibi ab Antonio crimen, quod esset morte Caesaris laetatus, ea diluere ratione ut voluisse interfici Caesarem crimen non fuerit. Secus ipsius erat sententia in culpa esse et qui voluerit fieri et qui gravis sit factum. Hoc autem in moribus disciplinis potest obtinere, ut nihil intersit inter suasorem facti et probatorem.

illis, qui scribunt ordinaria poena non esse puniendum, qui ratum habuit, sed mitius extra ordinem plectendum.

- 15 Ultimo loco excutiamus, quid de iis statuendum, qui, cum possent prohibere caedem, vel aliud quodcunque crimen, non prohibuerint, an eo ipso poenae se obstringant? Non prohibuisse dicimus, non modo eum, qui, cum praesto esset, quievit, aut cum posset, non succurrit, sed et qui, cum conscius esset, non praemonuit, vel indicavit, ut instans periculum caveretur. Ne lassum iam lectorem diutius morer utriusque sententiae, tam affirmantis, quam negantis argumenta oculos ponam, ut cominus collatis pateat, quid sit sequendum. Affirmantis haec sunt, partim ex iure divino, partim ex civili partim ex sapientum dictis de prompta. I. Lex divina dominum bovis occidi iubet, qui cornu petam non custodiit si sit ab eo homo exanimatus, *Exod. 21. 29.* Quid hoc aliud, quam puniendum qui cum obviam ire posset, non ivit? II. Eadem bovi, asinoque proximi, sub onere fatiscientis succurri iubet, *Exod. 23. 5.* Quid, bovis ne caussa, ac non magis hominis gratia legem latam dicemus? III. Eadem etiam conjunctissimas personas ad iudices deferri praecepit, quae nos conatae fuerint abducere a vero Dei cultu ad idololatriam, *Deut. 13. 8. 14.* Culpa caret, qui scit, sed prohibere non potest, *L. 50. D. de R. J.* ergo qui prohibere potest, culpa non caret, *L. nullum 109. D. eod.* V. Si servus sciente domino, nec prohibente occidit, vel alio modo deliquit, in solidum dominum obligat, *L. scientiam 45. D. ad L. Aquil., L. 2. D. de noxal. act., L. 4. C. eod., L. 1. §. 1. D. Si jam. furt. fec. dic.* VI. Si quis cum posset prohibere falsum numarium, non prohibuit, tenetur poena legis Corneliae de falsis, *L. 9. §. 1. D. ad L. Corn. de fals.* VII. Frater eius, qui caedem parabat patri, cum non indicasset, relegatus est; sed et alii conscii, licet extranei, qui non indicant, poena parricidii tenentur, *L. 2. et 6. D. ad L. Pom. de parricid.* VIII. Poena raptus tenentur conscii, *L. un C. de rapt. virg.* IX. Poena legis Juliae conscii criminis maiestatis, si id non revelaverint, *L. quisquis C. ad L. Jul. maiest.* X. Adhaec poena Senatus consulti Silapiani te-

mentur omnes servi, qui domino opem non tulerunt, cum possent *L. 1. §. occisorum §. iusta et seq. Lex. excipiuntur* 4. *D. de SC. Silan. XI.* Lege militari miles, qui praepositum suum, cum posset, non protexit, in pari causa factori habetur, *L. omne 6. §. pen. D. de re milit. XII.* Prostremo Ciceronis auctoritas accedit, viri sapientiae laude incliti, qui 1. *Offic.* ita scribit, *Iniustitiae duo genera sunt: unum eorum, qui inferunt: alterum eorum, qui ab iis, quibus inferuntur, non propulsant. Nam qui iniuste impetum in quempiam facit, aut ira, aut aliqua perturbatione incitatus, is quasi manus violenter videtur adferre socio: qui autem non defendit, nec obsistit, si potest, iniuriae, tamen in vitio, quam si parentes aut patriam, aut amicos deserat.* Idem in *Divinat.*, *Ego etiam quae tu sine Verre commisisti, Ferri crimini daturus sum, quod non te prohibuerit, cum summam ipse haberet potestatem: Atque haec affirmantis sententiae argumenta aut esse possunt. Pro negante faciunt ista. I. Crimen dolo contrahitur, ut dictum supra n. 2. Nihil autem dolo facit; qui aut pavore et socordia, aut quod putet se ad id non teneri, laboranti non subvenit. II. Amor incipit a se ipso: cur ergo crimini vertatur, si quis quiescere, quam periculo obicere se maluit? III. Licite accipiamus operae mercedem, ut alium in periculo constitutum defendamus, *L. metum 9. §. 1. D. Quod met. caus.;* ergo iure ad id non sumus obligati. IV. Senatus consulto opus fuit, quo servi tenerentur, qui domino non succurrerunt. *L. 1. et tot tit. de SC. Silan.;* ergo alii, qui laboranti non succurrunt, criminis exsortes sunt. V. Si caedis reus est, qui cadem non prohibuit, furti, qui furtum, cur haec species omissae sunt, *tit. de furt., tit. de L. Cornel. de sicar.,* quibus tamen infinitae aliae proponuntur? VI. Quinimo de furto nominatim scriptum est, non committere furtum cum, qui fugitivo iter monstravit. *L. furtum 61. D. de furt.* Dominum, qui prohibere potuit furtum, nihilominus furti agere, *L. pen. D. eod.* Qui furem novit, sive indicet eum, sive non indicet, furem non esse, *L. qui vas 48. §. 1. D. cod.* VII. Adiciunt interpetres et istam rationem, quod Magistratus sit, non privatorum, obviare delictis, *L. com**

Covar. in d. clem. part. 3. §. un. n. 3. Gomes. 3. resol. 2. n. 8. Clar. §. fin. quæst. 87 n. 3. Menoch. 2. de arb. cas. 435.

n. 7. et cas. 529. n. 2. cas. 555. Farin. quaest. 5. Dec. et Cagnol in l. 50. de r. j. Moller. Semes. 18. Mod. Pist. part. 2. quaest. 89. Vasq. 1. de success. re- sol. §. 2. n. 26. Farin. quaest. 24. n. 91. 92. Capye. dec. 149. et 150. Farin. dict. quaest. n. 152.

gruit 13. *D. de off. praes.* nec culpa careat, qui immiscet se rei ad se non pertinenti, *L. culpa est* 36. *D. de R. J.* Huic nihil ipse tribuo: quisenim non videt, peti principium, illudque esse quod quaeritur, an ad nos pertineat? Atque haec sunt argumenta, quae in utramque partem adferri possunt: quibus diu multumque pensitatis, tutissimum visum est a communi opinione non recedere. Nempe, regulariter non esse criminis reum qui id, cum posset, non indicavit, impeditve: Sed excipienda esse gravissima crimina, veluti maiestatis, parricidii, raptus: Excipiendas eas personas, quae iure potestatis prohibere poterant, aut vi obsequi defendere tenebantur. Illius generis sunt Magistratus, parentes, domini huius servi, atque liberi in potestate constituti: de quibus aut criminibus, aut personis leges affirmantes loquuntur. Porro personis supra enumeratis et interpretes et alias adiiciunt: Non solum enim magistratus, iudices teneri putant, si non prohibuerint subiectos, sed et rem publicam, seu *to coinon*, ex delicto civium et dominus ex delicto famulorum mercede conductorum. Quin et ex delictis ignorantibus ipsis admissis, si scientes famulis improbis usi fuerint, ut Vasquius adversus nobiles Salmanticenses observat. Nec solum servos teneri domino succurrere, sed et cives Officiali suo, seu Pretori, si ab aliquo invadatur (8).

(8) Tritum est in iure adagium exceptionem scilicet alienus regulae in uno casu ipsam regulam confirmare in casibus non exceptis. Cum itaque peculiari lege opus fuerit ut non prohibens falsum numarium teneretur poena legis Corneliae de falsis, manifesta res est ex iuris regula generali non haberi criminis reum, qui id, enim posset, non indicavit, aut prohibuit. Nil me morantur exempla ab auctore in medium prolata de Fratre eius, qui eandem parabat Patri eamque non indicaverat, et de aliis consensu parricidii, raptus et maiestatis. Quod enim ad fratrem spectat, non poena parricidii ordinaria, sed simplici tantum relegatione coercitus legitur, nos mirum quod qui plura patri officia debet praestare, retinendo insidias ipsius vitae paratas poenam subeat correctoriam. Quod vero de ceteris consensu sive parricidii, sive raptus, sive maiestatis auctor affirmat, si allatae leges rite expendantur, non eos meminerant, qui sciunt crimen esse admittendum, sed qui societatem coeunt de patrandi scelere. Vid. Josu. Soloz. *de parric. crim. lib. 2. cap. 15.*, Jacob. Gothofr. in comment. ad Leg. 3. Cod. Theod. ad Leg. *Curn. de Sicar.* Num. VII.

An maritus quoque his personis sit adnumerandus, 16
 si non prohibuerit uxorem, digna est cura ingenii quæ-
 stio. Regulariter quidem coniux ex coniugis delicto
 non tenetur, *L.2.C. Ne ux. promarit.* Sed tamen si ma-
 ritus non obstiterit uxori, teneri videtur: ab omnibus
 enim fere interpretibus modica coercitio marito in u-
 xorem conceditur: culpa ergo est, non coercere, cum
 possis. Et Aristoteles 1. *Polit.* 8. marito in uxorem tribuit
 imperium *politicon*, id est, civile: mitius quidem illud
 et ininus, quam patris in liberos: huic enim tribuerat
 Regium: sed tamen imperium. Dices; imo non potest
 maritus eam, quam dominam vocat, prohibere: quo ar-
 gumento Argentreus improbat statutum Britanniae,
 volens maritum ex delicto uxoris teneri: *Nam quæ se*,
 inquit, *Dominas vocari volunt a maritis, castigationem*
passurae non sunt: aut domus, et familia tota, fulgu-
ribus et tonitruis personabunt, indomita pervicacia. I-
taque non est, inquit, maritis imponendum, si non fa-
ciunt, quæ nec ferrum, nec ignis, nec tonans quidem
faceret Jupiter. Verum contra dici poterat, non si quid
 pravis moribus sit, id marito ad excusationem prodesse
 debere. Segnitie, et minima maritorum indulgentia id
 fit, ut imperium eorum recusent ferre uxores, in pri-
 mis, quas dotis magnitudo inflat: mariti igitur inertes
 nunc nime excusandi. Oligarchiam istam domesticam vo-
 cat Aristoteles 8. *Eth.* 12., cum uxor dotis fiducia mari-
 to potestatem extorquet: cui vitio mariti, quantum in se
 est, occurrere debent. Liceat igitur hic usurpare ea,
 quæ olim in Senatu Valerius Messalinus disseruit: *Fru-*
stra nostram ingnaviam ad alia vocabula transferri:
nam viri in eo culpam, si femina modum excedat. Et
 M. Porcius Cato, pro lege oppia, queritur, *Virorum cul-*
pa victam ab impotente sexu domesticam libertatem,
quod in sua quisque matrefamilias ius et maiestatem
virii retinere non instituisset, cum tamen maiores licen-
tiam muliebrem multis iuribus adligavissent, voluis-
sentque in manu parentum, fratrum, virorum esse. Est
 sane difficile præstare alios, eosque, qui circa nos sunt,
 similes nostri efficere; posse tamen plurimum curam
 Trajani exemplum docet, de cuius uxore Plinius in *Pa-*

Argent. ad
 coobs Britt.
 art. 612.

Tacit. 3. 2.

Liv. lib. 34.

neg, ita, Eadem quam modica cultu, quam parca comitatu, quam civilis incessu! Mariti hoc opus, qui ita intubuit, ita instituit, nam uxori sufficit obsequii gloria. Videmus ergo et pro marito, et contra maritum non deesse rationum pondera. Sed vincant sane segnes marito numero, donec Legislator aliquis nominatim caverit, ut et crimen sit, marito non paruisse, et flagitium, vim imperii contra uxorem non defendisse. Uno enim casu nominatim id cautum legibus, nempe ut qui provincias regunt, si cum uxoribus profecti fuerint, ex earum delictis teneantur, L. 4. §. proficisci D. de off. procos. Ad quod, cum speciali SC. opus fuerit, utique in contrarium regula fuerit, necesse est.

CAPUT II.

Qui Crimina admittere possint.

- | | |
|--|--|
| 1. An in brutis crimen cadat? | 9. Quid si culpa sua in furem incidit? |
| 2. An in infantes et minores? | 10. An qui non custodierant furiosum, puniendi? |
| 3. An minor omittendo crimen contrahat? | 11. Ad prodigi in delictis comparandi furiosis? |
| 4. An impubes stuprum, adulterium committere possit? | 12. Quid de surdo et mutuo iudicandum? |
| 5. Quid de furiosis et mente captis iudicandum? | 13. Quid de dormientibus? |
| 6. Quid si dubitetur an in furore crimen admissum? | 14. Quid de ebriis amantibus, et encandescentibus? |
| 7. Quid si quis post admissum in furem incidit? | |
| 8. An eo casu puniendus ob crimen valde grave? | |

Superiori capite diximus crimen dolo contrahi: contrahi quidem etiam culpa; eam tamen verum scelus non esse, nec ordinaria poena plectendum. Hoc fundamento iacto manifestum fit, in bruta non cadere crimen: nam ne culpa quidem cadit, tantum abest, ut dolus, L. 1. §. ait praeto D. Si quadr. paup. sec. die. Senec. 2. de Ira 26. Ut his irasci dementis est, quae anima carent, sic et mutis animalibus: quia nulla est

Coler. dec.
168. n. 12.
et seq.

Iniuria, nisi a consilio projecta. Nocere nobis possunt ut ferrum, aut lapis: iniurium quidem facere non possunt Arist. 7. *Eth.* 1. *bruti animalis neque vitium ullum, neque virtus est.* Hominum caussa ius omne constitutum est, ut Hermogenianus ait in *L. 2. D. de stat hom.*, et ut idem Aristot. 5. *Eth.* 10., ius eorum est, quorum est civilis societas: civilis autem societas bestiis nulla: unde consequens est, nec leges poenarias ad bestias pertinere. Haec licet clara et perspicua sint, non desunt tamen quae opponantur: Rogare enim quis poterat, quamobrem in divinis scriptum sit, *Gen. 9. 5.*, velle Deum Opt. Max. etiam in brutis vindicare sanguinem hominis? Cur Omnipotens Legislator, *Exod. 21. v. 28. et 29.* negari iubeat bovem cornupetam, si hominem occiderit? Cur praecipiat *Lev. 20. v. 15. et 16.*, interfici pecudem quae monstruosa Venere cum homine commixta fuerit? Adhaec quae fuerit Atheniensium ratio, ut iusta Draconis legem, iudicium de caede etiam in bruta, imo in bipennem redderent, aut res alias inanimes, quibus homo perisset, ut notat Budaeus ex Graecis in *L. aut facta 16. §. eventus D. de poen.*? Quem Draconis sensum sequutus Plato 9. *de Legib.*, si iumentum, vel aliud animal hominem occiderit, damnatum extra regionis fines interfici insit. Et si quid inanime, praeter fulmen, aut aliud telum divinitus missum, hominem cadentem, aut ipsum cadens oppresserit, damnatum similiter exterminari voluit. Et ex Platonis lege suspensi videntur, quos Plinius 8. *cap. 16.* memorat, suspensos se leones in Africa vidisse. Huic interrogationi occurri potest ex iis, quae Augustinus habet in *c. mulier 15. quaest. 1.* Homines quidem propter reatum puniri; bruta vero non propter reatum puniri, sed oculis hominum, et conspectui subduci, ne contaminata nefario flagitio, turpissimi facti memoriam refricent mortalibus. Idem de rebus anima carentibus dici potest. Potest et illud dici, ideo bruta quoque, ac res inanimes damnari, ut intelligant homines, quantopere a caedibus sit abstinendum. His rationibus defenduntur illi iudices, quos Guido Papae refert *quaest. 238.*, porcum ad la-

queum damnasse, quod puerum devorasset: cuius iudicii et Rebuffus meminit in *proem. ad const. reg. glos. 5n. 46.* Item illi, qui canescuiusdam villici, ob fraterculum Franciscanum discerptum, morti adiudicarunt: inter quos iudices se fuisse vir doctissimus Ant. Mornacius testatur in *L. 1. D. Si quadr. paup. fec. dic.* Equae etiam ob monstrosam libidinem caput amputatum, meminit Clarus 5. *sent. §. fin. quaest. 99. n. 8.*: mulum ob eandem causam ignibus absumtum Ranchinus notat ad d. *quaest. Guidonis.* Saxones olim iumentum quoque punivisse, cui mulier rapta imposita fuerat, testatur Daniel Mollerus 3. *semestr. 7. n. 6.* Haec omnia illis, quas dixi, defenduntur rationibus. Et licet Clarus uno solum casu exemplum probet, nempe cum ad detestationem monstrosae libidinis hoc sit, assentiri tamen illi non possum. Nam qui minus aliis quoque casibus huiusmodi exemplum statui poterit; eum aperte lex divina ob hominem quoque peremptum bovem damnari iusserit?

- 2 Ex eodem fundamento illud dependet, non contrahere crimen eos, qui vix culpa, nedum doli capaces sunt: cuiusmodi sunt infantes, et infantiae proximi, quos consilii innocentia tuetur, ut non minus vere, quam eleganter Modestinus responderit in *L. infans 12. D. ad L. Corn. de sicar.*, eique Aristoteles suffragatur, 1. *Magn. moral. 34.*, ubi tradit, si quid infantes committunt, veluti si parentes caedant, id eos nescientes facere; hancque ignorantiam, quia naturaliter eis inest, non ipsi eius causa sunt, absolvere eos ab iniuria. Scriptum est quidem aliquibus locis generaliter, impuberem non incidere in crimen nec dolum malum in eam aetatem cadere. *L. 23. §. excipitur et ille D. de aedil. ed.*, *L. impuberem 22. D. ad L. de fals.*, *L. 1. §. impuberes C. de fals., mon.*; verum ea sententia non est ita generaliter accipienda, quasi nullus impubes crimen contrahere possit, sed coniunctis aliis locis distinguendum, fueritne doli capax, nec ne, admodum impuberes, veluti infantes, et infantiae proximi doli capaces non sunt: proximi pubertati capaces esse possunt. *L. 3. §. 1. D. de iniur.*, *§. pen. Inst. de furt.*, *L.*

impuberem 23. *D. eod.*, *L. 4. §. de dolo* 26. *D. de dol. mal. et met exc.*, *L. 3. §. 1. D. de sepul. viol.* Qui doli capax est, licet sit minor annis xv. adeo obligatur ex delictis, ut nec in integrum ex ea causa restituatur, tametsi commiseratio aetatis poenae mitigationem inducat, *L. 1. et 2. C. si adv. del.*, *L. ex causa* 9. *§. nunc videndum, auxilium* 37. *D. de minor.*, *L. 5. §. sed etsi infan. L. ad L. Aquil.* Dicit aliquis, quibus coniecturis assequemur, fueritne impubes doli capax, nec ne? Quasi vero id ex moribus et reliqua vita, ex ratiocinatione, ex aliis improbe dictis, aut factis colligere catius callidusque iudex non possit. Illud certum est, uni argumento probabili non esse standum, sed plura iudicia requiri: nam ne maior quidem annis xv. uno argumento convinci, aut condemnari potest, *L. ult. C. de probat.*, tantum adest, ut impubes. Itaque factor, me non admodum posse probare acumen eorum iudicium, qui (seu vera est ea historia, seu fabularis) puero delato, qui per ludum, Iantonem simulans, collusorem mactaverat, ut captum aetatis explorarent, huiusmodi commento usi sunt. Altera manu pomum, altera nummum aureum obtulere, eo fine, ut si nummum optasset, doli capax haberetur; sin pomum, incapax. Laudant nonnulli iudicium prudentiam: mihi periculosum experimentum videtur. Quam facile enim puer, inprimis satur, posse nummum malo praepone-re, quum nulla certa ratione, sed temere obiectis recapi soleant. Certiore fide nititur, quod Aelianus *Lib. v. histor. cap. xvi.* refert. Athenis puer quidam, quod laminam auream, quae e Dianae corona deciderat, sustulisset, in iudicium adductus est. Iudices crepundia, talos, et eandem laminam obtulerunt. Ille laminam sibi sumsit, atque idcirco tanquam sacrilegus punitus est. Laudent qui volent: mihi non recte temeritati obiectum videtur, quod ratione dirimendum eret.

Quod diximus puberes, et impuberes doli capaces, 3 et delictis obligari, id interpretes communiter ita temperant, ut locum habeat in delictis, quae faciendo committuntur, non quae omittendo. Adducunt in

Gomes. 3. eum finem *L. 2. C. si adv. del.*, ubi mater xxv. annis
 resok 1. n. 59. minor, si tutores liberis non petierit, non privatur
 eorum successione. Adducunt *L. minorib. 6. C. de hir-*
quib. ut indig. hered. auf., ubi minori, si non vindicet
 necem defuncti, non auferitur hereditas. Adducunt
L. 1. §. impubes, L. excipiuntur 14. D. de SC. Silan.,
 ubi servi impuberes excusantur, si domino opem non
 tulerint. Adducunt *Nov. 115. cap. 3. §. si unum 13.*,
 ubi filii vel cognati captivi qui eum, cum minores
 essent xviii. annis, non redemerint, non privantur
 propterea emolumento successionis. Adducunt deni-
 que *L. 1. §. impuberes C. de fals. mon.*, ubi impubes,
 si non indicaverit falsum monetarium, excusatur a
 poena. His locis distinctionem suam probare satagunt;
 sed excutienti diligentius singula, apparebit nullum
 prorsus tibicinem inde fabrefieri posse, cui firmiter
 innitatur. Nam matrem xxv. annis minorem, quae li-
 beris tutores non petiit, succedere tamen ex SC. Ter-
 tulliano, non est mirandum: quoniam tutores liberis
 non petere, modicum duntaxat peccatum est, non cri-
 men. Adire hereditatem, non vindicata nece defuncti,
 aliquo quidem improbius est, non tamen adeo grave,
 ut minori succurri non debeat. At servum non auxi-
 liari domino, aut reticere auctorem necis, ita grave
 est, ut vel natura probrum videri possit; quare ne im-
 pubes quidem doli capax excusatur *d. L. excipiuntur*.
 Quod ad novellam constitutionem attinet, existimo,
 ideo minori xviii. annis a Justiniano succurri, quod
 redemptio captivi, res eiusmodi sit, quae non solum
 pietatem, sed et assiduitatem, et consilii maturitatem
 requirit, ideo Imp. plenam pubertatem exegit ad hoc
 ut successione privetur, qui non redemit captivum.
 Quod autem ad *L. 1. §. impuberes C. de fals. mon.*, re-
 sponsio ex superioribus apparet. nempe etsi aliquibus
 locis generaliter scriptum sit, impuberes non con-
 trahere crimen, id tamen intelligendum sub distin-
 ctione, fueritne doli capaces, nec ne: eamque distin-
 ctionem etiam in criminibus, quae omittendo con-

trahuntur, locum habere, evidenter probat *d. L. excipiuntur D. de SC. Sillan. (1)*.

Illa limitatio legibus magis consentanea videri poterat, impuberem, licet doli capax sit, eorum tamen criminum reum fieri non posse, quae a libidine venerea proficiscuntur, cuiusmodi sunt stuprum, adulterium, et si quae his nequiora. Ita enim Papinianus in *L. 36. D. ad L. Jul. de adult.*, Si minor annis adulterium commiserit, *Lege Julia tenetur, quoniam tale crimen post pubertatem incipit*. Idem in *L. 38. § fratres D. eod.*, *Adulterii crimen, quod pubertate deliquitur, aetate non excusatur*. Eiusque legis praesidio Gome-
sius gloriatur, se quemdam undecim annis minorem liberasse a poena mostrosae Veneris, cum probatum esset eum nefandum rem cum cane habuisse. Turpi profecto victoria; nam si quidquam nequiter a patre-
no causarum fieri potest, hoc profecto nequissimum, tenui argumento nefarium nomen poenae legis eripere. Non enim hoc Papinianus vult, nullo modo, nullo casu impuberem adulterium committere posse, sed non posse, si non malitia suppleat aetatem. Stupri rea fieri potest minor annis xii. puella, ut probatur ex *L. si uxor 13. §. si minor D. ad L. Jul. de adult.* qui minus masculus minor annis xiv., si ante annos coire coeperit? Nec obest, quod Alexander rescripsit in *L. 7. C. de poen.*, *Impunitatem delicti propter aetatem non dari, si modo in ea quis sit, in quam crimen, quod intenditur, cadere potest*: nam si impubes coire

Gomes. d.
cap. 1. n. 60.

(1) Utrum impuberes delinquendi capaces sint, atque aetatis commiseratio in minoribus xxv. annis mitigationem poenae inducat, non eadem in legibus ab auctore memoratis videtur esse sententia. Ita autem Quaestionem dirimi posse existimo, ut pubertati proximi eatenus doli capaces censeantur, quatenus actione civili, quae damni illati reparationem spectat, teneantur. Vid. *L. 5. D. ad Leg. Aquil. cum L. 23. D. de furt.*, minores vero xxv. annis excusandis sint, si de levi omissione eorum agatur, quae magis abs iure civili, quam abs iure Gentium proficiscuntur. Vid. *L. 108. D. de R. J.*, mitiori deum poena plectendi ob graviora crimina, si non ex proposito, verum ex impetu deliquerint. Vid. potissimum *L. 37. §. 1. D. de minor. xxv. ann. cum L. 3. §. 1. D. de sep. viol.*

possit, quis ausit negare, crimen in eius aetatem cadere (2)?

- 5 Furiosi quoque criminum rei non fiunt, cum animus delinquendi eis nullus sit, nec magis quod ab eis factum est, malefactum censeatur, quam si pauperiem pecus dederit, aut tegula ceciderit, *d. L. 5. §. et idem quaeripus D. ad L. Aquil.* Et cur exigas poenam ab eo, quem sati infelicitas excusat, quique furore ipso satis punitur? *d. L. infans 12. D. ad L. Corn. de sicar., L. Divus 14. D. de off. praes., L. poena 9. D. ad L. Pompej. de parricid., L. 7. §. pen. D. ad L. Jul. maiest., L. 3. §. 1. D. de iniur., L. un. C. Si quis Imp. maled., L. 6. §. qui se vulneravit D. de re milit., L. ult. in fin. D. de admin. tut.* An idem de mentecaptis dicendum videamus. Interesse aliquid inter furiosos, et mentecaptos non dubitatur: quantum intersit, non convenit. Sunt qui ita secernunt: Furiosus rabie quadam animi agitur: mentecaptus magis in quiete est, nullaque extrinsecus signa ostendit. Prius vix recte; posterius satis imperite, nam neque rabies desiderari videtur in furioso, neque nulla edit signa mentecaptus. Signa insaniae sunt, si quis aliena et deridenda loquatur, si per vias cursitet, circum sana bacchetur, responsa det, caput iacet, *L. 4. §. 1. D. de aedil. ed.*, quae si non omnia, aliqua saltem etiam in dementibusprehenduntur. Alciatus 2. *Parerg.* 16. existimat, mentecaptum eum proprie esse, qui eo morbo laborat, quem Graeci *morosin* vocant, ex solo humenti, ma-

Vid. prolixè
Menoch. 6.
praesum. 45.

(2) Potius ex allatis legibus deducitur ut cum Puella minore XII. annis adulterium non committatur, quoniam eam ea nuptiae non consistant. Adulterium enim crimen est violati matrimonii ex parte mulieris. Ergo crimen abest, ubi matrimonium non est. Nec refert Ulpianum in cit. L. 13. §. 9. dixisse ex rescripto Divi Severi minorem XII. annis in domum deductam ob adulterium ea aetate admissum posse quasi sponsam accusari. Ea enim accusatio non pertinet ad vindicandum adulterium, quod iusta significatione acceptum post pubertatem incipit, auctore Papiniano in cit. L. 36. *D. ad Leg. Jul. de Adult.*, sed ad spem matrimonii violatam. Duxisse Romanos interdum puellas non adhuc viri potentes, ut facile discerent viris morem gerere probant laudamus Ulpianus in L. 9. *D. de spons.* et Pomponius in L. 4. *D. de rit. nupt.*

loque temperamento, in capite haerente. Rectius alii furiosum appellarunt, qui ad omnia mentis lumine caret: dementem, qui non usquequaque, sed ex parte tantum mentis errore dicitur. Ita enim Cicero 3 *Tuscul.* ad fragmentum XII. tab. *Si FURIOSUS EXSISTAT*: *Insaniam enim esse censuerunt inconstantiam sanitate vacantem, quae tamen possit tueri officium, et vitae communem cultum atque usitatum: furorem autem rati sunt esse mentis ad omnia caecitatem.* Itaque et D. Marcus, et commodus in *d. L. 14. D. de off. praes.* furiosum videntur denominare eum, qui animo omnino abalienatus est. Stultitiae verbum quod attinet, id quidem aliquando dementiam, vel insaniam significat, accuratius tamen haec genera ita distinguere possunt, ut stultitia minor insania sit, utramque superet furor. Terent. in *Eun.*, *Scitum hercle hominem: hic homines prorsus ex stultis insanos facit.* Et Epigrammatarius *Lib. 6.*

Octaphoro, sanus portatur, Avite, Philippus,

Hunc tu, si sanum credis, Avite, furis.

Atque haec si verborum proprietatem sectemur: sin usum spectemus, apparebit saepe promiscue haec verba capi, vocarique furiosum, qui demens est, et contra, *L. si furiosi 25. C. de nupt.*, *L. cum dementis 28. C. de episc. uel.*, *L. 2. D. de inoff. testam.*, *§. furiosi et seq. Inst. de curat.* In praesenti vero capite, excusat a reatu illa solum insania, qua mens omnino abalienatur, ita ut bruto, quam homini similior quis videatur: ceterum si quis, cum posset videri sentire, aliquid commiserit, puniendus est. Itaque et qui vere furiosus est, si intervallis sapit, puniendus est propter delictum perpetratum eo tempore, quo furor subsederat, ut modo laudati Principes Scapulae Tertullo rescripserunt in *d. L. 14. D. de off. praes.* Et stultitia, id est, valde modica insania, quae tamen vitae officia tnetur, sentitque quod agit, in delictis non excusat. Nam et sanae mentis homines, ex uno aliquo prave facto stultos vocamus, et stultorum plena omnia dicimus: denique cuicumque quid male cecidit, ex eventu stultus atque socors audit: quod omnes reatu eximere velle, non stulti, sed insani foret.

6 Quid autem, si dubitetur in furore quid admissum sit, nec ne? utrum tamquam verisimilius sequemur?

Haec dubitatio eadit non tantum in eum, qui inter-

Gomes. 8.
var. resol. 1
n. 81 Men.
6. praesum.
25.

vallis quibusdam furit, sed et in eum, qui aliquando furiosus fuit, aut in furorem incidisse dicitur circa id tempus, quo crimen admissum est. Non poenitet distinctionis ab interpretibus traditae, ut, si is, qui hactenus sanae mentis fuit, tempore admissi criminis in furorem incidisse dicatur, praesumamus eum sane potius mentis fuisse, cum facinus perpetraret: Sin quandoque furiosus fuerit, aut per intervalla furat, in furore potius admissum crimen existimabimus. Priorem distinctionis partem firmant ista ratione: semper praesumitur quis talis, qualis natura esse debet: natura autem compos quisque mentis est: impotentia vero mentis, defectum aliquem naturae arguit. Quae prima est regula Alciati in *tract. de praesumpt.* Qualitas quae inest naturaliter homini, semper inesse praesumitur. Nos hanc quoque rationem adiciamus: Suspicio est, reum, qui hactenus sanae mentis fuit, aut patronos eius, furorem ad evitandam poenam obtinere: quam fraudem ut sedulo caveant iudices, monentur eodem rescripto Marci et Commodi in *d. L. 14. D. de off. praes.* Posterior distinctionis pars illo argumento defenditur, quod furor, medicis et quotidiana experientia adstipulantibus sit morbus durabilis, atque difficilis curationis: quippe cuius causa sit humor vitiosus, in cerebri substantiam eiusque ventriculos effusus: unde difficulter rursus evelli potest. Eum igitur, qui ante furiosus fuit, praesumimus et tempore admissi criminis furiosum fuisse. Accedit quod et alioquin in dubio status sit nocentem absolvere, quam innocentem condemnare, *L. 5. D. de poen.*

Quid si constet ante furorem crimen admissum esse, an furore superveniente subiici poenis legitimis delinquens potest? Recte a plerisque responsum est, non esse puniendum: id enim cum legibus, tum rationibus probatur. in *L. infans 12. ad L. Corn. de sicar.* Fati infelicitas furiosum excusare dicitur: est autem saepe infelix, non solum qui furiosus fuit cum deliquit.

set, sed et qui perfecto crimine in furorē prolapsus est. In *d. L. 14. D. de off. praes.*, *Furore ipso satis puniri* dicitur: quid igitur opus poenae poenam adiacere, afflicto afflictionem: Finis poenae est emendatio delinquentis per sensum alicuius doloris: atqui haec in furiosum non cadit. Absens praeterea, atque indefensus damnandus est nemo, *d. L. 5. D. poen.*, *L. de unoquoque 47. D. de re iud.*, *L. 1. D. de requir. vel abs. damn.*, *L. 3. 4. et seq. C. Quom. et quand. iud. sent. prof.*, furiosus autem pro absente habetur, *L. 2. §. furiosus D. de iur. codicil. L. ubi 124. §. 1. D. de R. J.*, ideo sententia ei a iudice, vel arbitro dici nequit, *L. furioso 9. D. de re iudic.* Nec est, quod quis dicat, per curatorem, et proximas personas defendi eum posse: quam facile enim hi defensores aut ignorare aut omittere possent iustam aliquam defensionis causam? Sua cuique salus carissima est: alienam remissus tuemur: et ut Curtius ait, non multum ponendum in aliena misericordia, quoniam celeriter lacrymae exarescunt. Postremo quod ego palmarium puto, non est putandum legislatorem, eumve qui reip. praest, esse quemdam ovium, aut caprarum custodem, qui corporum dumtaxat, nullam animarum habeat rationem. Curat vel maxime animos civium, qui civitatem curat. Ad salutem autem animorum illud in primis pertinet, ne citius supplicium ita festinetur, ut is poenitentiam agere, seriisque precibus aeternas poenas deprecari non valeat. Id autem profecto continget, si a furioso, durante animi morbo, poenam capitalem sumere velimus. Atque his argumentis, in primis *d. J. 12. de sicar.*, *d. L. 14. de off. praes.*, *d. L. 5. de poen.*, eorum quoque sententia refellitur, qui putant, furiosum saltem mitius extra ordinem puniri posse; forte publicatione bonorum: nam si absens et indefensus damnandus non est, si sati infelicitas eum excusat: si ipse furor satis poenae est, qui id verum esse potest? Obiici poterat, non eum dumtaxat esse animadversionum finem, ut reus poenae sensu emendetur, sed etiam ut mali exemplo tollantur, et sublato exemplo alios a maleficiis deterreant: Tametsi igitur emendatio furiosi sperari

Clar. 5. sent.
§. fin. 60. n.
7. Tiraq. de
poen. can.
3. Farinae.
quaest. 94
n. 19.

non possit, tamen ut malum, tollendum e medio civitatis, et publici boni causa statuendum exemplum. Respondeo, esse quidem malos tollendos e medio, sed hunc, de quo querimus, infelicem esse magis, quam malum, aut certe ex malo infelicem factum. Neque metuendum, ne alii quoque impunitatem sperent, si furioso detur, nisi eadem cogitatione sperent sequoque post admissum crimen furiosos futuros esse. Secundo loco opponi poterat, in poenis infligendis spectari tempus admissi, *L. 1. D. de poen.*, sufficere ergo ad poenam, eum, qui nunc furit, ratione usum, cum peccabat. Quasi vero ulla in iure regula tam sit firma, quae careat aliqua exceptione, ac non in toto iure generi derogetur per speciem, *L. 1. L. in tot. 80. D. de R. J.* Rationem exceptionis si quis roget, ex praecedentibus eam facile deprehendet (3). Tertio adfertur ex *L. ult. vers. et si quidem parens C. de curat. furios. vel prod.* posse patrem exheredare filium furiosum, qui ante ingratus extitit; ergo et Magistratum posse bona saltem adimere furioso, ob crimen ante furorē admissum. Respondeo, magnam esse utriusque speciei dissimilitudinem: non enim pater ablaturus est bona, quae habebat, sed quae sperabat: Magistratus, quae habebat. Ut taceam, non probavi evidenter ex *d. L. ult.* eam exheredationem pro rite facta haberi, filioque exheredato querelam inofficiosi denegari. Ultimo loco adducere quis posset verba *d. L. 14. de off. praes. ista. Si vero, ut plerumque ad solet, interval- lis quibusdam sensu saniore, non forte eo momento scelus admiserit, nec morbo eius danda est venia, diligenter explorabis.* Verum non hoc volunt Imperatores, prorsus morbo dandam non esse veniam, sed non esse dandam morbo leviori: et tamen id ipsum ad se referri iubent, ut ipsi aestiment, an per immanitatem

(3) In poenis infligendis ratio primum habetur ad personam, utrum scilicet punitivis capax sit, dein ad tempus, quo admissum crimen fuerit, ut sciatur an vere scelus patratum, et quae poena infligenda.

facinoris, si cum posset videri sentire commiserit, supplicio addiciendus sit (4).

Superiorem sententiam qui nobiscum defendunt, 8
eorum aliqui excipiunt crimina valde enormia, ob
quæ etiam furiosum postea effectum puniri posse sta-
tuunt: tanquam id firmetur verbis illis *d. L. 14., An
per inhumanitatem facinoris etc.* Atque hoc argumento
memorant, Serenissimam Castellæ Reginam punivisse
hominem furiosum, qui vulnus inflixerat marito suo
Ferdinando. Verum alium esse sensum *d. L. 14.* modo
indicatum est: eaque ipsa lex de parricidio agit, quod
utique gravissimum crimen est, et par prope crimini
laesæ maiestatis. A femina autem punitum esse homi-
nem furiosum, non miror. Est enim sexus ille vindi-
ctæ supra modum cupidus, et si licentia adisit, sæ-
vus, ambitiosus, potestatis avidus, ut Tacitus loqui-
tur 3. *Annal.* Alia constitit Hadriano mens, in quem
cum apud Tarraconem servus hospitis cum gladio fu-
riosius irruisset, retentum ille ministris adcurrenti-
bus tradidit: et ubi furiosum esse constitit, medicis
curandum dedit, in nullo omnino commotus, ut re-
fert Aelius Spartianus in eius vita.

Illud extra dubitationis aleam pene ponendum cen- 9
seo, ne tum quidem furiosum adfici supplicio hone-
ste posse, cum is sua culpa in furorem incidit. Quæ
enim ratio, quæ diversum nos iubeat sequi? aut cur
non hic quoque pro absente pro infelice habendus?
Furore ipso, tametsi affectato, satis punitur, ac si cui-
quam ante obitum, huic profecto vel maxime seria
poenitentia opus est.

Sed nec de eo ambigendum est, si furiosus ab iis, ad 10

(4) Ex rescripto Marci et Commodi, quod exhibet Marcf. in L.
14. D. de off. l. ræc. hæc duo vere consequuntur I. eum qui furio-
sus matrem occiderat vinculo coercendum, et quidem non solum
ob tutelam eius et securitatem proximorum, sed etiam ob poenam.
II. si crimen, cum posset videri sentire, commiserit, Principem
esse consulendum, ut aestimet an per inhumanitatem facinoris sup-
plicio furiosus afficiendus sit: Verum hæc, invita Themidi, et
ipsa purioribus iuris romani principiis adversantibus, rescripta
fuisse nunc non videt.

Hippol. de
Marsil. in L.
1. D. ad L.
Corn. de sic.
n. 59. Gom.
d. cap. 1. n.
72. Tiracq. de
poen. caus.
3 n. 6.

quos cura eius pertinet, negligentius custoditus fuerit, culpa nomine puniendos esse: hoc enim planis verbis expressum legimus in *d. L. 14. D. de off. praes.* Nec praetermisit Plato II. *de Legib.*, cuius sanctionem dignam duxi, quae adscriberetur: *Nemo furiosus palam in urbe cernatur: sed furiosum propinqui domi quomodocunque possunt, custodiant. Quod nisi fecerint, multentur: qui maximi census sunt, drachmis centum; sive servum, seu liberum minus diligenter custodiant. Qui secundi, quatuor de quinque minae partibus: qui tertii, tribus: et duabus, qui quarti.*

10

Tantum de furiosis. His passim in libris nostris comparantur illi, quibus ob luxuriam bonis interdictum est, ac quemadmodum furiosorum, ita prodigorum, nulla voluntas esse dicitur, *L. is cui 6. D. de P. O.*, §. *furiosi Inst. de curat.*, §. *praeterea Inst. Quib. non est permitt. fac. testam.*, *L. furiosi 40. D. de R. J.* Num ergo in delictis quoque comparantur, ut quemadmodum illum, ita hunc quoque fati infelicitas excuset? Sunt qui excusant in illis delictis, quae omittendo contrahuntur, non quae committendo: Sunt qui distinguunt, utrum ante interdictionem an post deliquerit: illo casu, tanquam sanae mentis hominem puniendum censent: hoc non quidem excusandum in universum, poenam tamen mitigandam esse. Rectius sine distinctione tuebimur, in delictis minime exaequari prodigos furiosis: neque enim id ullo iuris loco probari potest: in adductis autem legibus quae comparatio instituitur, ea ad obligationes et bona pertinet, non ad crimina. Quemadmodum furiosi non obligantur, ita nec prodigi. Illis curator datur: datur et hisce. Illi nihil alienare possunt, seu inter vivos, seu ultima voluntate: nec hi quidquam alienare possunt, cum eo ipso sine bonis interdicatur: nam tametsi ex sermonibus mentis suae videantur compotes, tamen quod ad bona ipsorum pertinet, furiosum faciunt exitum, *L. 12. §. ult. D. de tut. et cur. dat.* Quin nec quod ad bona attinet et obligationes, omnino furiosis prodigi aequantur. Furiosus enim nullum negotium recte gerit, §. *furiosus 8. Inst. de inutil. stipul.*: prodigus ea, quae ad ipsius

Clar. de qu.
60. n. 10. Far.
rin. d. quae.
94. n. 47
Vasq. lib. 2
de success.
resol. § 3
n. 39, et seq.

emolumentum pertinent, gerere potest, *L. ex castrensi* 18. §. *servos D. de castr. pecul.*, potest sibi stipulari, *d. L. 6. de Verb. oblig.* potest novare obligationem, si meliorem conditionem suam faciat *L. 3. D. de novat.*, potest hereditatem adire; *L. 5. §. 1. D. de adq. hered.* In criminibus porro nullo modo furiosis coniungendos prodigos, inde colligere possumus, quod ut superiori capite demonstratum, lascivia quoque et luxuria doli species sit; *L. pen. D. de inc. ruin. naufr.*; *L. 33. §. excipitur D. de aedil. ed.*, prodigus autem cum delinquit, lasciviae nequitiae luxuriaeve vitio delinquit. Itaque luxu perditam Romanam iuventutem, cum duce Catilina privatam inopiam publica ruina tegere vellet, aut praelio cecidit, aut in robusto carcere necata est: nec quisquam miseratus, est, cum suam egestatem, aliorum nimias opes et potentiam, invidiose novis rebus obtenderent. Neronem quoque quis excusasset, nisi supra virgas et securim fuisset, cum foeda lascivia, ut Tacitus memorat 13. *Annal.* itinera urbis, et lupanaria, et diverticula, veste servili in dissimulationem sui compositus pererraret, comitantibus qui raperent ad venditionem exposita, et obviis vulnera inferrent? Quis *L. illum Veratium*, hominem egregie improbum, atque immani vecordia, qui, ut Gellius narrat 20. *cap. 1.* cum *Leg. XII. tab.* iniuriae poena nummaria obios fractum constituta esset, pro oblectamento habebat os hominis liberi palma verberare, et ut quemque depalmaverat, numerari statim xxv. asses iubebat? Atqui huiusmodi fere delicta prodigorum sunt ut dominetur in eis lascivia et immanis vecordia. Neque obest quod quidam obiciunt ex *L. Fulcinius §. adeo et seqq. D. Quib. ex caus. in poss. eat.*, non posse prodigum videri contumacem: Neque enim contumacia, qua quis legitimis edictis evocatus non compareret, eiusmodi delictum est, de quo nunc quaerimus: sed ad res, earumque alienationem pertinet, haberi pro contumace, fierique missionem in possessionem bonorum eius. Sed nec obstat, quod alicubi legimus, eum qui per lasciviam causam mortis praebuit, mitius puniri,

L. 4. §. 1. D. ad L. Corn. de sicar.: quodque militi per lasciviam lapso capitalis poena remittitur; *L. 6. §. pen. D. de milit.* quique panno rubro per lasciviam armentum fugavit, in factum actione tenetur, non furti, §. *interdum inst. de furt.* Haec enim ita accipienda sunt, mitius puniri eum, qui aliud agens, per lasciviam alteri delicto causam praebuit: veluti, cum quis armentum fugavit lasciviae causa, non data ad hoc opera, ut alius fugatum exciperet; si id alius exceperit, in factum actione tenetur. Cum quis aliquem ludi iocive causa, excusso sago in sublime misit, non eo animo, ut periret, si praeter expectationem pericrit, mitius extra ordinem punitur. Verum cum quis non aliud agens deliquit, sed per lasciviam, id ipsum de quo quaerimus admisit, quia dolo fecit, quo petulantes minime carent, ordinaria poena adficiendus est. Obiter vero ex praecedentibus illud quoque colligitur, non esse perpetuo verum locum illum communem Oratoribus usurpatum, quo dicunt; omnes, cum minima peccata cum causa suscipiant, tum vero illa, quae multo maxima sunt maleficia, aliquo certo emolumento inductos suscipere. Nam in protervis et petulantibus defendendis frustra dixeris, Cui bono? cum delinquendi causa alia non sit, quam ut vesanam animi libidinem explant.

- 12 Poterat etiam dubitari de surdo et muto, an sint comparandi in delictis furiosis et infantibus? Sed haec dubitatio facilius tollitur. Cum enim maleficia omnia ex re nascantur, id est ex ipso facto, *pr. Inst. de oblig. quae ex del. nasc.*; facere autem dolose aliquid possint surdi et muti; consequens est, eos neque infantibus, neque furiosis comparandos esse, *arg. L. in quibuscunque 48. D. de oblig. et act.* Idque etiam inde intelligere licet, quod Senatusconsulti Siliani poena non remittitur muto, qui, cum posset opitulari domino aliter, quam clamore, id non fecit; aut surdo, qui, cum videret domino vim fieri, cum non defendit. *L. 3. §. surdus quoque et seqq. D. de SC. Silan.* Si tamen surdus simul et mutus quis natus sit, aut et surdus tantum natus, quia a teneris destitutus fuit eo sensu,

quo praecipue proficimus, gravioris poene gratia fieri posset, tanquam parum intelligenti honestorum turpiumque discrimina (5).

Dormientium sane eadem fere causa est, quae fu-
 riosorum et infantium, comparaturque aperte dor-
 miens infanti in *L. 1. §. 3. D. de adq. vel amit. poss.*
 Nam, quemadmodum infans non intelligit, quod agit;
 ita nec dormiens, cum functionibus animae quiescen-
 tibus rationis minime compos sit. Id ipsum autem in
 vitio nemo ponet, quoniam, ut Ulpianus ait in *L. si ser-
 vus 27. §. si fornacarius D. ad L. Aquil.*, somnus est res
 humana et naturalis. Sapientes praeterea, quorum dicta
 diligenter collegit Tiraquellus *de Poen. temper. caus.*
 5., soporem morti comparant, atque unumquemque
 dimidio duntaxat aevi sui spatio vivere autumant, eo
 quod somnus, tanquam publicanus dimidium auferat.
 Si igitur a dormientibus quidpiam perpetratum fue-
 rit, a reatu necessario immunes erunt. Ita tamen om-
 nino excusandi, si non culpa aliqua somno iuncta
 sit; ut si mulier valde somnolenta infantem tenellum
 penes se collocaverit, eumque stertens oppresserit,
 culpa non vacat: neque enim debuit collocare, cum
 sciret, aut scire deberet, arctissimo sopore devinctis
 huiusmodi aliquid facere evenire posse. Ita si caedes
 a dormiente admissa sit, videndum, solitus ne sit reus
 de nocte surgere, aliosque invadere, nec ne: ut, si
 solitus non fuerit, impune ferat: aliter puniatur cul-
 pae nomine, quia sciens vitium, solus dormire de-
 buit, aut ancipiti claustro firmare cubile suum. Cul-
 pae illud quoque adiciendum censeo, si aluerit inimi-
 citiae, inprimis capitales, quibus per somnum insti-
 gantibus surrexerit, adversariumque occidit, *arg. L.*
si merces 25. §. culpa D. locat. Idque fieri posse histo-
 ria testatur: Refert enim interpres quidam Hippocra-
 tis, contigisse Lutetiae Parisiorum, uti noctambulo

Tiraq. de d.
 loc. Gomes.
 d. cap. 1. n.
 74 Menoch.
 de urb. cas.
 327 Covar.
 in elem. si
 furiosus per.
 3. n. 6.

(5) Questionem de mutis et surdis a nativitate, utrum scilicet delinquendi capaces sint, atque ita criminis convinci queant ut le-
 gitimae poenae, tuta conscientia, in eis decernantur solide pertra-
 ctavit illo Bohemerus ed Corpzov. *Quaest.* 147. *Obs.* 1.

gladio cinctus Sequanam transierit, interfectoque eo, quem caedere vigilans statuerat, domum redierit. Hoc genus hominum, quibus culpa imputari potest, impune ferre non debet, nec tamen ordinaria poena adficiendi sunt, sed mitius extra ordinem puniendi, ut Doctores concordibus suffragiis scribunt.

- 14 Nunc de ebriis, amantibus, excandescentibus aliquid adiciamus, quos dolo non carere, quanquam ex superiore *cap. n. 3.* intelligi potuit, non tamen inutile erit, praesenti quoque loco cum furiosis contendere. Prima igitur fronte existimare quis posset, ea, quae ab his personis committuntur perinde habenda; ac si a furiosis profecta essent. Ebrietatem enim Seneca *Epist. 83. ad Lucil.*; voluntariam insaniam vocat. Ebrios Plato pueris comparat, *1. de Legib.*; et ad veniam valere ebrietatem, non minus atque ignorantiam, aperte testatur Quintilianus *7. Inst. orat. 1. et 5.* Amorem autem furorem esse, et quidem vehementem; ne necesse sit aliorum sententias atque testimonia conquirere; ipse Imperator Justinianus fatetur in *Nov. 74. cap. 4.*; *Novimus, inquit, etsi castitatis sumus amatores nihil amoris furore esse vehementius, eumque retinere; philosophiae esse perfectae.* Unde sapientis iudicis videtur esse, amantibus ignoscere. Plaut. in *Milit. Glor.*

Si amavit unquam, aut si parem sapientiam hic habet ac formam,

Per amorem si quid fecero; elementi animo mihi ignosce.

Idem in *Poenul.*

At amans per amorem si quid feci, Milphio; Ignoscere te id mihi aequum est.

Vim quoque et coactionem inesse amori, idem eleganter ostendit, dum fingit ab eo primum carnificinam inventam, in *Cistell.*

Credo ego amorem primum apud homines carnificinam commentum,

Hanc ego de me coniecturam domi fasio, ne foris quaeram.

*Qui omnes homines supero atque antideo cruciabitur
lilitatibus animi:*

*Lactor, crucior, agitor, stimulator, versor in amoris
rota puer;*

*Exanimor, feror, differor, distrahor, diripior; ita
nubilam mentem*

*Animi habeo: ubi sum; ibi non sum: ubi non sum,
ibi est animus:*

*Ita mihi omnia ingenia sunt; quod lubet, non lubet
iam id continuo:*

*Ita me amor Iassum animi Iudificat, fugat, agit
appetit,*

*Raptat, retinet, lactat, largitur: quod dat, non dat;
deludit:*

*Modo quod suasit dissuadet: quod dissuasit, id
ostentat.*

*Maritimis moribus mecum experitur: ita meum fran-
git amantem*

Animum.

Hoc amplius aufugere animum amantibus, ut apud
se non sint, non negabit, nisi qui nunquam amavit;
eique periculum ingens, ne aut senex amet, quo ni-
hil ineptius, aut stultius sit, ut veteri dicitur iacta-
tum. Elegantissime, quanquam in incesto amore Ca-
tullus, laudatus etiam Gellio *Lib. 19. cap. 9.*

*Aufugit mihi animus, credo, ut solet, ad Theotimum
Devenit. Sic est, perfugium illud habet.*

Quid si non interdixem, ne illum fugitivum

Mitteret ad se intro, sed magis eiiceret?

Ibimus quaestum, verum, ne ipsi teneamur,

Formido quid ago? da Venus consilium.

Iram quoque furorem esse, licet brevem, omnibus
notissimum est: facitque, ut irati prae iracundia apud
se non sint. Unde Plato *Lib. 9. de Leg.* quem locum &
supra adduximus, homicidae involuntario comparat
eum, qui per iram repente aliquem occidit. Et apud
Homerum imprudens, invitus occidisse dicitur ille,
qui collusorem iratus occiderat circa talos: eamque
Homeri sententiam expressim Claudius Saturnius pre-
bare videtur in *L. aut facta 16. §. eventus D. de poen.*

Verum his omnibus non obstantibus, firmiter statuendum est, ebrios, amantes, et iratos nequaquam aut infantibus, aut furiosis comparandos. Sunt enim actiones eorum voluntariae, estque principium agendi in ipsis; sciunt etiam circumstantias actionis suae, aut ut maxime ignorent, causa tamen ignorantiae in ipsis deprehenditur. Idque cum ex locis superiore capite adductis, tum imprimis ex 1. *Magn. moral.* Aristotelis c. 34. patet, cuius, verba, quia paucis hanc quaestionem decidunt, huc transcribenda duxi: sunt autem ista, *Quandocunque ignorantia causa est aliquid perpetrandi, id non fit sponte: proinde nec iniuria est. At cum ipse suae ignorantiae causa fuerit, perpetraveritque aliud ex ignorantia, cuius ipse causa fuit, is plane adficit iniuria, et iure accusari poterit: velut in ebriis eveni. Vino namque mersi, si quid mali perpetraverint, iniuriam faciunt, quandoquidem ipsi sibi ignorantiae causa fuerunt. Non enim decuit eos tantum bibere* Hactenus Aristoteles: cuius verbis fortiter occurri potest illis, qui ebrietatis obtentu excusare se solent. Potest et occurri verbis Plautinis in *Trucul.*, philosophi sententiae ita consentaneis, ut tantum non a philosopho poeta mutuo sumsisse videatur. *Non places; in mutum culpam confers, quod nequit loqui:*

Nam vinum, si fabulari posset, se defenderet.

Non vinum hominibus moderari, sed vino homines solent,

Qui quidem probi sunt. Verum qui improbus est, sive subbibit,

Sive adeo caret temeto, tamen ab ingenio est improbus.

Porro licet uterque loquatur de ebrio duntaxat, non de amante, neque de irato, ratio tamen, qua utuntur, ad eosdem pertinet. Neque enim in amoris casces quisquam incidit, nisi desidia laboret, sine qua, ut Naso dixit, perierint tela Cupidinis. Obrepat quidem paulatim amor, taciteque hominis praecordiis se insinuat, sed causa rei in ipsis quaerenda, qui non principiis obstiterunt. Quod agnovit amator comicus in

Mostel., qui adposite iuvenem aedibus novis, ignaviam tempestati, amorem imbri comparat. Quemadmodum, inquit, inquilinus nequam, indiligens, inquinundus, cum tempestas venit, tegulasque confringit, alias reddere non vult; dein imber venit, lavit parietes, perpluunt tigna, putrefacit aer operam fabri: Ita cum invenis immigrat in ingenium suum, venit ignavia, ea tempestas est: ea verecundiam ei deturbat, et virtutis modum; quem si obtegere negligat, pro imbre amor advenit: is usque in pectus permanat, corque permadefacit, ut res, fides, fama, virtus, decusque simul deserant, atque suo pte ingenio amator nequior fiat. Per iram quoque non facile peccabit, nisi qui nimium indulget sibi: ac licet in potestate nostra non sit irasci, tamen moderari irae, et frenum iniicere hominem decet. Ideo enim rationem homini natura dedit, ut imperio suo affectus et appetitum regeret. Quod quidem imperium non *despoticum*, seu herile est quemadmodum in locomotivam, attamen *politicum*, seu civile: quippe non cogimus appetitum, sed persuademus, blandaque regiminis forma ducimus magis quam rapimus. Quod si excusso rationis iugo vincat pudorem libido, timorem audacia, rapiaturque ab equis auriga, in ea re plerunque culpa aurigae arguitur. Quare recte auctor Rhetor ad Heren. *Lib. 2* vinum, amorem, iracundiam coniunxit. *Qui se propter vinum, amorem, iracundiam fugisse rationem dicet, is animi vitio videbitur nescisse, non imprudentia. Quare non imprudentia se defendet, sed culpa contaminabitur.* Dicet aliquis; quid? ergone ordinaria poena adficiendos censes ebrios, iracundos, amantes? Id vero non prorsus dixerim: quippe iam ante docuimus *ex L. perspicendum* 11. *D. de poen.* gravius esse, peccare proposito. levius peccare impetu. Nunc vero ut verbo absolvam quantum ad ebrietatem attinet, non displicet distinctio vulgata, inter ebrios, et ebriosos. Ebrius aliquo mitius puniri potest, quia non proposito sed impetu delinquit, *d. L. 6. 11. §. delinquitur D. de poen.*, *L. 6. §. per vinum D. de re mil.* Ebriosus vero ordinaria poena adficiendus est. Intelligimus

Clar. 5. sent.
§. fin. quæst.
60. n. 11. Go-
mes. 3. re-
sol. 1. v. 73.
Damfoud.
prax. crim.
cap. 84. n. 9
Gail. 2. obs.
110. n. 28.

per ebrios illos, qui non pro more poculis indulgent, sed sorte inebriantur, dum aut suas, aut vini vires ignorant, aut coguntur a protervis et intemperantibus convivis paria cum iisdem facere, Ita enim Noachum nonnulli excusant, quod cum primus vites coluisset, vim viui ignoraret; et luctatorem illum dolosum etiam sobriis interdum hominibus imponere, eosque supplantare, plusquam notum est. Terent in *Eun.*

At at, data hercle verba mihi sunt: vicit vinum, quod bibi:

At dum accubabam, quam videbar mihi esse pulcher sobrius:

Postquam surrexi, neque pes, neque mens satis suum officium facit.

Ebriosi sunt; qui prava potandi consuetudine delectantur: non solum si dies noctibus continuant, sed si vel saepius, licet non quotidie bibant. Quibus illum quoque connumerabimus, qui ceteroquin frugi, eam ipsam ob causam largius bibit, ut Baccho confidentiam addente, audacior in scelus iret. His utrisque adeo non est mitigandum supplicium, ut ex sententia Pittaci, duplici poena plectendos descendere possis: tum quod se inebriaverint, tum quod flagitium per ebrietatem commiserint (6). Quod ad iram attinet, ea si repens sit, similiter levat delictum, non tamen prorsus tollit poenam: remittiturque poena non tam propter iram, quam propter causam, iustumque dolorem, *L. 1. §. ult. D. ad L. Corn. de sicar., L. si adulterium 38. §. Imperator D. ad L. Jul. de adult. L. 3. §. si tamen maritus D. de SC. Silan.* Neque obstat *d. L. 16.*

(6) Quamvis distinctio vulgata inter ebrios et ebriosos minime queat displicere, dubito tamen utram ab ebrios tantum citati textus porrigendi sint. Ebrii siquidem definitio, quam suppledit Auror, eiusmodi est, ut ipsi poenae notio vix ac ne vix quidem applicari queas. Vide quae de ebrios diversae ratione disputarunt clarissimi rei politico-criminalis scriptores Servin et Carrard, neque non ill. Filangieri inter utramque veluti median sententiam Servin *de la Legislat. crimin. liv. 1. art. V. §. 6.*, Carrard *de la Jurispr. crimin. introduc. ad Part. I. num. 2.* Filang. *de la Scienza della Legislaz. lib. 3. Par. III. Cap. 37.*

§. *eventus D. de poen.* non enim loquitur de cæde voluntaria, de qua nos quaerimus, sed de involuntaria: iratus ob talos collusorem percussit, non occidendi animo, et praeter spem occidit: haec involuntaria caedes est. Quantum verum ad amorem is solus prorsus non excusat. Quam enim foret ridiculum, velle ita dicere, vi amoris victus stuprum intuli virgini, rapui vel corrupti alienam matrem familias: effregi aedes, abstuli ancillam domino invito, familiam ad mortem multavi. Verum insunt amoris et alia quaedam criminum irritamenta, nempe iniuriae, ira, inimicitiae, bellum, pax. Ira igitur repente oborta, si quis rivalem occidat, in primis contumelia provocatus; aliquantum subveniri potest, quia propositum absuit: sed si proposito, aut ex insidiis eundem trucidaverit, nihil prorsus ad flectendum iudicis animum amor valere debet, propter rationes iam ante inculcatas.

CAPUT III.

Adversus quos crimina committi possunt.

- | | |
|--|---|
| <p>1. <i>Crimina et iniuriam pati possunt, etiam qui facere non possunt.</i></p> <p>2. <i>Etiam si velint pati.</i></p> <p>3. <i>An volens fiat iniuria?</i></p> <p>4. <i>An in se admittere crimen quis potest?</i></p> | <p>5. <i>An adversus mortuos committi crimen potest?</i></p> <p>6. <i>Quibus casibus contingat, ut invitus quis patiatur, nec tamen crimen sit?</i></p> |
|--|---|

Cum de illis actum sit, qui crimen contrahere possunt non inutile erit, tertio hoc prolegomenon capite inquirere, adversus quos crimina committi possint. Qua parte si breviores fuerimus, quam in praecedentibus, ignoscet, spero aequus lector: quoniam haec quaestio et in libris nostris parcius attingitur, et ex interpretibus iuris, ne unum quidem vidi, qui glaciem istam probe perfregerit. Illud nominatim relatum invenimus, furiosos et infantes, etsi iniuriam facere nequeant, pati tamen posse. Iniuria enim ex affectu fa-

cientis consistit; ac proinde pati potest, qui non sentit. Ita Ulpianus respondit in *L.3. D. de iniur.* Quod responsum, quanquam non in genere de crimine, sed in specie de contumelia loquitur, tamen ad alia quoque crimina produci potest, cum eadem sit utrobique ratio: recteque ita arguemus: Crimina dolo patrantur, et ex affectu delinquentium consistunt: Ergo etiam adversus non sentientes, veluti dormientes, infantes, furiosos committuntur.

Et quod ad infantes, et furiosos attinet, adeo hoc ² verum est, ut licet huiusmodi personae velint aliquam iniuriam sibi fieri, recte tamen dicamus, adhuc iniuriam et crimen esse. Quum enim nec in rebus licitis et honestis aliquid velle credantur, *L. furiosi 40. D. de Reg. Jur.*, qui poterit aliqua eorum voluntas videri, in eligenda sponte iniuria? Totum hoc, quod volunt, ex ignorantia et mentis errore proficiscitur. Volebat, inquis, furiosus caedi? At non volebat secundum voluntatem rectam; imo non poterat hoc velle is, cuius voluntas nulla est: Tu igitur, qui obsecutus es, omnino iniuriarum reus teneris.

Quid ergo si sanæ mentis homo voluerit se caedi, aut de saxo praecipitari, an obsequi crimen est? Est: nam et hoc velle, non ex recta ratione, sed mentis perturbatione proficiscitur. Itaque si corpori suo vim aliquam, aut laesionem inferri velit, is qui rogatur ita cogitet: non esse rogantem dominum membrorum suorum, *L. liber. homo 13. D. ad L. Aquil.* Sin aedes exuri, aut famam et existimationem dilacerari: Expedire reipublicae, ne quis re sua male utatur: a furore non longe abesse eum, qui vivus egestate laborare, aut doloris, nescio cuius, impatientia victus, sinistra rumoribus per urbem differri velit. Huic cogitationi sane etiam sacrae litterae argumentum dicunt. Nam Rex Hebraeorum Saul ultimo eoque infelici adversus Palaestinos praelio, instantibus hostibus, atque undequaque urgentibus turbatior, ab armigero occidi se iussit: armigerum autem non potuisse sine crimine exsequi iussum, eventus docuit. Cum enim palantium non nemo, Amalekita genere, successori Sau-

lis Davidi, regem a se in praelio obtruncatum ementitus esset, David ultimo eum supplicio adfecit, adiecto hoc elogio: *Caedis tuae causa est super caput tuum: nam os tuum testatum est contra te, dicendo: Ego adfeci unctum Jehovae.* 2. Samuel. 1. Sunt tamen, fateor, difficultates non leves, morte quae hanc sententiam atque cogitationem premunt. Poterant enim opponi, quod Ulpianus scribit in *L. 1. §. usque adeo D. de iniur.*, volenti non fieri iniuriam: Usque adeo, inquit, iniuria quae fit liberis nostris, nostrum pudorem pertingit, ut etiamsi volentem filium quis vendiderit, patri suo quidem nomine competat iniuriarum actio; filii vero nomine non competat, quia nulla est iniuria, quae in volentem fit. Idem pluribus confirmat Aristoteles 5. *Eth. 11. cap.*, ubi inter alia hoc utitur argumento: iniuriam inferre, est spontaneum quiddam, et voluntarium: Ergo eius contrarium, nempe iniuriam pati, necesse est esse, quiddam involuntarium. Itaque Glaucus, inquit, permutans aurea arma cum aeneis, nullam a Diomede passus est iniuriam: erat enim in potestate eius dare, non dare. Ex sacris quoque obfici poterat, etsi dominus nemo sit membrorum suorum, nulla tamen fieri iniuriam ei, qui volens caesus est. Nam cum Propheta quidam vulnerari se petisset, ut dissimulata, seu cruore, seu livore, facie, Achabum regem ob dimissum Benhadadum Syrum redargueret, adeo id crimini versum non est, ut etiam qui parere recusarat, a leone discerptus sit 1. *Reg. 20. v. 37.* Ea hac difficultate non uno modo extricare nos possumus. Primo distinguemus, utrum id, quod pati quis vult in eius potestate sit, nec ne. Si in potestate sit, passusque fuerit, nulla iniuria est, nullum crimen contrahit, qui fecerit: Sin minus, contra respondendum. Ex. gr. Aurea arma pro aeneis dare, in nostra est potestate: nam et donare gratis, si libuerit, possumus: nullam igitur Glaucus passus est iniuriam. At vitam deponere, aut membrum abicere in potestate nostra non est: quare ut maxime volentem occideris, erimen tamen non effugies. Hic instabis: vendere se alii, non est in potestate filii fami-

lias: et tamen si id filiusfamilias fecerit, iniuria volenti non intelligitur facta secundum Ulpianum. Respondeo: libero homini licet se alii dare in servitutem: non tamen id licet filiofamilias, ne intervertat ius suum patri: quare ut maxime ipsi filios, aut filios, nomine non competat actio iniuriarum, patri tamen competit: non competitura prorsus, si nulla omnino esset iniuria. Instabis rursum: Caedi, non esse in potestate nostra: tamen prophetam sine crimine caesum. Respondeo, nemini obscurum esse potest, factum id esse speciali Dei iussu et instinctu, nam ideo propheta eum, qui caedere se non sustinuerat, ita castigat: *propterea, quod non ascultavisti voci Iehovae, abeuntem te a me percussurus est leo*. Secundo, cum ipso Aristotele distinguere possumus inter iniusta pati, et iniuriam pati. Iniusta patitur et volens: iniuriam proprie nemo volens. Ad crimen autem et poenam, sufficit quem iniusta passum, ut maxime volens passus sit, si modo atrocius quidpiam sit, quodque non erat in eius potestate. Tertio, separari potest plena et perfecta voluntas, a minus plena. Quod enim mere voluntarium est, id duobus constat, notitia et adpetitu. Praecedit notitia, sequitur adpetitus: quod enim ratio eligendum iudicavit, in id adpetitus fertur. Sed turbatu interdum ratio, adfectusque excusso freno aurigam rapiunt: quocasu si quid turbatus elegerit, non plene id eum voluisse discimus. Iniuria igitur cum volenti non fieri dicitur, de plena et perfecta voluntate id intelligendum: nemo enim iniuriam ita vult; cum voluntaria obiectum secundum philosophos sit bonum: at turbata ratione iniuriam quis velle potest, quique fecerit, crimine non carebit. Ita interdum homines ignominiae, aut doloris impatientia victi, mortem sibi inferri volunt, quam tamen fugiendam dictante ratione norunt: non perfecta haec voluntas est, quae dicit; video meliora, proboque, deteriora sequor.

- 4 Atque ex his intelligere quoque poterimus, quid sit respondendum ad quaestionem alteram, huic proximam, qua quaeritur, an in se, vel adversus se crimen quis admittere possit? Cum enim non omnis, quam

aut facimus, aut patimur, in nostra sint potestate, consequens est, si quid huiusmodi nobis intulerimus quod in potestate non est, id crimen esse. Itaque omnium fere interpretum calculo probatum est, homicidam esse et Lege Cornelia de sicariis teneri, qui sibi violentas manus intulerit, seu occidendi animo se vulneraverit; nam si occiderit, supervacuo quaeremus, an reus legis sit(1). Sed hic iterum nobis opponitur Aristoteles, qui eodem *Lib. 5. Eth. cap. ult.* tradidit, non posse quem sibi iniuriam facere: nam, inquit, aut contra universalem, aut contra particularem iustitiam diceretur sibi iniuriam facere: at contra neutram. Non contra universalem: quia nulla lege vetamur nobismet iniuriam facere. Non contra particularem, quia exercetur haec virtus erga alterum. Ad haec nemo potest simul et agere et pati: in iniuria autem utrumque cernitur, et actio et passio. Postremo inductione specierum id probat: nemo potest sibi furtum facere, sibi rapere, sibi convitium dicere, cum sua uxore adulterium committere etc. Ergo iniuriam sibi facere nemo potest. Quid dicemus? nam et hic distinguemus inter iniuriam facere, et iniusta facere: nemo sibi iniuriam facere potest: potest tamen aliquis iniusta in se admittere? Malo fateri quod res est; nempe, non posse hic summi viri errorem dissimulari, qui perperam existimavit, non posse quumquam sibi iniuriam facere. Idque ut planum fiat, age, primum atque palmarium eius argumentum excutiamus. Ait philosophus: Neque contra universalem, neque contra particularem iustitiam quisquam sibi iniurius esse potest: Huius propositionis posteriorem partem non inviti largiemur: priorem vero utraque manu retinebimus. Peccat imo contra iustitiam universalem, qui se laedit, falsumque est, quod ille asserit, nulla le-

(1) Eum, qui siue causa sibi manus intulit et non perpetravit, puniendum esse aperte tradit Marcianus in L. 3, §. 6, D. de bon. eor. qui ant. sent. etc. ac ideo quod qui sibi non pepercit multo minus aliis pareat. Quae ratio utrum magis speciosa sit, quam solida, alii viderint.

L. 1 C. Tit
de Gl. mill.
app

ge vetitum esse sibi iniuriam inferre: nam cum lex dicit, neminem esse dominum membrorum suorum, cum punit eos qui violentas manus sibi inferunt; aut pollicem sibi praecindunt, ut inutiles militiae sint, nonne vetat iniuriam sibi facere? Quid item, cum infamia notat eos, qui in arenam decedunt, et cum bestiis depungent, aut artem ludricam ostentent, nonne demonstrat, eam rem sibi displicere, tametsi ad alterius iniuriam ea hominis liberi abiectio non pertineat? Occurrit quidem Aristoteles nobis, excipiens adversus hoc argumentum ita: Cum lex vetat quemquam sibi manus violentas inferre, non ideo vetat, ne iniuriam sibi inferat, sed ne reipublicae: spoliatur enim remp. cive, cuius opera tempore necessario potuit uti. Verum haec exceptio nequaquam enervat vim argumenti: non enim haec sola est prohibitionis causa, ne intercipiat reipublicae civem; sed et illa, quod nemo sit dominus membrorum suorum, ut aperte innuit *JC. in d. L. 13. D. ad L. Aquil.*, nec non in *L. 23. §. excipitur et ille D. de aedil. ed.* cum dicit, malum servum creditum esse, qui quid facit, quo magis rebus humanis se extrahat. Vilis alcuius servi opera non est magni in republica pretii, tamen ne hic quidem sine crimine in corpus suum saevit. Quid, quod lex divina adeo id genus iniuriae adversata est, ut etiam vetuerit Hebraeos stigmate, aut compunctionibus quibusdam deformare corpus? Iam de moecheo et scortatore quid dicet philosophus? Adulterat nemo uxorem suam: fautor: sed qui adulterat alienam matremfamilias, qui scortatur, eum iniuriam aliquam corpori suo inferre, ex sacris nos didicimus auctore Apostolo Paulo, qui *1. Cor. 6. v. 18.* ita tradit, *Omne peccatum extra corpus committitur: Scortator vero in proprium corpus peccat.* Atque hoc si de moecheo et scortatore verum, quid de iis qui monstrosa Venere utuntur, fiuntque sine femina mariti? Quis tam impudens, qui audeat dicere legislatori, quod falsissimus, sed idem spurcissimus Poetarum Olo,

Ole, Quid ad te,

De cute quid faciat ille vel ille sua?

Merito igitur masturbatores vetustas eos dixit, quoniam ipsi sibi stuprum inferunt. Quod autem ad illud argumentum, non posse idem circa eandem rem simul agere et pati, id falsum ex ipso Aristotele deprehenditur: notant enim interpretes eius *ex 1. de Anim. cap. 5., et 3. cap. 10.*, affectus animae ab eo inter passiones referri, unde et *ta pathe* Graecis nuncupantur. At affectus cum se produunt, manifestum sit, simul et agere, et pati eundem. Ex gr. Cum quis irascitur, ebullitio illa sanguinis circa cor est passio; at agitatio, qua se iratus commovet ad vindictam, actio. Amanti enim inducitur cor ad amplectendum objectum amabile, utique patitur aliquid; idem cum se commovet ad amplexum, utique agit. Sic igitur, quid vetat autophonium et agere et pati? nam dum ferrum stringit dum in viscera adigit, utique agit: idem dum telum corpore excipit animamque cum sanguine efflat, patitur. Ex quibus omnibus consequitur esse quidem iustitiam eiusmodi virtutem, quae ad alios referatur; sed hoc ita intelligendum, ut primario ad alios referatur, secundario ad nosmetipsos. Plane quemadmodum medicus principaliter alterius causa est: secundario, ut se ipsum curet, si quando aegrotaverit: Et feber primaria, ut aliorum opera perficiat; secundario, ut sua: ita etiam vir iustus.

Sequitur, alia dubitatio, qua ambigitur, an mortuis 5 iniuria inferri, aut crimen adversus eos committi possit? Plato, ut refert Diogenes Laertius in eius vita, iustitiaetria statuit genera: Primum circa Deos, alterum circa homines, tertium circa defunctos versatur. Nam et qui sacra secundum leges faciunt, sacrarumque rerum curam habent, religiosi in Deos, ac pii sunt: Qui vero mutua ac deposita restituumt, iusti erga homines sunt: Qui autem vita functis iusta persolvunt, tertiam illam iustitiae partem exsequuntur. Illic Platonis doctrinae consequens est, fieri iniuriam defunctis, si quis iusta non persolvat: Idque Romani quoque probasse videntur. Iure enim civili cautum est, ut si heres, vel is cuius curae hoc testator iniunxerat, defunctum non funeret, amittat ab eodem relicta tan-

quam indignus, aut de dolo teneatur, aut extra ordinem cogatur, *L. 12. §. funus 4., L. 14. §. si cui fune-
ris D. de relig. et sumt. fun.* Improbis etiam ille dicitur, qui prohibet testatorem funerari ab eo, quem ultimo elogio ipso elegerat, *ead. L. 14. §. Divus Marcus.* Quanto igitur improbius, qui sepulcro aperto ossa eruit, cadavera vexat, spoliatur? ut merito eo nomine constituta sit extraordinaria accusatio sepulcri violati. Sed et iniuriarum actio ob contumeliam cadaveri illatam competit heredi, vel bonorum possessori. Ulpianus in *L. 1. §. etsi forte D. de iniur. Etsi forte cadaveri defuncti fit iniuria, cui heredes, bonorumve possessores existimus, iniuriarum nostro nomine habemus actionem: spectat enim ad existimationem nostram, si qua ei fiat iniuria. Idemque etsi fama eius, cui heredes existimus, lacessatur.* Paulus in *L. 27. D. de od., Si statua patristui, in monumento posita, saxis caesa est, sepulcri violati agi non posse, iniuriarum posse La-
beo scribit.* Atque hoc, quod de iniuriarum actione dicimus, adeo verum est, ut, etsi in alienum mortuus illatus sit sine domini consensu, dominus tamen loci iniuriarum teneatur, si absque Pontificis permissu ossa ciecerit, *L. ossa 8. D. de relig. et sumt. fun.* Quod si quis hic iterum nobis obiciat philosophi auctoritatem dicentis, iniuriam invito fieri, per consequens non posse fieri mortuis, qui nil sentiunt: necesse est respondemus, aut strictius ab eo verbum iniuriæ usurpatum, aut proprie iniuriam non esse, iuris tamen interpretatione pro iniuria haberi: aut autemque sit, nostris potius auctoribus fidem habebimus, qui aperte scribunt, iniuriam fieri etiam non sentientibus *L. 3. D. de iniur.*

- 6 Nunc illud adiciamus contingere etiam, ut licet maxime patiat quis invitus, crimen tamen adversus eum committatur nullum: quod sit cum lex nos armat, publicaeque devotionis vindictam privatis permittit. Furem enim nocturnum in agris, obsessorem viarum desertorem militiae et transfugam occidere cuicumque permittit, *L. 1. et 2. C. Quand. lic. unic. sin. iud. se vind., vel publ. devot. L. 3. §. ult. D. ad L. Corn. de sie.*

Et licet vis omni iure prohibita sit, etiam antiquissima XII. Tab. Lege, cuius fragmentum circumfertur eiusmodi, *VIS A POPULO ABESTO*: privata tamen auctoritateprehendere licet adulterum, *L. capite quinto 25. D. ad L. Jul. de adult.* Prehendere etiam licet debitorem fugientem, eique extorquere nummos. *L. ait praetor §. si debitorem 16: L. pen. D. Quae in fraud. cred.* in his et similibus speciebus utique in vitus patitur; tamen siue crimine. Verum qua aequitate, aut ratione id constet, indagandum est. Existimo recta ratione id fieri, ut publicae utilitatis causa privatis permittatur eiusmodi aliquid, quod poene vice fungi potest: Sed si quod permittitur eiusmodi sit, ut poene locum subire haud queat, vix est, ut honeste privatis concedi possit. E. g. Caedere hominem, et poena esse potest, et crimen: recte ergo privato permittitur transfugam et desertorem militiae occidere: ne dum legum auxilium expectare volumus, elapsus ille hostium potiatur. At adulterium crimen esse potest: poena esse non potest: nemo igitur honeste ita punire reum potest, ut cuicumque ex populo uxorem eius adulterare liceat. Idemque de stupro; falso, aliisque similibus criminibus iudicium esto. His ergo constitutis, videamus, rectenae Praetor edixerit, si quis eum, apud quem alea luum esse dicitur, verberaverit, damnumve dederit, sive quid eo tempore dolo malo subtraxerit, iudicium se non daturum; *L. 1, de aleat?* Poterat quis existimare non recte; nam furtum, cum clam fiat atque obscure, videtur eiusmodi crimen esse, quod poenae vicem exple-re non possit: pulsare, damnum dare, fateor poenae loco esse possunt: nam et Magistratus verberant, et damno pecuniario reos multant: verumtamen alia est ratio latronum, desertorum, transfugarum; alia susceptoris aleatorum: illos publicae vindictae causa occidere, permittitur, quia melius est in tempore occurrere, quam post exitum vindicare: ob hoc nullum periculum, ne publicae vindictae se subducatur. Cumque potuerit Praetor actione aliqua poenali hominem coercere, aut remittere ad Praefectum urbi punien-

Vid. Quint.
decl. 265.
Gomrs. l.
Taur. 76. n.
5.

dum, cur maluit coercitionis genus eiusmodi eligere, quod captionis atque calumniae plenum est? Cicero sane inter alia multa hoc quoque exprobrat Verri 3. *Verr.*, quod in iudicem quemdam Centuripsum edixisset, si quis eum pulsasset, sese iudicium iniuriarum non daturum: nam verbo, inquit, permittebat Verres: re hortabatur, ut pulsaretur. Id ipsum autem hortari quid aliud, quam caussam rixis atque pugnis in civitate praebere? Atque hoc nomine et Plato reprehendi poterat, qui in *Lib. de Leg.* novuullos ita punit, ut impune a quovis caedi voluerit. Nam *Libro 6.* impune caedi permisit curatorem agri, qui a convivio publico uno die nocteve abfuerit, aut alibi ederet: Eodem permittit impune caedere eum, qui praeter legis voluntatem nuptiis, aut liberis procreandis operam dare conatus fuerit: *Libro 7.* eum qui aliter, quam constitutum sit, hymnis choreisque in Deorum sacris usus fuerit. De Alexandro Severo memorat Lampridius in eius vita, in animo eum habuisse omnibus officiis genus vestium proprium dare, et omnibus dignitatibus, ut a vestitu dignoscerentur: sed dissuasisse Ulpianum Paulumque dicentes, plurimum rixarum fore, si faciles essent homines ad iniurias. Hoc si recte Ulpianus Paulusque de constitutione sumptuaria, longe profecto rectius de Edicto Praetoris usurpari poterat. Scio, obtenditure vilitas personarum, esse nimirum cives nonnullos ita viles, ut infra leges, legumque beneficiis indigni censeantur, arg: *L. quae adulterium 29. C. ad L. Jul. de adult.* Idque vel ex decreto Q. Metelli Praetoris urbani posse intelligi, qui Vecillio lenoni bonorum Juventii possessionem secundum tabulas denegavit. Quod decretum defensurus Valerius *Lib. 7. cap. 7.* ita disserit: *Existimavit vir nobilissimus et gravissimus, fori ac lupanaris separandam conditionem: Nec aut factum illius comprobare voluit, qui fortunas suas in stabulum contaminatum proiecerat: aut huic tanquam integro civi iura reddere, qui se ab omni honesto vitae genere abruperat.* Consimili ratione cum Genucius quidam, Matris Magnae Gallus, a Cn. Oreste Praetore urbis, bono-

Quintil. decl.
385.

rum possessionem secundum tabulas impetrasset, MamerCUS Aemilius Lepidus Consul decretum Praetoris rescidit, ne obscoena Genucii praesentia inquinata-
que voce tribunalia Magistratuum sub specie petiti
iuris polluerentur. Quantulum autem interest, si vi-
tae vilitatem species, inter lenonem, et cauponem?
inter gallum Cybeles, et susceptorem aleatorum?
Haec, inquàm, obtendi posse, satis comperitum ha-
beo: verumtamen parum aut nihil ad excusandum
peccatum quod arguimus, cum plurimum intersit in-
ter haec decreta, et Edictum Praetoris de aleatoribus,
Decretis hisce non damno atque iniuria affecti sunt
leno atque gallus, sed lucro dumtaxat indigni indi-
cati: at Edicto Praetoris invitantur homines ad furta,
damna, iniurias inferendas, promissa delictorum im-
punitate: quod exemplo perniciosum esse, nemo non
videt. Denique ut maxime digni videantur damnis
atque iniuriis, qui lustrum aleatoribus praebent, nos
tamen indigni, qui aut faciamus, aut invitemus: nam
et meretrix digna, quae iniuriam patiatur: at quam
sapienter, quam eleganter comica, cuius propterea
verbis concludo:

Non te dignum Chaerea

Fecisti: nam si ego digna hac contumelia

Sum maxime, at tu indignus, qui faceres tamen.

CAP. IV.

De Divisionibus Criminum.

- | | |
|---|---|
| <ol style="list-style-type: none"> 1. <i>Crimina vel committendo vel omittendo contrahuntur.</i> 2. <i>Sunt vel graviora, vel leviora.</i> 3. <i>An ex poena aestimandum, grave sit, ne?</i> 4. <i>Rectene PP. criminibus levioribus adnumerent adulterium.</i> 5. <i>Sunt vel capitalia, vel nec capitalia.</i> 6. <i>Sunt vel communia, vel propria certo hominum generi.</i> 7. <i>Sunt vel extraordinaria, vel publica.</i> 8. <i>Quae sit huius divisionis ratio, contra Gomesium.</i> | <ol style="list-style-type: none"> 9. <i>Quae opponi possunt huic divisioni, solvuntur.</i> 10. <i>An possunt poenae et quatenus arbitrio Iudicis relinqui?</i> 11. <i>Quousque se extendat potestas Iudicis in infligendis poenis.</i> 12. <i>Divisio extraordinariorum criminum reiecta.</i> 13. <i>Reiecta divisio criminum in nominata et innominata.</i> 14. <i>De criminibus exceptis et non exceptis.</i> 15. <i>De criminibus notoriis atque occultis.</i> |
|---|---|

Postquam de personis egimus, quae vel inferre, vel pati crimina possunt, ad divisiones eorum discendamus: quibus propositis recta pronaque via ad enumerationem specierum deducemur. Divisiones criminum plures occurrunt, quarum aliae ex verbis legum nascuntur, aliae eliciuntur ex mente et sententia.

- I Nobis prima haec esto: Crimina vel committendo vel omittendo contrahuntur. Committendo quidem pleraque: non desunt tamen, quae ex omissione et negligentia consistunt, quorum exempla si quis requirat, memorare ex iure possumus sequentia: Servus, cum posset, dominum non defendit ex Senatusconsulto Silaniano ultimo supplicio addicitur, *L. 1. §. quod si quis, L. 2. D. de SC. Silan.* Dominus cum posset, servum non prohibuit, in solidum obligatur delicto servi, *L. scientiam 45. D. ad L. Aquil., L. 9. D. de nox. act., L. 4. C. eod., L. 1. §. 1. D. Si famil. furt. fecis. dic.* Frater non detexit insidias, quas frater struebat vitae patris, ob eam rem relegatur, *L. 2. D. ad L. Pomp. de parric.* Miles, cum posset, praepositum suum non protexit, perinde punitur, ac si manu sua occidisset, *L. omne §. pen. D. de*

re milit. Putator, ex arbore ramum deiiciens non proclamavit, non quidem poena legis Corneliae, extra; ordinem tamen punitur, *L. 7. et ib. not. D. ad L. Corn. de sicar.* Prohibere quis potuit, ne nummi adulterarentur, nec prohibuit; subiicitur poenae Legis Corneliae de falsis, *L. 9. §. 1. D. ad L. Corn. de fals.* Adiciunt interpretes et ista: Si lictor, cum posset, maleficum non adprehenderit: Si eclicus per socordiam, gratiam, aut sordes, hominem nocentem non accusaverit etc. Verum superioribus contenti esse poterimus: satis enim superque confirmant, etiam omitendo crimen contrahi. Illud videamus, ne divisio proposita impingat in definitionem criminis, quā diximus supra *cap. 1.* Crimen gravius esse peccatum, quod dolo contrahitur: omittere autem aliquid non dolus, sed negligentia est. Respondeo; non sunt verba captanda, sed animadvertendum quid, et qua mente quidque dictum fuerit: non enim diximus, dolo tantum crimen contrahi, sed praecipue dolo, contrahi tamen et culpa. Illud veri et consummati sceleris poenam mereri: hoc mitius extra ordinem puniri. Adhaec falsum est, omissionem a negligentia proficisci: potest etiam proficisci a dolo. Quid enim, nonne servus dolo quiescere potest, atque obdurare aures adversus clamorem domini opem implorantis? Nonne filius scelesti consilio reticere potest insidias patri structas, aut civis coniurationem adversus Principem vel senatores eius? Perspicuum igitur, tam dolo, quam culpa omitti posse, quod factum inre oportuit.

Secunda criminum divisio est: Crimina sunt vel ² graviora vel leviora. Quarum specierum definitionem multi iudicis arbitrio relinquunt: nos vero, qui discentibus praecipimus, ne inanes eos dimisisse videamur, ita distinguamus. Crimen aut natura sua grave est, aut circumstantibus exaggeratur. Quae natura sua gravia sunt, in his nihil potest arbitrium iudicis: at in illis, quae circumstantibus gravantur, potest plurimum (1). Natura dicitur graviora esse, quae dolo ad-

Menoeh. de
arb. iud. Cas.
228. Varin.
quaest. 18 n.
61.

(1) Etiam circumstantiae, quibus crimen vel exaggeratur vel eius

mittuntur, quam quae culpa: nec ulla tanta culpa reperiri potest, quae dolo gravior possit videri. Dicta etiam naturalis ratio, eo gravius unumquodque admissum esse, quo gravius aut divina maiestas, aut honestas, aut utilitas reipublicae per id offenditur. Huiusmodi sunt crimen maiestatis, caedes, adulterium, incestus, raptus sacrilegium, violatio sepulcri, adulteratio monetae. Reliqua fere leviora existimantur. Et esse modo enumerata graviora; inde quoque elucescit, quod abolitio publica, quae ad leviora crimina pertinet, reis istorum criminum non prosit, *L. si interveniente 12. D. ad SC. Turpil.*, *L. 1. C. de gener. abol.*, *L. 3. 4. et 5. C. Theod. de indulg.*, *L. 5. C. de episc. aud.*; quodque *ex Nov. 17. cap. 7.* immunitate Ecclesiae non defendantur homicidae, adulteri, raptores, si ad eam tanquam ad asylum confugerint. Circumstantiae autem quae sint, quae crimen leve efficiant grave, diligenter exsequuti sumus *tit. de poen.*, repetique posunt *ex L. aut facta 16. D. de poen.* Uno alterove exemplo in praesentiarum id demonstrasse satis erit. Convitium alicui dicere non valde grave est, *L. 4. de iniur.*: at grave facit crimen persona, si servus domino; libertus patrono, civis Magistratui convitium dixerit. Grave facit locus, si id factum sit in foro, in conspectu Praetoris: tempus, si dum sacris vacat, aut publicae laetitiae dies est. Furtum non admodum atrox crimen est; sed exagerrat crimen rei qualitas, veluti si rem sacram, aut publicam, aut vestimenta argenti, aut cibum esurienti abstuleris. Locus, si rem profanam e loco sacro, aut vestimenta lavantium e balneis tuleris. Tempus si die sacra, aut ludis publicis, aut saepius et diu saeculariam feceris.

3 Modus, si cum armis, perfosso pariete, fractisque serris. In his omnibus diiudicandis prudentia iudicis opus. Sed pergunt interpretes, atque etiam criminis qualitatem ex poena diiudicandam censent; ut grave sit crimen, quod exquisitiore supplicio vindicatur: leve,

qualitas immutatur, non iudicis arbitrio, sed legibus definiendae sunt, et singulis aequa poena statuenda.

quod levius punitur. Hac nota non fallitur cupidus discentis animus, si poenas iusta proportionem constitutas fingamus: sed quid si proportio recta observata non sit a legumlatoribus, nonne praesens captio erit? Exempli gratia, veteres saxonum leges *tit. 4.* capite puniri iubent eum, qui caballum furatus fuerit; at qui nobilem vel litum occiderit, aere potius, quam vita multant, *tit. 2.* Quis dixerit propterea, gravius esse furari caballum, quam occidere hominem? Constitutiones Siciliae *Lib. 3. tit. 40.* adulterinam monetam scienter accipientibus capitis poenam irrogant: eadem *tit. 43.* adulteros et adulteras non ut olim gladio, sed confiscatione, nasi truncatione, flagellatione coercent. Quis sustinuerit propterea affirmare, gravius esse falsam monetam accipere, quam adulterium committere? Constitutio Iustiniani 134. *cap. 10.* adulterum gladio punit, mulierem virgis caesam in monasterium detrudit: num igitur quisquam ausit defendere, levius adulteras, quam adulteros peccare? Et hodie cum sicarii gladio, fures laqueo puniuntur (est autem lenior gladius, nec mollius moriuntur homines, quam resecta cervice), nemo propterea dicat furtum caede gravius esse: suntque ridiculi, qui ut propositam de poenis notam adstruerent, id scribere non sunt veriti. Denique cum hodie sicarii gladio, adulteri aere multantur, nemo recta ratione praeditus propterea disputet, levius esse adulterii crimen.

Scio Alexander III. Pontifex in c. *etsi clerici de iud.* minus crimen adulterium vocat: *De adulteriis*, inquit, *et aliis criminibus, quae sunt minora, potest episcopus cum clericis, post peractam poenitentiam, dispensare:* Verum quis sententiae tam impiae, tam impudenti adstipuletur? Quam multa hic concurrunt: quibus magnitudo sceleris ostenditur! violatio divini humanique iuris, corruptela morum, foeda seminum confusio, suppositio spuriorum, incertae in republica familiae. Quanto rectius, quam hi Apostolorum successores et Christi vicarii, gentilis sapientiae princeps Plato, qui *Lib. 8. de Legib.* ita scribit: *Non oportet cives nostros avibus multisque aliis belluis deterio-*

res esse: per multos enim greges ipsarum videmus integre atque caste, antequam procreandi tempus adveniret, vivere: ubi vero in eam aetatem venerint, mas feminae, et femina mari coniunctae, sancteque in prima perseverantes amicitia, reliquam peragunt vitam. Vidit nempe Plato ita adulterium naturam probrum esse, ut bellis multis deteriores sint adulteri: qui ergo leve id crimen Christianis potuit videri? Quid porro respondebunt, ubi ad leges divinas adspexerint, quibus absque ulla conniventia tam adulter, quam adultera morti mancipari iubentur? Iam quam pulchre sibi constant, dum in Decreto 32. quæst. 7. Pseudo-Clementem suum ita inducunt loquentem: Quid in omnibus peccatis adulterio gravius? Secundum namque in poenis obtinet locum quoniam quidem primum illi habent, qui aberrant a Deo, etiamsi sobrie vixerint. Isidorum quoque in Lib. de sum. bon. Inter cetera septem vitia, vitium fornicationis maximum scelus est quia per carnis immunitatem templum

Dei violat, et tollens membrum Christi facit membrum meretricis. Sunt autem quaedam, quae sicut animalia absque ulla discretionis indesinenter libidini serviunt: quas ego nec iuvetis pecoribus comparaverim, pecora enim, cum conceperint, ultra non indulgent maribus copiam sui. Qui in verba Pontificum iuraverunt, eorum alii ita respondent: in epistola Clementis verbum gravius usurpatum esse pro communius: alii Alexandrum in d. c. etsi clerici respexisse ad usum, quo adulteria propter frequentiam mitius puniuntur. Utraque responsio quam quadret verbis, etiam dupondius iuris auditor facile animadvertet. Ac si malumus fac-

Rob. 1. rer. iud. 6. Vide Farin. quæst. 136. cap. 5. Mascar. vol. 1. de prob. concl. 50. n. 16. Glos. in c. absit 11. q. 3.

teri quod res est, sanctissimi Patres nimis indulserunt ei vitio, in quod maxime se proclives sentiebant. Hi nimirum illi fructus interdicti clericis matrimonii, ut quidem de illo grege ausi sint scribere, in clericum amplexantem mulierem, nullam cadere turpitudinis suspicionem: quia videri ei benedicere. Alii Clericum adulterantem alterius uxorem minus peccare, quam maritum laicum coeuntem cum soluta. Alii, minus peccare clericum, si multas domi meretrices alat, quam

Abb. in c. ut clericorum. n. 6. de vit. et honest. cler. Card. Camp. apud Steid. com. lib. 4. Decian. 2. crim. 34. n. 9. et 6. cap. 85. n. 22.

nunicam ducat uxorem. Alii, non valere statutum, poenam concubinis clericorum imponens, quia per hoc facile infamarentur calumniose clerici. Eum, qui clericum obsidet in domo meretricis, populoque conspiciendum exhibet, excommunicatum. Infinita denique huius generis sunt, quae cum legis, merito exclames cum Poeta,

Ego te ceventum Sexte verbor (2)?

Tertia divisio Crimina vel capitalia sunt: vel nec capitalia. Capitalia, quorum poena mors est, aut libertatis, aut civitatis amissio. Nec capitalia, ex quibus reus salvo capite, circa bona exitimationemque plectitur, aut aliquam corporis coercionem sustinet. *L. 2. D. de publ. iud. §. Publicorum Inst. eod., L. 6. §. ult. et LL. seqq., L. 28. D. de poen.* et licet capitalis latine loquentibus, omnis caussa existimationis videri possit, quippe cum fama et vita aequiparentur, *L. isti quidem 8. §. quod si dederit D. Quod met. caus., L. iusta 9. D. de man. vind.,* proprie tamen appellatio capitalis, mortis vel amissionis civitatis intelligenda est, *L. licet 103. D. de V. S.* Quamobrem prudenter admodum Cicero, iudicia privata, quae infamiam damnato irrogant, non capis esse dixit, sed pene capitis *in orat pro Q. Roscio Comoedo. Privata iudicia*, inquit, *summae existimationis, et pene capitis tria haec sunt, Fiduciae, Tutelae, Societatis.* Verum de hac divisione pluribus nunc non agemus: distinctius et per partes intelligitur ex iis, quae de poenis capitalibus, et nec capitalibus dicemus *Tit. de poen.*

Quarta. Crimen vel commune est, vel proprium. Commune, quod ab omnibus admitti potest, veluti adulterium, caedes, parricidium, peculatum, et cetera, de quibus duobus his Pandectarum libris agere constituimus. Proprium, quod a certo duntaxat hominum genere. Huiusmodi sunt delicta militum, et clericorum. Crimen militare est quod quis admittit,

(2) Causam Pontificis adversus Auctorem et Cuiasum ab obiectis vindicarunt prae ceteris laus a Costa et Gonzalez in *Commenc.* ad cit. *Cap. de Iudic.*

Clar 5. sen.
S. i. n. 7
Furin quae.
8. n. 133:

qua miles: veluti si emanerit, si deseruerit stationem, excesserit agmine, tenuerit vicem centurionis castigare se volentis. *L. 2., L. 3., et passim D. de re milit.* Clericorum crimina sunt, quae admittunt quae clerici, contra sacros canones, veluti, si quis pecunia ambierit clericatum, si contumax fuerit adversus episcopum, si sacra parum reverenter ad ministraverit etc. Interpretes vero Pontificii, non contenti hac divisione multo liberalius tribunt crimina intuitu clericorum ita: Crimen est vel ecclesiasticum, vel seculare, vel commune. Ecclesiasticum, cuius cognitio ad Ecclesiam pertinet, etiamsi admissum sit a laico, haeresis, et simonia. Seculare de quo, si a laico committatur, cognoscit iudex tantum secularis, velut homicidium, parricidium, furtum, et similia. Commune de quo a laico commissio uterque iudex cognoscit, tam secularis, quam ecclesiasticus, ut adulterium, concubinatus, sodomia, sacrilegium, sortilegium, crimen usurarum. Magno profecto Legum Principumque ludibrio, dum aut crimina, quae non poterant sine manifesta calumnia sibi solis vindicare, calloido commento mixta dixerunt, aut constitutionibus divinis humanisque conculcatis, clericum iurisdictioni magistratum subdixerunt. Nam iure quidem divino omnia anima potestati seculari subiicitur, ut a Theologis nostris satis superque demonstratum est: iure autem civili privilegium fori clericis in civilibus duntaxat causis tributum est. Nam cum olim clerici in provinciis apud Praesidem, in urbe apud Praefectum praetorio convenirentur; apud episcopum vero non nisi actore volente, *L. omnes 33. C. de episc. et cler., L. decernimus 13. C. de episc. aud.* Imperator Iustinianus constituit *Nov. 83. et 123. cap. 21.*, ut pecuniaria actione conveniantur coram episcopo, qui litem finiat celeriter, et sine scriptura solemnii. Episcopus si nolit, aut nequeat iudicare, litem peragi iussit apud iudicem civilem. Quod si crimen in quaestione vertatur, siquidem proprium clerici, episcopi voluit esse disceptationem: sin commune a iudice civili disceptari praecipit intra duos menses: ita tamen, ut de dam-

nato non ante supplicium sumatur, quam, regradatus, vel ut vulgo loquuntur, degradatus fuerit ab episcopo. Ita Iustinianus (3): Quid contra Pontifices? tanta in eis fuit humilitas atque modestia, ut uti beneficio Imperatoris non sustinuerint. Imo servus ille servorum Dei, non modo prorsus exemit tonsam gregem iurisdictione magistratum, sed et magna vi privilegio fori uti coegit, ablata penitus renuntiandi potestate: se vero a nemine iudicare posse asseruit, quia spiritualis a nemine iudicatur, ipse autem iudicat omnia, c. unam sanctam Extrav. de maior. et obed., c. si diligenti etc. significasti de for. comp. et. Enim vero iam pridem vera rerum vocabula amisimus: si servus servorum summus est, nulliusque iurisdictioni obnoxius: si utroque gladio armatus; atque tanquam sol lunam, ita Papa despicit Imperatorem.

Quinta. Crimen omne vel extraordinarium est, vel publicum. Extraordinarium est, quod extra ordinem accusatur, poena arbitrio iudicis irroganda, L. ult. D. de priv. del., L. ult. D. de furt., L. ult. D. de iniur., §. in summa Inst., eod., L. 3. D. expil. hered., L. 1. §. 1. D. de effract., L. 3. D. ad SC. Turpil., L. 1. §. ult., L. hodie 13. D. de poen. Vocatur etiam crimen non legitimum: quia nec legem, nec formulam, nec poenam certam habet, L. 3. §. poena D. Stellion. Publicum omne legitimum, et legem, formulam, poenam certas habuit, L. 1., L. ordo 8. D. de publ. iud., L. 1. §. quorum D. ad SC. Turpil., L. aliud fraus est 131. §. 1. D. de V. S. Vocatur et privatum, d. L. 1. §. ult. de poen. d. L. 3. ad 3. SC. Turpil. L. 3. de extr. crim., quia ius accusandi non cuivis e populo, sed iis duntaxat competit. ad quos ea res vel iniuria pertinet, d. L. 3. D. de extr. crim., L. 2. D. de concus. L. 2. D. de abig. L. 3. D. de praevar. L. ult. D. de furt., L. 1. C. de crim. stellion., L. 4. D. de expil. hered., L. 4. C. eod. Publicum cuivis e populo accusare licet, §. 1. Inst. de

7
Conf. Decia.
5. crim. 2.

Duar. 1. disp.
ann. 37. Gu-
iac. 8. obs.
33. Gomes.
3. res. 3. n. 9.

(3) Ita equidem statuit Iustinianus in Nov. 83., sed postea in Nov. 123. Cap. 21, quam Auctor memorat, non expressa sententia, novam de ea re tulit legem.

publ. iud., *L. si plures* 16. *D. de accusat.*, *L. quamvis* 30. *C. ad L. Iul. de adult.* eaque re etiamnum hodie a publicis extraordinaria distare videntur, formulis publicorum iamdudum sublatis; nec durante legum poena, *d. L. ordo* 3. *de D. publ. iud. d. L. 1. et 13. D. de poen.* (4).

- 8 Quod si causam rogemus, cur placuerit legumlatoribus alia quidem crimina publica, alia privata esse, et in primis, cur furtum atque iniuriam placuerit privata crimina esse, cum per ea non minus societas civilis violetur, quam per homicidium, falsum, violentiam etc. Respondabit nobis Gomesius, ideo placuisse, ne, si extraneis quoque liceret accusare furtum vel iniuriam, praeiudicium fieret actioni civili, quae iis datur, ad quos iniuria pertinet: non enim posse simul et accusationem, et actionem institui, *L. un. C. Quand. civil. act. crim. praeiud.* Atque huic rationi palmam tribuit, et a se primum inventam gloriatur. Verum prorsus non est, cur in hoc commento se efferat, nam quod autumat publicam accusationem cum civili actione concurrere non posse, id falsum est, et perspicue refellitur per *d. L. un. C. Quand. civ. act. crim. praeiud.*, ubi et in specie dicitur de furto, posse publicum iudicium Legis Fabiae concurrere cum actione furti; et in *L. 23. §. si dolo D. ad L. Aquil.* posse concurrere cum Lege Aquilia Legem Corneliam, nec alteri per alteram fileri debere praeiudicium: frustra

Gomes. d.
cap. 1. n. 11.

(4) Si ratio habeatur ad titulos digestorum expositos in libris 47. et 48., manifesta res est in iis delicta privata ab extraordinariis criminibus distingui. Delicta privata sunt quibus quis privatim laeditur facto a tercio, et ex quibus actio ordinaria competit ei ad quem ea res pertinet. Crimina extraordinaria vocari placuit eo quod ex his nec ulla ordinaria actio, ut ex delictis privatis, nec ullum publicum iudicium proditum sit; verum de his criminales et extraordinariae cognitiones habeantur, quorum nulla formula, nulla certa poena. Etenus autem et haec crimina in nonnullis iuris locis vocantur privata, quatenus in plerisque extraordinariis cognitionibus admissi ad accusandum ii tantum fuerint, quorum intererat. Fatendum tamen in quibusdam ex illis cognitionibus, quae ad statutum Reipublicae pertinerent, quoslibet ad accusandum admissos fuisse.

ergo timuit Gomesius, ne ab extraneis praeiudicaretur iis, ad quos iniuria pertinet. In primis cum in publicis quoque iudiciis ita comparatum sit, ut si plures accusare velint, ii quorum interest, ceteris paribus, praeferantur extraneis, *L. si pluries 16. D. de accusat.* Quare rectius mea quidem sententia, respon- Ascon. Verr. debimus ita; ideo de furto, atque iniuriis publicum iudicium non competere quod nulla lex sit, quae nominatim haec crimina publica fecerit: ad id enim speciali lege opus est, *L. 1. D. de publ. iud.* Fecerunt autem leges publica illa, quae aut adversus rem publicam sunt commissa, aut quae populus Rom. perinde habuit, ac si essent adversus rem publicam commissa. Prioris generis sunt, crimen maiestatis, peculatus, ambitus repetundarum, vis publica, fraudatae annonae: posterioris, caedes, parricidium, veneficium, falsum, adulterium, vis privata, plagium: Quae licet directe aversus remp. non committantur, tamen quia ad vitam et libertatem civium pertinent, publicis adiecta sunt, ut non Magistratum, sed populi cognitio esset, qui legibus latis quaestiones, earumque iudices constituebat. Furtum autem et contumelia etsi violent etiam civium inter se societatem, minor tamen in his iniuria deprehenditur.

Videamus, ne quo vitio laboret proposita divisio: duo enim sunt, quae a curiosis opponi poterant. 9 Primum est, non videri species oppositas satis a se invicem dissidere, eo quod quaedam crimina, et publica sint, et privata: Oppositio autem specierum eiusmodi esse debet, ut in eodem subiecto coniungi non possint. Nam si quis instrumenta sua prodita esse dicat, et extraordinarium crimen est, *L. 8. D. de extr. crim.*, et publicum, falsi nimirum species, *L. 1. §. is qui deposita D. ad L. Cornel. de fals.* Similiter, si quis stateris adulterinis, aut mensuris usus fuerit, *L. annonam 6. §. 1. et 2. D. de extr. crim. L. pen. §. 1. D. ad L. Corn. de fals.* Si quis annonam vexet, et extra ordinem punitur, et Lege Iulia de annonae, *d. L. 6. pr. L. 2. D. ad L. Jul. de annon.* Si quis terrorem incutiat, pecuniae alicuius vel rei extorquendae causa, et

De Crim. Tom. I. 5

privato concussionis, et publico falsi iudicio accusari potest. *L. 2. D. de concuss., L. 1. pr. et §. 1. D. ad L. Corn. de fals.* Si quis sepulcrum violet, et sepulcri violati, et illa parte Legis Iuliae de vi arguetur, qua cautum, ne quis faciat, quo minus aliquis sepeliatur, funereturve *L. 8. D. de sepul. viol.;* quin etiam Lege Iulia sacrilegii, arg. *L. 5. C. eod.* Si quis filium familias auferat, et furti tenetur et Lege Fabia de plagiaris, §. *interdum g. Inst. de obl. quae ex del. nasc. L. 1. et seqq. D. ad L. Fab. de plag.* Si quis servum alienum dolo occiderit, et Lege Aquilia, et Lege Cornelia, §. *liberum Inst. de L. Aquil., L. inde Neratius 23. §. si dolo D. eod.* Si quis aedes vel horrea effregerit, cum extra ordinem, tum Lege Iulia de vi quaeri in reum poterit, *L. 1. et 2. de effract. et expil., L. pen. D. ad L. Jul. de vi publ.* Plura denique huius generis exempla diligenter lector observare posset: de quibus quid dicemus? Equidem fatebimur, non raro id contingere, ut eadem facti species, et privato iudicio coerceatur, et ad aliquam publicorum legem referri queat: sed negabimus esse propterea publica crimina cum privatis commixta atque confusa. Non enim si qui instrumenta aliena prodidit, et extra ordinem, et Lege Cornelia reus fieri potest, id circo in universum falsi crimen, et publicum, et extraordinarium est: nec si effractor et ad privatam coërcitionem, et ad publicam pertinet, idcirco violentia omnis et publicum et privatum crimen est: idemque de reliquis iudicium esto. Oppositio enim propositarum specierum ut elucescat, non minimi articuli spectandi, sed in universum aestimandae sunt. Exempli gratia: Furtum privatum crimen est, et ita quidem privatum, ut non possit simul dici publicum: licet illa species furti, quaecumque effractione facta est, etiam ad Legem Iuliam pertineat. Violentia, seu vis publicum crimen est, suntque praeque eius species ita comparatae, ut privato iudicio minime vindicentur: si tamen vis privato facta fuerit rei extorquendae, auferendae causa, ea vis et privato iudicio coerceatur. Falsum in universum aestimanti publicum crimen est, quaedam tamen eius spe-

ales extra ordinem quoque accusantur. Iam crimen maiestatis ita publicum, ut vix aliquo casu videatur privato posse coniungi: crimen ambitus, et residuorum similiter: manifesta igitur in divisione membrorum oppositio. Fundus autem atque auctor huius responsionis si quaeratur, Macrum adducere possumus in *L. 2. D. de concuss.*, qui de crimine concussionis in eundem plane modum disserere videatur. *Concussionis iudicium*, inquit, *publicum non est. Sed si ideo pecuniam quis accepit, quod crimen minatus sit, potest iudicium publicum esse ex Senatusconsultis, quibus poena legis Corneliae teneri iubentur, qui in accusationem innocentium coierint, qui ve ob accusandum, vel non accusandum, denuntiandum, vel non denuntiandum testimonium, pecuniam acceperint.*

Alterum propositae divisionis vitium videri poterat, quod extraordinariis criminibus poenas extra ordinem arbitrio iudicis irrogari diximus; id enim non recte dictum duobus argumentis ostenditur. Primo, quod in illis quoque titulis, quibus extraordinaria crimina tractantur, poenas expressas legamus: non possint ergo in arbitrio iudicantium esse, quae legibus infligantur. Secundo, quod non sit ex usu reipublicae, poenas in arbitrio iudicis collocari: si satis res meticulosa est, ire ad iudicem, etiam cum facti solum quaestio in arbitrio eius est: quid futurum, si ius quoque potestati eius subiiciatur? Ita leges scribi sapientes iubent, ut quam minimum relinquatur iudicium libidini. Respondeo ad primum: Extraordinariorum criminum certae poenae certis legibus definitae non sunt; verum Constitutionibus, et responsis Prudentum varie poenarum species commemorantur, quae peccantibus extra ordinem infligi solent. Speculum ergo quod iutueatur iudex, non legem, quam sequatur, certam habet. Ad secundum: Non ita poenae in arbitrio iudicantium sunt, ut pro libitu vel condemnare, vel absolvere, ut poenae gratiam facere, aut genus poenae commutare possint, pro virgis cruce, aut contra pro gladio virgis multando: sed ut pro personarum et admissi qualitate, atque cir-

sumstantiis, modo durius, modo remissius animadvertere possint. Ubique enim curare debet bonus ac prudens iudex, ut peccatis poena aequae sint, nec scutica dignum horribili sectetur flagello. Id ipsum autem, ut quo varietate circumstantiarum variare poenam possit, sapientes non vetant. lubent quidem, quantum fieri potest, leges ita ferri, ut quam paucissima relinquantur arbitrio iudicis: sed iidem fatentur, non posse leges ita scribi, ut omnes comprehendant articulos. Quare cum in aliqua eausssa sententia earum manifestata est, is quis iurisdictioni praest, ad similia procedere, atque ita iudicare debet, *L. neque leges et L. non possunt D. de legib.* Quod si in ulla parte Iurisprudentiae id contingit, ut omnes casus legibus exprimi non possint, vel maxime id in criminibus puniendis contingit: ubi etiam exemplo perniciosum foret omnia admissa eadem punire poena. Non enim JC. Stoici sunt, qui existimabant omnia peccata paria esse, tamque peccare eum qui alieni horti caules fregit, quam qui senile parentis guttur eliserit: sed et criminum differentias multiplices, et poenarum gradus agnoscunt varios. Imo innumera fere sunt, quae maleficio vel elevare, vel exaggerare possunt: frustra ergo a legislatore exigas; nihil ut arbitrio iudicis relinquat: planeque hanc causam fuisse existimo, ut tandem etiam publica crimina extra ordinem vindicari coeperint, *L. hodie 13. D. de poen.* (5). Quam criminum puniendorum rationem et ex sapientibus Plato probavit, *Lib. 9. de Leg.* cnius verba, quia lumen nostris commodant, non piget adscribere. Athen,

(5) Mihi equidem non arridet Auctoris sententia *L. 13. D. de poen.* ad publica crimina referentis Paulus namque in *L. 8. D. de pub. iudic.* perspicue tradit ordinem tantum exercendorum publicorum iudiciorum in usu esse desisse, manente tamen legum poena, et in *L. 244. D. de V. S.* idem lectus ait poenas certas singulorum peccatorum esse, ac ideo de iis provocationem non esse. Marcianus insuper ex responso Papiniani docuit in *L. 1. D. ad Setum Tulpil.* facti quidem quaestionem in arbitrio esse iudicantis poenae vero persecutionem non ejus voluntati mandari, sed legis auctoritati reservari.

Haec autem iudicio cuncta, vel nihil horum committere, impossibile est. Quippe illud unum in omnibus committere necesse est; utrum factum unumquodque horum sit, an non. Nihil etiam de multa iniuriantis committere, sed magna parvaque omnia lege determinare, prope impossibile est Clin. Quomodo igitur post haec dicendum est? Athen. Sic utique, quod quaedam iudicio concedere legislator debet, quaedam non debet, sed ipse determinare. Clin. Ceterum quae arbitrio et prudentiae iudicium relinquenda sunt, quaeve ab ipso legum conditore determinanda? Athen. Ea hoc modo quam optime deinceps exponemus. Gravius profecto quiddam, et toti civitati communis pestis incipit, ubi iudicia prava atque muta sunt, opiniones iudicium invicem occultae manent, et clam sententiam ferunt. At id praeterea durius quando non silentio agitur, sed ceu theatra clamore omnia personant, et rethores tum laudant, tum vituperant, atque ita vicissim diiudicant. Talibus quidem iudiciis, si quis necessitate quadam urgeatur, dare leges infortunatum esse ducimus. Sed qui dare cogetur, minimas duntaxat multas iudicibus iis committat: plurima vero et maxima quaeque in ferendis legibus ipse declaret. Ubi vero iudicia recte pro viribus constituta sunt, iudicesque bene educati, et omni diligentia adprobati, rectissime multa iudicibus de punitione conditioneque condemnatorum committi possunt. Nemo igitur nos incuset, si ipsi nunc maxima multaque legibus nos ordinamus, quae vel minus eruditi iudices possent conspicere, dignamque singulis delictis multam poenamque accommodare. Quoniam vero eos, quibus nos leges, describimus, non ineptos harum rerum iudices futuros speramus, multa eis committenda censemus. Veram, quod saepe in superioribus diximus fecimusque putantes descriptione formaque punitionum dicta; exempla iudicibus, quae numquam transgrediantur, dari oportere; id et tunc recte factum est, et nunc quoque observare volumus, ad leges ferendas iterum redeuntes. Huc usque Plato.

Nunc illud considerandum, cum in extraordinariis 11

Gloss. in §.
in summa
Inst. de i-
n iur. Gome.
5. var resol.
6. n. 8. Farin.
qu. 17. n. 34
Clar §. 6u.
quaest. 83.
n. 11. Arg.
art. 35. gl. 4.
n. 1. et 2.
Boer. 2. §.
50. Christ. 2.
§. ult. n. 5.
Chas. p. 196.
et seqq. Me-
noch. 1. cas.
86.

poenam arbitrio iudicis infligi dixerimus, quousque se potestas iudici extendat; an possit etiam ex causa mortis poenam irrogare? Quam quaestionem nonnulli adeo dubiam existimaverunt, ut decisione Imperatoria agere dixerint: Nos vero sine haesitatione in affirmantium sententiam eundem censemus, cum videamus eam legum praesidio uniti, a quo negans schola ita destituta est, ut etiam requirere possis negandi causam. Ac primum quidem adducimus Ulpiani responsum in *L. hodiae* 13. *de poen.*, ubi cum generaliter dicit, licere ei, qui extra ordinem de crimine cognoscit, quam vult sententiam ferre, vel graviolem vel leviolem, neque restringit id ad supplicia morte leviora, satis innuit, pro qualitate admissi etiam ultimum supplicium irrogare eum posse. Dein adducimus Macrum in *L. lex Julia* 7. §. ult. *D. ad L. Iur. repetund.*, ubi cum dixisset, hodie repetundarum crimen extra ordinem puniri; subiicit, etiam capite puniri posse reum, si ob hominem necandum pecuniam acceperit, vel calore inductus interficit innocentem. Tertio Ulpianum in *L. sacrilegii* 6. *D. ad L. Jul. pecul.*, ubi idem testatur de sacrilegii crimine, dicens, multos et ad bestias damnasse sacrilegos: nonnullos etiam vivos exussisse, alios vero in furca suspendisse: sed moderandam poenam esse, usque ad bestiarum damnationem, eorum, qui manu facta templum effregerunt, et dona Dei noctu tulerunt. Quarto eundem Ulpianum in *L. sunt quaedam* 9. *D. de extr. crim.* ubi testatur lapidum positionem, quod extraordinarium crimen est, graviter solere Praesides exsequi, usque ad poenam capitis, quia et ipsa res mortem comminatur. Postremo eundem Ulpianum in *L. 3. §. adversus* *D. de sepul. viol.*, ubi tradit sepulcrorum violatores, qui vi armata cadavera spoliant, tanquam latrones capite puniri. Cui succinit Paulus in *L. ult. eod. tit.* commemorans, reos sepulcrorum violatorum, si corpora ipsa extraxerint, vel ossa eruerint, humilioris quidem fortunae summo supplicio affici, honestiores, insulam deportari. His tot, tam claris Ictorum responsis in vix quidquam, quod

opponent, adversarii habent. Cavillantur verba d. L. 9. de extr. crimin. Usque ad poenam capitis, exclusive non inclusive accipienda, quae cavillatio quam quadret menti Ulpiani, ex sequentibus verbis apparet: Quia et ipsa res mortem comminatur; confirmat nimirum Ulpianus responsum suum ista ratione: Ideo Praesides ad poenam usque capitis procedunt, quia et res ipsa mortem comminatur. Obiiciunt praeterea L. 1. §. ult. D. de effract. et expil.; Oportebit autem aequae et in effractoribus, et in ceteros superscriptos causa cognita statui, prout admissum suggerit: dummodo ne quis in plebeio operis publici poenam, vel in honestiore relegationis excedat. Nec non L. 3. §. poena D. stellioni; Poena stellionatus nulla legitima est, cum nec legitimum crimen sit. Solent autem ex hoc extra ordinem plecti; dummodo non debeat opus metalli haec poena in plebeiis egredi. Respondeo: Ideo in puniendis effractoribus et stellionibus non debet iudex excedere metalli poenam vel operis publici, quia regulariter admissa ista tanta non sunt, ut propterea morte quis plectendus sit. Si tamen circumstantibus valde adgravetur crimen, etiam mortis poena infligi potest. Argumento est eadem illa effractio: nam si quis in turba cum telo alienas aedes vel villas expugnaverit, capite punitur, L. pen. D. ad L. Jul. de vi publ.

Sunt qui porro extraordinaria crimina ita distinguunt: Suae vel mere extraordinaria, vel pro arbitrio actoris. Mere extraordinaria sunt, quorum causa nullum aliud privatum publicumve iudicium paratum est: Species: expilatio hereditatis, stellionatus, coitio collegii illiciti, praevindicatio advocati, termini moti crimen. Extraordinaria pro arbitrio actoris sunt reliqua, cum quibus iudicium aliud publicum privatumve concurrat. Hanc distinctionem merito adspernamur, utpote qui videamus, cum expilatae hereditatis iudicio concurrere actionem ad exhibendum, et rei vindicationem, et petitionem hereditatis L. 2. et 3. D. de expil. hered.: cum stellionatus crimine concurrere actionem pignoratitiam L. 1. §. ult., L. tutor 16. §. 1., L. si quis

in pignore 36. *D. de pign. act.*, cum iudicio termini moti actionem poenalem ex lege agraria C. Caesaris, *L. 3. D. de term. mot.*: coitionem autem collegii illiciti, secundum alios in legem Iuliam maiestatis, secundum alios in legem Iuliam de vi incidere, *L. 2. D. de colleg.*, *iunct. L. 1. §. 1. D. ad L. Iul. mai* *L. 5. pr.*, *L. 10. §. 1. D. ad L. Iul. de vi publ.* Reiectis ergo falsae distinctionis membris, recta via ad singula crimina adire poteramus: sed quia interpretes praeter superiores divisiones et alias adiiciunt, operae pretium erit, eas ante, quam fieri poterit paucissimis perstringere.

13 Dividunt praeterea crimen in nominatum et innominatum. Nominatum, veluti furtum, adulterium, homicidium etc. Innominatum, veluti verberare, domum alienam ingredi, et similia. Ratione distinctionem fulciunt ista, quoniam verberare, ingredi alienas aedes possumus, etiam sine crimine: enim vero furtum, adulterium, caedes non possunt admitti sine crimine. Egregia sane ratio, atque ista divisione prorsus digna! Quis nescit genus de specie debere praedicari, in quaestione, quid est? Verberare ergo, domum ingredi, qui possunt nuncupari delicti species, cum de his, antequam vox distincta fuerit, non possit praedicari genus? Verberat Magister, vapulat discipulus, sine crimine. Verberat non magister, vapulat, cuius aetas excessit e magisterio contumeliae causa: haec iniuria est et crimen nominatum. Introit domum alienam sine tumultu creditor: nullum introitendo contrahit crimen. Irruit solida vi vetricularius sive effractor: hic crimen, et grave quidem contrahit. Adhaec venenum dare secundum hos auctores, crimen innominatum erit, quia possumus sine scelere dare bonum: si malum dederimus, veneficium erit, quia veneni vox *ton mesor* est, tam quod ad sanandum, quam quod ad occidendum datur, continens, *L. 3. §. adiectio D. ad L. Corn. de sicar.* Concumbere similiter crimen innominatum; quia concumbit maritus sine flagitio: stuprator cum flagitio. Carmen recitare in eadem causa atque nomine; quia impune

Farin qu. 18.
n. 19. Clar.
5. sent §. 1.
n. 8. Decian.
5. crim. 8.

licet recitare bonum, veluti, *Arma virumque cano*: non impune malum veluti: *Fur es, ait Pedio; ant; Uxor moecha tibi est*. Haec omnia quam sint absurda, nemo non videt: planeque ausim statuere, vix ullum reperiri crimen innominatum, nisi stellionatum excipiendum putes, quia tum demum obiicitur, cum deficit alterius criminis appellatio, *L. 3. §. 1. D. Stellion*. Iam quam illud ineptum, cum dicunt caedi hominem non posse sine crimine, cum pueris notum sit, caedere carnifice quotidie reos sine crimine! Postremo quam illud absurdum, cum scribunt divisionem hanc fere coincidere cum superiore, essequae crimina extraordinaria etiam innominata! Quid enim? furtum, damnum iniuria datum, rapina, iniuria, et multa alia, nonne sunt crimina extraordinaria? atqui proprio nomine ea gaudere, plusquam manifestum est.

Adiiciunt, crimina alia excepta esse, alia non excepta. ¹⁴ Excepta esse, quae generalis ratione legis non continentur, veluti haeresis, laese maiestatis crimen, falsae monetae, simoniae, fraudatae annonae, fraudati census, famosi furis, sacrilegii etc. Non excepta contra vocant, quae generali ratione legis, vel constitutionis continentur. Verum penitus hanc divisionem excutientes, deprehendemus, eam aut nihil, aut parum discrepare ab ea, quae secundo loco a nobis proposita est, qua crimina distinximus in graviora et leviora. Nam quoties lex rei aliquid indulget, non intelligitur graviorum criminum reis indulsisse. Non semper tamen idem exceptorum criminum numerus est: etenim cum de abolitione generali quaerimus, quae reis indulgetur, excipimus sacrilegium, adulterium, incestum, raptum, sepulcri violationem, veneficium, mathematicam, homicidium, parricidium, adulterationem monetae, crimen maiestatis, *L. 3. C. d. episc. aud.* At cum de immunitate, seu potius securitate eorum agitur, qui ad Ecclesiam confugerunt, excipimus tantum homicidas, adulteros, raptores. *Nov. 17. cap. 7.* Cum quaerimus damnata muliere, an dos quoque publicetur, quinque crimina excipimus; maie-

Farin qu. 18.
n. 60.

statis, vis publicae, parricidii, veneficii, de sicariis
L. 3. D. de bon. damn.

15 Postremo dividunt crimina in notoria, et occulta atque difficilis probationis. Notoria vocant, quae ita manifesta sunt, ut reus ea inficiari non possit: ut facta coram populo, vel illius maiore parte. Occulta, quorum probatio a communiter accidentibus non facile haberi potest: ut sunt falsum, suppositio partus, incendium, adulterium, simonia, sodomia; furtum, tractatus de homicidio, matrimonium clandestinum, tortura, conspiratio, veneficium, delicta nocturna, et similia. Huic divisioni quantum sit deferendum, merito ambigas. Nam praetorquam quod Baldus scripsit; uno duntaxat iuris loco fieri mentionem criminis notorii, nempe in *L. ea quidem 7. C. de accus.*, quodque Bartolus putat. hanc doctrinam non ex iure civili, sed canonico descendere, quippe, quo expresse cautum est, in notoriis neque accusatore, neque probatione opus esse, *cap. tua nos de cohabit. cleric. et mulier.*, *c. ad nostram de iurej.*, illud quoque oggereret aliquis; omne fere crimen interim notorium, interim occultum esse posse. Nam ex gr. furtum plerumque quidem clam admittitur, et sine testibus. Sed interdum ita fur improbus atque manifestarius est, ut vel a populo deprehendi possit. Adulterium similiter a timidis quidem clam admittitur: a valde protervis etiam palam: nec enim erubuit Absalomus vel in propatulo constuprare concubinas patris, multique vi armata alienas matresfam. ereptum eunt. Idemque de reliquis iudicium esto. Adhaec quod Pontifices dicunt, in notoriis nequi accusatore, neque probatione opus esse; id difficulter concoqui potest. Videntur enim veteres in notoriis adhibuisse caeca testimonia. Caeca autem dicebantur, cum laudabatur multitudo testis, aut civitas, aut provincia tota, ut notat doctissimus Grammaticorum Donatus in *Adr.* Huius generis est illud Ciceronis 7. *Verr.*, *Testes enim sunt, qui in consilio fuerunt; testes publicae tabulae: testis splendidissima civitas Lilybaetana; testis honestissimus maximusque conventus civium Romanorum Idem, pro Pompej*

Farin. qu. 18.
 n. 104. Clar.
 § fin. quass.
 9.

Bald. in ant.
 qui semel. C.
 Quom. et q
 Jud n. 10
 Bartol. in l.
 ab accusat
 §. nuntiatio-
 res. D. ad
 SC. Turp
 n. 3.

Testis est Italia, quam ille ipse victor L. Sylla, huius virtus et consilio confessus est fuisse liberatam:

Testis est Sicilia, quam multis undique vinctam periculis, non terrore belli, sed celeritate consilii explicavit: Testis est Gallia, per quam legionibus nostris in Hispaniam iter, Gallorum internecione patefactum est. Testis est Hispania, quae saepissime plurimos hostes ab hoc superatos prostratosque conspexit.

Quin etsi repetundarum crimen ita manifestum esset, ut tota provincia quasi una voce quereretur, tamen si reus negaret, testes e provincia erant producendi: nec desperabat reus defensionem sed patroni eius adversus multitudinem excipiebant, conspirationem esse: et qui reo numerasse pecunias iurabant, eos litigatorum, non testium habendos loco, ut docet Quintil. 5. *Inst. orat.* 7. M. Aemilium Scaurum legimus adeo manifeste in eo crimine haesisse, ut, cum accusator diceret, lege sibi centum atque viginti hominibus denunciare testimonium licere, seque non recusare, quo minus absolveretur, si totidem nominasset, quibus nihil in provincia abstulisset, tam bona conditione uti non posset: nec tamen abiecit defensionem: quin etiam propter vetustissimam nobilitatem, et recentem memoriam patris absolutus est, *Val. Max.*

lib. 8. cap. 1. Verres quoque quam aperte Siciliam depopulatus fuerit, omnibus notum fuit, tamen et accusator, et probationes legitimo constituto iudicio exierunt. Ex quibus et similibus exemplis argumentisque merito addubites de veritate huius doctrine. Obiter monendum, recte quidem Bartolum monuisse, Ponteficio magis, quam civili iuri hanc distinctionem accepto ferendam: at perperam existimasse Baldum in *L. 7. de accusat.* mentionem fieri notorium criminum. Notoria enim, vel notoriae, ibi nihil aliud sunt, quam elogia et literae Curiosorum, atque Irenarcharum, quas ad cognitionem Magistratus mittunt, ut observavit doctissimus Jac. Cuiacius 1. *obs.* 33.

Gonf. inf.
lib. 48. tit.
de probat.
cap. 1.

FURTIS

CAPUT I.

Quid sit furtum.

SUMMARIA.

- | | |
|---|---|
| 1. <i>Furtum unde dictum?</i> | 8. <i>Quarum rerum furtum sit?</i> |
| 2. <i>Furti definitio examinatur;</i> | 9. <i>An furtum natura prohibitum?</i> |
| 3. <i>Qui totum contrectat, partem aufert, an totius fur?</i> | 10. <i>Quid si furtum manifestum et nec manifestum?</i> |
| 4. <i>Inficiendo an fit furtum?</i> | 11. <i>An detur tertium, furtum manifestum simul et nec manifestum?</i> |
| 5. <i>Quid sit dactylitheca in l. 67. D. h. tit.?</i> | 12. <i>Quibus casibus degenetur furti actio?</i> |
| 6. <i>Cur adiciatur in definitione fraudulosa.</i> | |
| 7. <i>An furtum facit, qui urgente fame cibum aufert?</i> | |

Quoniam quarto prolegomenon capite occupavimus dicere, quid sit privatum seu extraordinarium crimen, ideo recta ad species, titulumque de furtis progredimur. Quem quidem in quatuor partes distribuimus: prima, quid sit furtum: secunda, de pœna: tertia, de usu: quarta, de concursu actionum cum accusatione tradituri.

- 1 Furtum Sabinus a fraude dictum existimavit: Labeo atque Varro a furvo, quod clavi et obscure fiat, et plerumque nocte: alii a ferendo, et auferendo, vel a Graeco sermone, qui *phas*, appellant, fures. Imo et Graeci ferendo *phas* dixerunt, L. 1. D. de furt. Ex his notationibus postremam probo, confirmatam a Gellio Lib. 1. noct. Attic. cap. 18., priores non verae sunt, quamvis ad rem eleganter alludent.

Definitur autem furtum a JC. ita: *Furtum est contrectatio fraudulosa, lucri facienda gratia, vel ipsius*

rei, vel etiam usus eius, possessionisve, quod lege naturali prohibitum est admittere, d. L. 1. §. ult. de furt. Huius definitionis singula verba nobis expendenda sunt. Contractatio cum definitur, intelligimus, ad furti crimen contrahendum non esse necesse, ut res auferatur; sufficere eam dolo malo lucrificandi gratia contractari. Ita enim rem qui furtivam celat, tamen si non abstulerit, fur est, L. qui vas. 48. §. 1. D. h. tit., L. eos qui 14. C. eod., §. conceptum Inst. eod. Et qui re deposita, aut pignorata utitur, aut re commodata aliter quam concessum erat, non tam ablatione, quam contractatione reus sit, §. furtum autem 6. Inst. eod. Similiter si depositarius rem depositam inficiandi animo contractet, furtum facit, licet non auferat rem, quam penes se ante habet, L. 3. §. si rem 18. D. de adq. vel amit. poss. Sed etsi fur in ipso actu deprehensus, occiderit, fregerit, effuderit, abiecerit id, quod furatum venerat, tametsi non abstulerit, furti reus est L. si quis 7. L. de furt., L. sive 10. D. de cond. furt.

Atque haec quidem plana sunt: illa autem quaestio licet vulgaris, tamen difficilis est, si quis ex acervo frumenti modium, vel ex armario, cella, apotheca, involucro res aliquas abstulerit: utrum totius fur sit, an vero eius tantum, quod abstulit? De qua quaestione Ulpianus et Paulus in L. 21. et 22. D. h. tit. ita perplexe disserunt, ut exclamare cum poeta possis,

Quo teneam vultus mutantem Protea nodo?

Nam Ulpianus in d. L. 21. pr. ait: Si quis ex acervo frumenti modium sustulerit totius furem esse, secundum Osilium: eo quod qui partem contractavit, totum contractasse videatur; sicut qui aurem alicuius tangit, totum hominem tetigisse dicitur. Eandem tamen Osilii sententiam corrigit illico verbis sequentibus *Sed verum est in tantum eum actione furti teneri, quantum abstulit.* Et in §. 5. ait, si quis de nave onerata aliquid frumenti, aut de cisterna aliquid vini abstulerit, durum fore, si quis dicat totius furtum fieri. Idem §. 6. tradit, si quis ex apotheca amphoram abstulerit, aut ex horreo mercis aliquid, eius quod abstulit furem esse, non totius. Paulus quoque in d. L. 22. §. 4. scribit, si arca eo

consilio fracta sit, ut uniones tollerentur, unionum tantum furtum fieri, non ceterarum rerum, quae seponuntur, ut ad uniones perveniatur. Contra tamen idem Ulpianus in §. 8. d. L. 21. distinguit, ut si id, quod quis aperuit vel refregit, eius fuerit ponderis, ut totum tollere non potuerit, non totius sed singularum rerum, quas abstulit, fur sit: sin totum vas tollere potuerit, totius fur sit, licet solverit, ut singulas res, vel quasdam tolleret. In §. vero ult. d. L. 21. sine distinctione scribit, earum quoque rerum, quas quis non abstulit, furti unumquemque teneri. Et Paulus, in d. L. 22. §. ult. respondet: qui lancem rasis, totius furem esse, et furti teneri ad id, quod domini interest. Non est quod hic ad glossographos aspiciamus, ita enim fluctuant, itaque male cohaerentia scribunt, prorsus ut difficultatem non tollant, sed in tenebris audabatarum more pugnare videantur. Quare dimissis illis videndum, an certiora aliqua atque solidiora in medium adferri possint. Atque ut a postremo loco incipiamus, quo de lance rasa Paulus agit, existimo non recte eum §. a glossographo distingui in duas partes: quarum prior contineat ius strictum, nempe, eum qui lancem rasis, totius furem esse: posterior temperamentum aequitatis; quamvis totius fur sit, tamen in id quod interest, duntaxat teneri: non recte, inquam; una enim est Pauli sententia, unum de proposita quaestione responsum, quod cum iure, tum aequitate nititur, nec aliud ius aliud hic aequitas dictas: Nam praeterquam quod lanx est corpus eiusmodi, quod uno spiritu continetur, Grecis *enomenon* dictum, eaque re differt ab acervo frumenti, cisterna, apotheca, involucro, arca, quae corpora non unita, sed connexa vocatur. L. rerum 30. D. de usucap: illud quoque animadvertendum est, eum qui lancem rasis, licet totam non abstuderit, usus tamen totius furem esse, quia rasa lance vix honeste paterfamilias uti potest: et ideo duplabitur, vel quadruplabitur non lancis pretium, sed id quod interest: quemadmodum et alias fieri solet, cum usus possessionisve furtum factum est, L. furtivam 74. D. de furt. Quod ad secundum atti-

pet, quamvis Ulpianus in *d. L. 21. §. ult.* videatur sine distinctione respondere, earum quoque rerum nomine, quas quis non abstulit, furti agi posse, facile tamen dictum est, id sub eadem distinctione accipiendum esse, quam retulerat *§. item s. maioris d. L. 21.* Contraversia igitur omnis et difficultas ex eo *§.* nascitur, quemadmodum is conciliandus cum *pr. d. L.* Initio dixit, *verius esse, in tantum quemque teneri, quantum abstulit*; *§. 8.* distinguit utrum totum tolli poterit, nec ne: Hic necesse est aut initium legis ex *§. 8.* restringi, aut *§. 8.* ita accipi, tanquam non Ulpiani sententia, sed alterius auctoris distinctio referatur, eaque strictae magis rationi, quam bono et aequo consentanea: In quod posterius proclivior sum. Etenim praeterquam quod Ulpiani verba *pr. d. L. 21.* proposita ita sint generalia, vix ut per distinctionem dividi atque dissecari possint: praeterquam etiam quod durum, quod iniquum sit, teneri quem earum rerum nomine, quas non abstulit, ratio quoque propositae distinctioni nulla constat. Cur enim qui, cum totum tollere posset, partem abstulit, totius nomine tenetur: qui totum tollere non potuit, si partem abstulerit, partis nomine tenetur? an quia credimus illum et totum contractasse, cum potuerit: hunc non totum, sed partem duntaxat, cum pondus fuerit impedimento? imo contra dici poterat si mentem furis spectemus et intentionem; cum qui partem sustulit, cum totum posset, nequaquam totum furem esse; quippe qui eo ipso demonstrat, non habuisse se animum auferendi totum: at, qui partem abstulit, cum totum non posset, fortasse et totum ablaturum fuisse, nisi pondus impedimento foret. Hac de causa ego distinctionem supra positam insuper habendam putarim, simpliciterque ex *pr. d. L. 21.* respondendum: *Verius est in tantum quemque actione furti teneri quantum abstulerit* (1).

(1) Fortasse ex doctrina Sabini de tribus corporum generibus quam refert Pomponius in *L. 50. D. de usurp. et usuc.* verum sensum, germanamque *L. 21. D. de furt.* rationem eruere licet, ut ni-

4 Idem porro contractationis verbum docet, inficiationem solum furtum non esse, si quis ex. gr. rem depositam aut commodatam lucri faciendi gratia inficietur, ut pluribus Celsus respondit in *L. inficiando* 67. *D. h. tit.*, *Inficiando depositum*, inquit nemo facit furtum nec enim furtum est ipsa inficiatio, licet prope furtum est. Sed si possessionem eius adipiscatur intervertendi causa, facit furtum nec refert in digito habeat anulum, an dactyliothecam, quem cum deposito teneret, habere pro suo destinaverit. Paulus quoque in *d. L. 3. §. sed si rem* 18. *D. de adq. vel amit. poss.* praeter inficiationem requirit, ut res loco moveatur, vel furti faciendi causa contractetur: Si loco non moveris, inquit, plerique veterum, et Sabinus et Cassium responderunt possessorem me manere, quia furtum sine contractatione fieri non potest, nec animo furtum admittitur. Scrupulum iniicit Papiani responsum in *L. si rem mobilem* 47. *D. de adq. vel amit. poss.*, qui scribit, si rem depositam aut commodatam tibi possidere neque reddere constitueris, confestim me amittere possessionem: cui responso consequens videri poterat, et furtum confestim fieri. Ac licet Papinianus in illis duntaxat rebus hoc velit obtinere, quae anima vel ratione caerent, non etiam in hominibus, eo quod homo proposito redeundi possessionem sui domino conservare possit: tamen ad servos quoque id extendere possis ex Poenulo, ubi Poeta Lycum lenonem furti adstringit ex inficiatione alieni servi. *Act. 1. sc. 1.*

Verum ut eximamus scrupulum, notandum, quod Papinianus respondit, *confestim me amittere possessionem*, eorum verborum interpretationem petendam esse ex Pauli responso: nempe, amittere me possessionem confestim, non tamen sola inficiatione, sed ita,

mirum qui aliquid aufert a corpore constante et contingentibus vel distantibus capitibus non totum corpus contractat, sed id quod aufert, ac proinde solius ablati fur est: qui vero aliquid subripit ex corpore unico totum corpus contractat, et pro toto corpore actione furti tenetur, licet ab eo tantum res subreptae possint condici. *Vid. §. ult. cit. L.*

si rem quoque loco moveris, aut seposueris tibi animo lucrandi. Quod vero attinet ad ea, quae in responso Papiniani sequuntur, de rebus ratione carentibus et servis, non separat Papinianus hos ab illis in eo, quod inanimatarum rerum possessionem amittamus, simul atque depositarius vel commodatarius constituerit non reddere; sed in hoc potius articulo, quod amissa custodia mobilium possessionis damnum adferat, etsi alias eas non invaserit: servos autem amissos tamdiu possideamus, quamdiu nemo alius eos invaserit, eo quod proposito revertendi possint possessionem sui nobis conservare. Quantum ad Comici auctoritatem attinet, tamen si certum sit, non incallidum iuris fuisse, tamen totum illud, quod ex eo allatum est, videtur iocosum magis, quam verum esse. Lycus leno, cum reciperet Collybiscum latronem Spartanum existimabat, qui militasset Regi Attalo. Post a domino interrogatus, dum fraudem ignorat atque insidias, quae tenebantur, negat se servum alienum cum trecentis Philippicis recepis: Quis serio ausit affirmare furtum eum fecisse, aut auri, aut servi, qui dolo id non fecerat, sed errore? Qui fugitivum celat, sane furtum facit, *L. 1. D. de fugit.* Sed qui dolo, non qui per errorem; quanto minus, qui in errorem aliorum insidiis deductus est?

Obiter adiicio, non recte vulgatos libros *fin. in d. L. 5 inficiando*, pro, *an dactyliotheca*, habere, *an datus hypothecae sit*: ineptiitque adeo Accursius in eo loco explicando. Dactyliotheca est, in qua annulos condebant veteres; unde iocus festivissimi Poetarum, in eum qui plurimis annulis digitos oneraverat, dactyliothecam eum non habere, 11. *Epig.* 60.

Senos Charinus omnibus digitis gerit,

Nec nocte ponit annulos,

Nec cum lavatur: caussa quae sit quaeritis?

Dactyliothecam non habet (2).

(2) Est et altera lectio allatae *L. 67. pr. de furt.* — *Nec refert in digito habent annulum, an dactyliothecam.* Quam lectionem edidit

- 6 Sequitur in definitione, *Fraudolosa*: quo verbo admonemur, non satis esse rem contractari, nisi id fiat dolo malo, atque etiam invito domino; Ceterum si quis volente domino contractet, tametsi dolo, aut contra sine dolo, tametsi domino invito, dicitur furtum non fieri, quia placuit, sine affectu furandi id non committi, §. *placuit*, et §. *sed etsi credat aliquis Inst. h. tit.*, *L. inter omnes* 46. §. *recte*, et §. *per contrarium*, *L. qui vas* 48. §. *qui ex voluntate D. eod.* (3): Unde ab amico furtum commissum esse non facile iudicabimus: quandoquidem is neque dolo, neque invito domino uti praesumitur, sed potius iure amicitiae quae praescriptum habet illud vulgatum, *omnia inter amicos communia*. Itaque de socio quoque responsum plerumque credendum esse, eum, qui partis dominus est, iure potius suo uti, quam furti consilium inire, *L. merito* 51. *D. pro soc.* Aliquando autem etsi ex voluntate domini quis capiat, furti tamen tenetur: quod accidit, cum quis dominum decipit, simulato nomine alterius, vel persona: Veluti, dixeram siliginario, ut quisquis nomine meo siliginem petisset, ei daret: quidam ex transeuntibus cum audisset, petiit meo nomine et accepit; furti actio adversus eum competit siliginario, non mihi, *L. si quis uxori* 52. §. *apud Labeonem* 11. *D. h. tit.* Ex eodem porro verbo discimus, cur rerum hereditariorum furtum non fiat, etenim fraudolosa contractatio ubicumque est, ubi aliquem fraudari aut re, aut usu, vel possessione rei necesse est, *L. falsus* 43. §. *quod si dominus D. h. tit.* Atqui hereditariorum rerum, dum deliberant heredes, neque dominus est, neque pos-

Ghass,
175.

vat Plinii locus lib. 37. cap. 1. --- gemmas plures, quod peregrino nomine appellant dactylis thecam primus omnium habuit privignus Syllae Scaurus.

(3) Subtilis admodum hac in re est Ulpiani doctrina quam auctor haud satis illustravit. Qui putat se voluntate domini rem attingere non est fur; sive falso id, sive vere putet. Et si ego, me invito Domino facere putarem, cum dominus vellet, sit Pomponius furtum me facere: verum tamen est, ut cum ego velim eum uti, licet ignoret, ne furti sit obligatus. In prima ergo facti specie furtum abest; in altera vero furtum quidem adest; sed furti actio non datur. Vid. *L. 46*, §. 7. et 8. *D. de furt.*

essor aliquis, *L. 1. §. Scaevola D. Si is qui testam. lib. es, ius. L. 1. D. de rer. divis.* Quare rerum hereditariarum furtum fieri nequit, *L. hereditariae 68. D. hoo. tit. (4).*

Adiicitur, *Lucrifaciendi gratia*: quoniam fraudulenter contractari res potest, et sine furto: ut faciunt, qui libidinibus, contumeliae, damni dandi causa contractant: item qui instrumenta atque nummos adulterant, contractant dolo malo, non tamen furtum faciunt. Item qui homini dolo malo gulam frangit, qui caedit, qui vulnerat, fraudulenter contractat, furtum non committit, *L. verum est 39, L. qui iniuriae 53. D. de furt.* Atque ex hoc fundamento multi inferunt, tempore arctioris annonae, si quis stimulante fame cibum alteri auferat, furtum eum non facere; quoniam non lucrifaciendi causa id faciat, sed ut expleat stomachum latrantem. Ad quam sententiam confirmandam et illud adferunt, deficiente publice annona, privatos penum, quam domi abstrusam atque reconditam habent, in publicos usus, et communem civium utilitatem proferre teneri: prorsus quemadmodum in nave, si quando defecerit cibus, quod quisque navigantium habet, in commune conferre cogitur, *L. 2. §. cum in eadem D. de L. Rhod. de iact.* Verum horum sententia mihi non omnino probatur: quin potius inter crimen, et poenam distinguendum arbitror: ut crimen committi, etiam urgente penuria fateamur: poenam tamen, propter necessitatis vim, delinquenti aut remittamus, aut certe mitigemus. Quis enim persuaserit homini intelligenti, lucrifaciendi animum non habere eum, qui deficiente annona cibum alteri subtrahit, cum manifestum sit, ipsum illum cibum ab eo lucrifieri? Nec est, quod necessitatis vim obtendat, ad facti invidiam prorsus eludendam, cum viro sapienti atque bono nulla tanta vis inferri possit, ut sciens turpitudine aliqua se conta-

(4) Vide hac de re juris regulam in *L. 1. §. 15. Si is qui te tum. lib. etc.* atque huiusce regulae exceptiones in *cit. L. 63. et 64. 69. et 70. D. de furt.*

Cic. 3 offic. minet: atque etiam in huiusmodi casibus, ut Cicero scribit, suum cuique incommodum ferendum sit potius, quam de alterius commodis quidquam subtrahendum. Iam quod adfertur *ex L. 2. cum in eadem D. de L. Rhod. de iact.* eiusmodi est, ut ad rem praesentem parum faciat: Fatemur enim publica utilitate urgente, quod quisque frugum domi flagellat, id eum ad annonae subsidia proferre debere; sed negamus singulis indulgendum, ut suo arbitratu auferant, quod sibi desit, aliis superat. Publica id auctoritate magistratum faciendum est quae quamdiu non intervenit, furtum faciet, quisquis de alieno pasci volens, fraudulenter aliquid subtrahet. Atque hoc etiam ab ipsis navigantibus observatur, ut deficiente commeatu, gravissime expilatorem panarii puniant. Exemplum memorabile est, quod nostri annales referunt. Roterodamensium navēs quinque, anno Salvatoris MDXCVIII. per occidentem in Indos orientales navigaturae, cum diu in faucibus maris Magellanici haesissent, tanta panis inopia laborare coeperunt, ut eum parcissime divideretur, nonnulli panario manuum admoventes suspensi fuerint. Uni reliquorum intercessionem vita donata: sed cum is idem paulo post in eodem peccato deprehensus esset, laqueo gula fracta est (5).

Ever. Rheid.
ann. Belg.
lib. 17

- 8 *Vel ipsius rei, vel etiam usus eius, possessionisve.* Quantum ad res attinet, distinguitur inter res mobiles et immobiles, mobilium fit furtum, non immobilium. Veteres quidem aliqui existimaverunt etiam immobilium, velut fundi locive fieri furtum: nominatim Sabinus, teste Gellio 11. cap. 18., qui memorat colonum quoque furti condemnatum, quod fundo, quem conduxerat, vendito, possessione eius dominum intervertisset: verum eorum sententia merito abolita est, §. *quod autem ad eas res, vers. abolita Inst. de usucap.,*

(5) Neque poenam, neque crimen adesse, si extrema urgente necessitate et destituta aliis mediis ad sui conservationem obtineendam idoneis quis res alienas contractet rectae prae ceteris probat laudatas Boehm. *op. cit. Quaest. 83. Obs. 3.*

Æ. verum est 25. *D. h. tit.* Furtum enim a ferendo dictum est: quare non nisi earum sit, quae efferri occulte et subripi possunt. Porro sub mobilibus comprehendimus etiam res se moventes, servos, iumenta, et alia animalia. Quin et liberos homines, qui sunt in potestate patris constituti §. *interdum Inst. h. tit. L. eum qui* 14. §. *si filiusf.* 13., *L. mater* 38. *D. eod.* Illud non interest, cuius pretii res sit ablata: etiam minimarum furtum sit; sufficiente affectu furandi, qui in parvis aequae, atque magnis rebus deprehenditur, §. *gallinarum Inst. de rer. divis., L. 14. §. ult., L. si apes* 26. *L. qui tabulas* 27., *L. si pavonem* 37. *D. h. tit. Nov. 69. cap. 1.* Usus, possessionisve furtum fit in his speciebus: Si depositarius re deposita, creditor re pignoratata utantur, cum concessum non esset. Si commodatarius aliter utatur re commodata, quam ex lege contractus, licet, §. *furtum autem* 6. *Inst. h. tit., L. qui iumenta* 40., *L. si pignor* 54. *D. eod.* Si dominus rem pignoratam subripiat creditori, vel usufructuariam, ei, cuius usufructus est, vel commodatam commodatario, cuius intererat impensas in eam rem factas per retentionem servare, §. *aliquando Inst. eod., L. itaque fullo* 12. §. *ult. L. creditoris* 12. §. 1., *L. in actione* 19. §. *pen. et ult., L. si is qui* 59. *D. eod.* Ex quibus speciebus apparet, acriter et severa iudicia de furtis habita esse, ut ex Labeone Gellius scribit, et ut Valerius censet, magnam fuisse verecundiam illius seculi, in quo tam minuti a pudore excessus puniebantur. Gell. 2. cap. 7. Val. 8. cap. 8.

Quod iure naturali prohibitum est admittere. Haec 9 verba sine vitio omitti poterant: quid enim ad substantiam cuiusque delicti, natura, an iure civili prohibitum sit? Sed postquam conditoribus iuris adicere ea definitioni placuit, videamus, quam vere dicatur, furtum natura prohibitum esse. Illud enim obici poterat, dominia distincta esse iure gentium *L. 5. D. de iust. et iur.* Eodem ergo iure, quo nata est discretio mei atque tui, etiam furtum prohibitum videri. Respondet: intellexit definitionis auctor per ius naturale, non tam id quod nobiscum nascitur, quam ius gentium, quod quia ratio naturalis dictavit, et ipsum ius natura-

Diog. Laert.
in Pyrrhon.

Arist. 5. Eth.
10.

Conf. Mca.
4. tit. §. 1.
n. 7.

Cuiac.
obs. 4.

le vocatur, §. pen. *Inst. de iur. nat. gent. et civ.* §. *singulorum Inst. de rer. divis.* Itaque Ulpiani quoque sententia accipienda videtur in *L. probrium 42. D. de V. S.*, ubi dicit furtum natura probrium esse. Omnino vero explodendi Pyrrhonii, qui negabant natura bonum aut malum esse isto argumento: Quod natura bonum aut malum est, omnibus bonum aut malum esse debuit; sicut nix omnibus aequae frigida est: nullum autem est bonum aut malum, quod sit commune omnium: non est igitur natura bonum et malum. In hoc argumento propositio, quam minorem vocant, falsa est: dictat enim naturalis ratio ubi vis gentium, et furta, et adulteria, et violentias, atque caedes turpes esse. Itaque Pyrrhonis nivi Aristotelis ignem opponamus: Quemadmodum ignis, inquit ille, tam hic, quam apud Persas urit: ita naturale quoque ius ubique eandem vim habet. Nec obest, quod Aegyptii et Lacedaemonii furta, Germani latrocinia, veteres Graeci piraticam non damnaverint: id enim, reclamante ratione naturali, a corrupta naturae pravitatē profectum est. Eidem pravitati imputandus est nefandus filii cum matre, fratris cum sorore congressus, quem licet Persae non damnaverint, damnat tamen natura,

et secretam gannit in aurem;

Ne liceat facere id, quod quis vitiaabit agendo.

Species furti duae sunt: manifestum et nec manifestum. Manifestum est, cum fur in ipso actu deprehenditur, aut cum re furtiva conspicitur, antequam pertulisset, quo destinabat: sive a domino, sive a vicino, sive quolibet alio transeunte deprehendatur. Graeci *ep' autophoro* id vocant, §. *furtorum Inst. h. tit.*, *L. 3. §. 1.*, *L. 7. §. ult. D. eod.* Sed si dominus, cum videret furtum sibi fieri, abscondit se, ne occideretur, non est manifestum furtum, *d. L. 7. §. 1.*, ut plane verisimile sit, quod Cuiacius observat, clamore opus esse, ut fur deprehensus censeatur (6): *veluti, Fures, fures! aut, Quo te fur proripis? Quove res*

(6, Clamor exigitur ut fur manifestus censeatur.

abit mea? Nam et XII. Tabulis clamor exigebatur, antequam liceret furem occidere *L. 4. D. ad L. Aquil.* Nec manifestum furtum est, cum fur neque deprehensus, neque conspectus est cum re furtiva. Huius furti tenetur et ille, cuius opē; consilio furtum factum est. Opem fert, qui ministerium atque adiutorium ad subripiendas res præbet: Consilium dat qui persuadet, et impellit, atque instruit consilio ad furtum faciendum, §. *interdum Inst. h. tit., L. is qui opem* 34., et *L. seq.; L. in furti* 50. §. 1. et *seqq. D. eod.* Debent autem verba illa *ope consilio* disiunctim accipi, ut vel opem tulisse, vel consilium dedisse sufficiat, *L. sæpe* 53. §. *ult. D. de V. S.*, dummodo et eventus fuerit consilium sequutus, *d. §. interdum Inst. h. tit.; L. qui servo* 36. §. *plus Pomponius L. si quis uxori* 52. §. *neque verbo, L. si is* 60. §. *eum qui D. eod.* Aliquando sane etsi eventus sequutus non fuerit furti tamen obligatio nascitur; quod accidit, cum quis servum alienum sollicitat; ut res domino subreptas ad se perferat, §. *sed etsi credat aliquis Inst. eod., L. si quis* 20. *C. eod.* Verum hoc publicæ utilitatis, et exempli causa constitutum est in sollicitatores, quod genus hominum pessimum est: cum ceteroquin stricta ratione neque servi corrupti, neque furti actio videatur locum habere. Non illa, quia servus deterior non est effectus: non hæc, quia res non sunt ablatae domino invito. Præterea nec manifesti furti tenetur ille, qui furem vel rem furtivam celaverit, *L. qui vas* 48. §. 1. *D. de furt., L. eos qui* 14. *C. eod. iunct. L. 1. C. de his qui latr. vel al. crim. reos*; adeo ut ex Sabino Gellius nar-

Ge l. 1. cap.

18.

L. falsus 43. §. *qui alicuium D. h. tit.* Quod si dominus dispareat, an inventor rem, tanquam pro derelicta habitam, sibi habeat? Minime: non enim quae exciderunt dominis ignorantibus, ea pro derelictis habentur, §. *ult. Inst. de rer. divis.*, adeoque non prodest inventori pro derelicto titulus, ut nec usucapere eam rem possit, quemadmodum de rebus levandae navis caussa iactis, et naufragorum fortunis respondit: *l. volentis in L. interdum 21. §. 1. D. de adq. vel amit. poss.*, *Quod ex naufragio expulsum est*, inquit, *usucapi non potest: quoniam non est in derelicto, sed in perditio.* Neque est, quod quis putet, denuntiationem vocis praeconis factam, mutare ei causam possessionis: qui enim id fieri potest, ut qui hactenus naturaliter possedit, is simul atque praeco praedicaverit, incipiat civiliter possidere? aut qui hucusque scivit rem suam non esse, is derepente credat eam alienam non esse? Adeo id absurdum mihi videtur, vix ut assentiri illis possim, qui scribunt, etsi inventor ipse usucapere non possit, emptorem tamen, qui disparente domino bona fide rem ab inventore emerit, posse: quantum enim obstat quo minus certissimum iuris fundamentum oggeramus: quisquis rem alienam sciens vendit, furtum committit, §. *quod autem dictum est Inst. de usup.*? Illud extra dubitationis aleam pono, falsam esse eorum sententiam, qui putaverunt, si dominus non compareat, res inventas pauperibus esse distribuendas: nullo enim id loco scriptum est, nec ullum argumentum huius sententiae idoneum suppetit, ut iam ante recte animadvertit Franc. Sarmientus. Sed fingamus dominum parere, an inventor *euretron*, id est, inventionis praemium petere potest? Improbis est, qui gratis probus esse non vult: petere ergo *euretron* non potest, nisi ex pactione: citra vero pactionem solum, condici non potest, *d. L. 43. §. quid ergo D. h. tit.*, *L. solent 15. D. de prescr. verb.*, *Paul. 2. sent. 31. §. ob indicium*, *L. 4. §. ult. D. de cond. ob turp. caus.*

Videamus nunc rectene furtum dividerimus in duas species, manifestum, et nec manifestum: cum et ter-

Sam. 6. sel.
int. 10.

etiam species reperiatur, eius nimirum furti, quod et manifestum, et nec manifestum sit. Ita enim Ulpianus in *L. vulgaris 21. D. h. tit.*, *Si quis armarium, quod tollere non poterat, aperuerit, et omnes res, quae in eo erant, contrectaverit, atque ita discesserit, deinde reversus unam ex his abstulerit, et antequam se reciperet, quo destinaverat, deprehensus fuerit: eiusdem rei et manifestus et nec manifestus fur erit. Sed et qui segetem lucē secāt, et contrectat, eius quod secāt, et manifestus, et nec manifestus fur erit.* Verum non obstante Ulpiani responso, dicendum, recte se propositam divisionem habere, nec ullum dari furtum, quod simul et manifestum et nec manifestum, sit non enim Ulpianus dicit, et eiusdem rei, et eodem actu atque tempore utrumque committi furtum, sed eundem quidem rei, at diversis actionibus. Nam dum fraudulose et lucrifaciendi animo contrectat, eius quod contrectat, nec manifestus fur est: dum auferit atque deprehenditur manifestus. Quanquam et id ipsum a stricta duntaxat ratione atque subtili proficiscitur, ut eiusdem rei et manifestus, et nec manifestus fur dicatur: si actionem spectemus, quia in tantum quisque tenetur, quantum abstulit, consequens est et hunc, de quo quaerimus, una duntaxat actione teneri: nempe manifesti: non etiam nec manifesti.

Illud postremo notandum, etiamsi superiora omnia concurrant, interdum tamen personam facere, quo minus furti actio detur. Nam si maritus rem uxoris, aut contra uxor mariti rem intervertat, concurrunt ea omnia, quae definitio superior exprexit; contrectatur res, fraudulenter, lucri faciendi gratia: cessat tamen famosa furti actio, propter honorem matrimonii, conjugumque necessitudinem, atque vitae totius societatem, eiusque loco datur actio non famosa de rebus amotis in simplum, *L. si quis uxoris 52. §. 1. et 2. D. h. tit.*, *L. 17. C. eod.*, *L. 1. 2. et seqq. D. de act. rer. amot.*, si nimirum divortium sequutum sit: nam constante matrimonio nec actio rerum amotarum datur, sed iure gentium condicuntur res ab iis, qui non ex iusta causa possident, *L. rerum 25. D. eod.*, vel actio

ne in factum agitur, arg. *L. 2. C. eod.* His autem consequens est, ut multo minus coniux a coniuge extra ordinem furti accusari possit, cum criminale iudicium, et processu, et exitu civili plerumque gravius sit. Servi quoque et liberi nostri, quos in potestate habemus, furtum quidem vobis faciunt, furti tamen actione non tenentur: cuius rei duplex redditur ratio. Prior, quia natura est impedimento, quod non magis cum his, quos in potestate habemus, quam nobiscum ipsi agere possimus. Posterior, quia necesse non habet pater vel dominus litigare, sed statuere ipse in furem potest: idcirco nec actio a veteribus ei prodita est, *L. 16. et 17. D. h. tit.* Possis, quantum ad filiosf. attinet, rationem adicere tertiam, quia vivo quoque parente domini existimantur, et participes parentum, *L. in suis 11. D. de lib. et post. Terent. in Heaut.*

Nec fas esse ulla me voluptate hic frui,

Nisi ubi ille huc salvos redierit meus particeps.

Sed quod diximus ipsum patrem domumve statuere in furem posse, hoc ita temperandum, nisi atrocitas rei graviorem exigit animadversionem: tum fur ad Praefectum urbi deducendus est, *L. 3. et 4. C. de patr. pot., L. un. C. de emend. serv., L. perspicendum 11. §. 1. D. de poen.* Temperandum etiam quod de furti actione diximus, ut licet ea adversus filiumf. non detur, si tamen peculium castrense habeat, utili actione patri teneatur, *d. L. 52. §. sed si filius 5 D. h. tit.*

Ex contrario pater quoque filio furtum facit, furti tamen non tenetur: reverentia enim parentibus debita hoc efficit, ne contra eos turpis actio detur, *L. 1. 2. 5. 6. 7. 9. D. de obsq. par. et patr. praest.,* quae ratio cum generalis sit, ad omnes parentes pertinens consequens est, ut nec adversus matrem, avumve maternum detur. Ulpianus tamen in *d. L. 52. §. 6.* scripsit: si pater filio rem castrensis peculii subtraxerit, et furtum eum facere, et furti teneri, verum de utili actione hoc accipiendum esse, cum ex praecedenti §, tum ex *L. 11. §. 1. D. de dol.* facile colligitur (7). Praete-

(7) Ulpianus in cit. *L. 52. de furt., §. 5 et 6.* distinguit eundem

rea liberi atque clientes patronis, mercenarii iis, a quibus conducti sunt, furti non tenentur, *L. si libertus* 89. *D. h. tit.* sunt enim et haec domestica furti, quae publice vindicanda non sunt, *d. L. 11. §. 1. D. de poen.* (8). Atque de liberis id fortasse minus mirum videri posset, sed de clientibus magis: maxime de mercenariis: nam statuere patronus in clientem, conductor in mercenarium nihil potest: cur ergo denegetur eis furti actio? Iam utra necessitudo maior, quae intercedit conductori cum mercenario, an quae privignis cum vitrico aut noverca? Atqui privignis contra vitricum et novercam datur famosa furti actio, *L. 3., L. de his 11. C. h. tit.*: qui minus conductori adversus mercenarium? An quia cliens et mercenarii sunt domesticae personae? vitricus et noverca minime? Illud sane minime mihi verum videtur, quod quidam scripserunt, furti actionem non dari adversus propinquos intra quartum gradum. Nec satis firmum huic rei argumentum ducitur *ex L. si tutor 9. D. de susp. tut.*, quae, quantum ad suspecti crimen, propinquorum famae parcere iubet: de furto non loquitur, nec potest eo usque interpretatione produci: alioqui sequeretur, nec adversus vitricum vel novercam furti actionem dari: cum hi inter primos adfines sint. Quamvis autem personae enumerate furti non teneantur, tamen si qui opem consiliumve eis tulerint, haud dubie furti tenentur, *d. L. si quis uxori 52. D. h. tit.*

furtum quod filius habens castrense peculium fecerit patri a furto, quod pater fecerit filio rei ad eius castrense peculium pertinentis. In prima enim facti specie utili tantum actione adversus filium posse patrem agere: in secunda vero patrem non modo furtum facere, sed etiam furti teneri a parte tradit lectus. Ratio discriminis petenda est *ex L. 16. h. t.*

(8) Furta domestica, si leviora sint publice vindicanda non esse tradit Marcianus in cit. *L. 11. §. 1. D. de poen.* Graviorum enim accusatio extra ordinem admittebatur quamvis iuris civilis subtilitate actio furti non competeret.

CAPUT. II.

De Poena.

- | | |
|---|--|
| 1. Quae poena furti ex XII Tab.? | quocumque etiam modico furto competat! |
| 2. Quae postea legi decemvirali successerit? | 5. Rectene Iustin. vetuerit furem membro mutilari? |
| 3. An poena furti nec manifesti ex XII. Tab.? | 6. Recto fures puniantur laqueo? |
| 4. An criminale iudicium de | |

Poena furti alia lege Decemvirali, alia postea introducta est. Decemviri, ut Gellius narrat, neque pari severitate in puniendis omnium generum furibus, neque remissa nimis lenitate usi sunt: Nam furem, qui in manifesto furto pressus esset, tum demum occidi permiserunt, si aut, quum faceret furtum nox esset, aut interdiu telo se defenderet. Ex ceteris autem manifestis furibus liberos verberari addicique iusserunt ei, cui factum furtum esset, si modo id luci fecissent, neque se telo defendissent: servos item furti manifesti pressos, verberibus addici, et de saxo praecipitari; sed pueros impuberes Praetoris arbitratu verberari voluerunt, noxamque ab his factam sarciri: ea quoque furta, quae per lancem liciumque concepta essent, proinde ac si manifesta forent, vindicaverunt. Aliis deinde furtis omnibus quae nec manifesta appellantur, poenam imposuerunt dupli. De occidendo fure manifestario confirmat. Cicero *pro Milon. Duodecim tabulae nocturnum furem quoque mox, diurnum autem si se telo defenderit, interfici impune voluerunt*. Et Caius in *L. 4. §. 1. D. ad L. Aquil.*, et *L. si pignore 54. §. furem D. h. tit.*, *Lex XII. Tab. furem noctu deprehensum occidere permittit, ut tamen id ipsum cum clamore testificetur, interdiu autem deprehensum permittit occidere, si is telo se defendat; ut tamen aequè cum clamore testificetur*. Verba ipsius

1. **Legis de fure nocturno prodidit** Macrobius ita, **SEL. NOX. FURTUM. FACTUM. ESIT. SEL. IM. OCCISIT. IOURE. CAISUS. ESTO.** Postea a lege decemvira-

Gell. 11. cap. ult.

Macrobi. 1.
Satur. 4.

si discessum est; nam si qui super manifesto furto iure et ordine experiri vellet, huic actio a Praetore in quadruplum dabatur, *Gell. d. loc., pr. Inst. de perp. et temp. act.* Occidere quoque furem seu diurnum seu nocturnum non licuit, nisi se telo defenderet, parci-que ei sine periculo non posset, *L. furem 9. D. ad L. Corn. de sicar.* Subinde etiam extra ordinem, fures accusari coeperunt apud Praefectum urbi, vel eum qui criminali iurisdictioni praerat: quo casu nulla certe poena constituta erat, sed arbitrio ius dicentis, pro qualitate admissi reus plectebatur: atque interdum nil gravius statuebat Praefectus, sed rem furto interceptam restitui iubebat, *L. ult. D. de priv. del., L. interdum 56. §. 1., et L. ult. D. h. tit.* Novissima constitutio Iustiniani nominatim vetat pro furto sine armis et violentia commisso, furem aut morte plecti, aut membro mutilari, *Nov. 134. cap. ult.* Summa igitur haec est: de furto aut civiliter agitur, aut criminaliter. Si civiliter agatur, poena furti manifesti est quadrupli ex Edicto Praetoris: nec manifesti dupli ex lege xii. Tab. Sin criminaliter, extra ordinem fur punitur, dum ne ei, qui vim non adhibuit, aut caput aut membrum amputetur.

Dixi nec manifesti poenam dupli esse ex xii. Tab. id enim Gelli verba evincunt, quae ad Decemviros, non ad Edictum Praetoris respiciunt (1). Sed et quum xii. Tab. dicatur constituta noxalis furti actio, §. *sum autem Inst. de noxal. act.*, necesse est id de furto nec manifesto intelligas, eiusque poenam pecuniariam dupli fuisse: nam ob manifestum furtum servi de saxo Tarpeio deiciebantur: non ut potuerit manifesti nomine actio noxalis constitui, arg. *L. quis sit fugitivus 17. §. noxas D. de aedil. ed.* Non adducam etiam ad probandum hanc sententiam *L. tres tutores 55. §. 1. D. de admin. tut.*, non enim de actione furti nec manifesti, sed rationibus distrahendis loquitur.

(1) Si adorat furto quod nec manifestum escit, duplione luito, sunt verba xii. Tabb. in Tab. 2. Adorare apud antiquos significabat agere. Festus in verb. adorare.

4 De civilibus actionibus hoc capite pluribus non agemus, cum propositum nobis sit, crimina potissimum eorumque accusationes persequi. Ad hanc autem partem illud in primis pertinet utrum accusari extra ordinem possit quicumque fur, seu magnae, seu parvae rei, an vero improbiores duntaxat? Posterius non levibus argumentis comprobari posse videtur. Nam si omnino fur accusari extra ordinem potest, quid opus pecularibus locis atque titulis agere de improbiore? Veluti *tit. de extr. crim.* de saeculariis atque directariis: de furibus nocturnis et balneariis *tit. de furib. baln.*: de his qui vi atque armis utuntur *tit. de affract. et expil.* de abactoribus pecorum *tit. de abig.*: de his qui ex incendio, ruina, naufragio rapiunt *tit. de incend. ruin. naufr.* nonne id ipsum satis arguit parvos fures, non accusari? Quid, quod nominatim J.C. Marcianus in *L. 2. D. de furib. baln.* respondit, fures diurnos, tanquam minus atroces, ad examinationem civilem remittendos esse? Quid quod alioqui auxilium extraordinarium pro re modica non datur, *L. 4. D. de in int. restit.*, *L. 9. §. ult. et L. seq. D. de dol.* Quid, quod non omnes iniuriae, sed atrociores duntaxat extra ordinem vindicantur, arg. *L. 1. D. de Extr. crim.* Denique, quis non valde durum id fatebitur, in crimen inscribi ob rem modicam, tristemque conspici vultum rei atque habitum? Atque haec sententia uti argumentis defenditur, ita nec contemnendis auctoribus placuit, Quibus tamen non obstantibus contrariam veteriorem iudico, legum rationumque pondere validius subnixam. Nam primo generaliter J.C. Ulpianus, et siue distinctione tradit in *L. ult. D. de priv. del.* Si quis actionem, quae ex maleficio oritur, velit exsequi, si quidem pecuniarium remittendus erit: sin extra ordinem, tunc subscribere eum in crimen oportebit. Secundo: in specie de furto disserens, non separat modicum a gravi in *L. ult. D. de furt.* Tertio non distinguit Hermogenianus circa iniuriam, atrox, an levis sit sed generaliter testatur, de iniuria extra ordinem ex caussa et persona statui solere, *L. ult. D. de iniur.* Quarto de omni iniuria, eum qui passus est, posse

Cov. 1. resol.
3 n. 12 Zes
2. sing. resp
26 Comes
in §. poeu.
Inst. de act.

vel criminaliter agere, vel civiliter docet Imp. in §. in summa Inst. de iniur. Quarto: Cum actio vi bonorum raptorum famosa, et in quadruplum detur ob rem modici pretii, Nov. 63. cap. 1., Nov. 69. cap. 1., §. gallinarum Inst. de rer. divis., L. si apes 26., L. si pavonem 37. D. de furt. cur. non detur iudicium extraordinarium? neque enim eventu seu exitu civili semper gravius est. Deducitur quidem reus in periculum maioris poenae, aliquando tamen Praefectus urbi rem furtivam duntaxat restitui iubet, L. interdum 56. D. de furt. Quinto: non ob stare sententiam hanc confirmat ead. Nov. 69., cuius inscriptio cum sit tam de criminalibus, quam pecuniariis causis; cumque cap. 1. constituat Imp., ut ne reus possit revocare domum, sive pecuniarum, sive criminum reus sit; sed ibi lis peragatur, ubi deliquit; consequens est, ut et ea quae sequuntur de sublatione bovis, aut equi, aut domesticae gallinae: referantur ad utrumque iudicium, tam criminale, quam civile. Sexto et ultimo aperte eam confirmat Martianus in L. 3. §. 2. D. de bon. eor. qui ant. sent. mort. sib. consciv. hisce verbis, D. Pius rescripsit, eum, qui modici furti reus fuisset, licet vitam suspendio finierit, non videri in eadem causa esse, ut bona heredibus adimenda essent; sicut neque ipsi adimerentur, si compertum in eo furtum fuisset. Etiam nunc dubitabimus, modici furti reum ad Praefectum urbi deduci posse? Quid ergo respondimus adversariis? Profecto non difficile erit obiectos ab eis argumentorum nodos dissolvere. Quod enim ad primum attinet, inter initia iuris, eiusque progressum atque incrementa distinguendum arbitror: initio atrociores duntaxat fures coercerentur extra ordinem: post invaluit, ut adversum omnes vel criminaliter agi posset: tituli quoque illi peculiares, qui de gravioribus furtis in libris Digestorum habentur, illud solum arguant, etsi quis fur accusari extra ordinem possit, in primis tamen et exquisitius improbiore a Praefecto coerceri. Itaque et ad secundum respondendum duco, quod ex L. 2. D. de furib. baln. desumptum est; quanquam et illud dici poterat, verba

remittendi sunt, quibus Martianus utitur, accipienda esse non ex necessitate, sed usu fori: id est plerumque quidem diurnos ad examinationem civilem remitti, posse tamen, si cui libeat, et extra ordinem accusari. Quod tertio loco adfertur de restitutionibus in integrum, et actione doli, id stipula levius est; quid enim commune in integrum restitutioni cum accusatione furti? In integrum restitutio non datur ob rem modicam, quia rescindit id, quod summo iure civili subsistit. Actio furti vel eiusdem accusatio, num rescindit aliquid, quod iure civili subsistebat? Minime gentium; nullo modo furtum subsisti, quin et meritis civitatis, et natura probum est, *L. probrum 42. D. de F. S.* Iam quod quarto loco emittitur ab adversariis telum, id in ipsorum caput retorquemus. Paulus in *L. 1. D. de extr. crim.* testatur extra ordinem vindicari, si quis fimo corrupto aliquem persuaderit, coeno, luto oblinuerit: atqui haec non valde atrox in iniuria est: ac vix gravior ea qua quis os hominis liberi depalmat, pugnumve ducit, aut convitium facit; hinc ergo perspicue colligitur, etiam modicam iniuriam vindicari extra ordinem posse. Quod postremo adducebatur, durum esse, ob rem modicam in crimen inscribi, tristemque cerni habitum rei, atque barbae promissae squalorem: id totidem verbis inficiari possumus; quia magis animo atque affectu, quam rerum pretio maleficia aestimantur. Hieronymus in *c. ult. 14. q. 6.*, *Fur autem non solum in maioribus, sed etiam in minoribus iudicatur. Non enim id quod furto ablatum est, sed mens furantis attenditur. Quomodo in fornicatione, non idcirco diversa sit fornicatio, seu mulier sit pulchra, aut deformis, ancilla aut ingenua, paupercula, aut opulenta, sed qualiscunque illa fuerit, una est fornicatio, ita et in furto quantumcumque quis abstulerit furti crimen incurrit.* Iulianus vetus Novellarum interpretes in *Nov. 69.*, *Quamvis res, de qua agitur, minima videatur, tamen iustitiae ratio, non ex quantitate, sed ex suis regulis debet aestimari: nam et quod aliis vilissimum videtur, hoc aliis pretiosissimum est. Adde*

Velleium Paterculum, qui cum *lib. 2. histor.* narrasset, C. Catonem consularem, M. Catonis nepotem, repetandarum damnatum esse, cum lis eius 1111. M. aestimaretur, subiicit: *Adeo illi viri, magis voluntatem peccandi intuebantur, quam modum; et quid, non quantum admissum foret, aestimabant (2).*

Dehinc videndum, rectene Iustinianus in *d. Nov. 5* 134c. ult. veterit, ob furtum non violentum membro aliquo mutilari furem; cum id ipsum videatur rationi maxime consentaneum, ea quemque corporis parte puniri, qua deliquit. Ita falsario multi hodie manum amputant, periuro indicem, blasphemolinguam. Et olim Alexander Severus notario, qui falsum causae brevem in consilio Imperatoris retulerat, digitorum nervos iucidi iussit, ne unquam scribere posset. Desertoribus quoque, quod pedibus potissimum peccare viderentur, poplites multi succiderunt. Sed et moechum cum vidisset duci Diogenes Cynicus, cui moecho Didymon nomen erat, dignum esse dixit, qui ex ipso nomine suspenderetur. Et Epigrammaticus false ridet maritum, qui moechonares absciderat, quod non ea corporis parte multasset, qua deliquerat: Risurus credo et constitutionem Friderici, si in eius aevum durasset; qui adulteros non mortis poena, sed nasi truncatione adfici voluit. Aegyptiorum sane legem, qua, ut Diodorus refert, adultera nasi dispendio, adulter mille plagis luebat, eidem explosam esse nullus dubito. Callidius Zaleucus Locrensium legislator, qui adultero oculum erui voluit, quod primi nuptas incoerent oculi, maximumque illicitae libidinis irritamentum, ardentius adspexisse matronam. Unde sacra quoque pagina avertere nos oculos iubet, ne irretian-

Vid. Cai. 7.
obs. 10. et
Chass. p. 78.
n. 59.

Lamps. in
Alex.

Const. Sicu.
lib. 3. tit. 40.

Diod. lib. 1.
biblioth.

(2) Ideo ob iniuriam, quam memorat Paulus in cit. l. 1. D. de *extraord. crim.* gravis animadversio obtingit, quod eadem publica sit, ut ipse testatur letus. Ceterum in levia furtiva putarem eam tantum modicam correctionem exerceri, quae etiam a minori magistratu absque ure gladii infligebatur. Quod luculenter probatur ex l. 3. §. D. de *Off. Praes. Vig.* Vid. de furto rei minime elegant. dissert. apud Aweran. *Interpr. iur. lib. 1. dap.* 23.

tura vanitate. Et abstinentissimus mortalium Iobus pepigisse se foedus cum luminibus suis dicebat, ne ea deligeret in virginem. Sed quod in hoc re palmarium videri poterat, etiam lex divina mulieri manum abscindi praecepit, quae in rixa viro suppetias lata, imputenter adprehendisset adversarii virilia *Deu.* 15. v. 11. Verum hisce non obstantibus, existimo non male id constitutum ab Imperatore: non enim in peccatis castigandis tam illud inspicere debemus, quod quis membro in delinquendo usus fuerit, quam quid sit id, quod admissum est, quantumque, et qua in re sit admissum. Poenarum is finis est, et ut delinquentibus, et reip. medeatur: non recte autem medetur, qui manum amputat aut pedem. Quippe ex inopia atque desidia plerumque furta nascuntur, ut Hebraeorum sophus Agur agnovit, cum egestatem, tanquam alterius mali ansam atque illicem deprecatus est, ne forte inopia pressus, manum ad furta atque latrocinia extenderet: Egestatis autem depellendae optima ratio operae diurnae nocturnaeque, quibus ut exhibere se familiamque homines desidiosi possint, in ergastula potius, atque opera publica damnandi sunt. Medicorum in curandis corporis morbis ea ratio est ut non semper loco affecto medicamenta adhibeant. Dolente capite aut stomachum purgant, aut clysteres adhibent; non tam quid doleat, quam causam doloris inquirentes: ita prudens legislator in curandis animorum morbis, non tam quod membrum deliquerit, quam unde delinquendi causa profecta fuerit, considerare debet.

6. Hac quaestione profligata, alteram huic proximam adiciamus, qua quaeritur, an legislator furtum simplex capite punire possit, et quid sentendum de constitutione *Friderici de pac. ten. et ei. viol.* qui quinque solidorum furem laqueo suspendi iussit? Simplex furtum vocamus, quod neque violentum est, neque in sacrilegii, peculatus, plagii speciem cadit. Haec quaestio magnis utrinque animis agitur: ego nullius in verba iureiurando adactus, libere et breviter quid videatur aperiā. Videtur poena illa laquei, cum simplici furto irrogatur, impendio acerbior esse, neque

convenire iustitiae distributivae, quae iubet poenis delictis aequas imponi, nec patitur scutica dignum, horribili flagello caedi. Id sequentibus argumentis demonstro. 1. Adversatur haec poena iuri divino, quod furem aere non capite multat, *Exod. 12. v. 1. et seqq.* Est autem id ius ita sanctum atque immutabile, ut neque adici neque detrahi quidquam posse videatur, *Deut. 4. 2. Apoc. ult.*, eumque adventu Salvatoris nostri abrogatum non sit, quare stare prohibeatur? Omnes leges Mosaeicae, testibus Duareno et Contio, quae pertinent ad tuitionem decalogi, et fundamentum habent in naturali aequitate, hodieque Christianos obligant. Lex haec non est mere indicialis, sed ex parte moralis: cuius generis leges cum Salvator noster passim confirmet, ut *Ioh. 8. 3. et. 1. Cor. 10. 8., Matth. 15. 3. et 4., Matth. 26. 52., Ioh. 12. 8. iunct. Deut. 15. 11. Matth. 5. 8. et seqq.*, consequens est, abolitas non esse, ac ne potuisse quidem aboleri cuiusquam hominis constitutione, cuius minister et exsequutor divinae voluntatis omnis magistratus esse debeat, *Rom. 13. 1. 2. 3. 4. 11.* Mens et voluntas supremi legislatoris satis aperte colligitur ex illis furtorum generibus, quibus specialiter capitis poenam irrogat. Irrogat enim poenam capitis plagiaris, *Deut. 24. 7.*, sacrilegis, *Ios. 7.* effractoribus non quidem nominatim irrogat, sed dum nocturnum furem, qui vim facit, occidi permittit, *Exod. 22. 2.*, eo ipso effractionem infra capitis poenam non esse, promodum innuere videtur. Ex his autem perspicimus, nequaquam Deum O. M. voluisse simplex furtum morte plecti: ut plane hic locum haberi possit illud vulgatum: *Exceptio firmat regulam in casibus non exceptis.* 111. Adversatur laqueus iustitiae distributivae, quae dictat poenam delicto iusta proportionem respondere debere. At nulla est proportio inter vitam hominis et centum aureos, nedum inter vitam et quinque; liberum enim corpus nullam recipit aestimationem *L. 3. D. si quadr. paup. sec. dic., L. liber homo 13. D. ad. L. Aquil., L. ult. D. de dei. vel. effus.*, et summa aureorum quinque, levis summa est, *L. Divus 6. D. de bon. damn. 14.* Qui damnum iniuria dat, ut maxime

Duar. ad tit.
Dig. sol.
matr. Cont.
lect. 1.

dolo faciat, atque etiam id damnum excedat quinque solidos, non tamen punitur ulla lege capite, nisi fortasse aedes alterius exusserit, aut acervum frumenti iuxta aedes positum; tum enim vinctus verberatusque igne necatur. *L. qui aedes 9. D. de inc. ruin. nauſ.* At si ex. gr. equum tuum, aut bovem occidero, quantivis practii sit, tanti condemnor: quanti is equus plurimi fuit, anno retrorsum computato: ac ne leges quidem municipales capitis poenam irrogant: cur ergo puniatur capite, qui equum abstulit? num gravius auferre, quam occidere? Si calicem tuum argenteum in profundum abiecero damni dandi causa, peculium vapulabit, *L. qui servandarum 14. §. sed etsi calicem D. de praescr. verb.* Si eundem abstulero animo lucrifaciendi, catena circumdabitur collo. Haec cique iusta proportio? v. Stuprum non violentum capitale non est, nec moribus id capite luitur, *§. item lex Iulia Inst. de publ. iud.* Stupro autem levius furtum est. Qui ergo convenit levius crimen capite: gravius aut aere, aut relegatione punire? Hic in absurdam nonnulli ratiocinationem prolabantur, dum collatis criminibus ita arguunt: Si fur capite luit, quando magis stuprator, qui virginitatem auferit? Argumentari potius debuerunt isto modo: Si stuprator capite non punitur, nec fas est: quanto minus fur? cum res quidem ablatae restitui possint, virgo restitui in eum locum, quo est accepta, non possit. vi. Adulterium iure divino capite punitur *Lev. 20. v. 10. Deut. 22. v. 22. Job. 8. v. 5.* Hanc capitis poenam non recte statutis plebanaeque regionum commutatam esse in non capitale, plerique interpretes agnoscunt: ac nominatim Iulius Clarus in receptis sententiis exclamat, in hoc articulo Christianum orbem egere reformatione: Cur ergo ex contrario non fatentur etiam, poenam non capitale furti simplicis non potuisse converti in capitale? An plus licet legumlatoribus circa furtum, minus circa adulterium? vii. Postremo ad genus mortis quod attinet, cur fures laqueo strangulantur, sicarii gladio feriuntur, cum haud paulo gravior caedes furto, quamlibet magne, sit? Non sentiunt se mori, que-

Damboud.
prax. crim.
cap. 91. rub.
de stupr. n.
1. Farin. qu.
147. §. stu-
prum, n. 1.
Cons. Moll.
1. Sem. 37.
n. 15.

Clar. 5. sent.
§. adulter.
n. 7. in fin.

Farin. qu. 28.

rum gladio resecatur cervix: qui strangulantur, sentire mortem censentur. Aequitas autem dicat, quod gravius crimen est, eo et acerbiorum poenae sensum esse debere. Haeret hic aqua interpretibus. Atque his argumentis sententiam nostram satis abundeque confirmatam arbitror: sed nihil dixisse videbor, nisi et dissentientium argumenta diluero. Obiiciunt primo: Leges forenses scriptae sunt solis Iudaeis, abrogataeque adventu Christi. Respondeo: Id verum non est; nam si leges forenses solos Hebraeos tenent, cur Chanaanæ gentes ob libidines excinduntur? *Lev. 18. 24.* Cur autem legem in paedicones latam Gomorrha atque Sodoma urbes florentissimae incendio deflagrant? *Genes. 19.* Cur Thamar ante legem de adulteriis latam flammis addicitur? *Genes. 38. 24.* Quo autem id loco scriptum, Christum adventu suo leges forenses omnino et in totum antiquasse? non est haec lex mere forensis, sed ex parte moralis, et quasi sanctio octavi praecepti, quæ poena in transgressores constituitur. Quam autem absurdum foret, fateri legem quidem omnibus omnium seculorum hominibus datam, ne furari liceat, sanctionem tamen, quæ pars postrema cuiusque legis est, ad solos Israelitas pertinere? Obiiciunt secundo locum *Genes. 31. v. 32.*, ubi cum Laban quereretur furto sibi ablata Deorum simulacra, Iacobus respondet, eum, apud quem ea inventa fuerint, morte id furtum luere debere. Huic similis *Genes. 44. v. 9. et seqq.*, ubi qui scyphum argenteum Iosephi abstulerat, morti adiudicatur. Respondeo: Aut Iacobus, dum litigat cum socero, inconsulto calore in ista verba prorupit, aut quod verisimilius, ideo censuit idolorum interceptorem capite puniendum, quod cum furto coniunctum atque commixtum esset idolatriæ crimen. Est autem id crimen per se solum capitale et gravissimum, ut patet ex *Deut. 13. v. 8.* Iosephi autem calicem quod attinet, non puto nos erraturos, si dixerimus fratres eius, dum innocentiae suæ confidunt, audacius morti obtulisse se atque servituti. Nam dispensator Iosephi, animadvertens calidius id esse responsum, quam ut ferri posset, non morte, sed servi-

n. 84. Moll.
2. 8em. 37.
a. 6.

Vie. Aliug.
part. 2. prob.
34.

Vest. verb.
Sacer. mons.

Macrob. 3:
Satur 3.

tute puniri voluit eum, apud quem calix esset reperi-
tus. Ut quid autem servitute? Quia improbinserat fur-
tum, et hospitis et Principis convasare suppellectilem.
Nam et alias, quae adversus privatos atque extraneos
admissa modica censerentur, ea adversus Principem
atque hospitem commissae, censentur gravissima. Ter-
tio adducunt ex libro *Ios cap. 7*. Achanem, qui ob
furtum cum universa familia vivus lapidibus obrutus
est. Verum responsio facilis et in promptu est: non
commisit Achan simplex furtum, sed sacrilegium:
quod committit omnis, qui sacra temere adtrectat, aut
usurpat sibi, quae Deo sunt dicata vel debita voti caus-
ae, aut anathematis. Aclius quidem Gallus sacrum
definierat, omne quod quocunque modo atque insti-
tuto civitatis consecratum esset, sive aedis, sive ara,
sive signum, sive locus, sive pecunia, sive quid aliud,
quod diis dedicatum atque consecratum esset: Treba-
tius vero paucioribus verbis, sed plenius: *Sacrum est,
quidquid est, quod Deorum habetur*. Sacra igitur sunt,
non tantum quae consecrata sunt cultus divini causa,
sed et omnia, quae quis Deo vovit. Vota autem erat prae-
da omnis oppidi Ierichuntis Deo: non potuit igitur
non committere Achan sacrilegium: Quarto opponunt
nobis Davidem, qui 2. *Sam. 12. v. 5*. quam per Natha-
nem delatus ad eum esset dives, oviculæ interceptae
rens, exclamavit: *Vivit Iehova, reus mortis est vir
ille, qui fecit hoc! Agnam quoque ipsam rependito qua-
druplam*. Ad hunc locum qui difficillimus esse perhi-
betur, non una datur responsio: vel enim dici potest,
hyperbolico dicendi genere usum Davidem, ut expri-
meret improbitatem huius furis, qui cum dives gre-
gis esset, agnam unicam interceperat pauperi: vel fur-
tum id simplex non fuisse, sed rapiam: vel peculia-
ri id instinctu Dei factum esse, ut David in ista ver-
ba prorumperet, atque suamet ipse sententia caderet,
iuxta illud vulgatum Graecorum: *lingua errans verum
dicit*, ipse enim filius ille et vir mortis erat. Excandui-
sesane Davidem, cum haec ediceret, sacra pagina me-
morat, *Tunc, inquit, David, accensus ira in virum il-
lud valde, dixit Nathani, Vivit Iehova, reus mortis est*

vir ille, qui fecit hoc. Quinto: aiunt, ius divinum non vetare, quo minus poenae intendantur: idque elucescere ex Salomonis Proverbiis *cap. 6. v. 31.*, ubi testatur posse etiam fuerem damnari in septuplum. Resp. Non haec est Salomonis mens, atque propositum ostendere quousque furti poena intendi possit, sed docere quid intersit inter adulterum et furem, quantumque exsuperet huius furor, illius stultitiam. Fur enim deprehensus vel septuplum respondere potest: Adulter deprehensus quid respondet? non habet rationem pretii maritus, nisi leno sit, nec parcat quamlibet maxima deprehensus offerat munera. Sexto: arguunt, crescentibus delictis exacerbandas esse poenas *L. aut facta, 16. §. ult. D. de poen.* Respondeo: Neque nos id diffitemur, augescente in dies delinquentium numero, poenas exasperandas esse: atque etiam ultro profiteamur, si in aliqua regione tam crebra sint furti, tot directarii, tot saeculari, tantâ vetriculariorum manus, ut non possit aliter resp. esse salva; nisi in crucem tollantur, tollendos esse; salus enim populi suprema lex esse debet: verum si possit ista malorum sentina aliter exhauriri, puta poenis pecuniariis, infamia, virgis, opere publico, cur non hac potius via, quam laqueo atque furcis grassemur? Quin si Bodino credimus, non est satis apta coercendis furtis poena suspendium; docet enim experientia homines desides et desperatos, produlci furtorum compendio, malle iugulum semel laqueo praebere, quam diu in metallo vel ergastulo opus facere. Sunt; fateor, ex nostra secta, quibus haec responsio non probatur, existimantes, ne urgente quidem reip. necessitate fures capite puniendos, hoc argumento: Si crimen sua natura capitale. veluti caedes adulterium, non potest propter raritatem puniri mitius consequens est, non capitale propter frequentiam non posse puniri gravius. Sed his adsentiri non possum; cum istarum rerum maxima dissimilitudo cernatur: a raritate nullum impendit reip. periculum a frequentia maximum. Atque hac ratione constitutio Friderici Imperatoris excusari poterat; nempe paci instaurandae et saeculo datam fuisse, quo nimium multis gras-

Bodin. 6. de
republ. ult.

Calv. 4. Inst.
ult. sect. 16.

sanctibus exemplo opus erat, ad coercenda furta, atque latrocinia: ideoque ad consequentiam non esse producendam. Postremo suffragiis Theologorum sententiam suam confirmare satagunt, ex quibus merito primum locum adsignamus Iohanni Calvino, qui in aureo Institutionum Christianarum opere ita scribit: *Lex Dei furari prohibet. Quae furtis fuerit constituta poena in politia Iudaeorum, videre est in Exod. Aliarum gentium vetutissimae leges furtum duplo puniebant: quae postea sequutae sunt, discernerunt inter manifestum et nec manifestum. Aliae ad exsilium progressae sunt, aliae ad flagrum, aliae denique ad capitis supplicium. Falsum testimonium talionis poena inter Iudaeos plectebatur: alibi gravi tantum ignominia, alibi suspendio, alibi cruce. Homicidium omnes pariter leges sanguine ulciscuntur, diversis tamen mortis generibus. In adulteros alibi severiores, alibi leviores sunt, dictae poenae. Videmus tamen, ut eiusmodi diversitate in eundem omnes finem tendant. Nam uno simul ore pronunciant in ea, quae aeterna lege Dei damnata sunt facinora: nempe homicidia, furta, adulteria, falsa testimonia; sed in poenae modo non conveniunt; neque vero id necesse est, neque etiam ex credit. Est regio, quae nisi horrendis exemplis in homicidias saeviat, caedibus statim et latrocinis perdenda sit. Est seculum, quod poenarum acerbiter augeri postulat. Si quid turbatum sit in statu publico, novis edictis corrigenda sunt, quae inde nasci solent mala. Belli tempore in armorum strepitu concideret omnis humanitas, nisi insolito poenarum metu iniecto. In sterilitate, in pestilentia, nisi adhibeatur maior severitas, pessum ibunt omnia. Est gens in vitium quoddam propensior, nisi acerrime compescatur. Quam malignus fuerit, ac bono publico invidus, qui tali diversitate offendetur, ad retinendum legis Dei observationem accommodatissima? Nam, quod iactatur a quibusdam, fieri contumeliam legi Dei per Moysen latae, quam abrogata illa novae aliae illae praeferuntur vanissimum est; neque enim aliae illi praeferuntur, dum magis probantur, non sim-*

plici probatione, sed temporum, loci, gentis conditione: aut illa abrogatur, quae lata nobis nunquam fuit. Si quidem non eam Dominus per manum Moysis tradidit, quae in gentes omnes promulgaretur, et ubique vigeret: sed quam Iudaicam gentem in fidem, patrociniū clientelam suam suscepisset, illi etiam peculiariter legislator esse voluit: ac quod sapientis legislatoris erat, singularem quandam eius rationem ferendis legibus habuit. Hactenus Calvinus. Secundum locum tribuimus Petro Martyri, cuius ex locis communibus verba citantur ista; *Lex ista de vitata puella ducenda partim civilis est, partim moralis. Id est morale ac sempiternum, ut a magistratibus stupra ac vagae libidines prohibeantur, Ad rationem vero politicam spectat genus poenae decernere, quod principi liberum quidem relinquitur, sed ita liberum, ut mutet Iudaicae legis civilem sententiam, ut populo suo magis videbitur congruere, non sane ad earum libertatem, sed ad vitiorum emendationem.* Tantum Martyr. Tertium locum occupat sucronos istorum Philippus Melathon qui cum delapsus esset in mentionem huius quaestionis censuit, *Iudici Christiano satis hoc esse debere, quod lex congruit ad hanc regulam, ut turpia facta puniat: Gradus permittendos esse legum conditoribus, severius punientibus fures in iis gentibus, ubi disciplina laxior est, quam alibi, ubi fuerunt alia multa disciplinae vincula. Nec Deus hanc severitatem improbare: indicio esse legem Moysis, quae filium belluonem et contumacem vult ad iudicem deduci, et condemnatum interfici; quae lex honestissima, etsi nunc nimis tristis diceretur, ostendit tamen Deo placere disciplinae severitatem.* Huc usque Melathon. Quem sequitur quarto loco Martinus Chemnitius, qui in locis suis Theologicis ita praeibit: *Quaeritur hic, an iustum sit fures punire suspendio, cum lex divina hanc poenam non constituerit? Sed vera responsio est, constitutiones Mosaicas nostras politias non obligare, quae facinorosis recte possunt poenas imponere pro ratione illius regulae, ut communis pax et tranquillitas conservetur, malum de terra auferatur, audacia repri-*

Mart. in app.
lib. 4. loc.
com. in res.
4. quaest.

Melanth. in
loc. lib. 1.
cap. de Ma-
gis.

Chemnit. 2.
part. loc.
Theo praec.
7. circa fin.

*matur, ut ceteri timorem habeant. Multis enim grassantibus opus est exemplo. Et ipse Deus in politia Mosai-
ca ostendit, poenas furti pro circumstantia rei ablatae
vel mitigari, vel exasperari, ut quidam quadruplum;
quidam quintuplum reddant, quidam veniuntur;
quidam morte multentur. Dixit Chemnitius: Sequitur
Perkins. ar- mil. cap. 27. Perkinsus, quem novissime poenam furti capitalem
probasse putant his verbis: Furti poena a iudicibus
statuenda pro delicti magnitudine: ideoque fures quan-
doque capitali supplicio puniendi. Si dicatur, legem
Dei iudiciale quadrupli restitutionem pro multa
instituere, sciendum est in potestate magistratus esse,
quando augetur delictum, augere civilem poenam.
Iam autem in rebus nostris publicis furti delictum au-
geretur. Primo Populus noster egentior est Iudaeorum
populo, ideoque furtum etiam levius maiora detrimenta
adportabit. Secundo, populus noster est ferocioris in-
genii, hinc etiam fures petulantiores sunt; et in furtis
vim adhibent, atque perturbationem publicae tran-
quillitatis; cuius maior est ratio; quam privatae sa-
lutis unius.*

Atque haec sunt Theologorum suffragia, quibus
adversarii utuntur: quos tamen si penitus exami-
nes, aut non sentiunt id, quod adversarii volunt, aut
si sentiunt, non efficiunt luminibus nostris. In re enim
tanti momenti, non auctores numerare, sed rationes
atque argumenta ponderare decet. Et tamen; si au-
ctoribus certare libet, non desunt, quos opponamus.
Mort. class. 2. cap. 1. n. 38. 36. Petrus Martyr (cuius auctoritas eo maior esse debet
contra adversarios, quo cupidius eum in nos excita-
runt) de hac quaestione ita disseruit: Qui interficit
alium, pereat, abripiatur etiam ab altari. Sequitur
adulterium: ibi gladius sistit suam actionem, neque
progreditur ulterius. De furto non est capitalis poena,
neque de falso testimonio. Concupiscentia etiam non
habet poenam sanguinis. Cum talis sit ordo, velim
scire, quare invertant nostri hunc ordinem? Sed di-
cunt, a furibus magis perturbatur resp. quam adul-
teris: oportet enim rationem habere publici boni: sed
ego nego fures magis perturbare rempublicam. Si no-

etiam grassentur, et insidientur vitae hominum, facile concesserim: sed simpliciter de furto non ita dixerim. Certe si rectum sit iudicium, quis nolit potius aliquid amittere rerum et facultatum, quam violari uxorem suam? Sed hodie ea est insita hominibus avaritia, ut pluris fiant pecuniae, quam honestas uxorum. Dico igitur iniuriam aliquam fieri furibus, cum ipsi suspenduntur, et adulteri, qui peccant gravius, relinquuntur vivi; Paulo post: Nunc concludo me non id agere, ut convellam magistratum auctoritatem scio crimina esse punienda, hoc esse constitutum lege divina, modum vero committi magistratibus, nec vigere oportere easdem leges. Novi etiam illas leges civiles traditas per Moysen, non magis nos adstringere, quam ceremoniales. Ceremoniae manserunt usque ad adventum Christi: Civiles suum usum habuerunt, quandiu manebat illa res, conveniebant illi populo. Attamen audeo dicere congruum esse, ut iustitia, quae conspicitur in illis legibus, non negligatur, sed ut res utilis a magistratibus accipiat. Wolfgangus Musculus eadem censuit, sed planius atque apertius. Nunc, inquit, ob modicum furtum, quantumvis furtive factum deprehenso furi adiudicatur laqueus: id quod multi boni nec divinis nec Caesareis legibus convenire existimant. Auferuntur rationes ex eo, quod pax communis, et malorum hominum incorrigibilis iniquitas severitatem hanc eposcant. At mirum videri potest, quare non ob easdem causas adulteri quoque morte plectantur, sicut lex Dei ac Caesarum constituit: cum gravius sit adulterii peccatum, et nihilo minor incorrigibilitas adulterantium, quam furtum. Chrysostomus sic sensit, ubi damnum resarciri potest, non esse homini adimendum vitam. Haec obiter de poenis et emendatione furti secundum leges civiles, quae plus aequitatis habent, quam consuetudo nostrorum temporum, qua fures palibulo adfigi, et res furto ablata in fiscum principum ac magistratum transferri solet. Franciscus Iunius breviter et plane ita censet: Quemadmodum qui iure communi civiliter ex lege Moysi reus mortis est, idem hoc tempore reus mortis habendus est: ita e diverso, qui-

Muscul. in-
explaa. de
col

Tun. in libel.
de poli. iud.

Danae. Pth. *quis eodem iure et modo reus mortis non est, neque hoc*
 Christ prae- *tempore reus motis habendus est.* Lambertus Danae-
 cept. 8.

Piscat. loc 8.
 aphorism.

Rivet. in ex-
 plic. 8. Prae-
 cept.

Ames. 5. de
 consc. cap.
 52.

us: *Lege Moysis solum poena pecuniaria in fures fuit constituta, uti in bonis a fure datur damnum solum. Haec poenam mutare iudicibus non licuit, sed facti cognitio in eorum potestate erat: Si caedes, si vis, si aliquod scelus cum furta coniunctum fuit, propter maleficio duplicatum gravis poena potuit infligi ut 2. Sam. 12. Iohannes Piscator: Quod ad poenarum genera, quae ad tuendum auctoritatem decalogi a Deo sancita sunt, videtur certe hodie magistratus populi Christiani, non minus quam olim magistratus populi Israelitici eis obstrictus esse. Etenim delicta temporibus non mutantur, sed omnibus aetatibus unam eandemque naturam retinent: et similiter Dei sententiam de delictis puniendis non mutari consentaneum est. Andreas Rivetus; Merito existimamus ab optimis Theologis et Iureconsultis disputari contra nimium rigorem, non quidem furum patrocinio, iustitiae et epieikeias studio; in quo recte urgent analogiam inter peccatum et poenam, ne contra legem Dei et iustitiam ipsam impingat nimia severitas, quae limites ab eo concessos transgrederetur. Nam cum Deo soli competat absolutum ius vitae et necis, non debent iudices arbitrium suum sequi, sed expendere quantum Deus homini in talibus concesserit. Paulo post: Et sane in simplici furto nimius videtur legis istius rigor. Nec immerito tantum rigorem adversus miseros quosdam fures mirantur, qui blasphemio in Dei maiestatem, tam indulgenter haberi, et tam impune norunt. Hoc enim in priorem tabulam Decalogi peccatum est, adeoque furto multo atrocius. Sed acriores sunt homines in privatis suis rebus tuendis et vindicandis, quam in gloria Dei asserenda. Guillielmus Amesius: Summa fuit aequitas in ista moderatione (legis divinae) et a Christianis observanda, quia iustitia postulat, ut proportio, quantum fieri potest, observetur inter delictum et poenam: sed inter illa externa bona, quae simplici furto solent hominibus eripi, et hominis vitam, si in trutinam simul adpendantur, nulla propor-*

tio inveniatur. Hucusque Theologi, quibus si adieciamus aliorum quoque probatorum auctorum testimonia, non puto nos absurde facturos. Plato omnia furta, seu magnae, seu parvae rei duplo puniri voluit, si ultra sortem sufficerent furis bona: sin minus, vinciri, donec aut persuasisset, cui debebat, aut reddidisset. Platonis imitator Thomas Morus in Utopia sua, vetuit fures capite plecti, eo quod factum simplex non sit tam grave facinus, quodque haec poena non possit cohibere eos, qui nullam aliam artem quaerendi victus habent. Ex nostris Theophilus censuit, aequum esse, ut fur, qui in pecunia laesit, pecuniae dispendio plectatur. Alcianus male institutas civitates iudicavit, in quibus maiore pecuniae, quam morum habita ratione, fures laqueo strangulantur, adulteri aere luunt. Et nuper admodum Hugo Grotius scripsit, fas non esse, quemquam ad mortem damnari, nisi ob delicta, quae lex per Moysen data morte punivit, aut quae his sunt paria reca aestimatione: Nec enim posse notitiam divinae voluntatis, quae sola animum tranquillat, aliunde in hoc negotio tam gravi haberi, quam ex illa lege quae certe mortis poenam in furem non constituit. Plura huiusmodi corrogari poterant: sed ista, quae adduximus, proposito sufficient: adduximus enim, non tam ad confirmandam sententiam nostram, quae rationibus satis gravibus atque solidis subnixae est, quam ad demonstrandum, non deesse nobis idoneos auctores.

Morus in Utop. lib. 1. p. 73. Theop. tit. Inst. de iur. nat. gent. et civ. et pr. Inst de perp. et temp. act. Alcian. in l. probum D. de V. S. Gr. de jur. bel. et pac. cap. 1. n. 14. Alcian. 1. probl. Theo. 34.

CAPUT III.

De usu.

AD TIT. XXXIX. STAT. ULTRAIECT.

- | | |
|--|--|
| <ol style="list-style-type: none"> 1. <i>Mores furtum grave capite puniunt?</i> 2. <i>Quod sit furtum grave?</i> 3. <i>Rectene Galli Belgaeque domestica furtum gravius coercant?</i> 4. <i>An furtum magnae rei capite puniendum?</i> 5. <i>Et quid de illicita venatione et piscatione?</i> 6. <i>Defenditur compilator iuris Saxonici adversus glossographum.</i> | <ol style="list-style-type: none"> 7. <i>Quatenus locus exagget furtum?</i> 8. <i>Quatenus tempus, et de incendio, ruina, naufragio, tumultu?</i> 9. <i>De mudo et effractione, nec non de directariis.</i> 10. <i>De tertio furto, an id puniendum capite?</i> 11. <i>Quid de conatu, auxilio, et receptatione statuendum?</i> |
|--|--|

Chassan. ad
equs. Burg.
rubr. 1. §. 5.
Argent. ad
cons. 582
Baro tit. ius
de furt. Go-
mes. 3. resoi.
5. 1. 4. 6. 1. 1.
5. sent §
furtum n. 8.

Nunc de usu disseramus, et moribus gentium; non omnium, id enim immensi laboris foret; sed Belgii nostri confederati, cuius inventuti studia nostra praepue addicta atque destinata sunt. Igitur Belgae nostri, cum animadverterent levius esse crimen simplex furtum, quam ut laqueo puniri debeat, non nisi grave furtum, quod qualificatum nonnulli vocant, capite puniri voluerunt. Idem Gallis placuisse, probati auctores Chassaneus, Argentreus, atque Eguinarius Baro testantur. De Hispanis idem prodit Gomezius, De Italis Clarus. Germanis haesisse videtur supra memorata Frederici constitutio, de suspendendo fure quinque solidorum, quam nec Quintus Carolus abrogare usus est, comitiis Augustae habitis, anno Domini clo Id xxx. et xxxii.; constitutione enim criminali clx. iudicis prudentiae relinquit, utrum laqueo, an minori poenae addicat eum, qui plus v, solidis sine vi, sine effractione furatus fuerit; eaque in re Iurisperitorum consilio iudices uti iussit. Verum haec Caroli constitutio minime probanda est: impingit enim in rationes et fundamenta superiore capite adducta. Ad nostros mores revertamur, qui partim

Coler. dec.

concordare, partim discrepare a recta ratione videntur. Concordant in eo, quod simplex furtum capite puniri vetant; discordant cum ad species graviorum furtorum descensum est: quippe gravioribus non solum plagium, sacrilegium, peculatum, et cum armis atque effractione fractum; verum etiam furtum a domestica persona admissum, et ablationem magnae quantitatis adnumerant. Et in universum furtum grave existimantur haec facere: Persona, Res, Locus, Tempus, Modus, atque, Qualitas. Persona grave furtum facit, cum domesticus paterfamilias villicus domi-
no; viator cauponi furtum fecerunt. Tam improbum id moribus visum, ut capite luendum censuerint: quemadmodum plures interpretes testantur, et nominatim expressum est statuto huius civitatis, *rubr. 39. art. 4.* Contra Romani furta domestica levioribus adnumerant; adeoque non irrogant mortis poenam, ut nec efferri domo velint, quae intra privatos parietes coerceri possunt, *L. perspiciendum §. furta D. de poen., L. 17., L. 36. §. 1., L. 53. L. 89. D. de furt., L. 4. C. de patron. pot.* Hic igitur excutiendum, utrum Romani, an nostri rectius ratiocinati sint. Romanos tueri videtur natura societatis domesticae, quae cum nihil aliud sit, quam coniunctio plurium personarum ac rerum, sub unius, qui paterfamilias vocatur, potestate atque imperio, usus quotidiani causa contracta, utique consequens esse videtur non valde grave esse furtum, quod familiaris facit, cum natura quodammodo societatis ad rerum domesticarum communionem eum admittat (1). Ex hoc enim fonte illud fluxisse videtur, quod de socio responsum est in *L. merito 51. D. pro Soc., Credendum esse, cum qui partis dominus est, iure potius suo uti, quam furti consilium inire.* Quod si minus haec illatio placet, illud tamen ex definitione argumentum superat, durum esse, ut paterfamilias tanquam caput, eiusdem corporis membra, iudi-

144. n. 9.
Maev. ad ins.
rub. 1. §. 1.
2. art. 4. Co.
Oml. 1 7. 3.
20. Trans 2.
c. 19. Ultrai.
rubr. 39.

Joan. Fab. §.
alia dei. le
lex Inst. de
publ. ind. fo-
r. dec. 3. 6.
C. §. furt. n.
22. Baro. tit.
Inst. de ablig.
ex del. Chr.
res. Medul.
tit. 2. art. 1.
n. 6.

3

(1) Furta domestica levioribus minime adnumerari, sed furta domestica tantum si leviora sint, non esse publice vindicanda superius fuit ex *L. 1. §. 1. D. de poen.* animadversum.

cis inclementiae obiiciat, atque ob furtum aliquarum rerum in crucem tolli curet. Vocantur domestici *su-noicioi*, cohabitantes in eadem domo: vocantur *omoesioi*, eundem habentes focum: *omocapnoi*, eodem gaudentes fumo: *omositoi*, eodem gaudentes cibo; *omosi-
pnoi*, eodem victitantes penu, vel panario: Tunc hominem eodem tecto atque cibo utentem, a foco tuo, tanquam ab ara abstractum, crudelissimae furcae poenae obiicere non durum existimas? Qui paulo ante divinum humanumque iustecum cernebat, eum tu nunc cernas pensilem, vulturum atque corvorum praedam? Quid quod Graeci eum qui ex domo alterius quid abstulerat, duplo dumtaxat puniverint, cum eos qui in balneis, vel in foro, palaestra idem fecissent, punirent morte? non alia de causa, quod in patrisfamilias potestate sit, recipere quos velit, excludere quibus diffidat: sibi que adeo imputare debeat, qui non diligentius domesticorum mores exploravit, ut Aristoteles tradit 29 *Probl.* 14. Si igitur hae in re et aliqua patrisfamilias culpa deprehenditur, cur cum illis, qui negligentius recepti sunt, tam duriter agemus, ut morte furtum luendum sit? Contra mores defenduntur istis argumentis: Quod eo improbius cuiusque sit factum quo arctiore necessitudine nobis obstrictus est. Fur de trivio non obligatur nobis nisi communi illa ratione, quod nefas sit hominem homini rebusve eius insidiari, cum natura inter homines cognationem quandam instituerit, *L. 3. D. de iustet iur.* Quod, quae non posueris, ea fas non sit tollere: suam potius cuique egestatem fortiter tolerandam, quam ut ex aliorum apoliis ditescant. At eum, quem tecti foique consorte dignati sumus, arctius nobis obstringit domestica necessitudo, qua sentit, aut sentire debet, cum nihil cuiquam auferendum, tum in primis parcendum patrisfamilias, cuius vel imperio subiecti sumus, vel qui fumum atque penum nobiscum communicavit. Accedit, quod, hospitii iura violat, qui hospitii arcam compilat: hospitii autem iura sacrosancta esse vetustas voluit: unde et Iovem hospitalem dixere, vindicem eorum, qui hospites fefellissent. Haecque ratione in sa-

eris dispensator Iosephi exaggerat furtum scyphi argentei, cuius insimulabat fratres eiusdem: *Cur rependitis*, inquit, *malum pro bono? Nonne ille est, e quo solet dominus meus bibere?* Praetera ea sunt animadvertenda peccata maxime, quae, ut Cicero ait, difficillime praecaventur; tecti esse ad alienos possumus, domesticorum vero insidias qui vitare possumus, nisi leges poenarum magnitudine eorum cupiditates frangent? Quo maior atque laxior furandi copia, eo severius furta coercenda, non est autem ulli maior furandi copia, quam domestico, quippe qui intima atque penitus recondita plerumque pervideat, cuiusque fidei commendare res nostras absinturi domo soleamus. His rationibus utrinque contenditur potest: nec temere iudicandi partes sumendae. Nam et sancta est apud nos iuris Romani auctoritas, nec tamen ita id suspicimus, quin fateamur, potuisse etiam statutis aliarum gentium de quibusdam rebus rectius caveri. Ne tamen lectorem inanem dimittam, non inficior hactenus statutis rectius cautum videri, ut gravius existimetur furtum, quod a domesticis admittitur, quibus et copia furandi maior est, et quorum fidei plerumque atque custodiae reculas nostras committimus: sed tam grave id scelus esse, ut sit morte expiandum, etsi nullis aliis circumstantibus gravetur, id vero persuaderi mihi nequaquam potest. Abstulit tantundem domesticus: utique hic illo gravius peccat, qui et fraudulenter rem alienam contrectat, et hospitii iura violat atque comminuit; neuter tamen ultimum supplicium meruisse videtur, neque proportio iusta inter furcam et quinque solidos quamlibet a familiari persona interceptos. Quamobrem et statuta strictissime interpretanda iudico, ita ut nihil omnino derogent iuri civili, quantum ad parentes et liberos, maritum atque uxorem: quibus personis hodieque famosa accusatio non temere concedenda videtur. Est uxor sociâ tori, consors divina atque humani iuris, liberi parentum quasi participes: patrisque in liberos adeo mite imperium, ut pro magno peccato paulum supplicii satis sit patri. Iniquissimum igitur profecto ha-

Cic. pro S.
Rosc. Amer.

qucum iniicere ei collo, cui paulo ante notas atque vestigia aurois impresseris.

- 4 Res ipsa furtum grave facit, cum quis rem sacram vel religiosam interceptit, *L. 1. 5. et 9. D. ad L. Jul. pecul.*, cum pecuniam publicam, aut civitatis, *d. L. 1., et L. 4. §. ult. D. ad L. Jul. pecul.*, cum quis pecudes abegit, *L. 1., et ult. D. de abig.* cum liberos homines interceptit aut suppressit, *L. 1., et tot. tit. D. ad L. Fab. de plagiar.*, cum quis ex aratris suffuratus est vomeres, aut quid aliud ad agriculturam pertinet, *const. Friderici II. de stat. et consuet.*, §. *agricultores*, et generaliter, quoties res ablata magni fuit pretii, *arg. L. sacrilegii 6. pr. D. ad L. Jul. pecul.*, *L. 4. §. 1. D. de inc. ruin. naufr.*, si is qui 31. §. *ult. D. de excus. tut.*, *L. aut facta 16. §. quantitas D. de poen.*, *L. 1. §. sed et qui porcam D. de abig.* Ex his speciebus plagium, peculatus, sacrilegium recte puniuntur ultimo supplicio: id enim partim publica utilitas iubet, partim sacra pagina firmat ut superiore capite indicavimus: Sed mores progrediuntur ulterius atque etiam abigeatum, et furtum magne quantitatis puniunt capite; ut de moribus Galliae testatur Baro, de moribus Belgii Gudelinus atque Christinaeus. Nec abnutat liber statutorum huius civitatis, *Rubr. 39. art. 1.*, ubi cum dicitur, *Om d'eerste kleyn simpel diefte, en sal men den dief niet hangen*, id est, *Ob primum furtum leve et simplex, fur non debet suspendi*: argumento a contrario sensu ducto colligitur etiam ob primum furtum magnum laqueo gulam frangendam esse. Quod autem sit furtum magnum, non exprimitur: Gallorum nonnulli definiunt, quod xx. solidos excedit, ut expressum est statutis Britanniae, *art. 583.* nostri sane abactionem equi magnum furtum putant, et capite luendum, ut de Frisiis suis prodidit Sandius: Hispani vero non unius animalis maioris, sed quinque equorum, aut boum, mularumve abactionem gladio vindicant, ut testatur Gomesius. Utrorumque severitatem vincit Ordinum nostrorum constitutio in fures promulgata anno 1598., quae §. 13. etiam unius ovis vel porci furtum capital facit. Verum hi mores, Gallorum in pri-

Coler. dec.
148.

Baro fit. Ins.
de furt. Dig.
pr. erim cap.
83. n. 2 Gud
6 de iur
novis. 19.
Christ. ad
stat Mechl.
rubr 2 aut
3. Maev. ad
ius Lub 1.
4. tit. 1. §.
n. 5. Const.
Dav. 4. c. 4
§ 2.

Sand. lib. 5
tit. 9. def. 9
Gomes. d. c
5. n. 14. Go-
ler. dec. 114.
n. 4. et 216

mis et Belgarum, nunquam mihi probari potuerunt. Nam utcumque res ablata pretiosa sit, nulla tamen iusta proportio inter rem, quae aestimari pensarique potest, ac liberi hominis corpus, quod nullam recipit aestimationem. Quae proportio inter hominem et equum? inter spiritum hominis, atque viginti solidos? Nummos abstulit, non vitam tibi. Cur amittat vitam, eum satisfacere nummis possit? Ademit quod restitui potest: cur adimatur ipsi, quod restitui non potest? Recte igitur multi cordati interpretes huiusmodi statuta improbaverunt: nec ullum sane ex iure civili argumentum deduci potest, quo contraria sententia comprobetur. Nam quod attinet ad *L. 3. D. de Excus. tut.*, ea prorsus nihil ad rem facit. Quod ad *L. 16. §. quantitas D. de poen.*; fatemur quantitatem efficere, ut idem vel fur sit, vel abigeus: fur, si suem abegerit: abigeus, si gregem furatus sit: fatemur etiam gravius puniendum, qui equum abegit, aut bovem, quam qui porcā, aut capram, *d. L. 1. §. sed et qui porcā D. de abig.*; verum morte multandum esse, id vero pernegamus, neque loca adducta probant. Quod enim in *d. L. 1. C. de abig.* habetur, *Ad gladium abigei dentur*; id non est intelligendum de ultimo supplicio gladio irrogando, sed de ludo gladiatorio, ut probat integer Ulpiani locus apud Licinium Rufinum, quem relaturi sumus infra *tit. de abig.* Non plus probat *L. 6. D. ad l. Jul. pecul.*; non enim si qui noctu aliquid non modicum de templo tulit, capite punitur, etiam omnia furtā non modica, etsi in sacrilegii nomen non cadant, capite punienda sunt, cum fortuna quamlibet magnae rei, levius tamen sit sacrilegio. Quinimo si verba captare lubet, poteramus ex eodem loco probare, furem magnae rei suspendendum nullo modo esse. Ait enim JC., *moderandum esse poenam usque ad bestiarum damnationem eorum, qui manu facta templum effregerunt, donaque Dei noctu tulerunt*: Hinc ita infero: Si illi dumtaxat sacrilegi capite puniuntur, qui per vim et effractionem dona Dei noctu tulerunt, utique parcendum iis, qui neque vi adhibita, neque noctu id fecere. Quod si his parcitur, quanto magis

Scot. ob duas
oves volens
forem stran-
gulari Reg.
ma. 4. c. 16.
Chassian d.
cap. 5. verb.
pro prius
vice n. 14.
Gomes. d.
cap. 5. n. 7.
Clar. d. §.
furtum n. 9.
Chri. d. art.
1.

Rufin in col-
lat. leg. Mos.
et Rom. tit.
de abig.

parcendum furibus, quorum admissa in sacrilegiis speciem non cadunt? Atque his de causis statuta probare non possum, nisi uno fortasse casu: Nempe si quis fingerut ei, cujus tota substantia in pecuniis et supellectile consistebat, totam ablatam esse cum pulvisculo ita ut miser ille de fame, ac prope de vita periclitetur, resque ei ad rastra atque ad mendicitatem redierit; hoc fortasse casu non absurde quis diceret, ad ultimum supplicium deveniri posse, in primis si fur sciverit, id furtum esse.

Ex his etiam intelligemus, quid sentiendum de moribus Germanorum, quorum principes atque nobilitas capite plerumque puniunt eos, qui feras ex silvis, pisces ex vivariis suis, aut lacubus, vel fluminibus interceperint. Nonnulli etiam poenarum acerbitate gaudentes, vivos homines, tamquam si parricidae essent, cadaveribus ferarum insuerunt, alii cervis impositos in avia dimisere, ubi truncis ramisque arborum foede discerpti, animam efflavere. Furtum quidem proprie non committunt, quia ferae bestiae, et pisces, qui quidem vivariis inclusi non sunt, nullius sunt; perinde tamen hos puniri iussit Caroli V. *constit. crim. cap. CLXIX.* atque fures. Olim oculis privatum fuisse, qui Baiano ex lacu pisces ab tulerat, discimus ex Martiale. Litora quoque sub Domitiano delatoribus plena fuisse, fiscumque sibi vindicasse, quidquid in aequore piscium privorum esset, Iuvenalis innuit *Sat. 4.* Verum, haec tyrannidi Domitiani impingenda sunt: rectam rationem si sequi velimus, iniquum est ob feram bestiam interceptam homini intercipere animam, valdeque probo illam compilatoris iuris Saxonici sententiam, quae habetur *Lib. 2. art. 61. Da Gott. den Menschen geschuff. gab er im gevvalt uber Fische und Voegel, und uber alle wil de thier. Darumb haben wir des ein urkundt von Gott', das niemandt seinen leib, noch seinen gesundt an diesen dreien verwirren moge.* Id est: Cum Deus crearet hominem, imperium ei dedit in pisces, volucres, et omnes feras bestias. Quae res testimonio atque indicio est, nolle Deum ob piscem, volucrem, aut feram bestiam homini vitam

Mart. 4. epi-
gr. 30

Coler. dec
148. n. 3.

aut valetudinem auferri. Germanicum *utkundi*; quod vulgata versio praeteriit; reddidi Latine, *testimonium*; hanc enim verbi proprietatem esse Otfridus docet, de testibus in Christum productis ita canens:

Suabum io inan thiū

Urkundon luggu. Et mox:

Ni bithurfun win in warā

Nu urkundono mēra:

Otf. 4. Eua-
ang. 19.

Glossographus quidem, dum acutius se cernere existimat, compilatorem redarguit argumento ab absurdo adducto: Si idem, inquit, capite puniendus venator non est, quia Deus homini imperium in feras bestias concessit, sequeretur nec eum capite puniendum, qui mansueta animalia abegit: concessit enim Deus non in feras solum, sed et in pecudes imperium. Ineptissima profecto argumentatio; qua id tanquam absurdum obiicit, quod absurdum non est: nam nec ob mansuctum animal interceptum hominem capite puniendum, iam ante probavimus. Estque compilatoris ratio rectissima: Quia tanto dignior est homo bestiis, ut imperium in eas divino beneficio exerceat, ideo ob bestiam interceptam non est ei eripienda anima, cum inter utrumque nulla sit proportio. Atque hic Germanorum rigor etiam ipsorum Antecessoribus nonnullis displicuit. Ut igitur concludam, neque ego Platonissententiam probō, qui *Lib. xii. de legib.* pari supplicio puniri voluit tam magnum, quam parvum furtum, eo quod aequa cupiditate uterque: furetur: neque rursus mores laudo eorum, qui ob rei pretium poena ad mortem extendunt.

Sequitur Locus. Is non uno modo spectatur: nam 5
gravius furtum existimatur, quod fit in eo loco, ubi maior est grassandi facultas. Ita apud Scythas nullum scelus furto gravius, ut Iustinus scribit *Lib. 2.*, quippe sine tecto, munimentoque pecora et armenta habentibus, quid salvum esset, si furari liceret? Hinc improbiore existimantur fures balnearii, quia lavantum vestimenta, tametsi sedulo ea observent, facile tamen subripiuntur, *L. 1. et 2. de furib. baln.* Et apud Graecos improbiore habebantur qui in foro, vel pa-

Zoon decim.
vend. n. 199.
Wes. par. de
acq. rer. dom.
n. 7. Puck-
man de re-
gal § venas-
tio cap. 4. n.
63. Geor.
Mor. de iur.
ven. part. 1.
c. 4.

laestra furtum fecissent, teste Aristotele loco supra citato: nam praeterquam quod rem alienam invito domino auferant, eundem etiam deridendum populo praebent. Gravius etiam vindicatur furtum in eo loco, ubi nimium multis grassantibus exemplo opus est, *L. 1. D. de abig., L. 16. §. ult. D. de poen.* Gravius denique furtum est, si in loco sacro factum sit, etsi res ablata profana sit, *d. L. 16. §. locus*. Non tamen solus locus ita furtum gravat, ut rei sine discrimine furcae addicendi sint; nam in furibus balneariis non debet iudex egredi modum operis publici temporarii, *L. 1. D. de furib. baln.*: nec locus sacer solus sacrilegium facit; sed res sacra, *d. L. 16. §. locus iunct. L. 5. Diad L. Jul. pecul.* In illis autem regionibus, in quibus nimium multi grassantur, ita demum poena capitalis infligi poterit, si salus reip., quae suprema lex est, non queat aliter procurari.

- 6 Temporis intuitu furtum grave dicitur, si fiat noctu, si tempore tumultus, incendii, ruinae, naufragii. Quod ad furtum nocturnum attinet, id gravius existimari colligitur *ex d. L. 1. D. de furib. baln., L. 3. §. ult. D. de off. praef. vigil., L. 6. pr. D. ad L. Jul. pecul.* Sola tamen nox, nulla adhibita vi, vel effractione, capitale crimen efficere vix potest. Nam ut *etymon* furti docet, plerumque clam, noctu, et obscure fit: sequeretur igitur, si nocturnum capitale est, omnes propemodum fures esse strangulandos. Atqui lex divina furem noctu aedes effringentem occidere permittit, *Exod. 22. 2.*, et ius civile non aliter, nisi armatus sit, teloque se defendat, *L. furem 9. D. ad L. Corn. de sicar., L. si pignore 54. §. furem D. de furt. L. 4. §. 1. D. ad L. Aquil.* Itaque rectissime illud moribus comparatum est, ut morte puniatur, non quisque noctu furatus est, sed qui latronis more obvio spoliavit, aut vi in aedes alienas irrupit. Quantum ad tempus tumultus, incendii, ruinae, naufragii, furtum eo tempore factum gravius haberi non uno argumento colligimus: nam et qui rem ex his causis depositam inficiatus fuit, propter inficiationem in duplum condemnatur, *L. 1. §. 1., L. de eo 18. D. Depos.*

Coler. decis.
144. n. 9.
Chass. ad
Consuet.
Burg. p. 189

Baro d. tit.
Inst. de obl.
ex delict.

et Praetor peculiarem eos nomine actionem proposuit, quam intra annum in quadruplum se daturam pollicitus est, *L. 1. D. de inc. ruin. naufr.* Cuius Edicti rationem redditurus Ulpianus in *ead. L. 1.* ait, *Edicti utilitatem evidentem esse, et iustissimam severitatem: siquidem publice intersit, nihil rapi ex huiusmodi casibus.* Cum hac actione concurrunt, et publica iudicia, veluti Legis Corneliae de sicariis, si ex naufragio quid raptum sit, poenaque infligitur aut fustium cum relegatione, aut operis publici vel metalli, *L. 3. §. ult., L. 4. D. eod.* Item legis Iuliae de vi publica, cuius poenae subiiciuntur, qui ex incendio quid rapuerint praeter materiam, *L. 3. §. 3. D. ad L. Jul. de vi publ.* Et qui ex naufragio quid rapuerint, non solum poenae vis privatae subiiciuntur, sed et extra ordinem severissime plecti iubentur, *L. 1. §. 1. et ult. D. ad L. Jul. de vi privat.* Verum quia haec leges de raptore potius, quam fure loquuntur, ideo tempore quoque ad exaggerandum crimen non maiorem vim tribuendam censeo, quam loco, et nocti; ita ut gravius quidem furtum existimetur, non tamen illico capite luendum, si nulla adhibita vi factum sit. Quinimo, etsi vis adhibita sit, non ideo capite puniatur reus, sed extra ordinem, ut perspicue *ead. L. 4. §. 1. D. de incend., et L. de sul mersis C. de naufr.* ostendunt. Itaque et statutum huius civitatis, *d. rubr. 39. art. 4.* quod dicit, *Soo wie steelt in tiiden van brande, sal hangen voor deerste reyse:* quia rigidius est, strictius interpretandum censerem, ut cum de incendio loquatur, non temere producat ad ruinam, naufragium, tumultum; nisi vis cum his catissis concurrat. Nam et constitutio Ordinum ante laudata *§. 11.* non de furto loqui videtur, sed de rapina, cum ait, *Zee-roof, Brandt-roof:* Et alioqui, quae contra rationem iuris constituta sunt, non sunt producenda ad consequentias, *L. quod contra, et L. quod non ratione D. de legib.*

Postremo modus admissi crimen exasperat, si aut claustris factis, aut pariete perfosso furtum factum sit. aut si quis obvios in via publica latronis more spoliect. Con-

Vid. Stat.
Pris. c. 21 §.
ult. Edict.
Phil. 11 de
naufr. §. 3.

currunt enim his casibus quasi crimina duo, nempe vis, et furtum: unde recte dictum est a veteribus, improbum esse furem, qui quid vi rapit: Et Plato XII. *de legib.* eleganter, *Pecuniae furtum illi de ale quidem est: rapina vero turpissimum*: Puniuntur autem raptores iure civili ita, ut diurni quidem effractores fustibus castigati in opus perpetuum, vel temporarium dentur: nocturni fustibus caesi in metallum detrudantur, *L. 1. §. ult., et L. ult. D. de effract. et expilat.* Qui in turba cum telo villas alienas, vel aedes expugnaverunt, capite puniuntur, *L. pen. D. ad L. Jul. de vi publ.* Latrones furca figuntur in illis locis, ubi grassati sunt, *L. capitalium 28. §. famosos D. de poen.* Qui graviolem praedam ex neufragorum fortunis egerint, ut modo diximus, pro qualitate admissi puniuntur, vel relegatione, vel opere publico, vel deportatione, *d. L. 4. §. 1. D. de inc. ruin. naufr., d. L. de submersis C. de naufr.* Ex quibus locis apparet, non omne furtum violentum ultimo vindicari supplicio: sed nec omnes latrones furca figi, cum *d. L. 28. de poen.* loquatur de famosis, qui diu eadem sceleris via grassati sunt. Mores autem severius furta violenta ultimo supplicio; aut minimum manus abscissione, vel oculi privatione puniunt, ut expressum est *constitut. crim. Caroli V. art. 159.* neque circa latrones distinguunt, famosis quis sit, nec ne; quemadmodum nominatim expressum est statuto nostrae civitatis, *rubr. 24. art., et Edicto Ordinum §. 11. 12.* idemque quotidianus fori usus testatur. Quos quidem mores non ausim reprehendere, in primis si domus alicuius effracta sit, aut itinera publica infestata: nam praeterquam quod vis cum ablatione rei concurret, etiam publica utilitas ad eam severitatem leges impellit. Neque enim commercia gentium atque civitatum consistere possunt, nisi maria atque terrae improbis hominibus purgentur, et sua cuique domus tutissimum refugium sit. Quid prodest tecto defendi adversus frigora, pluviam, atque a ias coeli iniurias, si sunt nihilominus metuendi vecticularii? Quae autem lectuli commoda, quae quies nocturna, si dormire securis non licet? Quid quod non pecuniis

Gom. d. cap.
5. n. 10. Co-
ler. dec. 185.
Chass. ad
Consuet.
Burg. p. 189.

dumtaxat suis, et supellectili, sed vitae quoque patrum familias timeat? incertum enim qua mente fur aedes effringat, spoliandi, an et occidendi animo. Quam ob causam et lex divina, aliquoties iam citata, occidi eum permisit. Acriter in primis in eos animadvertendum, qui aedibus expugnatis, aut villis hominem captivum adducunt, eique pactionem grandis alicuius lucri extorquent. Nam id ne militi quidem iusto bello semper ac ubique licet; quauto minus latroni. Estque iam longo usu inter nos atque Hispanos hostes receptum, ut quisquis miles in interioribus regionibus id fecerit, perinde ac latro capite plectatur.

Modus etiam grave furtu facit, si nulla vi adhibita claustra quis aperuerit, aut arte et solertia noscio qua in alienas aedes irrepserit. Directarii hi vocantur, qui in aliena coenacula se dirigunt animo furandi. Aperularii, et confectores cardinum; quibus nihil tam obseratum, occlusum, obsignatum est, quod non aperiant. Qui et ipsi puniuntur extra ordinem, non tamen capite; sed vel in opus publicum dantur, vel fustibus castigantur, vel ad tempus relegantur, *L. saecularii 7. D. de extr. crim., L. 1. §. simili modo D. de effract. et expil.* Sane, si artes magicas adhibuerint, etiam capite puniendi sunt: incidunt enim in Legem Cornelianam de sicariis, *L. 3. et 13. D. ad L. Corn. de sicar., L. 4. et seq. C. de malef. et mathem.*

Ad modum quoque numerum referre possumus; si saepius in eodem crimine versatus quis sit, et hunc quasi quaestum facere in animum induxerit, improbius fur extimandus est, arg. *L. capitulum 28. §. solent quidem 3. et §. grassatores 10. de poen., L. 3. vers. his ergo C. de episc. aud., L. 8. §. 1. C. ad L. Jul. de vi publ., L. ult. D. de abig.* Quaestum autem instituisse eum sorte quis defenderet, qui vel bis furtum fecit, arg. *d. L. 8. verb. bis aut saepius C. de vi publ., idque Burgundis placuisse video, rubr. 1. §. 5.* Verum interpretes communiter tria furti requirunt, atque ob tertium furtum strangulandum censent: quorum sententia cum moribus recepta, tamen Statuto Iulii civitatis, apertius autem edicto Ordinum confirmata est. Fun-

Vid. Guid.
Pap. quaest.
122. Boer.
quaest. 179.
n. 4.

Chas. d. 5.
5. verb. pro
prima vice
n. 4. Gomes.
d. cap. 6. 7.
Clar. §. for-
tum. n. 8.
Far quaest.
5. n. 16.
Grivel. dec.
34.

dammento haec sententia nititur isto; quod incorrigibilis sit, qui tertium alieno non abstinere, incorrigibiles autem, tanquam membra noxia, secandi sunt, ne paulatim totum corpus tabescat. Improbis est, qui cum semel malum tollere possit, semper aliquid aegri in civitate esse vult: ut sit ad ceterius curationem ipse adhibeatur; quemadmodum Appianus Claudius disseruit apud Livium. In sacris quoque *Iob. 36. v. 8. et seqq.* scriptum est, Deum Opt. Max. eos, qui in carcere et vinculis sunt, criminum admissorum arguere; atque ad vitae et morum emendationem invitare: siquidem, auscultaverint, prenuaturos: sin minus, cito perituros. Et Plato non tam magnitudinem rei furto ablatae, quam mores furis spectari voluit. Si quis; inquit, aliquid publicum furatus fuerit; sive parvum, sive magnum id sit, pari supplicio puniatur. Nam qui rem parvam sustulit, et si minori vi quam qui magnam rapuit, aequa tamen cupiditate furatus est. Et qui magnum aliquid inde removet, ubi ipse non deposuerat, is omnino iniquus est. Lex igitur non furti parvitate alterum minus, quam alterum puniendum censet, sed eo forsitan interesse putat; quod ceter sit insanabilis, sanabilis alter. Clarius alibi, eodem tamen Libro ait: Iudex bonos confirmabit, atque extollet: praevidens ignorantia, incontinentia, timiditate, et ut summam dicam, iniustitia universa pro viribus, si sanabiles sunt, revocabit. Nam si sanari non possunt, qui eos morte adficiunt, apud omnes laude digni iudices, iudicumque principes non iniuria saepius dici posse videntur. In specie autem tertium furtum esse capite puniendum, videtur confirmari posse ex *Declamat. Quintiliani 331.* ubi idem de tertia iniuria tradit, *Vis scire*, inquit, *quam hoc verum sit? Semel iniuriarum damnato ignoscitur. Illud morte dignum videtur, si is qui bis iam damnatus est iniuriam facit. Nam hoc tale videtur, quale hominem occidere. Ergo tu id obiecisti, quod lex morte dignum putavit, quod lex capite taxavit, capitis ergo accusavisti. Ita Quintilianus, qui prodit ex biblioteca P. Pithoei; alii plenus ita legunt: Semel iniuriarum damnato ignoscitur: iterum damna-*

Star. Ultr. d.
rub. 39. art.
3. Ed in fort
et vagab §
10. et 11. Liv.
5.

Plot. 12. de
legib.

Conf. Quin.
decl. 310.

to ignominia inuritur, etc. Videamus nunc an id fundamentum immotum sit, efficiatque quod interpretes volunt, tertium furtum capite puniendum esse. Ad dubitare me de ea re non negabo: nam si omnis qui isanabilis, secandus; sequeretur etiam ob leviora admissa idem faciendum: veluti si aliquoties quis inebriatus sit, aut alea luserit, aut damnum culpa dederit, aut male indicaverit. At nemo hoc affirmat: igitur perpetuum et immotum id fundamentum esse nequit. Dein posito incorrigibilem e medio tollendum esse, unde certi sumus esse incorrigibilem, qui tertium furatus est? ubi id in libris nostris scriptum? Iustus cadit septies, et resurgit, ait Salomon, *Proverb.* 14. v. 16. Et Salvator noster vetuit nos desperare de poenitentia eius, qui vel septuagies septies adversum nos peccaverit: cur igitur desperemus de eo, qui ter furatus est? Iam si ob damnum tertium, si ob tertiam iniuriam nemo capite punitur, cur ob tertium furtum furi gula frangatur? non enim levius omne damnum furto est, *L. illud quæsitum* 32. *D. ad L. Aquil.* furtum plerisque iniuriis levius. Sed in primis movet *L. 4. C. de serv. fugit.*, ubi Constantinus eum, qui tertium servum alienum celasse convictus erit, non capite, sed tribus aliis servis, vel sexaginta solidis multat; cum tamen certum sit, toties furtum eum admittere, quoties fugitivum celat, *L. 1. D. de fugit.* Postremo ne militaris quidem disciplina tertium deprehenso mortem irrogat, sed ei qui ter ob idem admissum iam multatus erat, ut scribit Polybius *Lib. vi.* Cum autem disciplina militaris civili longe adsuperior sit, cur non quartum potius furtum, quam tertium capite puniendum censuerunt interpretes? Nec movet Quintiliani auctoritas: nam præterquam quod ficta declamatorium argumenta sunt; quod lex, quam laudat, disparet; etiam in eo impingit, quod semel damnato ignosci, iterum damnato ignominiam inuri dicit: quasi vero pœnæ sint in arbitrio iudicantium, ac non damnatum semel infamia ipso iure sequatur, *L. 1. D. de is qui not. infam.*, *L. 1. §. quorum D. ad SC. Turpil.*, *L. ordine* 15. *D. ad municip.* Sed nec illud mo-

Conf. Alex.
cons. 110.
fas. in l. cum
servus 15. D.
de cond.
dat. Diss.
Berlich. p.
3. concl. 93.
n. go. et seq.

vet, quod qui saepius seditionem moverunt, aut vltio-
lentiam admiserunt capite puniantur, *d. L. 8. §. 1. C. ad
L. Jul. de vi, d. L. 28. §. solent. D. de poen.*, sunt enim
haec crimina sua natura graviora et fere capitalia :
furtum simplex, crimen levius, et nec capitale. Qua-
re recte statutum nostrum temperasse communem sen-
tentiam videtur hisce verbis: *Ende om die derde sal
hy hangen sonder swaerigheyt, ten ware, dat om syne
groot ionckheyt, of ander merckhelijke sache, den ge-
rechte anders dochte.* Id est : *Ob tertium furtum fur
omnino suspensitor, nisi commiseratione aetatis, aut
alia praegnantia de caussa iudicibus aliter visum sit.*
Hinc inter iustas causas et illam numerare possumus,
quod tria quidem furta, sed admodum levia perpe-
trata sint.

- 10 Sed posito communem sententiam rectam esse, il-
lud executiundum, quemadmodum furta computanda
sint. Stipulatio multiplex dicitur, quae est multarum
rerum, *L. 1. §. pen., L. 29 pr., L. 75. §. pen. L. 86, 99.
D. de F. O.* adeoque quot res, tot sunt stipulationes.
ut si generalis clausula subiiciatur: *Ea omnia quae
dixi, dare spondes*; nihilo magis una sit stipulatio;
L. Titia 134. §. ult., L. pluribus 140, D. eod. Iniuri-
ae etiam videntur tot esse, quot convicia, *L. 7, §. si
mihi plures D. de iniur.*; furta tamen recte interpre-
tes non rerum simul ablatarum numero, sed tempore
aestimant, ut plura furta sint, quae diversis tem-
poribus facta sunt, arg. *L. cum qui 141 §. idem dicunt
D. de furt.*, et verbum *saepius* vel *ter*, plures vices;
non res designat. Ne itus quidem, reditusque plures
semper plura furta faciunt. Quid enim, si cum acer-
vum frumenti simul et semel tollere non possem, mi-
nutatim vel per modios enim abstulerim? licet sae-
pius ierim redierimque, unum tamen furtum est,
una accusatio, ac licet tot videantur iniuriae, quot
convicia, tamen quantum ad actionem, separatim de
singulis agi nequit, obiciturque exceptio iniuriae
una factae, *ead. L. 7. §. si mihi plures D. de iniur.*
Ceterum non interest, in eodem territorio tria fur-
ta admissa sint, an in diversis: oneratur tertium

Bartol. in d.
§. idem. di-
cant. Clar. §
furtum n. 1.
Bosc. de fur.
n. 16. Pa-
piens. prax.
tit. 45. gloss
13. Chass
tit. 1. §. 5.
p. 182. Conf.
de fal. Maev.
ad ius. Lu-
bec. part. 1.
tit. 12. §. 1
n. 14. Coler.
dec. 144. n.
6. Diss. Ar-
gent. art. 215.
gl. 6. n. 99.
Gomes. d.
cap. 5. n. 9.

furtum per priora etiam alibi admissa Crimina enim vindicantur, ubicunque reus repetitur, etiamsi in alia provincia deliquerit, *L. 1. C. ub. de crimin.* Sed quid si primum in hac provincia, in alia secundum et tertium admissa sint, dein adprehendantur reus a nobis, an sicut tertium per primum et secundum, ita vicissim primum furtum per secundum et tertium oneratur? Negat, et recte quidem Gomesius: nam cum ius istud, quo tertium furtum capite luitur rigidius aequo sit, interpretatione quoque, quantum fieri poterit, restringendum erit: Et cum in poenis irrogandis magis tempus admissi, quam reatus inspiciatur, sequitur eam poenam sustinere reum debere ob primum furtum, quam sustinisset, si statim prehensus damnatusque esset. Eandem ob causam, quia sauctio haec aequo rigidior est, libenter descendo in eorum sententiam, qui existimant, non aliter tertium furtum aggravari per primum et secundum, nisi reus ob primum et secundum poena aliqua adfectus sit. Etenim emendantur mali poenae formidine: formido autem poenae nulla, ubi nec dum sensus doloris fuit, nec periculum virgarum factum est. Quare nec inemendabilis vocari potest, quem hactenus Laverna protexit, cuiusque tergum nondum incursarunt mortui boves, ut cum Plauto loquar. Nec solum ratione defenditur ista sententia, sed et responso Callistrati confirmari potest *d. L. 28. solent D. de poenis*. Sane, si accusatione instituta a prioribus furtis reus absolutus sit, quamlibet, nocens fuerit, nemo tamen dicet, tertium furtum per priora gravari, quia res iudicata pro veritate habetur *L. ingenuum 25. D. de stat. hom.* Quid autem si Princeps priorum furtorum gratiam fecerit, an quia indulgentia extinguit crimina, nulla eorum in puniendo tertio habenda ratio? Vel maxime: improbissimus enim, qui Principis beneficio ad peccandi licentiam abutitur: cumque clementia animum eius flectere nequiverit severitate utendum (2). Quid si primum

Gomes. 4.
loc. 12. et 13.
Farin. qu.
23. n. 9. et
10.

(2) Poena, quae pro repetito scelere augetur, tunc potissimum

et secundum furtum iam temporis praescriptione extincta sint, an tertium aggravare possunt? Minime gentium: nam praeterquam quod praescriptio xx. annorum plenam securitatem reis tribuat: etiam inemendabilis dici nequit is, qui hactenus poenam non sustinuit, quippe inter secundum et tertium furtum totos xx. annos sine noxa et maleficio transegit (3).

Gomez. d.
cap. 5. n. 15.
Menoch. d.
arb. cas. 3. p.
n. 22. Mod.
Pistor. p. 2
quest. 63.
Gail. t. de
pac. Publ.
14. n. 29.

Enumeravimus circumstantias et modos, quibus concurrentibus furtum gravius existimatur. Ex hac enumeratione, sed in primis ex *cap. praeced.*, quia apparet, laquei poenam rigidiorem esse quam par erat, ideo concludimus statuta de hac poena sequentia strictè interpretanda esse, ita ut si nominatim nihil adfectum sit de conatu, de opem ferentibus, de receptatoribus furum, aut rerum furtivarum, neque his, neque illis eadem laquei poena infligatur. De conatu minor videtur esse dubitatio, quia mores generaliter conatum alicuius criminis non puniunt capite, sed mitius extra ordinem. Et iure civili, qui conclave animo furandi ingressus est, quandiu nihil attigit, fur non est, sed vel iniuriarum accusatur, si sine vi: vel de vi, si per vim introivit, *L. vulgaris* 21. §. *qui furti de furt.* Quod autem ad eos attinet, qui opem furi tulerunt, verum quidem est, plerisque iuris locis eadem poena plecti auxiliatorem, qua princeps sceleris patrat, ut pluribus demonstraturi sumus, *tit. de poen. cap. de Off. iudic. in poen. inflig.*, et crimen non dissimile dici rapere atque rapta servare, *L. crimen* 9. *C. ad L. Jul. de vi publ.*: peculiari, et peculatori ministerium, vel sinum praebere, *L. un. C. de crim. pecul.*: rapere virginem, et rapientem comitari *L. un. §. poenas C. de rapt. virg.*, attamen quia haec crimina sua

obtinet, cum reus pro priori admissio statutam poenam iam sustinuerit, atque idipsum Gallicum Senatum in poenali Codice die 6. Octobris 1791. edito sauxisse video *Par. 1. Tit. 2. Art. 1 et 2.*

(3) Inutilis propterea Quaestio, quam hic Auctor instituit de conatu; de auxiliatoribus, et de receptatoribus. Illud siquidem pro indubitato habendum non ex quadam iuris analogia sed ex ipso tantum iure scripto erui posse quam poenam conatus delinquendi, praestitum auxilium, ac reorum receptio coerceri oporteat.

natura capitalia, sunt, furtum nec capitale, ideo rigorem laquei ad auxiliares furis non temere extendendum putaverim. Idemque de receptatoribus furum, vel rerum furtivarum indicium esto. Regulariter quidem receptatores eadem poena indicantur digni, qua ii quos receptaverunt, *L. 1. C. de receptat.*, *L. 1. C. de his qui latr.*, *L. 3. §. si quis quem* 12. *D. de SC. Silan.*, *L. 3. §. non tantum D. de inc. ruin. naufr.*, *L. eqs 14. C. de furt.*, *L. crimen 9. C. ad L. Jul. de vi*; sed quia laquei poena ab aequitate longius recedit, ideo nec receptatoribus temere irroganda videtur. Idque non alienum a Callistrati responso est, in *L. ult. D. de abig.* testatur, receptatores abigeorum in annos decem relegari, cum ipsi abiges in metallum, vel ludum gladiatorium damnentur, *L. 2. §. 1. D. eod.* Dixi, si nominatim nihil statuto expressum sit. Nostri enim *d. rubr. 39. art. 5.* nominatim adiecere. *Sop vve gelosten hoet vvetens herbegit, of. vvetens koopt, of mede deylt, punierliick geliick den principalen*, Et edicto ordinum saepius iam laudato ita cautum est de conatu effractorum: *Al ist dat de huybrekers haer voorgenomen diverye viet en hebben volbracht, maer over't hreken doende ziin gevvest, sullem gestraft vworden, datter de doot nae-volge.*

Vid. *stat. Fr. lib. 2. cap. 9. §. 1.*

CAPUT IV.

De Concursu Actionum cum Accusatione.

- | | |
|---------------------------------|----------------------------------|
| 1. Quae actiones cum accusatio- | 3. An accusatio cum actione con- |
| ne concurrant? | currere potest? |
| 2. An conditio furtiva in here- | 4. An rem furtivam fiscus sibi |
| dem in solidum datur? | vindicare potest? |

Concurrunt cum accusatione actio furti, conditio furtiva, rei vindicatio, et actio ad exhibendum, *L. si profure 7. §. 1. D. de cond. furt.*, *§. ult. Inst. de oblig. quae ex del nasc.* Furti actio duplex est, manifesti, et nec manifesti: utraque perpetua. Manifesti in quadruplum, nec manifesti in duplum, ita ut quadruplum,

vel duplum totum poena sit: rei persequutio compo-
 rat extrinsecus, vel condictione furtiva, vel rei vindi-
 catione, vel actione ad exhibendum instituta. Quadru-
 platur autem, vel duplatur verum rei pretium, si do-
 mino subrepta sit: sin non domino, id quod interest,
L. 14. §. idem scribit, L. in furti 50., L. furtivam 74. D. de furt. Condictio furtiva soli domino datur adver-
 sus furem, furisve heredem, qua aut rem, aut aesti-
 mationem eius consequitur, *L. 1. 7. 8. 9. 13. D. de cond. furt.* Rei vindicatio domino competit, adversus quem-
 cumque possessorem, *L. in rem actio 23. D. de rei vind. L. 1. C. ubi in rem act.* Actio ad exhibendum ei, cuius
 pecuniariter interest rem exhiberi, adversus que-
 cumque possessorem, ut rem exhibeat in eadem caus-
 sa, in qua fuit tempore litis contestatae, vel praestet
 id quod interest, *L. 3. §. ult., 4. L. 9. §. 3. et 5., L. pen. D. ad Exhib.* De his actionibus sequentia in di-
 sputationem venire solent: 1. *An condictio furtiva ad-
 versus heredem furis in solidum datur?* 11. *An accu-
 satio cum actione furti concurrere?* 111. *An accusa-
 tione instituta rem furtivam fiscus sibi vindicare pos-
 sit?* Quantum ad primum attinet, satis aperte respon-
 sum est, a lictis dari conditionem furtivam adversus
 heredem furis in solidum, *L. 7. §. condictio, L. 9. de
 cond. furt.* Et alioqui notum est, conditiones, quibus
 intendimus dare, facere oportere adversarium, adver-
 sus heredes in solidum dari, *L. ad ea 157. §. ult. D.
 de reg. iur.* Cum igitur odio furum hoc comparatum
 sit, ut detur adversus eos huiusmodi actio, *Si appa-
 ret eum dare oportere, §. sic itaque discretis Inst. de
 act.* consequens est in solidum eam adversus heredem
 furis dari. Non petam etiam argumentum ex *L. 2. §.
 ult. D. de vi bon. rapt.*, quod enim inde Antonius Fa-
 ber deducit, id non solum non necessarium est, ut
 ipse fatetur, sed nec elegas, contra quam putavit: Prae-
 tor actionem vi honorum raptorum in heredes non est
 pollicitus in id quod ad eos pervenit, quia putavit
 sufficere condictionem. Ergo condictio furtiva adver-
 sus heredem in solidum datur? Nulla prorsus vis con-
 sequentiae est, tantum adest, ut sit elegans coniectu-

Fabr. 4. con-
 ject. 1.

ra; cum possit ratio Icti et ita constare: Quia conditio in heredes datur in id quod ad eos pervenit, ideo Praetor supervacuum existimavit, polliceri in eiusdem actionem vi bonorum raptorum. Nec iuvat Fabrum quod obiicit, imperfectam futuram rationem Icti, si eam ita accipiamus: quia conditio in id quod pervenit datur, ideo non est pollicitus vi bonorum raptorum: eo quod conditio soli domino detur, vi bonorum raptorum etiam non domino: Non enim animadvertit Faber eandem objectionem etiam suae interpretationi superesse; nam cum ita dixerimus: Quia conditio in heredes in solidum datur, ideo Praetor non est pollicitus vi bonorum raptorum: adhuc auditor excipere poterit: imo imperfecta ratio est: nam vi bonorum raptorum necessaria idcirco est, quoniam conditio soli domino datur. Praeterito igitur coniectoris acumine sufficiant nobis leges superius adductae. Videamus quid respondendum sit dissentientibus: inter quos miramur esse quoque virum undequaque doctissimum Iac. Cuiacium in libris observationum. Opponunt: Actio rerum amotarum in heredes datur, in id quod ad eos pervenit *L. ult. C. rer. amot.* Est autem de rebus amotis actio species quaedam conditionis furtivae, ut colligitur ex *L. 6. §. item heres. L. si mulier. 21. §. pen. D. de act. rer. amot.* Respondeo: Ex locis adductis minime colligi potest, esse rerum amotarum actionem speciem conditionis furtivae: comparatur conditioni, non subiicitur. Sed et posito speciem esse conditionis de rebus amotis actionem, non tamen a genere ad speciem semper validum argumentum est, cum in toto iure generi per speciem derogetur, *L. in toto 80. D. de reg. iur.* Quas natura facit species, eae generi subtrahi non possunt, non magis quam Nero Sporum e sexu masculino traducere et transferre potuit in femininum: ut quas ius facit, eae saepe in multis generis potestati subtrahuntur. Instant: Comparatur saltem actio rerum amotarum conditioni furtivae: Ergo quaemadmodum illa datur, in id quod ad heredes pervenit, ita haec quoque in id quod pervenit datur. Respondeo: Comparan-

Cuiac. 7. obs.
17. et 13. obs.
37.

De Crim. Tom. I.

tur non simpliciter, sed secundum quid certoque respectu. Quemadmodum conditio furtiva est rei persecutoria, ita de rebus amotis actio. Quemadmodum illa in heredes datur, ita haec quoque adversus heredes competit. Sed discrepant in eo: conditio furtiva in solidum datur: rerum amotarum in id quod pervenit. Cur autem lenior sit rerum amotarum actio, quam conditio furtiva, non est obscurum; cum enim coniux coniugi furtum non faciat, sed res amoveat; aut ut maxime furtum faciat, actione tamen furti non teneatur, propter vitae societatem et matrimonii honorem, *L. 1. de act. rer. amot.*; existimarunt iuris conditores etiam heredes coniugum adiuvandos esse, atque separandos ab heredibus furum; ut hi quidem in solidum teneantur, illi in id quod ad eos pervenerit. Longe aliter, quam nos et plerique interpretes, respondet Faber: is defendit, etiam rerum amotarum actionem adversus heredes in solidum dari: verba autem *L. ult. C. rer. amot.* ista. *Contra successores eius non in solidum, sed in quantum ad eos pervenit, ita interpretatur: datur actio rerum amotarum non contra singulos successores in solidum, sed pro hereditaria portione, quae ad quemque pervenit.* Qua interpretatione nihil inceptius est, nihil absurdius, eique prorsus reclamant verba constitutionis: nec uspiam in iure ista oratio, *In id quod pervenit*, de parte hereditaria accipitur. Sed in eo vitio is auctor deprehenditur saepissime non tam defectu quodam ingenii, quam, ut ego interpretor quadam ambitione animi. Cum enim videret, scripturum se post multos excellentes interpretes, quos seculum superius tulit, ut illis aut maior, aut certe non inferior haberetur, multa innovare instituit: sed pretium temeritatis hoc consequutus est, ut iam coco comico comparetur, quia aiebat se introiturum, ut quod alius condiderat cocus, vicissim alio pacto condiret. Secundo loco opponunt *L. si tutor g. §. ult.*, et *L. seqq. D. de tut. et nat. dist.*, ubi cum Ulpianus respondisset, furti actionem, damni iniuriae, conditionem dari adversus tutorem, etsi adhuc administrat, subiecit Paulus, morte tutoris eas interire,

Quamvis enim, inquit, morte tutoris intereant, tamen pupillus cum herede eius actionem habet, quia sibi solvere debuit. Responsio facillima est; verba enim: Quamvis morte tutoris intereant, non sunt referenda ad conditionem; sed ad furti et damni iniuriæ actionem: Perinde ac si dixisset J.C. quamvis aliquæ, aut pleraque ex his morte tutoris intereant. Non difficilius est responsio ad L. 3. §. poen. D. de pecul., quæ tertio loco adducitur. Tradit ibi Ulpianus, conditionem furtivam in patrem dominumve dari, quatenus peculium locupletius esset; iniquissimum enim foret, ex delictis filiorum aut servorum locupletari eos impune. Respondeo: inter patrem dominumve furis et heredem eius plurimum interest: heres conditione tenetur; pater actione de peculio, non conditione, L. 5. D. de cond. furt., nam et cum peculium occupat pater, non tanquam heres id facit, sed iure potestatis, L. 3. C. de bon. quæ liber, L. 2. D. de castr. pecul. Est autem actionis de peculio hac natura, ut ex delictis non detur, sed ex contractibus, §. ult. inst. de noxal. act., L. si quis 44. D. de pecul., L. 1. §. si filius 7. D. de his qui dei. vel effud., L. ex poenalibus 58. D. de reg. iur. Verum quia iniquum est, patrem ex delictis filii fieri locupletiores, ideo actio de peculio adversus eum datur, in id quo peculium locupletius est. Quod si urgeas: actionem de peculio non esse specie ab aliis actionibus distinctam, sed aliarum actionum, adiectionem et qualitatem, L. 1. et 2. D. de pecul., §. præterea Inst. Quod cum eo qui in al. pot. est., et in proposita igitur specie conditionem furtivam dari, licet cum ista adiectione et qualitate de peculio: Respondebo: non posse id negari; veruntamen, quia in hac specie non directo condicatur patri ex causa furtiva, sed utiliter et cum ista adiectione de peculio: ideo nec in solidum teneri patrem, sed quatenus peculium locupletius ex furto factum est. Tantum de prima quaestione.

Sequitur secunda: an accusatio cum actione furti concurrere possit? Rei vindicationem, conditionem furtivam, actionem ad exhibendum cum actione furti con-

currere posse, manifestum est, quia diversus est harum actionum scopus; actione furti poenam persequimur, reliquis rem. Si igitur furti egerimus, extrinsecus rem persequi possumus: et contra rem consequutus, non prohibetur etiam quadruplum vel duplum persequi actione furti *L. 7. §. furti actio D. de cond. furt., §. ult. Inst. de oblig. ex del.* Sed qui furti egit in duplum vel quadruplum, an furem eo amplius deducere ad Praefectum urbi potest? et contra qui accusavit apud Praefectum, an furti agere potest in duplum vel quadruplum? Multi id affirmant, quos lau-

Gomes. 3. dat et sequitur Gomesius, eo quod in *L. ult. de furt.*
 resol. 5. n. 4. scriptum sit, furum improbitatem non solum civili, sed etiam extraordinaria animadversione coerceri. Minor, virum alioqui sagacem tam leve confirmationis genus amplexum esse: non enim oratio JC. in *d. L. ult.* coniuncta, sed disiuncta est, neque hoc vult, posse simul et civiliter et criminaliter adversus furem agi, sed vel civiliter, vel criminaliter. Quae admodum id idem disiuncta loquutione tradit JC. de quibuscumque delictis privatis in *L. ult. D. de privat. del.* Si quis, inquit, actionem, quae ex maleficio oritur, velit, exsequi si quidem pecuniariter agere velit, ad ius ordinarium remittendus erit, nec cogendus in crimen subscribere: enimvero, si extra ordinem eius rei poenam exerceri velit, tunc subscribere eam in crimen oportebit. Apertius de iniuriis Imp. in *§. in summa Inst. de iniur.* Sciendum est, de omni iniuria eum qui passus est, posse vel criminaliter agere vel civiliter. Et si quidem civiliter agitur aestimatione facta secundum quod diximus, poena reo imponitur: Sin autem criminaliter officio iudicis extraordinaria poena reo imponitur. Et Paulus in *L. 6. D. eod.,* Plane si actum sit publico iudicio denegandum est privatum: similiter ex diverso. Apertissime de furto Iulianus in *L. interdum 56. §. 1. De furt.* Qui furem deducit ad Praefectum vigilibus, vel ad Praesidem, existimandus est elegisse viam, qua rem persequeretur, et si negotium ibi terminatum, et damnato fure recepta est pecunia sublata, in simplum videtur furti quaestio sublata,

*maxime si non solum rem furtivam fur restituere iussus fuerit, sed amplius aliquid in eum iudex constituerit. Sed etsi nihil amplius quam furtivam rem restituere iussus fuerit, nec deductus est fur, intelligendum est, quaestionem furti sublatam esse. Ad haec legum capita tam clara forsitan et illud adiici posset, quod ne publici quidem criminis reus pluribus legibus accusari possit, L. Senatus 14. D. de accusat.: quanto minus privati delicti reus pluribus poenali-
bus iudiciis simul coercendus? Causa enim, ob quam id placuerit, haec est, ut simul et reis succurreretur, et calumniis delatorum occurreretur. Sueton in Tito: Inter adversa temporum et delatores mandatoresque erant ex licentia veteri. Hos assidue in foro flagellis ac fustibus caesos, ac novissime traductos per amphitheatrum arenam partim subiici in servos; ac venire imperavit, partim in asperissimas insularum vehi. Utque etiam similia quandoque ausuros perpetuo coerceret; vetuit inter cetera, de eadem re pluribus legibus agi: quaevis de cuiusquam defunctorum statu ultra certos annos. Hactenus Tranquillus. Haec autem, quae Titum movit ratio, etiam ad privata crimina extendi posset: nempe iniquum esse ob idem admissum bis quenkum puniri, occurrendum esse delatorum calumniis, qui et fortunis avertere, et in periculum corporalis coercionis deducere satagunt. Verum huic argumento tanquam infirmiori non innititur. Loquutus est enim Senatus de duabus publicorum iudiciorum legibus, non de actione civili, quae cum iudicio publico concurrere potest, ut dicitur infra ex L. un. C. Quand. civ. act. crim. praeiud. Dicit aliquis: Quid ergo est, quod JG. scribit in L. pen. D. de O. et A., nunquam actiones poenales de eadem pecunia concurrentes aliam consumit? Quid, quod in L. 32. eod. tit., Cum ex uno delicto plures nascuntur actiones, sicut evenit cum arbores furtim caesae dicuntur, omnibus, experiri permitti, post magnas varietates obtinuit? Respon-
deo, has sententias temperandas esse ex L. quotiens 13. §. 1. eod. tit. hac distinctione: ut si altera actio durior sit, altera lenior, duriori instituta consumi-*

tur lenior: leniore instituta non consumitur durior, sed iudicis officio consequatur actor, quod in ea plus est. Quod si utraque actio eiusdem sit potestatis, tum altera instituta, altera perimitur, aut ipso iure, aut per exceptionem, *L. qui servum 34. D. eod. tit.* In proposita autem quaestione non de duabus actionibus concurrentibus disputatur, sed de actione et accusatione. Et licet accusationis exitus plerumque durior sit, quam actionis, attamen non semper durior est, et conveniunt sine atque scopo actio furti, eiusdemque accusatio: utraque enim persequitur poenam: iniquum autem obidem admissum amplius quam semel quinquam puniri. Instabis: Imo etiam actio cum accusatione concurrere potest: id enim docet *L. un. C. Quod civ. act. crim. praei.* A plerisque prudentum responsum est, quoties de re familiari et civilis et criminalis competit actio, utraque licere experiri, sive prius criminalis, sive civilis actio moveatur: nec si civiliter fuerit actum, criminalem posse consumi: similiter e contrario. Respondeo: Quoties de re familiari, seu eo quod nobis abest, et civilis, et criminalis actio competit, toties utraque experiri possumus: at cum actio meram vindictam persequitur, cum accusatione concurrere non potest, quin altera instituta, altera perimatur. Ex-gr. Actio iniuriarum meram vindictam persequitur, quare ea instituta consumitur publicum iudicium Legis Corneliae de iniuriis, et similiter e contrario. Etsi homo iniuria occisus dicatur, non permittet Praetor iniuriarium agere, ne praedictum fiat Legi Corneliae de sicariis. At permittit Praetor Lege Aquilia agere, nec per eam praedictatur Legi Corneliae: quia in Cornelia publica vindicta venit, in Aquilia damnum privatum, *L. si praetor 7. §. 1. et seqq. D. de iniur.* Consequenter ergo et de furti actione dici poterat, eam tantum ad poenam seu vindictam pertinere, ideo furti instituta praedictum fieri accusationi. Verum ita si dixerimus premet nos *L. 2. §. emancipatus D. de collat.* qua actio iniuriae opponitur furti actioni: illa ad vindictam pertinet, haec ad pecuniam. Premet exemplum actionis furti et legis

Fabiae, quo Imp. inter alia utuntur in *d. L. un. C. Quand. civ. act. crim. praei.*, quoque docemur, et furti actionem de re familiari seu pecuniaria esse, et si quis furti egerit ob hominem interceptum: posse eum adhuc Legis Fabiae iudicium exercere de plagio, et contra. Quid ergo dicemus? An illud, furti actionem, quo casu ob liberos in potestate nostra constitutos datur, non esse mere poenalem; quia in id quod interest datur: secundum Theophilum in §. *interdum Inst. de oblig. ex del.*? An potius istud: Constitutionem *Cod. Quand. civ. act. crim. praei.* non loqui de accusationibus extraordinariis, sed publicis, ut Ulpianus indicat, in *L. 7. §. 1. D. de iniur.*, et placuit summo viro Cuiacio? Haec sane conciliandi ratio reliquis omnibus potior videtur, et confirmatur exemplis *d. L. un. adductis* (1).

Cuiac. 26.
obs. 26.

Superest tertia quaestio, qua quaeritur; an accusatione instituta fiscus rem furtivam sibi vindicare possit? Haec quaestio iure Romano controversa nequaquam est: certum est eo iure rem domino restituendam esse: sed quia mors et statuta nonnullorum rem fisco vindicant, illud potissimum quaeritur, an ea statuta tolerabilia sint? Existimo nullo modo tolerari posse: nam si ne Princeps quidem, cuius potestas summa atque legibus soluta est, cuiquam privatorum suam sine causa auferre potest, quanto minus id licere debet illis, qui cum infra Principem sint, iura fisci sibi vindicant! Naturalis enim ratio, atque secundum iuris praecipuum nec non praecipuum divinum octavum dictant, neminem esse laedendum; nemini rem suam sine causa auferendam: id quod nostrum est, sine facto nostro ad alium transferri non posse. Princeps autem neque divinis, neque naturalibus legibus solutus est, quin etiam civilibus ultro submittit principatum; quanto plus licet, tanto minus sibi permittens. Unum se ille ex nobis, tantoque magis excellit atque eminet, quod unum ex nobis putat, ut Plinius ait in

4
Maer. ad ius.
Lubec p. 46
tit. . §. 2.

(1) De veterum Ictorum dissidio circa concursum actionum poenaliarum; et de ratione illud componendi egregie disserit laud. Aylran. lib. 5. Cap. 14. cit. op.

Paneg. Quod si summus Princeps, illa volucrum regina aquila, in res alienas sine caussa involare nequit, quis accipitri, quis vulturi, magna nimis loquimur, qui regaliolis concedat, ut aliena bona creptum eant? Atqui Principis sunt omnia. Respondet

Senec. 7 de
benef. 4. et 6.

pro me Seneca: *Ad Reges potestas omnium pertinet, ad singulos proprietas. Et omnia Rex imperio possidet, singuli dominio.* Quemadmodum qui aedes sibi vindicat aut possidet, non protinus et singula caementa vel tigna possedissee intelligitur, *L. nave 36. D. de Evict., L. in rem actio 23. §. ult. D. de rei vind., L. qui aedes 30. D. de adq. vel amit. poss., L. eum qui 23. D. de usucap.* ita Princeps, qui regnum sibi vindicat singulorum fortunas vindicare nequit. Quia tamen singulorum fortunae in regno sunt, imperii et potestatis, non domini intuitu dicuntur Principis esse: eoque sensu et illud Plinii intelligendum: *Cu-*

1. Sam. 8.
14. et seqq.

ius est, quidquid est omnium, tantum ipse, quantum omnes, habet. Nec obstat, quod in sacris paginis legitur de iure Regis: Etiam agros vestros, et vineas vestras, ac oliveta vestra optima accipiet, et dabit servis suis: Servosque vestros, et ancillas vestras, ac iuvenes vestros praestantissimos, et asinos vestros accipiet, adhibebitque ad opus suum etc. His enim verbis

Ina, Scal. 1.
Epist. 15.

nontam ius et officium Regis, quam usurpatio quaedam sub iuris specie describitur: quod praeter alios multos, etiam doctissimus Scaliger in Epistolis confirmat, existimans legendum esse, *modus Regis, non*

Ezech. 45. 18.

ius Regis, Ceterum ius non fuisse Regi diripere possessiones privatorum, patet ex Ezechiele, qui non obsecrare principes Israelitarum eo nomine carpit, dicens: Ut non accipiat princeps de possessione populi, oppressione deturbando eos de iure possessionis ipsorum, de iure suo tradet possessionem filiis suis, ut non dispergatur populus meus, ullus de iure possessionis suae. Obicitur praeterea, scelere quaesita fisco vindicari, *L. Lucius 9. D. de iur. fisc.* Repondeo: non omnia scelere quaesita fisco vindicari, sed ea, quae quis ita quaesivit, ut ab alio avocari non possint: tum enim fisci ut indigno aufert. At furto sublata domi-

nus vindicat, cuius dominio et potestate nunquam exierunt. Postremo obiicitur, tolerabilia esse quae vetus consuetudo comprobat, *L. Imperatores* 13. in fin. *D. de Pollicitat.* Et ut C. Cassius olim in Senatu disseruit: Super omnibus negotiis melius atque rectius olim provisum: et quae converterentur plerumque in deterius mutari Respondeo: Fateor, non esse leges temere mutandas; esse etiam tolerabilia quae vetus consuetudo comprobat: sed ita, si non aut consuetudo rectae rationi adversetur, aut ad ius novum constituendum evidens utilitas invitet. Nam et consuetudo impia atque absurda tolerabilis in civitate non est: et salus atque utilitas populi suprema lex esse debet. Religiosissime suas leges observari Plato voluit, si tamen necessitas argeret, mutari eas non prohibuit. Et alibi laudat Cretensium legem, quae cautum erat, ne quis iuvenum auderet reprehendere leges, sed uno omnium ore, unaque voce tanquam a Diis latae laudarentur: Senex si quid parum fecte constitutum animadvertisset, principibus et aequalibus neminem iuvenum audiente referret. Consuetudo autem, de qua in praesentiarum quaerimus, adeo absurda et iniqua est, ut in omnium oculos incurrat, magisque turpe sit eam tolerasse, quam temerariam antiquasse. Laudandus igitur eo nomine Carolus Quintus, qui *constit. crim.* 218. non hanc solum sustulit in Germania, sed et illam, qua fiscus sibi vindicat naufragorum miserandas reliquias: item istam, qua vindicat sibi currum cum equis et mercibus, si forte subversus hominem opprescit. Quod enim in ius habet fiscus in aliena calamitate, ut de re tam luctuosa compendium sectetur? Quae autem ratio infelicem aurigam merciumve dominos plectendi, cum sine dolo eorum eversa rheda est? Nulla profecto ratio: quin prorsus intolerabilis fisci aviditas: quam si huiusmodi rapinis explere conabimur, nae idem tum patietur resp. quod corpus humanum: ut enim hoc lyene crescente tabescit: ita crescente fisco ordines reipubl. sensim tabescunt atque emoriuntur. Ac ne illorum quidem leges probare possum, apud quos dominus res

Plato de b.
lib. 6. et R.

Argent. ad
Consuet.
Brit. art. 59.
gl. 1. n. 44.
stat. Zutph.
tit. 11. §. 14.
Velav. tit. 6.
§. 2. Gmt.
lib 7. §. 30.
Vide tamen
Gomes. ad
Taur. leg.
no. n. 63.
§. eo. Sax.
lib. 2. art 51.
Gloss. 2. l.
sagreg. 4.

euperare quidem res suas furto ablatas potest, verum intra breve dumtaxat temporis spatium, veluti apud Saxones intra annum et diem: Nec dissimilis Batavorum lex, quae iacta in mare levandae navis gratia; intra annum et sex hebdomadas tollere iubet, ni factum fuerit, fisco addicit.

T I T. II.

D E

VI BONORUM RAPTORUM.

CAPUT I.

Quid sit Rapina?

- | | |
|---|---|
| 1. Quid sit rapina, et quae raptorum species? |] mittat res obligatas occupare? |
| 2. An raptor est, qui rem suam rapuit? | |
| 3. Quid si debitor creditori per- | |
| | 4. Quid si expulsus quis sit de possessione fundi? |
| | 5. An necesse est, rem auferri lucrifaciendi animo? |

Superiore titulo de furtis prolixiores fuimus, praesenti, et sequentibus aliquot futuri breviores. *Rapina est violenta ablatio rei mobilis, facta dolo malo, animo lucrifaciendi.* Vis quidem dolum includit, ut JC: testatur in *L. 2. §. doli D. de vi bon. rapt.*, *L. 1. §. eum qui metum D. Quod met. caus.*; non tamen semper cum dolo est coniuncta: vim enim et magistratus facit, sed iustam: et dominus, sed licitam, *L. 3. §. 1. D. eod. tit.*, *L. 4. D. de stat. hom.*; ideo nominatim doli mali mentionem in definitione faciendam censi. Est autem vis maioris rei impetus, qui repelli nequit, *L. 2. D. Quod caus.*, potestque fieri non solum hominibus coactis, sed et sine turba: nec armis dumtaxat, verum etiam sine armis: viris enim valentioribus pro armis pugni sunt, *L. 2. §. item si proponas*, *L. 4. si quis adventu D. de vi bon. rapt.* Genera raptorum plura sunt: Effractores, qui domos aut horrea furandi causa effringunt, aut parietes perfodiunt, *L. 1. §. simili modo*, *L. 2. D. de effract. et expil.* qui iidem et vecticularii vocatur, et Graecis *thurepanoiktai*, qui vestibis, hamis, uncinis, pa-

rietes, fores, aut fenestras effringunt: ob quam causam et vitam eorum vecticulariam nominavit Cato apud Festum: iidemque a perfodiendo perfossores parietum vocantur. Hos describit Iuvenalis inter incommoda urbis, *Sat* 111., et Plinius *lib.* xix. testatur, saevam latrocinationem innumerae multitudinis praefigi prospectus omnes coëgisse. Latrones et grassatores sunt, qui ferro obsident latera viarum, spoliantque obvios. Olim illi latrones dicebantur, qui mercede conducti militabant, *para to latrevein*, quod servirent spe mercedis: nunc viarum obsessores dicuntur, quod a latere adoriuntur vel quod latenter insidiantur. Praedones, qui praedas agunt: inter quos et latrones nihil interesse existimat Accursius in *L. hostes* 118. *D. de V. S.* Cuiacius ^{Cui. 15 obs. 31.} contra: *Latrones insidiantur; praedones vi aperta adoriuntur: in his est impetus, in illis fraus. Differunt igitur, sicut differunt milites, quæ subsessas occultius occupant, ab his qui aperto Marte dimicant.* Piratae proprie dicuntur, qui mari grassantur. Expilatores, qui obvium quemque noctu corripunt, et exuunt vestimento. Generaliter vero raptores sunt omnes, qui vi rem auferunt, etiamsi neque aedes effringant, neque ruri grassentur, neque maria classe infestent, sed ut raptor quis dicatur, omnimodo ablationem rerum exigimus, nec sufficit metumintulisse: nam si dominus metu coactus rem mihi tradiderit, non vi bonorum raptorum, sed metus causa agere debet, *L. 14. §. qui vim* 12. *D. Quod met. caus.* (1).

Porro dolum malum cum exigit definitio, illud quoque intelligimus, si quis rem suam, aut quam suam affirmabat, rapuerit, dum putat licere domino rem suam possessori vi auferre, raptorem hunc non esse; non enim

(1) Cit. *L. 14. §. 12. D. quod met. caus. etc.* Non is est sensus quem exhibet Auctor. Qui vim intulit, cum possessionem a me sit consecutus fur non est; quamvis qui vi rapuit fur improbius esse videatur, et Iuliano placet. Scilicet rapina quamvis furtum proprie non sit, species tamen furti et quidem improbius est. Furtum autem non cadit nisi in res mobiles; ergo nec rapina. Vid. *L. 1. C. h. 1.*

iuris ignorantia dolus est, nec lucrificiendi, sed recu-
perandi animum habet, *L. 2. §. haec actio 18. D. de vi
bon. rap.* Verum ne homines improbi itris ignorantiam
obtendant sceleri suo constitutione Theodosii et Arca-
dii cautum est, ut si dominus id fecerit, dominium amit-
tat: sin non dominus, non solum rem, sed et aestima-
tionem eius restituere compellatur, *L. si quis iu tantam
7. C. unde vi, §. 1. Inst. de vi bon. rapt.* Aemulati, pu-
to, sunt hi Imperatores D. Marcum; qui iam olim con-
stituerat, ut si creditor debitori vim fecisset, debiti
extorquendi gratia; amitteret ius crediti, *L. pen. D. ad
L. Jul. de vi priv.; L. extat 13. D. Quod met. caus.* Utra-
que sane constitutio valde laudanda est: iniquissimum
enim atque etiam reip. perniciosum foret, pati ad vim
atque arma prosilire homines, quos Praetor sua iuri-
sdictione potest componere: eleganterque Marcus re-
scripsit, vim esse, non solum cum homines vulneran-
tur, sed et quoties quis id, quod deberi sibi putat, non
3 periudicem reposcit. Sed videamus, ne contrarium sit;
quod de creditore traditur in *L. 3. C. de vi bon. rapt.*,
si res sibi obligatas vi eripuerit debitori, eum rapto-
rem esse; et vi bonorum raptorum teneri. Non est ob-
scura diversitatis ratio: qui enim tanquam dominus
rapit, dolo non facit, cum in iure erret: nec animum
lucrificiendi habet. Creditor vero qui res obligatas vi
rapit, et lucrificiendi animum habet, et dolo malo fa-
cit. Cum enim sciat res alienas esse, ignorantiam iuris
obtende nequit. Quid ergo, si debitor permiserit cre-
ditori privata auctoritate possessionem rerum obliga-
tarum prehendere; nonne pactio a poena excusabit?
Pactionem quidem valere constat, *L. 3. C. de pign. et
hyp. L. pen. C. de pign. act. L. 3. §. ult. D. Qui pat. in
pign.*, sed valet hactenus, ut de vi accusari non pos-
sit, qui debitore non reclamante possessionem pre-
hendit. Quod si reclamanti vim fecerit, incidet in *Le-
gem Juliam de vi*; impinget etiam in edictum Praeto-
ris de bonis vi raptis. Iuris autem ignorantia vix est ut
se tueri possit: minus certe probabiliter errorem iuris
obtendit rapiens res alienas: quam Dominus eripiens
possessori res suas. Pactionis vero nequaquam ea est

Azo. et Bárt.
in d. l. 5. C.
de pign. et
hyp. Adde
Menoch. re-
med. 5. adi-
sc. poss. n.
31, et 86.

efficacia, ut etiam invito et reclamanti possit vis fieri; esset enim contra bonos mores, et ad delinquendum invitaret, ut recte Azo et Bartolus senserunt. Idemque iudicabimus, si testator testamento permiserit legatario propria auctoritate occupare rem legatam, nempe, ut id facere possit herede non contradicente: at reclamanti nullo modo vim inferre licet.

Res praeterea mobilis esse debet, ut rapta dicatur, 4 Immobilis quemadmodum furtum, ita nec rapina fit, neque enim ferri, auferri potest, *L. 1. et 2. C. de vi bon. rapt.* Invasio dicitur cum quis aliquem de possessione fundi vi deicit: quo nomine vel interdictum competit: vel condictio triticiaria, vel iudicium publicum Legis Juliae, *L. 1. D. de vi et vi arm., L. 7. Cod. eod., L. 2. D. de cond. tritic., L. 3. §. ult. D. ad L. Jul. de vi publ., L. 5. D. ad L. Jul. de vi priv.* Sane si in ipsa deiectione etiam res possessoris mobiles, ut fieri solet, raptae amissaeve sint, earum nomine vel actione in factum, vel ad exhibendum, vel vi bonorum raptorum agere possumus, *d. L. 1. §. qui vi deiectus est 31. et seqq. D. de vi et vi arm.* Porro cum mobiles dumtaxat rapiantur, consequens est nec incorporales rapi posse: proprie enim neque mobiles, neque immobiles sunt: licet alias ad mobiles, alias ad immobiles referantur, prout vel cum his, vel cum illis maiorem habuerint adfinitatem.

Postrema verba, *animo lucrificiendi*, delenda forte 5 aliquis existimaret, eo quod Praetor actionem vi bonorum raptorum non illi solum det, cuius bona vi rapta sunt, sed et ei, cui dolo malo hominibus coactis damni quid factum est *L. 2. pr. et §. 7. 9. 10. D. de vi bon. rap.* Verum tametsi Praetor in Edicto damni quoque mentionem fecerit, proprie tamen loquendo aliud damnum, aliud rapina est. Damnum dicitur, etsi nihil abstulerimus: rapina ereptionem atque ablationem significat, quae lucrificiendi caussa fiat. Itaque si ancillam alienam meretricem rapuit quis libidinis caussa non est raptor: sicut nec fur si libidinis caussa celaverit, quia animus lucrificiendi abest, *L. verum est 39. D. de furt.*

Nec est novum iniure, ut actio latius pateat, quam no-

men eius prae se ferre videtur: Sicenim actio arborum furtim caesarum datur, etsi non ceciderit, sed cinxerit vel deglabraverit quis arbores. Caedere est succidere, aut ferire saltem caedendi causa. Cingere vel deglabrare est corticem detrahere *L. 5. D. arb. furt. caes.* Similiter actiones familiae herciscunde et communi dividundo a divisione rerum communium appellantur quidem, prosunt tamen etiam ad personales praestationes *L. 25. §. 17. L. 51. 66. D. famil. ercisc., L. 3. L. 6. §. 1. et 2., L. 10. L. 14. §. 1. L. 23. et D. com. divid.* Et condictio triticiaria a tritico nomen habet, si Cuiacii paratilis credimus; ea tamen non triticum dumtaxat, sed rescuiuscunque generis petimus, corporales, incorporales, mobiles, immobiles excepta pecunia numerata, *L. 1. L. pen. §. ult. D. de cond. tritic.* Turbari ergo nequam debemus, cum audimus actionem appellari vi bonorum raptorum, et dari tamen de damno hominibus coactis dato (2).

CAP. II.

De Poena,

- | | |
|---|------|
| 1. Quae sit poena raptorum? | tur? |
| 2. Quae iudicia cum accusatione extraordinaria concurrant? | |
| 3. In raptorem utrum manifesti an nec manifesti furti actio de- | |

De concursu plurium iudiciorum quid iudicandum, et an uno electo perimuntur reliqua?

Raptorem extra ordinem accusari posse non est dubitandum. Nam cum in genere de privatis delictis responsum sit, *L. ult. D. de priv. del.*, posse reum vel civiliter conveniri, vel accusari extra ordinem, consequens est ad rapinam quoque id responsum pertinere. In specie autem id confirmat Ulpianus in *L. 1. §. 1. D. de inc. ruin. nauf.* Quanquam, inquit, de his facinoribus

(1) Edictum Praetorem proposuisse de damno in turba dato, et de amisso luculentum perhibet testimonium Ulpianus in *L. 4. D. h. l.*

q̄ntetiam criminum exsequutiones, attamen recte Praetor fecit, qui forenses quoque actiones criminibus istis praeposuit. Poena arbitrio iudicis extra ordinem infligitur, pro qualitate rei et personae vel levior, vel gravior. Espilatores in opus publicum vel perpetuum, vel temporarium dari solent, honestiores autem ordine ad tempus moveri, vel fines patriae iuberi excedere. Effractores similiter vel ad tempus relegantur, vel in opus publicum dantur. Gravius animadvertitur in nocturnos qui fustibus caesi in metallum dari solent, *L. 1. et 2. D. de Effract. et expil.* Gravius in eos, qui saepius et ferro grassati sunt: nam et capite puniri possunt, *L. 28. §. grassatores D. de poen.* Gravius in famosos latrones, qui furca figuntur illis locis, ubi grassati sunt, ut et conspectu deterreantur alii ab iisdem facinoribus, et solatio sit cognatis et adfinibus interemptorum, eodem loco reddita poena, in quo latrones homicidia fecissent: nonnulli etiam ad bestias eos danaverunt, *d. L. capitalium 28. §. famosos D. de poen.* Idem fere exitus praedones et piratas manet, Eos enim Iulius Caesar, a quibus captus erat, cruci suffixit, lytro tamen ante persoluto, ut Velleius narrat. Pompeius vero, quum circa Ciciliam piratas fudisset, reliquias eorum contractas, in urbibus, remotoque a mari loco, in certa sede constituit: cuius factum alii carpsere, defendit Velleius hoc modo: *Quamquam in auctore satis rationis est, tamen ratio quamlibet magnum auctorem faceret. Data enim facultate sine rapto vivendi, rapinis arcuit.*

Vell. a his

Concurrit cum accusatione extraordinaria publicum iudicium Legis Juliae de vi. De vi publica, si vis facta sit armis: de vi privata, si sine armis, §. *item lex Julia de vi Inst. de pub. iud., L. 3. L. pen. D. ad L. Jul. de vi publ., L. 1. et 3. D. ad L. Jul. de vi priv.* Neque absurdum id videri debet, eandem speciem et publico, et privato seu extraordinario iudicio coërceri ut iam praeoccupavimus dicere in prolegomenis *cap. 4.*, ne necesse esset eadem saepius inculcare. Concurrit etiam publicum iudicium Legis Corneliae de siciariis, si rapinis caedes mixtae sint, aut furti faciendi

caussa cum telo quis ambulaverit, *L. 1. D. ad L. Corn. de sicar.*, *L. 2. 3. 4. C. eod.* Concurrit iudicium publicum legis Juliae de sacrilegiis et peculatu, si quis aedae sacras, aut aerarium refrigerit, *L. 4. §. mandatis*, *L. 6.*, *L. 9.*, *L. 11. D. ad L. Jul. pecul.* Civiles quoque actiones plures adversus raptorem dantur: quarum prima est actio vi bonorum raptorum: Ea intra annum utilem in quadruplum, post annum in simplum competit. Quadruplatur verum rei pretium, non etiam quod interest: nec quadruplum totum poena est, sed inest quadruplo rei persequentio, *L. 2. §. in ac actione 13. de vi bon. rap.*, *pr. Inst. eod.*, *§. vi autem Inst. de act.* Eadem non in quadruplum, sed in duplum datur adversus Christianos, qui Iudaeorum vel Paganorum bona rapuerint, *L. Christianis 6. C. de pag. et sacrif.* Concurrit actio ex edicto incendio ruina adversus eum, qui ex incendio, ruina, naufragio, rate, nave expugnata rapuisse quid dicetur, similiter intra annum utilem in quadruplum, post annum in simplum *L. 1. D. de inc. ruin. naufr.*, *L. in eum 18. C. de furt.*, quae actio necessaria quidem non fuit in raptorem, cum sufficit superior de bonis vi raptis, par huic poena exituque iudicii: sed quia improbiore sunt, qui rapiunt naufragorum fortunas eorumve qui ruinam incendiumve passi sunt, ideo Praetor separatim quoque de his edicere voluit. Concurrit actio in factum adversus publicanos, si quid vi ademerint, intra annum in duplum, post in simplum. Ne haec quidem necessaria, ut Ulpianus fatetur, in *L. 1. D. de public. et vestig.*, sed e re putavit Praetor, specialiter adversus publicanos edicere. Concurrunt denique actio furti, condictio, rei vindicatio, ad exhibendum, *L. 1. §. caeterum 10. et §. rerum. 26. D. de vi bon. rapt.*

3 Sed de furti actione controversitur, manifestine, ac nec manifesti furti cum raptore agatur? Paulus in *L. 1.*, scribit, eum qui vi res alienas rapit, furti nec manifesti teneri in duplum: idemque innuit in *L. si quis egerit 88. D. de furt.* Contra Papinianus in *L. si vendidero 80. §. cum raptor respondet*, Cum raptor omnimodo furtum facit, manifestus fur existimandus

est. Papiniani responsum firmat illa ratio, quod absurdum sit, in raptorem, qui est fur improbius, actionem competere leniorem, eum in furem manifestum, qui minus improbus est, detur duriori: Furti enim manifesti actio in quadruplum est, et perpetua; nec quadruplo inest rei persecutio, quemadmodum actione vi bonorum raptorum rei persecutio inest. Placuit nonnullis vim consequentiae negare, quae ex responso Papiniani deducitur. Tametsi, inquit, fur manifestus existimetur, furti tamen nec manifesti tenetur. Ego rectius existimo Accursium respondisse, distinguendo, utrum raptor in raptione deprehensus sit, nec ne: ut deprehensus tenetur furti manifesti, non deprehensus nec manifesti. Hanc distinctionem et auctoritate sua firmat, et exemplo illustrat Ulpianus in *L. si quis uxori* 52. §. ult. *D. eod.*, *Si quis ex domo*, inquit, *in qua nemo erat, rapuerit, actione de bonis vi raptis in quadruplum convenietur, et furti non manifesti, videlicet si nemo eum deprehenderit tollentem*. Agitur e contra, si deprehenderit aliquis tollentem, actione furti manifesti conveniri poterit.

Accurs. in l.
1. D. vi bon.
rapt.

Quod ad concursum horum iudiciorum attinet, de hoc eodem fere modo iudicandum est, quem superiore titulo *de furt. cap. 4.* demonstravimus; ut si qua sint iudicia eiusdem potestatis, eundemque habeant propositum scopum, eorum uno electo perimatur alterum: Sin minus, utroque experiri liceat. Itaque si quis raptorem accusaverit extra ordinem, neque ipse, neque alius quivis e populo publici iudicii reum facere potest, nisi probet priore iudicio per praevaricationem accusatoris absolutum esse, *L. si quis homicidii* 11. *C. de accusat.*, *L. 3. §. 1. D. de praevar.* Et contra si publico iudicio reum egeris, non poteris eundem accusare extra ordinem, quia utriusque iudicii idem finis est, duriusque visum de eiusdem hominis admissio saepius agi, *L. 7. §. iisdem*, et *L. Senatus* 14. *D. de accusat.* Nam aut absolvitur accusatus, aut condemnatus. Si absolvatur, res iudicata pro veritate habebitur; sin condemnatur; ideo repeti non debet, quia poenam sufferendo legibus satisfecit. Sed quid

si accusatus fuerit raptor, an adhuc vi bonorum raptorum adversus eundem agi potest? aut si actum sit vi bonorum raptorum, an eo amplius accusari poterit? Hic distinguendum videtur inter accusationem publicam et extraordinariam. Cum publico iudicio actiones concurrere possunt, ita ut alteri per alterum non fiat praeiudicium: cum privata accusatione actio poenalis concurrere nequit, *L. un. C. Quand. civ. act. crim. praeiud.*, *L. interdum* 56. §. 1. *D. de furt.* Quid si egerit vi bonorum raptorum, an adhuc furti poterit agere? non utique nec manifesti, quia lenior est, *L. 1. D. de vi bon. rapt. L. 88. D. de furt.*: at manifesti agi posse dixerim, ut consequamur quod in ea plus est, *arg. L. quotiens* 41. §. 1. *D. de oblig. et act.* Contra si ante furti egerit, si quidem manifesti vi bonorum raptorum agere non poterit: sin nec manifesti, poterit, quia de bonis vi raptis gravior est. Quid si egerit ex edicto de incendio? Non poterit agere de bonis vi raptis, quia utraque est intra annum in quadruplum, post annum in simplum. Sed si egerit ex edicto de publicanis in duplum, adhuc vi bonorum raptorum agere poterit quia illa lenior, haec gravior est. Si condictione egerit, aut vindicatione, adhuc vi bonorum raptorum agere poterit in triplum: sin ante de bonis vi raptis egerit, non potest condicere vel vindicare rem, quia quadruplo inest rei persequutio.

CAPUT III.

DE IURE MUNICIPALI.

Ad §. IV. Rubr. XLII. Statut.

- | | |
|--|--|
| <p>1. In statuto an vias appellatione continentur vias privatae? an ager, silva?</p> <p>2. An statutum sustulerit differentiam inter raptorem et metum inferentem?</p> <p>3. An omnes raptores ex statuto puniendi capite?</p> | <p>4. Quid si plures simul latrocinia fecerint?</p> <p>5. Mora in statutis naturalis an civilis intelligenda?</p> <p>6. Cur veniae spes raptoribus praeciderit statutum?</p> <p>7. In statutis an appellatione facientis continetur mandans.</p> |
|--|--|

Quaquam hunc §. attigimus *Titulo praeced. cap. p. III.*, tamen, quia id obiter dumtaxat a nobis factum est, conveniens esse puto, ut hoc loco diligentius expendatur. Ait auctor statutorum: *Die de strate schent, oft yemand sijn goet est gelt by force of dreygemten afneem, die verbeurt sijn lijf sonder verdrach.* id est: Qui itinera infestat, aut cuiquam bona, pecunias, vi metuve iniecto extorquet, praecisa omni veniae spe capite plectior.

Itinera cum dicit, non solum agrum, sed et urbem respicit: nam et latinis latro dicitur, tam qui in urbe, quam qui ruri grassatur, et vox Belgica *Strate* utriusque viis ex aequo quadrat: Sed cum viarum aliae publicae, aliae privatae sint, dubitari potest, an de solis viis publicis hic locus intelligendus sit? Et licet eadem vox Belgica proprie quadret iis locis, quibus vulgo iter fit: nihil tamen interesse puto, utrum in via publica, an itinere privato, vel in medio fundo, ut silva, in solitudine quis spoliatus sit. Est enim latro, quisquis aut vias obsidet, aut a latere spoliandi causa homines adoritur, ut *etymon* nominis docet: et confirmat Livius, cum scribit, *L. Postumium Praetorem quaestionem exercuisse in pastores, qui vias latrociniiis, pascuaque publica infesta habuerant.* Atque ut maxime latro non sit, grassator tamen est, et proximus latroni, qui in agro aliquo grassatur, ut ex

L. 28. §. grassatores D. de poen, et L. 1. C. Quand. lic. unic. vind. se vel publ. devot. colligitur. Sed et sequentia verba, *oft yemandt siin gelt goet by force afneemt* excludunt omnem loci itinerisve distinctionem. Hoc amplius absurdum, foret, meo quidem iudicio, praesentem articulum ad eos solos restringere, qui latera viarum publicarum obsident, viatoresque adoriuntur, perinde ac si non aequè improbi sint, qui agricolas adoriuntur; homines praedonum iniuriis maxime obnoxios. Postremo ut maxime praesens locus interpretationem nostram respueret, decisa tamen controversia est Edicto III. Ord. anni clā Io xcv. act. 12., ubi diserite traditur nihil interesse, utrum in via publica, an domi suae, aut quo alio loco a latrone quis spoliatus sit. Et edicto in homicidas proposito. an. clā Io xciv. dicitur. *Soo vree' s Heeren ofte andere vvegen schent, die verbeurt siin lijfsonder verdrach.* Id est: *Si quis viam regiam, vel quam aliam infestam habuerit, sine spe veniae morte plectitor.*

Porro, ex eo quod statutum dicit, *Sijn gelt by force of dreygementen afneemen*: Edictum autem *oft yemandt t sijne afdvvinght* existimare quis poterat, non probari moribus nostris subtile veterum JC. commentum, quo dixerunt, non teneri vi bonorum raptorum eum, cui dominus metu coactus rem suam tradidit; ideoque actione Quod metus causa agendum esse, *L. item si cum i 4. §. qui vim D. Quod met. caus.* Quid enim est, *by dreygementen afneemen*, nisi metu iniecto et minis cogere dominum, ut rem suam tibi tradat? Verum, non obstantibus his verbis, existimaverim, plurimum hodieque interesse, utrum rem vi auferas, an dominus metu coactus tibi tradat: si auferas, raptor es, latro, praedo, grassator: sin dominus metu coactus tradat, actione Quod metus causa teneris. Nec levis tamen subest dubitandi ratio, etenim, cum latro viatori conditionem fert, ut aut vitam ponat, aut loculos, nonne viator quoque vitam loculis antefereus, tradit loculos in manum latronis? Quid, quod latro quoque rogare dicitur? ut in illo Martialis?

Quid si me tonsor, cum stricta novacula supra est,

Tunc libertatem divitiasque roget?

Promittam, nec enim rogat illo tempore tonsor:

Latro rogat: res est imperiosa timor.

Ad hoc argumentum responderi poterat: malum quod latro minatur, praesentissimum esse: quod non latro minatur, id plerumque in diem differri. Deum latro si viator recuset, tamen ablaturus est: non ablaturus est, qui metum infert: quippe, qui colorem iuris quaerat voluntate dantis tueri se satagens. Denique qui metus actione tenetur, non itinera obsidet, non per agros armatus grassatur, sed plerumque inter contrahendum terrores fingit, *d. L. 1. C. Quand. lic. unic, L. 3. §. adversus D. de sepul. viol.* Quare ne in praesenti quidem statuto omnem, qui metum intulit, etiam pro latrone, vel grassatore habebimus (3).

Sequitur *die verbeurt sijn lijf fonder verdrach*. Haec 3 verba, quanquam abscisse mortem comminari videantur, recipiunt tamen, nisi fallimur, temperamentum eiusmodi, ut et locum admissi, et pretium rei, et modum violentiae multum ad levandum exasperandamve poenam posse, fatendum sit: Latrones enim, qui factionem habent, et non tantum spoliare, sed et iugulare solent, haud dubie capitis poena adficiendi sunt, *L. perspicendum 11. §. delinquitur, L. capitulum 28. §. famosos D. de poen.* His proximi sunt grassatores, qui cum ferro adgrèdi et spoliari consueverunt: qui et ipsi capite puniuntur utique si saepius atque in itineribus hoc admiserunt, *d. L. 28. §. grassatores*. Ex hoc autem statuto, etsi neque saepius id fecerint, neque in itinere, capitale esse videtur. Constitutio sane Ordinum modo laudata aperte ultimum supplicium comminatur. Idque in primis recipiendum in illis, quos *Knevelaers* vulgus vocat; qui nimirum pila in os ingesta auferunt spoliatis quiritandi facultatem. Utrisque iungendi sunt effractores, neque enim levius esse videtur, aedes effringere, fami-

(3) De vero sensu hic noviter cit. L. 14. D. *quod met caus. et c.* sciunt superiores

liam metu exanimare, quam itinera frequentata obsidere. Severior hac parte Constitutio Ordinum est, quae non solum effractionem aedium, sed et tabernae, horrei, navis, ratis, aut alterius loci muniti capitale crimen facit. Nec modo consummatum crimen, sed et conatum nudum capite punit. Quantum vero ad expilatores attinet, qui noctu, vel prima face obvios corripunt, et vestimentis exuunt: hos, ut diximus, ius civile opere publico punit, non ultimo supplicio. Itaque si, quod nunc frequentissimum miles scholaribus sub vesperam pileum aut pallium detexat, multum intererit, utrum gladium strinxerit, an correpto vestimento protinus arripuerit fugam: nam priori casu capitali videri possit: posteriore durius foret mortem irrogare ei, qui spem magis in pedibus, quam armis repositam habuit. Eaque distinctione etiam Constitutionem Ordinum temperari posse putarim: quanquam enim sine distinctione loqui videtur, valde tamen absurdum foret, eum, qui rem non magni pretii viatori quoquo modo eripuerit, illico ultimo supplicio adfici.

4

Conf. Coler.
n. 155. n. 118.

Quod si plures simul latrocinium vel rapinam exercuerint, etiamsi aequalis eorum opera non fuerit, omnes tamen capite puniri posse dixerim ex Nov. Leonis 70. Opus enim, quod a pluribus pro indiviso fit, singulos in solidum obligat, *L. semper* 15. §. *si in sepulcro D. Quod vi aut clam.*: et cum plures trahem sustulere furandi causa, etiamsi non idem omnium robur sit, dispar opera, omnes tamen in solidum furti tenentur, *L. vulgaris* 21. §. *pen. D. de furt, L. ita vulneratus* 51. *in fin. D. ad L. Aquil.* Adhaec, si auxiliatores recte eadem poena puniuntur, qua princeps in scelere patrando, ut quidem nominatim cautum nostris, et Frisiorum legibus: quanto magis eadem poena digni, quorum in scelere patrando participatus, etsi dispaes vires fuerint?

Edict. cont.
fur. et Vag.
§. 14. Fris.
lib. 2. tit. 18

5

Farin. quaes.
19.

Sijn lijf. Uno verbo absolvit auctor Statuti quaestionem vulgi, qua quaeritur. si lex vel statutum crimen morte vindicet, utrum mors naturalis an civilis intelligenda sit? Et quanquam existiment, in dubiis casibus civilem potius intelligendam, quam naturalem

eo quod poenae interpretatione molliendae sint, non exasperandae: haec tamen doctrina in civitate nostra locum vix invenerit. Est enim id prorsus insolens et inusitatum nobis, ut verbo, *doot*, mortem civilem de-
notemus. Nec ambigua est nostris significatio verbo-
rum, *verbeurt sijn lijf*: id est, *amittit corpus seu vi-
tam*: quis enim haesitaret, nisi infante minor? Sed
etsi ambigua verba forent, tamen iuxta vulgi quoque
doctrinam de morte naturali essent intelligenda. Fa-
tentur enim, regulae a se constitutae locum non dari,
cum aut crimen modum civilis poenae excedit; aut
mens statuentium ex aliis verbis colligi potest: Utrum-
que autem hic concurrit: nam et criminis atrocitas ci-
vilis mortis sensum excedit, et §. 2. *h. tit.* ultimi sup-
plicii mentio facta est, ex quo proclive foret, §. 4., si
ambigue scriptus esset, interpretari. At cur in specie
§. 2. ultimum supplicium gladio irrogari vult, cum §.
4. in genere de morte loquatur? Haud dubie, quoniam
eorum raptorum, de quibus §. 4. agitur, non unum
genus est: alii rota, alii furca, alii gladio puniuntur;
ut in praecedentibus diximus.

Sonder verdrach: Hoc facile intellectu est: quan-
quam enim sicarius et cum proximis caesi transigere,
et veniam perpetratae caedis a Principe oblatis preci-
bus, impetrare potest, id tamen intelligendum de
eo, qui impetu magis occidit, quam proposito: qui
vero ex insidiis adgrediuntur; uti faciunt latrones,
indigni sunt quibus impunitas concedatur. Gravior
etiam est grassatorum et praedonum violentia, quam
ut poenae gratia eis indulgenda sit; ideoque nostris
aliarumque civitatum legibus nominatim et ipsi ex-
cluduntur. Denique parcius remissiones criminum
indulgendae sunt; quia cum iustitiae praeceptis pa-
rum convenire videntur. Atque ex eo ipso, ut hoc obi-
ter admoneam, apparet, durius hodie agi cum rapto-
ribus et grassatoribus, quam cogerint maiores nostri.
Praeterquam enim quod Tacitus scripsit, eos in ple-
risque delictis transactionem admisisse; etiam leges
Francorum Regum iussu compilatae, abunde id testan-
tur. Placereque enim in violentiae crimine compo-

Argent. 2.
Consuet.
Britann. art.
34. gl. 5. n.
3. Edict.
contr. fur.
et vaga §. 12.
Transl. dissol.
part. 2. tit.
tit. 22 §. 1.
Mochel. tit.
art. 30 Zapt.
tit. 11. art. 1.

sitionem admittunt; ut leges Saliorum *Tit. 15. 16. et 64.*, Alemannorum *Tit. 66. 67.*, Bajuvariorum *Tit. 3. §. 29.*, Frisiorum *Tit. 8.*, Burgundi tamen effractores omnes et latrones iubent occidi, *Tit. 29. L. 3. et Tit. 47.*, fures, etiam seu diurnos, Saxones, *Tit. 4. L. 3. et L. 7.*, et Ripuarii, *Tit. 79.*

Adiiciamus nunc locum communem de mandante, quo quaeritur, an statutum de faciente loquens (veluti hoc nostrum, dum ait, *schent, afneemt*) sit etiam intelligendum de mandante? In hac quaestione plures distinguunt, utrum statutum in rem conceptum sit, veluti; *Homicidii poena mors esto*: an in personam, veluti, *Si quis hominem occiderit, morte plectitor*. Priore casu existimant mandantem comprehendere: posteriore non aequae. Haec distinctio adeo mihi non probatur, ut etiam principiis et certissimis iuris fundamentis repugnare videatur. Quamvis enim vulgo dici soleat, statuta stricte interpretanda esse; id tamen tum praecipue verum est, cum statuta iuri communi, aut rectae rationi adversantur. At statutum puniens delinquentem, non illico iuri communi aut rationi adversatur, sed potius ad eandem iuris et rationis metam collinat: nempe, ut fontes e medio tollantur, exemplisque territi reliqui dissimiliter se gerant. Itaque interpretatio statuti ex iure communi petenda, quod dicat, nihil interesse, ipse quid facias, an per alium fieri cures: manumne sceleri, an caput et consilium commodes. Neque repugnat sermonis vernaculi proprietas, quo minus vim fecisse, latrocinatum esse dicamus eum, qui per alium id fieri curavit, aut conductitia latrunculorum manu usus est. Postremo, ut maxime sermonis proprietas abhorreret, tamen statuto deficiente ad ius commune recurrendum esset. Appare ergo a viris doctis tam absurdam distinctionem, cuius absurditas etiam ex veteribus interpretibus non paucis suboluit (4).

7
Ias. in l. 7.
n. 36. de iurisd. Clar.
in fin. quæst.
§9. n. 2.
Dec. 9.
crim. 32. n.
Quintil. deo
322.

Thom. in
decis. 46. n.
19. Sains. 1.
§. 23. gl. 1.
et gl. 2. in
fin.

(4) Si Quaestio quam sub hoc numero Auctor proponit iuxta moralis civilisque disciplinae principia exet discutienda nullum

TIT. III.

DE

DAMNO INIURIA DATO.

CAPUT I.

Quid sit damnum.

- | | |
|--|---------------------------------------|
| 1. An damni iniuriæ nomine accusatïones proditæ. | 3. Quid sit damnum iniuriæ dandi. |
| 2. Quid sit damnum, et in quibus rebus detur? | 4. Quibus casibus esset hoc iudicium? |

Quamquam titulus de Lege Aquilia, quæ vindicatur et damnum iniuria datum, longo spatio ab accusationibus seiunctus atque semotus est, tamen ob damnum quoque in crimen inscribi posse, multis argumentis comprobatur. Nam præterquam quod Lex Cornelia de Sicariis locum habet, si dolo malo homo alienus occisus sit, *L. inde Neratius 23. §. si dolo D. ad L. Aquil.*: quod eadem lex coërcet incendiarios, quorum dolo incendium excitatum fuerit, *L. 1. et L. 10. D. ad L. Corn. de sicar.*: quodque Lex Julia de vi publica imminet iis, qui coetu turba, aut seditione incendium fecerint, *L. 5. D. ad L. Jul. de vi publ.*: etiam extra ordinem damnum datum vindicari posse colligitur ex *L. 1. §. 1., L. 9. pen. et ult. D. de inc. ruin. naufr., L. 3. §. 1. D. de off. præf. vigil., L. 2. D. arb. furt. caes., L. aut facta 16. §. evenit. D. de poen.* Nec solum illud damnum quod dolo admissum est, vindicatur extra ordinem, sed interdum et quod culpa, ut de incen-

equidem discrimen statui posset inter mandantem et mandati exequutorem. Sin autem ad id quod publicam respicit utilitatem ratio potissimum haberi velit fortasse maior poena iis qui meditatum faciunt exequuntur esset servanda, ideo quod illud maxime Reipublicæ intersit sceleris perfectionem impedire. Vid. agrugium opus — *dei delitti, e delle pene*, §. 14

dio culpa facto scriptum *d. L. 9. et poen. D. de incend. ruin. naufr.*, *d. L. 3. §. 1. D. de off. praef. vigil.*

Damnum et damuatio ab ademptione et quasi diminutione patrimonii dicta sunt, *L. 4. D. de dam. inf.* Definiri igitur damnum utcumque poterit, *Diminutio quaedam patrimonii dolo, aut culpa adversarii nobis facta.* Ea diminutio vel in rebus animatis, vel in inanimatis sit. In animatis, cum servus noster aut animal occiditur: in primis si id occidatur, quod pecudum numero est. Item si liberi nostri occidantur aut vulnereantur, aut si nobismet ipsis vulnera infligantur. Tametsi enim liberum corpus nullam recipiat aestimationem, ac per consequens nec patrimonium diminui videatur, cum liber occisus, aut vulneratus est, tamen respectu operarum, quibus quis caruit aut cariturus est, item propter impendia in curationem facta, patrimonium recte diminutum dicemus, *L. 5. in fin., L. 7. pr. L. 13. pr., L. 27. §. rupisse D. ad L. Aquil., L. ult. D. de his qui deiec. vel ejud., L. cum duobus 52. §. socium 16. D. pro soc.* In rebus animae carentibus damnum datur, cum quis quid ussit, fregit, rupit, effudit, aut quoquo modo corruptit: corrupti enim appellatio generalis est, et ad haec omnia pertinet, ut Ulpianus testatur in *L. si servus 27., §. et non negat D. ad L. Aquil.* Nec solum in rebus mobilibus, sed et immobilibus; ut si arbustum meum, vel villam incenderis: si aedificium refrigeris, aut dirueris: si aquaeductum corruperis etc., *d. L. 27. §. item si arbustum, et §. si quis aedificii D. eod.*: si arbores, aut silvam caeduum immature cecideris, *d. L. 27. §. idem et in silva, et L. si merces 25. §. ipse quoque D. locat*: si in segetem meam lolium aut avenam conieceris, *d. L. 27. §. et ideo Celsus et §. item si quis frumento.* Infinite denique huiusmodi species, quas omnes velle enumerare, non diligentis, sed otiosi foret.

4 Porro ut damnum vindicetur, iniuria factum esse debet, id est vel dolo, vel culpa: patet enim tam latae iniuriae verbum, ut et qui culpa levissima damnum dedit, iniuria dedisse dicatur, *L. in lege 44. D. ad L. Aquil.* Igitur culpa hic non solum supinam negligen-

tiam designat, quae prope dolum sit; sed et saevitia, et imperitia, et infirmitas in culpa ponuntur, si quis affectaverit id, in quo intelligit vel intelligere debet, imperitiam aut infirmitatem suam esse alii periculosa futuram, *L. 5. §. 1. D. h. t., L. 31. D. eod., L. illicitas 6. §. sicuti D. de off. praes. (1).*

Quod sinec dolus nec culpa intervenerit, non intelligitur damnum iniuria datum: Veluti servum tuum latronem insidiantem mihi, cum aliter periculum effugere non possem, occidi: ne civili quidem actione tibi sum condemnandus; tantum abest, ut poena aliqua gravior extra ordinem sit irroganda. Adversus periculum enim omnes leges omniaque iura permittunt se defendere, frustra que expectes legum auxilium, cum expectare volenti aut iniusta poena sit tuenda, quam iusta repetenda, *L. ut vin. D. de iust. et iur., §. 4., L. scientiam 45. §. qui cum aliter D. ad L. Aquil., L. 1. §. vim., vi L. 3. §. cum igitur D. de vi et vi arm.* Sane si moderamen inculpatae tutelae excessero, aut cum vincere possem, occidere malui, tencor eo nomine: sed ac de re uberius dicendi locus futurus est. *Tit. ad L. Conel. de sicar.* Similiter, si defendendi mei causa vicini aedificium orto incendio dissipaverim, cesset Aquilia: nec enim iniuria hoc facit, qui se tueri vult, cum alias non possit, *L. 3. §. quod ait praetor D. de inc. ruin. naufr.* Adhaec si a te in meo opus aliquod factum sit, cum meum peditum tuo non serviret, veluti si per domum meam aquae ductum traiecoris, manu eum recidere possum, ut Severus rescripserit: neque enim culpa aut iniuria, cum iure recido id, quod tu nullo iure in meo feceras, *L. quemadmodum 29. D. ad L. Aquil. L. sed si inter 27. D. de servit. praed. urb., L. ult. §. si ad iannam D. Quod vi aut clam.* Quin etiam interdum in alieno huiusmodi quid faciens, non dicitur damnum iniuria dedisse: nam si arbor tua ex acedibus tuis in aedes meas ita

(1) Anni dolo dati delictum furto gravius esse, cum in eo magis quam in hoc animi improbitas ut plurimum deprehendatur, recte animadvertit laud. Filang. *op. cit. Par. 4 lib. 3. Cap. 54.*

impendet, ut mihi noceat, eam, si per te stat quo minus adimas, Praetor mihi adimere, lignaque habere permittit: Et si arbor ex agro tuo in agrum meum impendeat, si per te stat, quo minus eam pedes quindecim altius a terra coërceas, tum quominus mihi coërtere lignaque habere liceat, vim fieri vetat, *L. 1. D. de arbor. caed.* Ita permittit rivos, specus, septa reficere aquae ducendae caussa: permittit reficere iter actumque eundi agendique gratia, *L. 1. D. de R. de Riv., L. 3. §. ait praetor D. de itin. act. priv.*: quibus casibus neque actio civilis, neque accusatio adversus eum, qui fecerit, competit.

C A P U T I I.

De Poena.

- | | |
|---|--|
| <p>1. Quae poena damni iniuria dati, et an leve sit hoc crimen?</p> <p>2. An minora damna tantum civiliter vindicanda?</p> <p>3. Rectene quaedam damna vindicentur capite?</p> <p>4. Quae iudicia cum hac accusatione concurrant?</p> | <p>5. Quomodo concilianda <i>L. 4. D. de public. iud. cum L. 13. §. si dolo D. ad L. Aquil.</i></p> <p>6. Explicatur <i>L. 6. pr. D. ad L. Jul. de adult.</i></p> <p>7. Explicatur <i>L. 9. D. arb. furt. caed. et L. 13. §. 1. De Commod.</i></p> |
|---|--|

Et si damni iniuria dati nomine accusationes proditae sint, levius tamen hoc crimen esse, atque ideo tormenta in eius excquutione non habere locum interpretes tradiderunt. Et recte quidem, si in plerasque huius criminis species oculos intendamus: in universum tamen id verum non est: quin etiam atrociter in hoc genere admissi peccari potest, et poena capitalis nonnunquam reis imminet. Nam si quis servum alienum occiderit, tametsi acquiraretur quadrupedi, *L. 1. §. ut igitur apparet D. Si quad. paup. fec. dic.*, atque reliquis rebus, quae in censu nostro ac patrimonio sunt: nec abnuat id divina lex, *Exod. 21. v. 21*, tamen poena capitalis locum habet, quia natura liberis et servis communis est, *L. 1. §. 2. L. 11. §. 1. et 2. D. ad L. Corn. de Sicar.* Et si qui arbores et maxime vites ceciderint

Perin. qu. 42.
n. 28. et qu.
300. n. 37.

Vid. Plin.
lib. 16. c. 5.

tanquam latrones puniuntur, *L. 2. D. arb. furt. caesi*. In primis graviter puniuntur vitium incensores in Mysia, quemadmodum messium in Africa *L. aut facta* 16 §. *evenit. D. poen.* Et qui aedes acervumve frumenti iuxta aedes positum sciens combusscrit, vinctus verberatusque igne necatur, aut bestiis obicitur, aut si in aliquo gradu positus incendium excitaverit, vel capite punitur, vel in insulam deportatur, *L. 9. et L. ult. §. 1. D. de incend. ruin. naufr.* Praeterea si ancilla de-
 virginata, aut servus stupratus sit eiusmodi, ut non solum ad iacturam substantiae, sed ad totius domus eversionem pertineat, severissime Praeses iubetur animadvertere, *L. ult. D. de off. praes.* Iam si vulnera illata sint, etsi non letalia, etsi non animo occidendi, tamen id ipsum atrox est, hominem vulnerare; in primis si in oculo percussas, *L. 7. §. ult. et L. 8. D. de iniur. §. atrox Inst. eod.*, aut virum fortem et strenuum mutiles, rei publicae inutilem reddas: quam speciem Plato quoque ix. *de Legib.* existimavit animadvertendam. Voluit enim non solum damnum exsolvi vulnerato in quadruplum; sed etiam vulnerantem pro vulnerato militare iussit, ni vellet, tanquam desertor militiae accusari. Sed etsi non militem membro mutiles, id tamen grave est, et extra ordinem animadvertendum, quod hodieque agnoscunt ii, qui membri damnum manus amputatione vindicant. Et sane, si quo crimina frequentiora, eo etiam graviores poenae infligendae, utique hoc contentiosissimo sacculo rigor legum intendendus, ubi, tanquam ius in civitate non foret, aut non omnia ante sapienti expeririunda, quam ad arma descendat; illico homines gladios stringunt turpique laniena cives mutilos, atque saepe nihil de se meritos reip. inutiles reddunt, Reliqua quoque damna, ut ut fortasse leviora videantur, non tamen negligenda ius decenti: saepe enim parvae iniuriae neglectae magnis motibus causam dederunt. Quippe ea est hominum natura, ut nulli iniuriae suae parvae videantur: plerique eas gravius aequo habeant. Testis huius rei locupletissimus Plato. qui viii. *de Leg.* in hunc sensum disserit, *Multa*

Spec. Sax.
lib. 2. art. 16.

Polyb. hist.
lib. 3.

deinde parvaque damna in vicinia saepius facta, magna inimicitias pariunt, vicinitatem difficilem et amarum reddunt. Praeterea cavet vicinus ne vicino noceat, cum in aliis, tum vel maxime in agris colendis. Nocere namque non difficile, sed cuiuslibet hominis est: prodesse vero non cuiuslibet. Tantum Plato. Testes etiam sunt Lacedaemonii et Athenienses, quos unicum sanum a Megarensibus destructum, gravissimo bello Peloponnesiaco implicuit Testes Scoti atque Picti, quibus canis interceptus calamitosissimi belli causa exstitit. Nec solum vindicanda extra ordinem damna quibus dolus causam dedit, sed et quibus culpa: maxime si culpa lata, quae prope dolum est. Ita enim JC. in *Leg. pen. D. de inc. ruin. naufr.*, *Si fortuita incendium factum sit, venia indiget, nisi tam lata culpa sit, ut luxuriae, aut dolo proxima sit: L. 3. §. 1. D. de off. praef. vigil.* Et quis plerumque incendia culpa fiunt inhabitantium, aut fustibus castigat eos, qui negligentius ignem habuerunt, aut severe interloquutione comminatus fustium castigationem remittit. Et quid si propter egestatem non possit reus damnum culpa factum sarcire, ne impune negligens fuerit, nonne extra ordinem castigandus? hoc enim constitutum in eos, qui pecuniariam poenam inopia eludunt, *d. L. 9. D. de incend. ruin. naufr.*, *L. 1. §. ult. D. de poen.*

- 3 Sed videamus quam recte hoc constitutum sit, ut quaedam damna, licet in rebus inanimatis data, morte vindicentur, cum nulla videatur proportio esse, ex gr. inter vitem et hominem, inter hominem et aedes, inter vitam hominis et vessem. Cumque supra profuturum dixerimus, aequum esse, ut qui in aere deliquit, aere multetur, cur non eadem ratio militet pro dante damnum, ut cum damnum patrimonii diminutio sit, eadem diminutionem, quam fecit reus, patiatur? Adhaec si in illa quaestione de furti poena, fuit omnino recurrendum ad divinam legem, cur non in praesenti quoque contraversia sacro oraculo stetur: quod pro damno pecuniarias poenas, non capitalem infligit? *Exod. 21. v. 32. 33. 34. et seqq., nec non Exod.*

Aelian. var.
histor. 12.
Buchan. rer.
Scot. lib. 4.

22. v. 5. et seqq. Respondeo: Non solum confiteor, sed et profiteor, eandem fere esse damni atque furti rationem; neutrum crimen per se et sua natura capitale esse, sed qualitate duntaxat et rebus circumstantibus gravari. Quemadmodum igitur furti quaedam species excipiuntur, quae recte capite puniuntur, ita etiam damna quaedam ita atrocia sunt, ut non immerito ultimo supplicio coerceantur. Non adducam damnum perempto servo datum; posses enim cavillari, id damnum quidem appellari; at alio veroque nomine homicidium esse. Quare illa ipsa adducam, quae obiciuntur: nempe aedes, vitem, messem. Incendium excitare seu in urbe, seu ruri atque in villa, aut sege, merito inter capitalia crimina habetur: praeter damnum enim quod singulis datur, etiam metus maximus ad universos redit, ne totae urbes, basilicae etiam, atque Dei templa deflagrent, sitque Veios nigrandum Quiritibus. Quot illic homines ad mendicitatem rediguntur? quam facile aut flammis, aut ruentium tectorum pondere aliqui absumuntur? in primis quod infirmum sexu, atque aetate. Iam segetibus incensis, incisis vitibus ad annonae caritatem, famen denique ac sitim respectat, in primis tenuioribus, quos, absumtis laribus, ne lecto quidem recipere quisquam dignatur. Iuven. Sat. iii. vers. 268.

Nil habuit Codrus: quis enim negat? et tamen illud.

Perdidit infelix totum nil: ultimus autem.

Aerumne eumulus, quod nudum et frustra rogantem

Nemo cibo, nemo hospitio, tectoque iuvabit.

Quis igitur aut incendiariis, aut vitium incisoribus iniuriam fieri dixerit, si capitalis poena irrogetur? Sane superioribus cessantibus, si modica aedicula, aut vitis una alterave duntaxat absumta sit, non illico carnifici hominem iugulandum dabimus. Neque omnes, qui arborem flugiferam unam alteramve ceciderint, morte plectendos, Paulus indicio est, dum Lib. 5. sent. 20. scribit, *Eos qui noctu arbores frugiferas manu facta ceciderint, plerumque in opus publicum dari: honestiores damnum sarcire, vel curia submoveri, vel relegari.* Quibus verbis planissime demon-

strat, totum hoc ita arbitrarium esse, ut iudex pro qualitate admissi, modo graviolem, modo leviolem poenam infligat.

- 4 Concurrunt cum accusatione hac extraordinaria iudicia varia. Nam praeter Legem Corneliam de sicariis, et Legem Iulian de vi publica, quarum meminimus initio huius tituli, concurrit primo actio Legis Aquiliae, cuius primo capite cavetur, ut qui servum alienum, aut quadrupedum, quae pecudum numero est, iniuria occiderit, quanti id in eo anno plurimi fuit, tantum aes dare domino teneatur: Tercio (secundum enim in usu non est (2)) cavetur de reliquo damno

(2) Quodnam secundo Capite Legis Aquiliae cautum fuerit certant Eruditi, et adhuc sub iudice lis esse videtur. Ego tamen ceteris praefarendum existimo opinionem el Chiffletii quam ipse in accuratissima disquisitione de secundo capite legis Aquiliae exposuit. Animadvertit si quidem laudatus Auctor secundum caput Legis Aquiliae non aliter in desuetudinem abiisse, quam quod ei damno, quod ipsius caput respiciebat melius provisum esset, meliusque cautum Civibus Romanis alia iuris parte, cuius perpetuus et frequens usus secundum Legis Aquiliae obliiteravit: Hoc posito principio suam de hac Quaestione exponit sententiam, nimirum cum alia Legis Aquiliae capita fuerint de damno servo culpa dato, secundum legis illius caput fuisse de Servo corrupto, quam sententiam confirmat animadvertendo non tantum domino damnum dari, si servus occisus aut vulneratus vel alto quovis modo eius corpori nocitum, sed etiam si corruptus eius animus fuerit, receptusque sit; inde enim quod deterior fit, damnum domino accedit; insuper verosimile haud esse tam apertum et insigne damnum omissum fuisse Lege Aquilia, qua omnibus, quae ante de damno dato latae erant, derogatum reperitur: Subsecuto porro Praetoris edicto de Servo corrupto, quod rigidiorum et acerbiorum actionem de hac re proponit secundum caput Legis Aquiliae non poterat in desuetudinem non abiisse Porro rem omnem conficit Ulpianus in L. 5. §. 2. D. de serv. corr. — Haec actio etiam adversus furem in duplum est, quoniam Aquilia inficiantem duntaxat coërceat. Qui locus apertissimum, ut fallor, sententiae Chiffletii continet argumentum. Hic est enim iuris auctorum perpetuus mos, ut in quo ius novum iuri veteri adducit, aut diminuat breviter admovent. Chiffletii disquisitio extat in *Thesaur. iur.* Eyerar. Otton. Tom. V (a)

(a) Chifflezio desume il suo argomento dalle seguenti parole di Plauto in Poenulo Act. 3. Sc. 4.

— Vidistis Lenò quom aurum accepit? Ad. Vidimus.

Ag. Rem adversus populi semper leges. Ad. Scivimus

præter hominem et pecudem occisos, ut si quis alteri damnum faxit, quod usserit, fregerit, ruperit, iniuria, quanti cæ res plurimi erit in diebus triginta proximis, tantum æs dare domino damnas sit, *L. 2., l. si servus 27. §. tertio autem capite D. ad L. Aquil.* Et directæ quidem actio Legis Aquiliæ competit, cum quis corpore suo, et in corpus damnum dedit. Utilis cum in corpus, non tamen corpore suo. At cum occasionem dumtaxat damni dedit, deficiente Aquilia in factum actio a Præctore datur, *§. ult. Inst. de Leg. Aquil., l. 9. §. si quis hominem, l. 29. §. pen. D. eod., l. 3. §. 1., et l. 4. D. de serv. corr., l. 14. §. sed etsi calicena D. de præscr. verb., l. qui domum 57. D. locat.* Ipsius quoque Legis Aquiliæ primum caput cum tertio concurrere potest; veluti si vulnerato servo ex tertio capite actum sit, postea mortuo ex eo vulnere, nihilominus ex primo agi potest; officio tamen iudicis continentur, ut non amplius consequatur actor, quam consequutus foret, si ab initio de occiso egisset, *L. si vulnerato 46., et l. seqq. D. ad L. Aquil.* Secundo: concurrat cum accusatione actio vi bonorum raptorum, intra annum in quadruplum, post annum in simplum, si dolo malo, hominibus coactis damnum datum sit, *l. 2. pr., et §. ceterum, §. rer. rapt. D. de vi bon. rap.* Tertio: actio de damno in turba dato, intra annum in duplum, post annum in simplum, si cuius dolo malo factum sit, ut damnum in turba daretur, *l. 4. pr. D. eod.* Quarto: actio ex edicto de incendio, ruina, naufragio, intra annum in quadruplum, post annum in simplum, si incendio, ruina, naufragio, rate, nave ex-

Erroneamente però mentre per Legge del Popolo Plauto non intende la Legge Aquilia *De Servo Corrupto*, ma quella bensì delle dodici tavole sul Furto non manifesto, da cui si finga esser nata l'azione a favore di Agorastocle, del duplo contro il Lenone, che sembrava avergli commesso un Furto negando di avere occultato il Servo, ed il denaro, che gl'apparteneva, come rilevasi dal progresso della medesima Scena — *Ag. Homo furti se adstringit. Ad. — Haud dubium idquidem est. E dall'atto 1. So. 1. Dupliliti auri, et hominis fur. Leno fuit. Si veda Noodi, Cap. ad L. Aquil. lib. 8. c. ularis.*

pugnata damni quid datum fuerit, *L. 1. L. 3. §. quod ait praetor D. de inc. ruin. naufr.* Quinto: actio arborum furtim caesarum, quae si Plinio credimus, duplex est, altera civilis ex *Lege XII. Tab.*, altera praetoria: illa assium *xxv.* sicut de osse fracto: haec in duplum, *L. 1. L. 7. in fin., L. 8. et pen. D. abor. furt. caes.* Sexto: actio de servo corrupto perpetua in duplum, si ancilla devirginata, aut servus stupratus sit, aut si servo alieno dolo suaseris in tectum adscendere, vel in puteum descendere, et ille ascendendo vel descendendo membrum ruperit, vel perierit: quo tamen casu Paulus JC. commodius putavit utilem Aquiliam instituire, *L. 1. 2. 3. 4. L. 9. §. 1. L. 13. D. de serv. corrupt., L. inter liberas. 6. D. ad L. Jul. de adult.* Septimo: interdictum quod vi aut clam, quo Praetor iubet restitui id opus, quod in solo vi aut clam factum est, si nostra intersit factum non esse *L. deinceps 13. Quod vi aut clam., L. pen. D. de arb. furt. caes.* Octavo actio locati, si colonus vel inquilinus damnum dederint in praedio conducto, *L. 27. §. Proculus ait D. ad L. Aquil., L. 9. D. arb. furt. caes.*, aut si magistri nimia saevitia membrum ruperit discipulo, *L. 13. §. item Iulianus, L. 25. §. ipse quoque, L. 30. §. qui mulas cum simil. D. locat.* Nono, pignoratitia, si creditor in re pignorata damnum dederit, *L. sed. etsi 18. D. ad L. Aquil.*, et commodati, depositi, si res commodatae, atque depositae deteriores sint effectae, *L. in rebus 18. §. sive autem D. Commod.*

- 4 Cum tam varia iudicia de damno iniuria dato concurrant, videndum, an uno electo perimantur reliqua. Non immorarer huic quaestioni, quia superioribus titulis decidendae controversiae momenta proposita sunt, nisi in specie quaedam leges, quae adversari videntur, id iuberent. Si dolo homo occisus sit, et *Lege Aquilia*, et *Lege Cornelia* agi potest, nec alteri per alteram sit preiudicium: Lex enim *Aquilia* principaliter damnum persequitur: Lex *Cornelia* publicam vindictam, *L. 23. §. si dolo D. ad L. Aquil., L. 7. §. at quin. solemus et §. seq. D. de iniur., L. un. C. Quand. civ. act. crim. praei.* Contra Paulus in *L. 4. D. de publ.*

iud., Interdum, inquit, evenit, ut praeiudicium iudicio publico fiat, sicut in actione Legis Aquiliae, et furti, et vi bonorum raptorum, et interdicto unde vi, et de tabulis testamenti: exhibendis: nam in his de re familiari agitur: Glossographi respondent, Pauli sententiam non ita accipicendam, quasi velit, electa actione Legis Aquiliae, prorsus non posse agi Lege Cornelia, sed interim et dum pendet civile iudicium, praeiudicium fieri publico: finito autem civili, recte processurum publicum. Haec responsio non inepta videtur: sed tamen et alia ratione supra dictos locos conciliare poterimus. Nempe, quod Paulus dicit praeiudicium fieri iudicio publico, id totum ad probationes referendum est: si civili iudicio reus convictus sit, facilius convincetur et criminali: et contra si privato iudicio absolutus sit, facilius innocentiam probabit publico. Praeiudicium enim est, quod praecedat iudicium, et exemplum monstrat iudicaturum quod sequatur. Hic propemodum ex privati iudicii, exitu iudex publicae quaestionis exemplum futurae sententiae capit. Confirmari haec conciliatio potest ex L. 3. §. si quis dolo D. de tab. exhib. Nam Paulus in d. L. 4. publ. iud. tradit, etiam Legi Corneliae de falsis praeiudicium fieri per interdictum de tabulis exhibendis: hoc autem cuiusmodi sit Ulpianus interpretatur in d. L. 3., Si quis, inquit, dolo malo fecerit, quo minus poene eum tabulae essent, nihilominus hoc interdicto tenebitur. Nec praeiudicatur aliquid Legi Corneliae testamentariae, quasi dolo malo testamentum suppresserit; nemo enim ideo impune retinet tabulas, quod maius facinus admisit, cum exhibitis tabulis admissum eius magis manifestetur. Negat Ulpianus publico iudicio praeiudicari, id est, per privatum tolli publicum: fatetur tamen per interdictum magis manifestari admissum rei: Ergo hactenus praeiudicium fit Legi Corneliae, ut celeriore exitum sortiatur publica quaestio.

Et Cai. 60.
obs. 25

Secunda difficultas est, si ancilla alicuius deintegro grata sit, vel Legis Aquiliae vel iniuriarum, vel servi corrupti actio competit: cum his autem actionibus Papinianus in L. 6. pr. D. ad L. Jul. de adult. ita co-

adiungit accusationem, ut dicat, propter plures actiones non esse parcendum in huiusmodi crimine reo; quibus verbis innuit accusationem per actiones non tolli. Atqui id ipsum est, quod iis, quae superioribus titulis dicta sunt, adcreatur: nemque ob idem admissum bis aliquem puniri non posse. Est actio servi corrupti poenalis, creditum est et Aquiliam talem esse: iniuriarum autem actio citra controversiam vindictam persequitur; qui ergo possunt cum accusatione ita concurrere, ut actione electa, adhuc sit salva accusatio? Tentare fortasse posses actionem Legis Aquiliae non vere poenalem esse, cum principaliter damnum persequatur, ac nonnunquam contingat, ut eo die, quo damnum datur, res plurimi sit, quo sane casu nullo modo actio poenalis dici potest: verum quid de iniuriarum, quid de servi corrupti actione dicemus, quarum illa vere poenalis, haec mixta est, tam poenae, quam rei persequutoria? Praestat igitur dicere, Papinianum hoc dumtaxat velle, non ideo denegandam accusationem, quod sint civiles actiones de ancilla devirginata; non enim hoc admissum ita leve esse, ut non sit vindicandum extra ordinem: alteram vero quaestionem, an si quis uno iudicio egerit, possit adhuc altero experiri, non decidere, ac nec proponere ei loci Papinianum: petendum igitur argumentum ex *L. interdum* 56. §. 1. *D. de furt.* Furti actione instituta tollitur accusatio extraordinaria: Ergo et instituta actione iniuriarum, vel servi corrupti tollitur extraordinaria accusatio ancillae devirginatae (3).

Tertia difficultas est: Si colonus arbores ceciderit, et locati, et arborum furtim caesarum cum eo agi potest, quarum actionum cum dispar sit vis atque exitus; altera enim simplum, altera duplum consequitur

(3) Vere Papinianus in allata facti specie tria delicta expendit, iniuriam scilicet: damnum et ancillae corruptelam, cumque propter plures actiones non esse parcendum in huiusmodi crimine reo tradat lectus, manifesta res est ipsius sententiam fuisse ut cum actione Legis Aquiliae et iniuriarum extraordinaria quoque accusatio concurreret, atque una alterum non concurreret.

talocor; tamen Gaius respondet in *L. 9. D. arb. furt. caes.* actor omnino contentum esse debere. Verum hoc responsum interpretandum censeo ex *L. qui servum, 34.* et *L. quotiens 41. D. de obl. et act.*, ut si duriore ante egeret, nempe arborum furtim caesarum, ea contentus esse debeat: sin leniore, nimirum locati, possit adhuc petere actione arborum furtim caesarum, quod in ea plus est. Nam et Paulus in *L. pen. eod. tit.* scripsit, si quis de arboribus caesis ex Lege Aquilia egerit. superesse adhuc actionem ex Lege XII. Tab. in id scilicet, quod in ea plus est, ut recte adnotarunt Glossographi ad eundem locum. Eiusdem generis, atque interpretationis est *L. in rebus 18. §. 1. D. Commod.* ubi Gaius dicit de rebus commodatis, vel depositis, si sint deteriores redditae, et actiones ex contractu, et Legis Aquiliae esse; sed si qua earum actum fuerit; alias tolli: nempe si duriore actum fuerit, tollitur lenior, non contra.

CAPUT III.

DE IURE MUNICIPALI.

Ad Rubr. XXXII. Stat.

- | | |
|--|--|
| 1. Quomodo edictum Ordinum vindex damna a colonis data, et quam recte? | 7. An praeter multam extra ordinem coëraere? |
| 2. Damna quaedam maritima sarcienda, etsi sine culpa contigerint? | 8. Quid iuris si pugnatum sit in alia civitate? |
| 3. Quibus casibus hodie de damno agatur criminaliter? | 9. Quid si plures plagae inflictae, aut saepius facies consputata sit? |
| 4. Quomodo hodie damnum aestimetur? | 10. Multa utrum fisco applicanda, an actori? |
| 5. Auctor pugnae quis consentendus? | 11. Et quid si actor exoratus sit? |
| 6. An iudex multam statutam augere, aut minuire possit? | 12. Octis et diei quae spatia atque discrimina. |

De damno paucissima in Statutis civitatis reperio, quae praesenti loco tradi possint: Nam quod habetur Tit. XLV. de incendio dolo malo excitato, quod *Moortbrandt* vocant populares, id cum iure Romano concordat, et pertineat ad Tit. *Ad L. Corn. de Sic. Plang*

etiam concordat cum iure civili, quod scriptum est *Tit. xiv. §. 12.*, ut si inquilinus quid fregerit in aedibus conductis, id sarciat, antequam migret: nisi quod poenam adiciat statutum, ut si non obtemperavit, iudices id sarciant, *op den derden penninck meer*: hoc est, *damnato reo amplius tertia parte sumtum*. Quae vero *Tit. xxvii.* de vulneribus statuuntur, ea sola huius loci sunt, ac praeter ea in legibus municipalibus inclitae huius civitatis vix quidquam reperitur.

1 Sed constitutio Illust. Ord. in colonos promulgata, vulgo *Placcaetogens de Huystuiiden*, singularia quaedam constituit. Nam si colonus finito locationis tempore migrare iussus, damni quid dederit locatori, sive ipse fecerit, sive alius eius nomine, pro qualitate admissi aut capite punitur, membris rotae impositis, aut extra ordinem coercetur. Datur etiam actio locatori pro aestimatione damni dati, non solum adversus reum, sed et heredes eius, facta potestate actori in litem iurandi. Quod si dispareat reus eiusque familia, vicus seu pagus damnum sarcire tenetur. Quae constitutio quanquam durior videri poterat utilitate tamen publica defenditur. Tanta enim hodie improbitas colorum est, ita in necem locatorum consentiunt, ut ne sic quidem proprietariis satis cautum videatur. Et nominatim, quod pagus obligetur ob noxam a pagano admissam, non est novum. Ut enim Heraclites refert, in rep. Cymensium simile quid obtinuit: ut si cui furtum factum esset, tota viciniis vocaretur ad contributionem. Quare, inquit, paucissima perdebantur: omnes enim simili diligentia custodiebant. Nec sine caussa Hesiodus dixit, bovem non periturum, nisi vicinus malus sit.

2 Porro quantum ad damna maritima attinet, recedunt etiam a iure Romano leges nauticae. Jure Romano tantum est, ut ne teneatur *Lege Aquilia*, cuius culpa nulla arguitur; ut si maiore exorta tempestate navis alteram contra se venientem sine nautarum culpa obruat; aut si funibus ancorarum ruptis navis tua in meam impegerit scapham, *L. quemadmodum 29. §. si navis et §. item Labeo D. ad L. Aquil.* Leges vero nauticae commune damnum esse iubent, et ab utro-

Plac. art. 3.
et 4.

Confer. Cl
§ fin. quest.
82. n. 1 et
qa. 86. in fin
Coler. decis.
206.

Wishuy. Se-
er. art. 27.
49. 49. Fris.
lib. 1. tit. 22
Confer. Co-
ren. decis.
40. e 45.

que aequaliter sarcendum. Quod et ipsum utilitatis communis causa constitutum videtur. Nam cum homines vafri et improbi naves veteres atque rüinosas sponte in aliarum robora impingerent, ut ruptarum solidam aestimationem consequerentur; placuit auctoribus iuris nautici diviso inter utrumque damno, occurrere tam fraudulentis machinationibus.

Præterea notandum, rarius hodie ob damnum datum criminaliter agi: frequentius civiliter ad aestimationem damni dati, et id quod interest: adeo ut, etsi libero homini nocitum sit illatis vulneribus, præter aestimationem vulnorum pecuniariae duplatae poenae constitutae sint, *d. rubr. xxxii.*, nec non constit. Ord. in homicidas an. 1594. promulgata: quae poenae pecuniariae novissima constitutione Ordinum an. 1642, auctae sunt. Excipitur vulnus idcirco illatum, quod quis in iure adversus alium constiterit, aut testimonium in vulnerantem dixerit; cuius poena abscissio manus, aut alia arbitraria coercitio est, *d. Rubr. XLII. art. 5.* Excipienda etiam vulnera ex insidiis facta, ab iis qui vias obsident alterius laedendi gratia; quod Saxones Belgaeque *vvegelaging*, et *vvegelägering* vocant, puniuntque vel poena arbitria, vel ultimo supplicio pro admissi qualitate. Ad hæc constitutione Ordinum modo laudata, excipiendum damnum a colono eiusve familia in fundo conducto post imperatam migrationem datum; quod pro re nata etiam capite plecti potest. Item si quis arbores novellas ceciderit, agrum alienum dolo malo, immisso pecore depastus fuerit, extra ordinem plerumque puniri iubetur. Etsi, cum deprehensa pecora dominus agri legitimo modo retineret, quod *Schutten* vernacule dicimus, is cuius pecora fuere, effracto stabulo publico, (vulgo *Schut-schof*) vi ea abegerit, similiter extra ordinem punitur. Denique si hominibus coactis damnum datum sit, si in tumultu, incendio, ruina, naufragio, dixeris etiam iure municipali auctorem extra ordinem puniendum, propter insigniorem improbitatem. Et in primis naufragorum miserandas reliquias vetantur attingere, qui in litore maris habitant: si fecerint,

Zobel. diff.
iur. civ. et
Sax. 30. n. 6.
Stat. Colou.
tit. van.
Woggelag.
Const. Gra-
land. l. 6. 8.
52 Velav.
tit. 2. §. 6.
Transisa p.
2. tit. 21. §.
pen. et ult.
Maev. ad ins.
Lub. port. 4.
tit. 16. §. 2.
n. 4. Const.
Mehl. lib.
7. §. 18. Tran-
sis. d. p. 2.
tit. 16. §. 1.
3. 11. Const.

Scan. l. 9. c.
6. et seqq.
Dauventr. lib.
9. c. 7. §.
20. Chas. ad

taquam cum furibus improbiorebus agitur, ut expressum Regia constit. Philippi II., vulgo *Placcaet van de Zee-driften*.

Consuet. Burgund. p. 3. 6. n. 11. et seqq. Zetphaus. tit. 22. art. 1. Placcaet van. l. Schulten. art. 10. Coal. Coler. decis. 136. Argentin. tit. 319. et seqq. Mechl. l. 2. §. 17.

Statut Fris.
l. 2. et 3. Mor.
in l. 25. §.
aestimatio
et l. 27. §.
tertio capite
D. ad leg.
Aquil. Re-
buff. ad cons.
reg. tit. de
fruct. art. 1.
n. 10. Zobel
part. 4. diff.
9. et 10. Col.
decis. 181.
Stat. Mechl.
l. 2. §. 31.
Amsted. n.
§. 25. Sch-
neid. in §.
capite tertio
Inst. de leg.
Aquil. n. 9.
Groth. 3.
manud. 37.
Pip. in notit.
tit. de leg.
Aquil. vid.
Mechl. rubr.
2. art. 51.

4 Illud postremo notandum, mores hodiernos fere recessisse ab aestimatione damni, quae fit Lege Aquilia. Non enim tanti aestimatur res, quanti plurimi fuerit ant diebus trecentis sexaginta quinque, aut diebus triginta retrorsum computatis, sed quanti res fuit eo die, quo damnum datum est, ut de moribus Galliae testantur Mornacius et Rebuffus: de iure Saxonum Zobelius et Schneidevvinus: de moribus Belgarum Grotius et Zypaeus. Quod si ob vulnera, aut membri mutilationem agatur, illud quoque moribus placuit, non solum mercedes medicis praestitas, operas quibus quis caruit, aut cariturus est, aestimandas esse, sed et doloris et cicatricum atque deformitatis habendam rationem; utique si id nominatim petat vulneratus. In primis vero deformitatis habendam rationem nonnulli existimant, si mulieris inuuptae facies foedata sit; neque enim nubere poterit, nisi ampliore dote promissa: cum formosis dos altera sit forma. Quod moribus quidem consentaneum est, sed an recte iidem ex legibus Romanis hanc sententiam adstruant, merito dubites. Vide Pinellum *ad L. 1. C. de bon. mat. part. 1. n. 4. (1)*. Noxales etiam actiones hodie fere exoleve-

Grot. 3. manud. 37. Gomes. 3. resol. 6. In 11. Farin. quae. 119. Const. Omland. l. 6. §. 43. Ordin. Imper. art. 350. Fris. lib. 2. tit. 3. §. 4. Dauventr. part. 4. tit. 7. §. 20. Zobel. d. part. 4. diff. 8. Mes. in par. Si quadr. pamp. fec. die. n. 6. Coler. decis. 363.

(1) In damni aestimatione nil aequius eo quod statuit Lex Aquilia. In Lege Aquilia inquit Paulus in l. 35. D. h. t. *damnum consequimur et amissis dicemur, quod aut consequi potuimus aut aragere cogimur*. Ergo Lex Aquilia praestatur id quod interest ratione lueris cessantis aut damni emergentis, dummodo certum sit. Nam ubi damni iniuria agitur, ob rem non piscium, qui ideo cepti non sunt; feri aestimationem, cum incertum fuerit an ceperentur, idemque in venatoribus, et in aucupibus probandum ait Ulpianus in l. 29. §. 3. *cod. Tit.*

runt, daturque directum iudicium sine noxae deditione adversus dominum quadrupedis, quae noxam nocuit, facta arbitrio iudicis aestimatione. Nonnulli tamen distinguunt, ut si dominus quadrupedem deseruerit atque dereliquerit, denegetur adversus eum actio: sin recederit post pauperiem factam, pure et citra noxae deditionem teneatur: quo iure Saxones quoque uti accepimus.

Ceterum quoniam *Rubr. xxxii. Statut.* ubi de vul-
neribus illatis agitur dubitationes nonnullas habet, *Statut. Me-*
eas paucis perstringemus. *Art. 1.* cum auctor pugnae *chil. l. 2. §. 31.*
decem Carolinis sexdecimque sestertiis muliatur, quae- *Scan. l. 5.*
ri solet, auctor pugnae sive adgressor quis censendus? *cap. 25 Ale.*
Et recte quidem ab interpretibus responsum iudicio, *o. resp. 46.*
provocare non eum solum, qui prior cultrum stringit, *n. 9. Farin.*
aut pugnos ducit, sed et qui conviciis et probris in ad- *qu. 125. n.*
versarium iactis insolentem contumeliae animum ir- *qu. 6. et seq.*
ritavit; est enim difficillimum iustum dolorem reprimere. Quam doctrinam Frisii sequuti, *Lib. 2. Tit. 2. §. 3. ita*
loquutisunt *Wie oorsaek tot vechtingeest, of het sel-*
en metter daet eerst begint: quibus verbis prudenter
auctorem pugnae non solum ex pugnae principio, sed
et ex iniuria aestimandum docuerunt. Veruntamen
haec sententia neque statuto nostro, neque Edictis
Ordd. satis quadrare videtur. Etenim statutum non de
provocante, sed adgressore loquitur, *d. eerste aenve-*
chter: Edictum anni 1594. similiter. Verbum autem
aenvechter eum designat, qui principium pugnae fe-
cit, priorque cultrum pugnosve strinxerit (2). Quod
si non constet, uter prior vim intulerit, argumentis
contentio dirimenda, ut si alter ferox expeditus, ar-
matus fuerit, alter mitis, impeditus, inermis; illum

(2) Auctorem pugnae eum esse habendum, qui prior cultrum stringit aut pugnos ducit, non qui conviciis et probris adversarii animum irritavit et ipse sentio. Provocatio enim, quae ex verbali iniuria oritur efficere quidem potest ut vulnera in rixa illata dicantur, nunquam vero attendenda est in huiusmodi delictis in quibus delinquendi propositum magis ex eventu, quam ex alia causa metimur, Vid. *L. ult. D. ad Leg. Corn. de sicar.*

potius, quam hunc auctorem pugnae credamus. Robustius vero solum designare auctorem non potest; habent enim multi fortes motus faciles: contra infirmi multi iras caninas gerunt, ut ei adlatrent, et cedant facile. Quod si nec argumentis colligi possit, uter ferire occupaverit, sensissem multae uterque inferet ex §. 2. *h. rubr.* Plane ad sublevandam probationis difficultatem constitutum §. 2., ut uno teste producto iurari adversus adversarium possit, ipsum pugnae auctorem fuisse.

Secundo, cum statutum multam definierit certo Carolinorum numero, quaeri potest, an iudex praecise voluntati statuti parere teneatur, nec in eius potestate sit aut minuere, aut augere quantitatem definitam? De hac quaestione varie et latissime disserunt interpretes, sed omissis ambagibus verius est, neque augeri, neque autem minui hanc quantitatem posse. Cui enim bono definitio, si modum non dat iudici? aut cur non adiecit auctor iuris municipalis: *tot discretie van den Gerethte*: id est, *Arbitratu Judicantium*? Sed ne dubitemus, palmarium est quod Paulus nobis suppeditat argumentum in *L. si qua poena est 244. D. de V. S.* cum scribit, *Multae quidem potestatem iudicis esse, quantam dicat: sed hoc ita verum, si non lege constitutum, quantam dicat.* Atqui lege hac municipali nominatim constitutum est, quantam dicat: Igitur nec intendere, nec minuere multam iudex potest. Nec adversantur ea, quae fuse conguessit Chassanaeus in *com. ad cons. Burg.*; non enim pertinent ad eum casum, quo lex potestatem poenae sibi reservavit, sed quo moderandi potestatem iudici tribuit. Sed nec adversantur *L. 6. §. poen. et ult. D. de off. praes., L. ult. C. de mod. mult.*, quae ex causa paupertatis permittunt iudici multam dictam minuere; loquuntur enim et ipsae de multis arbitrariis, non speciali Legge definitis. Quanquam *com. Dd.*, quos usus sequitur ex iis locis adstruant, ex iusta causa moderari multam etiam Legge definitam iudicem posse. Sed male, ut evincit *d. L. 244. de V. S.* Vide *Clar. §. fin. quest. 95. n. 8. Peregr. d. lib. 4. tit. 8. n. 10.* Atque ex eo fundamento recte defendemus non posse iudicem praeter multam, etiam poe-

Menoch. 1
de urb. 96.
Farin. qu. 27
n. 11. 15 23.
68. 60. 70.
Peregr. 4. de
iuri. fisc. cap.
ult. n. 30. et
seq. Clar. §
fin. quaest.
95. n. 4.
Mornac. in
l. 12. ff. de
in ius. voc.
Argent. ad
Cons. Bri-
tann. art. 33
gl. 3. n. 2.
Christ. tit. 4.
§. 34. n. 5.
Boer. 2. §
24. gl. 2. in
fin. et gl. 3.
Chass. rubr.
2. § 5 verb.
4. l'arbitra-
ge du Juge
n. 23. et seq.
Statut. Fris.
l. 2. v. 39.
n. 1.

nam aliquam extra ordinem reo infligere. Cuius sententiae plura argumenta sunt. Primum; vestigium hoc eius iuris esse videtur, quo ab ultima antiquitate maiores nostri usi sunt, qui Tacito teste, levioribus delictis convictos, equorum dumtaxat pecorumque numero multabant; ita ut pars multae Regi vel civitati, pars ipsi qui vindicabatur, eiusve propinquis cederet. Nulla praeterea accusatio; nulla poena extra ordinem irrogabatur. Sunt autem leviora haec vulnera, de quibus praesens rubrica agit: quippe, non tam proposito, quam impetu a temulentis et temere excandescentibus illata. Verisimile igitur noluisse auctorem statutorum duplici poena ea vindicari. Deinde: Ita statuta et leges interpretari debemus, ut ne probrum ab audacitate aut repugnantiae legislatori impingamus. Atqui absurdum foret ob leviora admissa reum his puniri cum ne quidem in gravioribus criminibus hoc admittatur, *L. Divus 7. §. 1. D. de iur. patr. l. 17. §. si ante iudicem D. de iniur., l. Senatus 14. D. de accusat.* Postremo: Ne statuta quidem ob idem admissum his reum puniunt, nisi cum nominatim adiectum est: *ende sal daer en boven arbitralijk gecorrigeert vverden*: Id est, *Atque eo amplius arbitrio iudicis puniri debet*: Quae clausula cum in praesenti §. non sit inserta, nec nobis eam supplere licet. Sane si ita circumstantiae aggravent, ut multa x. Carolinorum longe peccato levior videatur, eo casu dicemus, praeter multam etiam in crimen inscribi posse, et poenam extra ordinem irrogari. Quod laudabiliter atque prudenter Mechlinienses suppleverunt, *de rubr. 2. §. 11. his verbis: Bover, die boeten hier vooren verklaert, soomogeo Schepenen den misdadigen noch arbitralijken punieren, indient feit meerdet punitiae toebehoorde*. Id est, *Praeter superiores multas etiam extra ordinem reus a Schabinis puniri potest, si erimen graviores animadversionem requirat*: Quam clausulam in praesenti quoque rubrica, etsi expressa non sit, subaudiendam tamen iudicio. Adhaec, si solvendo non sit reus, ne poenam pecuniariam egestate eludat, corporis coercionem merito sustinebit, *L. 1. §. ult. D. de*

Vide Me-
noch. de erb.
cas. 532. n.
13. et 6. pr.
58. n. 38.

poen. Edict. Ord. ann. 1642. art. 5. et 6. Tertio quaeritur potest, qua ratione auctor statutorum dicat: *Gelijche Keuren sullen oock verbeuren d' een burger of onder sate tegens d' andersate tegen d' ander, die er gens buyten de voorscreven: Stadt in tooenigen moede stake: id est, Eisdem multis pendent cives et incolae, si extra civitatis territorium alter alterum irato animo adgressi fuerint: cum tamen communis Dd. calculo traditum sit, non posse iudicem inquirere in delictum. in alieno territorio commissum? Verum haud dubie doctrinaria quamlibet communis, falsa est, quippe quae aperte impingat in L. 3. et L. congruit 13 D. de off. praes. Praesenti sane Statuto communis doctrina non officit, cum manifestatissimum sit, longe maiorem esse vim statuti, quam communis opinionis. Neque deficientibus Statutis ad interpretum traditiones, sed ad leges recurrendum est. Quapropter si civis under, vel incolae, postquam in civitatem nostram domicilium transulisset, in alia provincia deliquerit, etiamsi laestis non persequatur abeuntem, inquirere tamen in eum et animadvertere iudex poterit. Sed si peregrinus cum in alia civitate deliquisset, in nostram immigraverit, hoc forte casu locus supradictae doctrinae dari posset: verum in levioribus, non gravioribus admissis. Immo ne in levioribus quidem omnibus, sed iis dumtaxat, quae contra ius civitatis, non contra naturale vel gentium admittuntur, ut dicturi sumus infra Tit. de accus. cap. 5. de for. compet. Neque vero est, quod quis dicat, verba, *buyten de voors Stadt*, esse intelligenda de territorio civitatis: quippe de territorio civitatis iam antea loquutus est auctor statuti, pr. h. §. *Soo via yemardt biunen onse Stadt van Utrecht oft Uryheet der selver*: consequens estigitur, ad vitandam tautologiam in fin. h. §. per verba, *buyten de voorscreven Stadt*, intelligendam esse vel aliam provinciam, vel oppidum quidem agrumve huius provinciae, sed in quo terrendi ius civitas non habet. At cur idem §. dicit *d' een borger of onder saet tegen d' andre*? Quid enim si civis et alterius provinciae homini, et in alia provincia vulnus inflixerit? Non puto, recte nos a con-*

Vide Clar. §
fin. qu. 83.
n. 4.

trario sensu ita ratiocinatuross: Si civis civem in aliena provincia vulnerans multae statutae obnoxius est: Ergo civis non civem vulnerans, obnoxius multae non est. Quin potius existimo, idcirco civium dumtaxat mentionem factam esse, quod verisimile non sit, si civis Traiectinus Gelrum violaverit Arenaci, ultioni suae defuturum in eodem loco Gelrum. Qui autem Arenaci multamiam solvit, ab eo iterum multam exigere Traiecti, durum sane foret. Qua ratione etiam defendemus si duo Traiectini pugnaverint Amstelodami, ab eisque multam exegerit Praetor Amstelodamensis, non posse ab eis iterum multam exigi Traiecti; iam enim puniti sunt ab eo, cuius territorium et iurisdictionem violaverant. Sed si multam non solverint Abstelodami, reversi Traiectum iuxta *h. §.* recte conveniri poterunt.

Quarto quaeri potest, cum plagis illatis, et facie 9 consputata multae pecuniariae constitutae sint, quid sit dicendum, si cui plures plagae illatae, si plures in eum lapides missi, aut saepius facies conspurcata sit? utrumne saepius, an semel multa exsolvenda? Non poenitet distinctionis a nonnullis traditae, ut si eodem tempore, et continuato vulnerandi vel conspuendi actu id factum fuerit, sufficiat unica multa: siu ex intervallo repetita iniuria aut plagae fuerint, saepius multa praestetur, ob id quod plura delicta, non unum videatur. Priorem distinctionis partem invare videntur verba *h. §.*; non enim plagas numerat, sed auctorem dumtaxat pugnae notat. Posterior autem ratione defenditur; cum enim intervallum temporis non modici inter plures plagas intercedit, necessario plures quaeque pugnae sint necesse est. Plane quemadmodum et plures iniuriae dicuntur, si eadem contumelia diversis locis diversisque temporibus repetatur: ceterum si eodem temporis momento idem verbitum crebrius iugeratur, unica dumtaxat iniuria intelligitur, ut *Dd.* notat in *L. 7. §. si mihi plures D. de iniur.*, *L. 2. D. de privat. del.*, *L. qui servum 34. D. de iniur.* Nec adversatur, quod in *d. §. si mihi plures* Ulpianus scribit, iniurias etiam diversas, quas quis simul passus est, coniungendas esse: idcirco ex-

Jlar. §. fin. quæst. 34. n. 2. et seqq. Farin. qu. 17. n. 10. Cov. 2. var. resol. 10. n. 3. Sand. lib. 5. tit. 8. def. Schneid. §. sed et l. 2. Corn. Inst. de iniur. n. 8. Coier. de iur. 151. Statut. 8. can. l. 5. c. 26.

Const. Fris
lib. 2. c. 2
c. 20.

nim id scribit Ulpianus, quod iniuriarum non esset certa aestimatio, sed a iudice aestimarentur, delato actori iuramento in litem. Utilius autem omnes eodem libello propositas simul et semel aestimari, quam reum pluribus actionibus distringi. Neque tamen ita fixus atque immobilis propositae distinctioni inhaerere velim, quim iudicis quoque arbitriotribuendum aliquid fatear. Quid enim, si pluribus quis vulneribus pene occisus sit? quid si pugnis aut fustibus ita dedolatus, ut toto triduo nequiverit prorsus e lecto surgere? quid si lapidibus eminuis missis crura fracta? Absurdum foret, solutione decem Carolinorum defungi reum eo amplius extra ordinem coercendus erit, quoniam graviora haec admissa sunt, et ad exemplum pertinet, non solo aere delicta graviora, quamlibet impetu perpetrata, expiari.

IO

Peregr. d. c.
alt. 2. 4. et
seqq. Rebus
de appel. uri
11 gloss. un
2. 4. Christ.
d. tit. 2. g
4. in fin.

Quinto: cum praesens Statutum simpliciter de multa loquatur, nec exprimat, utrum ea multa fisco cedat, an actori: dubitare hospes aliquis poterat, quid sit respondendum? Hospiti hanc dubitationem adscribo, quoniam civibus, etiam pueris notum est, multas has soli fisco applicari, ita tamen, ut partem maiorem Praetor decideret: laeso autem utilem actionem, pro consequendi damna aestimatione competere. Satisficiamus et hospiti: huic autem satisfieri potest ex communi Dd. sententia docentium, multas in dubio fisco applicandas esse. Quae doctrina sane vera est, et firmatur per *L. multarum 5. C. de mod. mult. c. un. Quae sunt regal.* Nec adversatur *L. ult. D. de litig.*, quae in dubio actori multam assignare videtur, tamquam solatium iniuriae. Non enim de multa, sed poena duplici loquitur quam praestare tenetur ille, qui rem litigiosam in sacrum dedicavit. Possis etiam cum interpretibus distinguere, ut si lex petendae poenae causa actionem privato det, eidem videatur addicere poenam: sin extra ordinem poenam iudex exigit, fisco ea applicetur, arg. *L. 3. D. de sepul. viol., d. L. ult. D. de litig. L. 2. §. 1. D. Si quis in ius voc. non ier.* Quamquam ne hoc quidem perpetuum est; nam ex edicto de tabulis non aperiendis, antequam de servis quae-

stio habita fuerit, actio cuius ex populo datur in aureos centum; nec tamen poena cedit soli actori sed inter actorem et fiscum dividitur, *Llege Cornelia* 25. §. ult. *D. de SC. Silan.*

His autem consequens est, ut si reus cum actore ¹¹ transegerit, aut precibus eum exoraverit, ne secum ^{eler. decia. 32. in fin.} ageret, nihil eam pactionem obesse fisco, aut Praetori, quo minus multam statuto definitam exigere possit, Est enim res inter alios acta, quae obesse non debet, *L. saepe D. de re iud., L. 1. et 2. C. res. int. al. act., L. 3. C. quib. res iud. non noc., L. 7. §. ante omnia D. de pact. L. 3. D. de transact.* Quemadmodum et e contrario, si reus cum fisco transegerit, nihil ea pactio obest actori, quo minus damnum, et id quod interest persequi possit. Peregrinus tamen hac parte ^{Peregr. d. a. ult. n. 27.} distinguit, inter iniuriam publicam et privatam. Si publica sit iniuria, transactio actoris et rei non obest fisco: sin privata, obest. Sed male; Nulla enim iniuria ita privata est, quin simul sit publica, quatenus reipublicae interest, peccata nocentium non esse impunita.

Quae sequuntur sub hac rubrica, ea facilia sunt, ¹² et lectorem, non interpretem desiderant. Quod si omnino interpretem requiras ad §. *pen. h. tit.* vide Clarum §. *fin. quaest. 82. n. 47. et seqq.,* Christ. *tit. 2. §. 10.* Ad §. ult. Farin. *q. 4. n. 17.,* Menoch. *2. de arb. cas. 323. n. 13. et seqq.* Obiter dumtaxat illud adnoto, per *d. §. pen. h. tit.* videri decisam illam interpretum dubitationem, nox quemadmodum aestimanda sit? Nempe cum §. dicat, *naert't luyden van de vverckelocke*, id est, *postquam campana operantibus signum datum est*: inde discimus, nocti initium atque finem dare tintinnabulum illud, quo non statis horis, sed arbitrariis, pro longitudine noctium aestivarum, et hibernarum signum dari solet. Quae vero campana potest vesperam a semidecima ad decimam elangit, ad hunc locum non pertinet: quippe cuius clangor statuto recentior sit. Edicta Ordinem occasi solis mentionem faciunt: alterum enim quod ad agrarios per-
^{Conf. Stat. Inventr. l. c. 7. §. 6. Amstelod. n. §. 6.} tinet, §. 5. ait, *naer ondergaack der Sonne*: alterum,

In dubio de-
dictum in-
terdu po-
tius. quan-
noctuadins-
sum. cense-
tur. Christ.
1. §. 10. n.
8. et 12. in
fin.
Paulad. rei
quotid. 17.
n. 23.

quod urbi agrisque commune est, §. 4. dicit, *een uy-
nae Sonne ondergauck*: sed nihil hic novi iuris, cum
res eodem redeat: nec enim tintinnabulo in urbe si-
guum datur, nisi post occasum solem, aut summum
post horam ab occaso sole. Atque haec quidem finitio
diei noctisque est, ceterum diem horarum xxiv. mo-
res nostri eodem modo, quo Romani computant, a me-
dia nocte ad mediam noctem insequentem. Ita enim
consuetudines iussu Albani collectae art. 1. habent:
*Dut nae styl de landes t jaer altyt begint ende asgaet
op Kers, nacht te twaelf uyren.* Id est, Quod mo-
bus huius provinciae semper horu sexta eius noctis,
quae Salvatoris natalis dicitur, et finem praecedenti,
et initium sequenti anno praebeat.

TIT. IV.

DE

INIURIIS ET FAMOSIS
LIBELLIS.

CAPUT I.

Quid sit Iniuria?

- | | |
|---|--|
| 1. Quid sit iniuria, et quot modis fiat? | 11. 13. Per quas personas nobis fiat iniuria? |
| 2. Quo modo verbis iniuria fiat? | 12. An pater nomine filii habeat accusationem? |
| 3. Si oblietur vitium naturae, an sit iniuria? | 14. Quomodo iniuria tollatur dissimulatione? |
| 4. Quid si quis alium laudet convitiis auctorem? | 15. An sacra synaxis dissimulationis argumentum? |
| 5. Quomodo iniuria fit literis? | 16. Quomodo pacto: et ibi de persecutione damni, an pacto quoque remissa censetur? |
| 6. Quae atrox, quae levis iniuria? | 17. Anno continuo, an utili expirct iniuriarum actio? |
| 7. Iniuria non fit sine animo iniuriandi. | 18. An ea quoque iniuria, quae literis facta est? |
| 8. Qui nocentem infamavit, an iniuriarum tenetur? | 19. An actio ex Lege Cornelia? |
| 9. An ille, qui convitio provocatus ultretur se voluit? | 20. An accusatio? |
| 10. Quid si dubitetur animus iniuriandi fuerit, necne? | 21. An persecutio damni? |

Ut pronum est hominis ingenium ad inferendum, ita impatientissimi plerique ad perpetiendum contumelias, nullaque fere dies abit, qua non aliqui iniuriarum postulentur. Hinc de iniuriis accurate veteres Icti: diffuse interpretes tradiderunt. Nos pro instituto nostris satis esse putavimus, primo quid sit iniuria, quaeque eius species; secundo, quae poena; tertio de accusatione atque actionibus iniuriarum exponere. Iniuria hoc titulo nihil est aliud, quam contumelia contra bonos mores alicui illata: quam Graeci *ytin* appellant, pr. *Inst. de iniur. L. 1. D. eod.* Ea fit tribus modis, vel re, vel verbis, vel litteris. Non adiicio quartum modum, gestum obscenum, aut infamem: non quintum, pictu-

De Grim. Tom. I,

12

nam in alicuius contumeliam factam; etenim quae gestu aut pictura tñ non incommode ad primam speciem referri potest: Re fit iniuria, quoties alicui manus inferuntur, *L. 1. §. 1., L. 15. §. 1. et §. 34. D. eod., vel res sua, aut publico iure uti prohibetur, L. 13. §. si quis non prohibet D. eod., L. D. de act. emt.,* pudicitia adtentata, comes virginis aut matronae abducitur, *d. L. 1. §. 2., L. 15. §. appellare D. h. tit.,* non debitoris quasi debitoris bonā infamandi causa occupantur, aut pignus proscribitur, *d. L. 15. §. si quis bona et seqq.,* quoties ad invidiam alicuius vesti mutatur, barba promittitur, submittitur capillus, *d. L. 15. §. generaliter:* quod Faber et Augelus trasferunt ad eos, qui tempore Bacchanaliorum veste talari incontumeliam Doctorum utuntur. Item cum fideiussor idoneus non accipitur, aut qui idoneum dabat in ius rapitur, *L. 5. §. 1. D. Qui satisd. cog.;* multis denique aliis modis, quos omnes enumerare supervacuum est, cum similium eadem ratio, idemque iudicium sit. Huc autem referenda ea iniuria, quae gestu fit, ut si quis protenso digito medio, quem Graeci *catapygon*, Latini impudicum et infamem vocarunt, hominem denotet cinoedum: Item si quis duobus digitis in modum cornuum formatis designet ad adulteria uxoris conniventem; cornutum vulgus vocat, incerto etymo: curruca cum latinis dices; est enim Aristoteli 6. *de animal. 7.* curruca avicula, quae cuculi ova pro suis fovet. Referenda huc et illa, quae sit monstruosa aut infami pictura: nec recte quidam picturam ad famosos libellos trasferunt, tanquam muta imago non minus ac literae loquatur: aut ut auctor Rhetoricorum ad Herennium *Lib. IV.* scripsit, quod pictura tacitum poema sit: nam ea ratione iniuriarum, quae manu telove fit, ad scriptam quoque referre posses tanquam et vulnus loquatur, et tubera captis, et vulnere obducto cicatrix.

Verbis committitur iniuria, quoties alicui convitium fit, sive praesenti, sive absenti, vel infamandi causa aliquid dicitur, modo evidens in verbo sit contumelia, ut si quis appelletur latro, fur, gladiator, si dicatur non nominandus, *d. L. 15. §. convitium et §. sive unus D. h. tit. L. 3. D. de lib. et post. hered. Adieci vel infaman-*

di causa aliquid dicitur, quia convitium proprie est, cum in coetu aliquid dicitur, aut cum vociferatione, pluribus vocibus in unum collatis, quasi convocium: quod autem non in coetu, nec cum vociferatione sit, maledictum tamen est, si sit adversus bonos mores civitatis; *d. L. 15. §. convitium et §. sive unus h. tit.* Quinimo, etsi sua natura non sit contra bonos mores civitatis, locus tamen et modus efficere possunt, ut convitium sit, ex, gr. Idoneum debitorem appellare, non est convitium; sed facere id in publica et cum clamore: *Cedo foenus, redde foenus, foenus reddite, Daturin' estis foenus actutum mihi? Date mihi foenus*, convitium est. Interpretes subsequenti responsum JC. tradunt, toties verbis fieri iniuriam, quoties obiicitur aliquid moribus regionis probrosum, Rectissime, dum in unaquaque regione non ad infimae faecis, sed virorum bonorum et sapientium sensum hoc exigamus. Nam alioqui diceret, si cui obiiciatur morbus Gallicus, non esse maledictum, eo quod ita is morbus invaluerit, ut non admodum probro habeatur infimae plebi et hominibus nequam. Ad elevandum convitium plebis consensus forsitan aliquid faceret, eo enim argumento Iohannes Parladorius scripsit, in Hispania nomine huius convitii non posse agi ad palinodiam, eo quod haec tabes adeo longe lateque serpsit, ut iam magno dedecori non habeatur. Plebis credo iudicium respexit, cuius conspiratione, et consensu paulatim etiam in bonorum animis sceleris sensus extenuatur atque minuitur. Verum ut omnino id probrosum non sit, cessetque etiam praetoria iniuriarum actio, neque opinione plebis effici potest. neque Parladorius sensit videtur: Ut igitur ad superius axioma revertamur, si quis caedem, furtum, latrocinium, falsum, peculatum, aut similia crimina obiiciat, quia natura probra sunt, nemo dubitabit iniuriam esse. Idem iudicandum de eo, quod civili iure probum est: hoc enim est, quod JC. dicit, *contra bonos mores civitatis*: si tamen id etiam in idoneum hominem cadere possit, non illico dixerim iniuriam esse: veluti, si quis obiiciat alicui, quod tutelae iudicio damnatus sit, potest enim et vir idoneus damnari tutelae ob culpam. Sed quid, si cui obiiciatur vitium ali-

Parlad. rev.
quotid. 17.
a. 26.

Gomes. 3.
 resol 6. n. 1.
 Clar §. ini
 uria n. 15.
 Farin. quac.
 105. n. 24.
 Damhoud. c.
 136. n. 4. §.
 nec 1. de
 tranquill.
 vit.

quod naturae, veluti si luscus, sic claudus, si gibbosus au-
 diat, iniuriamne esse dicemus, etiam cum vitium ap-
 paret? Interpretes quidem communi calculo id affir-
 mant, eo quod durum atque inhumanum sit id obice-
 re, quod nostro arbitrio atque diligentia emendare non
 possumus, *arg. L. 2. §. quidenim tam durum C. Quond.
 et quibus quart. pars. deb.* Verum in contrarium adfer-
 ri poterat, leviozem hanc iniuriam esse, atque infra le-
 gum curam: Ut enim Seneca quodam loco scripsit; Est
 minor iniuria, quam queri magis quam exsequi pos-
 sumus, quam leges quoque nulla dignam vindicta exi-
 stimaverunt. Huiusmodi est si hominem callidum vul-
 peculae, voracem lupo, ferocem equo, violentum tigri-
 di aut leoni, timidum lepori, parcum formicae compa-
 res. Adhaec cum iniuriarum non teneatur, qui nocen-
 ti crimen obiecit, *L. eum qui 18. D. de iniur. c.* tenea-
 tur, qui calvitium nudo, vitium oculi lusco obiecit? Po-
 stremo, ut iniuria verbis facta dicatur, requirimus, ut
 aliquid probrosum obiectum sit adversus bonos mores
 civitatis: Atqui calvum, luscum, aut claudum esse, ne-
 que natura, neque moribus civitatis probum est: con-
 vitium igitur aut maledictum censi non debet. Hanc
 ob causam ego existimaverim iudicis potius prudentiae
 relinquendum esse, ut is ex re atque persona statuatur,
 praetermittenda, an animadvertenda huiusmodi sit con-
 tumelia. Quid enim si in coetu, atque saepius, quid si
 in publico, atque cum vociferatione factum sit? nonne
 improbius est, atque si privatim et sine clamore factum
 esset? Quid si litigator iudici, humilis Senatori huiusmo-
 di aliquid exprobraverit, impune id ferre debet? Id pro-
 fecto aequum non est, quin contra exemplum pernicio-
 sum foret. Porro non interest directis verbis, an obli-
 quis in inferenda contumelia usus quis sit: ut si leno-
 cinium obiecturus, aut abiectam patientiam dixerit,
*Tu es bonus maritus; aut, In mea domo non est adul-
 tera.* Si proditorem exprobraturus dixerit, *Ego non
 sum proditor: Si furtum ita, Dolet mihi ex animo, te
 ob furtum virgis caesum etc.* Cuiusmodi convitia, aut
 maledicta quotidie audiuntur plurima. Huius generis
 est illud Horatianum 1. Sat. 4.

*Me Capitolinus convictore usus, amicoque
 A puero est: caussaque mea permulta rogatus
 Fecit: et incolumis laetor quod vivit in urbe.
 Sed tamen admiror, quo pacto iudicium istud
 Fugerit: hic nigræ subtus loliginis, haec est
 Aerugo mera.*

Praeterea nec illud interest, primusne quis sit auctor alicuius maledicti, aut convitii, an excepta ab aliis porro differat atque obnunciet; nam et libello fecisse iniuriam dicitur, non solum qui scripsit, verum etiam qui vulgavit, *L. un. C. de famos. libel.* et qui crimina per urbem gestant, famigeratores Comicus vocat, eosque ex linguis suspendendos censet in Pseudolo atque Trinummo. Si tamen non dolo malo, sed garrulitatis vitio tacenda quis effutierit, existimarem nominato auctore eum liberandum. Neque enim garrulitas proprie dolus est: alioquin omnes mulieres dolo facerent, quum plene rimarum hac atque illac perfluat, in primis incidentes in callidum percontatorem. Alio modo verbis iniuria committitur, etsi neque convitium, neque maledictum proprie sit: si quis turpibus verbis utatur erga puerum, seminamve honestam, tamensi pudicitiam non adtentet *d. L. 15. §. qui turpibus 21. D. h. tit.*, et merito, nam et impatientissime ferunt castae aures sermonis spurcitiem, et aliter fieri non potest, quin sui similem te censeat scurrâ, cum turpibus verbis apud te utitur. Quanta autem in ea re morum corruptela! cum enim omnes homines, tum in primis imbellis sexus, atque pueri imitandis pravis dociles sunt: His igitur, ut sapiens dicebat, maxima debetur reverentis, nec quidquam dictu visuque foedum in eas aedes penetrare se debet, intra quas puer educatur, aut virgo custoditur. Literis iniuria fit, cum ad alicuius infamiam liber editur, vel carmen, vel historia, vel epigramma seu inscriptio, *L. 5. §. si quis librum et seqq. D. h. tit.*; *L. un. C. de famos. libel.*: nec solum si in eum finem libellum quis composuerit, sed etsi libello alterius rei gratia elaborato, aut in epistola familiari hominem acerbius perstrinxerit, arg. *Davenr. l. 4 d. L. 15. §. si quis libello, L. 37. D. h. tit. Item si quis*

Statut. Davenr. l. 1. §. 2.
 2. §. 2.

Davenr. l. 4
 2. §. 4

libellum inventum vulgaverit, non illico corruperit, vel exusserit, *d. L. un. C. de famos. libel.*

6 Dividitur praeterea iniuria in atrocem et levem.

Conf. Meno-
ch. cas. 365
lib. 2. de arb.
iud. Stat.
Mech. 2. §
12 Velav. 5.
§. 10. et 11.

Atrox vel ex facto aestimatur, ut si quis vulneratus, vel fustibus caesus sit: vel ex loco atque tempore, ut si in foro, si in theatro, si in conspectu Praetoris fiat, vel ex persona, ut si civis magistratui, plebeius Senatori, parentibus et patronis liberi libertive iniuriam faciant. Locus etiam vulneris atrocem iniuriam facit ut si in oculo quis percussus sit, §. *atrox Inst. h. tit., L. 7. §. atrocem D. cod.* Habetur et atrox, qua pudicitia adtentatur, quae ad publicam contumeliam spectat, *L. 1. §. 1. et. 2. D. de Extr. crim.*: et ex constitutionibus quae sit famosis libellis; quae Episcopo inferitur, et ministris Ecclesiae, irruente impie in Ecclesias catholicas homine scelerato, *d. L. un. C. de famos. libel., L. si quis in hoc 10. C. de episc. aud., L. 4. C. de iniur.* Possis etiam gravioribus adnumerare eam, quae a iuvene fit seni: Senex enim, ut divine Plato ait ix. *de Legib.*, non parvo intervallo iuveni praeposendus est, et apud Deos, et apud homines, qui feliciter victuri sunt. Caedi ergo senem a iuniorre et turpe est, et odio a Di is habetur. Contra a senē iuniorem caedi levius est: quin etiam decet, ut idem sapiens subiicit, iuvenes ob senectutis reverentiam patienter id ferre: Sexus quoque iniuriam aut exaggerat, aut extenuat: nam infirmum caedi a fortiori gravius videtur: sicut et hostis crudelior, qui imbelles sexu atque aetate necat, quam qui viros armatos: contra virili ab imbelli maledici, levius: est enim omne invalidum natura querulum, quique manu nequit, linguae intemperantia ulcisci se solet, ut pluribus atque eleganter demonstravit doctissimus caussarum patronus Annaeus Robertus in libris rerum iudicarum.

Robert. 4.
rer. iud. 12.

Quiuscumque autem generis sit contumelia, quam passum se actor queritur, non aliter condemnatur reus, nisi animum infamandi habuerit. Excusatur ergo primo, qui emendandi castigandive caussa aut dicto reprehendit veluti si praeceptor castigaverit discipulum,

si orator aliquis aut praeco verbi divini, in seculum et mores invecus sit. Si tamen odio indulgens non tam vitia, quam personam notare voluerit, ne concionatorem quidem excipiendum iudico; *d. L. 25. §. adii- citur D. h. tit. ; L. 5. §. ult. ; et L. seq. D. ad L. Aquil. ; L. aut facta 16. §. caussa D. de poen.* Secundo, excu- satur ille, qui ioco quid fecit, aut imprudens, aut dum certat, *L. 3. ; §. 4. L. 15. §. meminisse D. h. tit.*

Tertio, cum quis elevandi testimonii gratia testi cri- men obicit, in primis si id crimen probare possit. Quarto, cum cautionem offerenti obicit, quod assi- duus seu idoneus non sit. Quinto, cum mulieri pe- tenti dotem aut dotarium, heres mariti crimen obii- cit, de quo maritus vivens quæstus erat. Sexto, cum hereditatem petenti obicitur, quod legitimus non sit. Septimo, cum beneficium petenti, cuius soli nobiles capaces sunt, obicitur ignobilitas. His et similibus casibus dum dolus absit, cessat iniuriarum iudicium. Sed etsi animus infamandi adfuerit, non tamen sem- per iniuriarum actio competit. Quid enim si nocen- tem quis infamaverit? *non est acqum bonum ob eam rem condemnari ; cum peccata nocentium nota esse et oportet et expediât, ut Paulus ait in L. eum qui 18. h. tit.* Solet Paulus in disserendo *scotinos*, seu ob- scurus esse ; sed hoc responsum eius satis planum ac perspicuum est, ut mirandum sit interpretes ab eo discessionem fecisse. Alii enim distinguunt, utrum id quod obiectum est reip. intersit detegi, quo casu fatentur iniuriarum iudicium cessare : an vero remp. nihil attineat, quo casu iniuriarum agi posse conten- dunt. Prioris generis exempla hæc adferunt, si quis spurius vocetur, si cui caedes, si latrocinium, furtum, lepra, aut simile quid obiciatur; nam et lepram de- tegi reip. interest propter contagionem. Posterioris ge- neris, si quis pauper, claudus, ebrius ; filius furis aut latronis audiat: quid enim id ad remp.? Horum interpre- ratio non satis quadrat verbis JC. Pauli: non enim Pan- lus de vitiis naturae ibi loquitur, sed de criminibus ad- missis. *Qui nocentem infamavit, non est condemnandus,* inquit. Nocens autem is est, quem admissum crimen

Imbert. 1.
Inst. 45. lit.
h. Mornac.
in l. 21. ff.
de h. q. nct.
inf. Cossat.
in l. 5. ff.
qui satiad.
cog. Christ.
2. §. 4. n. 299

Gomes. 13.
var. rasol. 2.
Clar. §. ini-
uria n. 15.
Prolixè plu-
res opinio-
nes recenset
Farin. d. qu.
105. part. 5.
Gail. 2. obs.
99.

legibus obnoxium facit, leprosus vero qui nocens dici potest? an propter contagionem? quasi vero id JC. in mentem venerit, aut ratio loquendi id admittat, cum subiiciat illico, *Peccata nocentium nota esse oportere*; quis autem lepram peccatum esse dixerit? Incidere in morbum contagiosum, veluti Gallicum, peccato tuo possis: ipsum morbum vocare peccatum, cum peccati poena sit divinitus immissa, non possis. Iam quod in posterioris generis exemplis ebrietatem numerant, tamquam ea nihil ad remp., id probare non possum, propter ea quae traditurus sum *infra tit. de Reliq. Extr. crim. cap. de Ebriet.* Idem iudicium esto de spurio, quod de leproso: spuritus nihil admisit, eamque ob causam nec dignitatem eius impediendam esse Papinianus scripsit in *L. spurio D. de decur.*

Bartol. ind. Nocens ergo non est, nec ad Pauli responsum pertinet.
l. cum qui Attamen reip. interest, inquit Bartolus, sciri qui sint
Cyn. in l. spurii, ut arceri possint a dignitatibus, adde ab he-
si non con- reditibus, ne pro legitimis in eas irrepant. Quasi
viti C. eod. vero non contra responderit Papinianus, spurii, qui nihil admisit, dignitatem non esse impediendam. Et si reip. interest sciri, qui vel levi macula existimationis laborent, cur non etiam in primo genere collocant, si quis furis vel latronis filius nominetur? Laborant enim aliquam acula, minusque fidei testimonia eorum merentur, neque ad nuptias Senatorum aspirare possunt, *arg. 3. D. de testib., L. humilem 7. C. de inc. nupt.*
Covar. 1. re- Hanc igitur interpretationem, tanquam responso Pau-
soli 11. n. 6. li parum consentaneam, merito reiicimus. Alii, quorum sententiam Covarruvias propugnat, distinguunt, utrum conviciandi animo aliquid obiectum sit, nec ne: Si conviciandi animo obiectum sit crimen, seu in iudicio, seu extra iudicium; seu verum seu falsum; sive item expediat reip. id detegi, sive non expediat: iniuriarium iudicium reddendum existimant, propter animum atque propositum infamandi, Movet *L. 5. C. de iniur., Si non convitii consilio te aliquid iniuriosum dixisse probare potes, fides veri a calumnia te defendit. Si autem in rixam inconsulto calore prolapsus homicidi convitium obiecasti, et ex eo die annus*

excessit, cum iniuriarum actio annuo tempore praescripta sit, ob iniuriae admissum conveniri non potes. Haec vero sententia prorsus adversatur verbis Pauli, nam Paulus dicit, si quis nocentem infamaverit, non esse condemnandum: innuit ergo, licere nocentem infamare, atque infamandi animo crimen obiectere, ut vel hac ratione peccata nocentium innotescant. Nec adversatur Paulo rescriptum Diocletiani et Maximiani: verba enim eius rescripti, *fides veri*, non sunt referenda ad veritatem criminis obiecti, tanquam et ille qui verum crimen obiecit, teneatur iniuriarum, si id fecerit convitii consilio: sed potius referenda sunt ad eam narrationem, quam precibus suis complexus erat consultor Victorinus. Dixerat ille, se non convitiandi animo, non dolomalo homicidii crimen obieciisse: Rescribunt Impp. si id probare potes, *fides veri* a calumnia te excusat: sed si in rixam prolapsus convitii consilio falsum crimen obiecisti, teneris. Quid habet hoc rescriptum, quod Covarruviam eiusve auctores adiuvet? Nihil. Sunt praeter hos alii, qui *d. L. cum qui 18. D. h. tit.* aut damnant, aut restringunt ad iudicia atque accusationes, tanquam omnis, qui crimen obiecerit, iniuriarum teneatur, solaque accusatio sit legitima ratio detegendi peccata nocentium. Ex his Argentreus est, cuius in explicandis Britanniae statutis maximopere laudanda industria est, sed in reprehendendo iure civili nimius atque impense acerbus: saepe non tanquam interpres, sed tanquam censor aliquis edicta crepans. Is de eare in hunc modum disserit, *Convitii obiectionem non valere ad finem convincendi cuiusquam, compateant tribunalia, et iusta accusatio, et denunciandi facultas, et probandi licentia: quae ratio reperta est, inquit, detegendorum criminum. Itaque si quid habes, quod publice sciri expendiat, denuncia, inquit, refer, reum perage: haec forma introducta est exsequendarum legum: convitio dictum laedit, non proficit, et saepius falso dicitur ex iniquitatis animi dicentis, ideoque muliebribus potius ingeniis ista conveniunt.* Ut apparet, fortiter quidem ille verba facit, sed parum

Argent. ad
cons. Brit.
art. 627. n. 5.

ad rem propositam: Quaerimus quid Paulus senserit in d. *L. eum qui*: Ille, ut dixi, aut improbat responsum Pauli, aut restringit ad eam manifestationem criminis, quae sit legitimo indicio. Neutrum recte: nam nec accusationis ullam facit mentionem Paulus, loquiturque tam de eo qui extra iudicium, quam qui in iudicio crimen obiecit: et responsum Pauli non inepta atque improbabili constat ratione. Nempe, quia tardiores sunt homines ad accusandum; dum invidiam timent, permittendum fuit, ut vel per rixam incalcescentes convitio detegant nocentem. Accedit quod opprobrii plenus iam sit, qui crimen famosum praesertim admisit, ita ut dum convitium dicitur, existimationi eius nihil aut parum decedere posse videatur. Quam posteriorem rationem simul et interpretationem nostram evidenter confirmat ex Poetis Horatius *Sat. I. lib. 2.*

*Si mala condiderit in quem quis carmina, ius est;
Iudiciumve: esto, si quis mala: sed bona si quis
Iudice condiderit laudatur Caesare; si quis
Opprobriis dignum laceraverit, integer ipse,
Solventur risu tabulae, tu missus abibis*

Constantinus quidem Imp. in *L. 1. C. Theod. de famos. libel.* rescripserat, ut si quis alterius famam vitiamve famoso libello adpetiisset, is teneretur obiecta crimina comprobare, nec tamen supplicio subtraheretur, etsi vera ostendisset: verum eam constitutionem nostro nomothetae displicuisse, patet ex *L. un. C. de famos. libel.*; ubi Imp. eum, qui obiecta probaverit et laude et praemio dignum censuerunt. Quare a Pauli responso, quod planum atque perspicuum est, minime recedendum arbitror (1):

(1) Doctrinam Auctoris porrigere non ausim ad eum qui famosum libellum scribit, nomenque suum ibi non profitetur, nec ad veritatem probandam ultro prosiliit. In hac enim facti specie probarem potius primam Constantini M. in famosos libellos constitutionem, quae habetur in *L. 1. C. Th. de famos. libel.*, ut scilicet descriptionis auctor requiratur et repertas eum omni vigore cogatur his de rebus, quas proponendas credidit, comprobare: nec tamen supplicio etiam si aliquid ostenderit, subtrahatur. *L. porro*

Non minus vexata, atque in varias partes distracta est quaestio, an ille quoque excusandus, qui convitio provocatus ulcisci se veluit? Ne dum quid alii senserint exponimus, prolixum nimis fiat caput hoc, breviter, quid mihi videatur, aperiam. Existimo itaque laudem quidem non mereretur, qui provocatus par pari retulit, a poena tamen esse excusandum. Laudandum non esse inde apparet, quod alia sit convitii, alia vis atque verberum ratio, quae corpori nostro inferuntur. Vis si fiat, expectare legum auxilium non possumus, ne si expectare velimus occumbendum ante sit, quam Praetor tria verba fari possit. Convitium si dicatur, expellere per legitimos tramites calumniantium iniquitates possumus, nec ullum periculum in mora. Verum tamen, quia difficile est iustum dolorem refrænare atque reprimere, caussaque omnis in provocante consistit, acquum est provocato ignosci, mutuasque iniurias compensatione tolli, arg. *L. viro atque uxore* 39. *D. Sol. mart., L. qui cum maior* 14. §. *si libertus* *D.*

Vide Farin. quae. 105. n. 215. Myns. obs. 17. Gail. 3 obs. 100. Warm. tit. 18 obs. 15. et 18.

Conf. Cris. 2. § 4. n. 9.

ult. C. h. t. quam Auctor in medium profulit singularem continet tanti speciem, quo famosi libelli auctor et excitur et veritate excusatur adversus eas quae in memorata lege constituuntur, uti sapienter animadvertit Iacob Gothofr. in *Com. ad L. 7. d. t. Ignoscitur si*, sunt verba Gothofredi, qui sponte se detulit, quique iusta poenitentia ductus, vel potius animo recollecto quod antea dicere et docere mussabat et chartae ceu scrobi infodere tantum non audebat, palam atque ore proprio edicere et docere voluerit devotionis et salutis publicae amore. Non attenditur quid aliquando voluerit frontis ténacitate, sed quid tandem voluerit et pervoluerit commaculato animo. Aliud igitur fuerit, si auctor non sponte prodierit, sed publica inquisitione repertus et erutus. Hic scilicet etsi probaverit veritate tamen non excusabitur.

Doctrinam Argentrei iuxta Britanniae Statuta, quam his memorat. Auctor, egregie explicat doctissimus Blackston in *Comment. ad Leg. Anglic. lib. 3. Cap. 3. Num. 5.* Distinguit siquidem laudatus Interpres actionem civilem ob acceptae iniuriae aestimationem ab accusatione ad publicam animadversionem instituta, ut scilicet civilis actio deficiat, si veritas convitii ostendi queat, accusatio autem obtineat veluti criminis, quod internam Civium tranquillitatem perturbat, etiam si accusatus obiecta probare paratus sit. Et sane, ut inquit Cicero 4. *de Rep.* — *Iudicis Magistratum ac disceptationibus legitimis propositam vitam, non poetarum ingenia habere debemus nec probrum audire, nisi ea lege, ut respondere liceat et iudicio defendere.*

de bon. libert. L. quae omnia 25; D. de procur. Haec ratio videtur constituisse Vespasiano, qui de iurgio quodam Senatoris Equitisque Romani ita pronuntiavit: Non oportere maledici Senatoribus; remaledici civile fasque esse. Et Comicus cum maledicendi libidinem a se amovere vellet, ita disseruit.

Tum si quis est, qui dictum in se inclementius Existimat esse, sic existimet: sciat

Responsum, non dictum esse, quia laesit prius.

10 Sed cum dolum requiramus, et animum infaman-

Farin. d. qu.
105. n. 113
et seq. Gail.
2. obs. 101.
es 106. Clar
§. iniuria n.
12.

di, merito aliquis interroget, quid sit respondendum; si de eo dubitetur, actore forte affirmante, negante reo? Hic rectissime responsum ab interpretibus et communiquidem calculo, ea, quae sua natura probrosa sunt, in dubio casu praesumi iniuriandi animo facta, onusque probandi contrarium incumbere reo. Firmatur ea sententia per *d. L. si non conviti C. de iniur.*, ubi cum Victorinus assereret, se non convitiandi animo homicidium adversario obiecisse. Imperatores ita eum absolvendum censuerunt, si fidem iudici fecisset. Et alioqui quoties reus factum confitetur, iure autem factum defendit, id ipsum, iure factum, probare debet. Probationem porro minime adiuvat protestatio illa vulgata, *Salvo honore tuo: Salva reverentia*: aut: *Quod pace tua liceat dicere, fur es*, etc. Recte enim occurrunt Dd. protestationem facto dictove contrariam nihil operari, atque inutilem esse. Sane iurejurando se purgare poterit reus, si conditione delata vel a Praetore, vel ab adversario iuret, se non iniuriandi animo fecisse, aut indignum iudicare contumelia actorem, *L. 5. § hac lege 8. D. de iniur.* Quod iusiurandum non solum in iudicio, sed et extra iudicium deferri potest, et offerebatur etiam ultro ab iis, qui laessisse dicebantur Terent. in *Adelph.*

Alciat. in l.
detestatio
40. D. de V.
§. n. 20. et
seqq.

Tu quod te posterius parges, hanc iniuriam mihi nolle

Factam esse, huius non faciam, crede hoc, ego meum ius persequar,

Neque tu verbis solves unquam, quod mihi re malefeceris:

Novi ego vestra haec: nollem factum, iusiurandum dabitur, te esse

Indignum iniuria hac.

Et Plaut. in Amphyt.

neque me perpetiar probri

Falso insinulatam, quin ego illum aut deseram,

Aut satisfaciat mihi, adiuret insuper

Nolle esse dicta, quae in me insontem protulit.

Quod ad personas attinet peculiariter in hoc crimine 14

notandum est, fieri nobis iniuriam non solum per nosmetipsos, sed etiam per eos, quos in potestate habemus, veluti per liberos nostros et servos. Per illos, etsi levior sit iniuria: per hos ita demum, si quid atrocius admissum sit, quod aperte ad contumeliam domini respicit, § *patitur*, et §. *servis autem Inst. de iniur.*, L. 15. §. *ult.*, et L. 16. *D. eod.* Idem de liberis hominibus dicendum, qui mercede conducti nobis serviunt, d. L. 15. §. *interdum* 45. et §. *item si liberum* 48. Adhaec marito fit iniuria per uxorem, sponso per sponsam, L. 1. §. *item aut per semetipsum*, d. L. 15. §. *sponsum* 24. *D. h. tit.* Qua ratione contingit, ut ex eadem iniuria interdum tribus oriatur iniuriarum actio: nec ullius actio per alium consumitur: puta, uxori meae filiae familias iniuria facta est; et mihi, et patri eius, et ipsi iniuriarum actio competit. Quod si viro iniuria facta sit, uxor non agit, quia defendi uxores a viris, non viros ab uxore aequum est, d. L. 1. §. *ult.*, et L. 2. *D. h. tit.*, §. *patitur*

Inst. eod. Atque has quidem personas enumerant veteres Iurisconsulti: interpretes latius extendunt, ut per omnes domesticos fiat iniuria patrifamilias, per cognatum totum cognationi, Item Abbati, Episcopo, seniori, Magistratui, civitati per subiectas personas. Temperant tamen sententiam ita, ut cognatus accusare quidem reum possit, non etiam aestimationem iniuriae persequi. Verum non arbitror id legibus superioribus consentaneum esse, Ulpianus enim in d. L. 1. §. *item aut per semetipsum* dicit, duas esse causas, ob quas nobis videatur iniuria facta, quae alteri illata est potestatem et affectum. Affectus ad uxorem *

Farin. d. qd.
106. part. 6.
n. 238. *Gomes. 3. resol.*
6. u. 6. *Dd.*
in §. *patitur*
Inst. h. tit.
Menoch. de
arbit. cas.
262.

et sponsam respicit: potestas ad liberos atque servos, non eos, qui mercede conducti serviunt; est enim in hos quoque nonnullum nobis imperium, quemadmodum in eum, quem ab hoste redemimus, *L. qui testamento* 20. §. 1. *D. Qui testam. fac. poss.* Cum autem neque omnes domestici, neque cognati in potestate nostra sint, affectus vero erga eos longe levior atque communior, quam erga uxorem, non video, qui interpretum commentum procedere possit, Clarius hoc elucescet, si cogitemus, ne patri quidem per liberos emancipatos fieri iniuriam, nam *d. §. patitur Instit. h. tit.* requirit, ut liberi in potestate sint. At patris erga liberos, quin etiam post emancipationem vehemens est affectus; consequens est igitur, ut si patri non datur iniuriarum iudicium, ob contumeliam emancipato factam, multo minus detur cognato ob iniuriam cognato illatam. Germanorum id fuit, ut amicitias, ita inimicitias communes suscipere; a iure Romano alienum est, Obiicitur ex *L. D. de iniur.*, Lege Cornelia cavetur, ut non iudicet, qui ei, qui agit, gener, socer, vitricus, privignus sobrinusve est, propiusve eorum quenam cognatione adfinitate attingit. Ergo iniuria cognato adfinive facta, ad cognatos et adfines pertinet. Respondeo: interdicat lex cognatis et adfinibus iudicandi munere, non quod iniuria per cognatum ipsis facta sit, sed quod suspecti sint ab altera parte gratiae, ab altera odii: odium enim concipiunt et cognati sensu quodam iniuriae atque doloris ad eos derivato, tametsi iniuria ad ipsorum contumeliam non respiciat.

Tac. de moribus Germ.
cap. 7.

- 12 Illud tamen quaeri poterat, an ob iniuriam filiofamilias factam pater reum extra ordinem accusare possit? Dubitandi ratio, quod Ulpianus in *L. 5. §. illud quaeritur 6. D. h. tit.* tradit, patri praetoriam quidem actionem competere, non tamen legis Corneliae. Cuius diversitatis rationem non aliam fingere nobis poterimus, quam quod gravior forte fuerit actio. Legis Corneliae. Licet enim condemnatio aestimatione iudicis fiat, *L. constitutionibus 37. §. 1. D. h. tit.* graviolem tamen eam aestimationem fuisse suspicari possis: Et

nam dubitatum sit, an ad eam exercendam procurator dari possit, *L. licet* 42. §. 1. *D. de procur.*, caussa aliqua maior necesse est fuerit, cur de hac magis, quam de praetoria veteres dubitaverint. Verum quaecunque sit caussa, ob quam Ulpianus actionem Legis Corneliae patri negaverit, non sit verisimile accusationem quoque denegandam esse. Cum enim ex eadem Lege publica quoque fuerit accusatio, *L. hos accusare* 12. §. ult. *D. de accusat.*, satis absurdum meo iudicio foret, denegari, patri accusationem, tanquam gravius vindicandae iniuriae remedium, cum ob iniuriam manu factam cuivis e populo ius accusandi Cornelia Lege datum fuerit (2).

Est et illud in hoc crimine notandum, fieri nobis 13 iniuriam non solum per viventes, sed et per mortuos. Nam si cadaver defuncti afficiatur iniuria, aut si fama eius lacessatur, ad heredis honorumve possessoris existimationem pertinet. Item si statua patris mei in monumento posita saxo caesa sit, *L. 1. §. etsi forte* 4, et *L. si statua* 27. *D. h. tit. iunct.*, *L. 1. D. de his quae ut indig.* Item si ossa defuncti, quae in tuum locum intuleram, sine permissu Pontificum, vel iussione Principis effoderis, iniuriarum mihi teneris, *L. ossa* 8. *D. de relig. et iur. fun.*

Vidimus quemadmodum iniuria committatur: 14 nunc videndum quemadmodum aboleatur. Aboletur dissimulatione, si qui passus est animum eam non revocarit: ex poenitudine enim frustra iniuriam requere volet, §. ult. *Inst. de iniur. L. si tibi* 31. *C. de liber. caus.* Hoc autem ex familiari conversatione colligitur, si laesus cum dicere posset, *Iniuria est, Iniuriarum tibi dicam scribam*, non desierit congressu et consuetudine laedentis uti. Sunt et propria quarundam gentium, honoris atque amicitiae symbola:

(2) Existimat Auctor ex lege Cornelia publicum esse de iniuriis iudicium ob *Leg. 12. §. ult. D. de accus.*, etc. Verum in *L. 42 D. de Procur. §. 1.* aperte Paulus ait ad actionem iniuriarum ex *Leg. Cornel.* procuratorem dari posse: nam etsi pro publica utilitate exercetur, privata tamen est.

Communis salutatio invitatio ad coenam, ludus, cepitis nudatio. Proprium nonnullarum osculum. Apud Germanos propinatio poculi validissimus dissimulatae iniuriae argumentum est, quod tamen non procedere ipsi existimant, si in eiusmodi locum atque tempus inciderit iniuria, ut eam dissimulare necesse sit: veluti si ad mensam Principis facta sit, iusseritque Princeps ab summo ad imum usque bibi. Quo casu et contestationes eius rei adhibent, Propinans dicit, *Ich will auff Hossrecht besheidt thun*. Hanc tamen protestationem minime necessariam iudico, rectiusque ab aliis scriptum, sufficere ad impediendam abolitionem iniuriae tempus, locumque necessarium. Illud certum est, solam deprecationem dissimulationis argumentum non esse si forte, ut Poetae verbis utar,

Pulsatus roget, et pugnis concisus adoret,

Ut liceat paucis cum dentibus inde reverti.

Quid tamen si caedens noluerit caesum alia conditione dimittere, nisi si promississet, dicam se caedenti non scripturum, an promissione facta repellatur ab iniuriarum actione? Id iniquissimum foret. Pacisci quidem possumus post admissam iniuriam, sed ita si libera voluntate, non coacti paciscamur, *L. si unus 27. §. pacta D. de pact.* In ipsa ergo pulsatione, atque in cruciatu quae est extorta pactio nequaquam est observanda, aut certe a Praetore in integrum restituendi sumus, etiamsi iurata promissio sit; neque enim iusiurandum maiores vires, quam pactum habet, *L. 7. §. et generaliter D. de pact., L. 5. C. de legib.* Quinimo ex *Auth. sacramenta puberum C. si adv. vendit.* iusiurandum vi metuve extortum ipso iure nullum est; adeo promissionem istam per se parum honestam firmare nequit. Ceterum sunt qui excipiunt atrocem iniuriam, quae manu fit, rupto membro, aut corpore vulnerato: hanc negant dissimulationem aboleri, eo quod nemo sit dominus membrorum suorum. Sicut igitur nemo auctor esse potest, ut sibi membrum rumpatur, ita rupto membro iniuriam condonare nequit. Enimvero huius argumenti quis non videt nullam esse vim? non enim si ante iniuriam consentire non

possumus, ut membrum rumpatur, ideo nec post
admissam dissimulationi locus est quoniam post ad-
missum crimen, membrum non donamus, sed actio-
nem adversario: ante admissum largiremur id, quod
in nostro dominio atque potestate non est. Sicut igitur
pascisci licet de iniuria rupto membro, ut mox di-
cturi sumus idque ex XII. Tab., cur non liceat etiam
dissimulare hanc iniuriam, cum dissimulatio tacitum
pactum esse videatur?

Quaesitum, an et illud necessarium dissimulationis 15
argumentum sit, si reus post acceptam iniuriam a
mensae sacrae communione non abstinuerit, cum sci-
ret inter discumbentes etiam iniuriantem futurum?

Senatus Frisiorum iudicavit, non esse id sufficiens Send. lib. 5.
Tit. 8. def. 12.
argumentum dissimulationis, et recte: sed qui Sena-
tusconsultum refert, non satis idoneis rationibus id
confirmasse videtur. Ait enim, iniuriarum actionem
non solam vindictam persequi, sed et integritatis at-
que innocentiae opinionem, quam sarciri nostra maxi-
me intersit. Dein distinguit inter publicam et priva-
tam vindictam: privatim iniurias vindicare non pos-
sumus: possumus publice per iudicem. Postremo con-
firmat similibus: nam et, inquit, qui fusa oratione
dominica, aut in mortis articulo constitutus peccata
remittit debitoribus aut osculum pacis in Ecclesia dat,
non prohibetur propterea iniuriarum agere: cur ergo
prohibeatur ille, qui sacrae synaxi interfuit? Mihi in
hac quaestione separandum videtur officium magi-
stratus, a pietate atque officio actoris. Magistratus of-
ficiū est, delictis si probentur poenam irrogare: con-
scientiam actoris iudicis acumen non penetrat; ac
ne potest quidem, ut maxime velit. Illud enim, re-
miserit quis vere et ex animo iniuriam offensionem-
que omnem, solus novit, qui intima cordis perspicit
atque perscrutatur. Pii tamen actoris officium est,
explorare conscientiam suam: cogitare, quam parum
congruat actio iniuriarum cum professione. Profitetur,
qui corpus et sanguinem domini participat, deponere
se ex animo offensionem omnem, atque iniurias ac-
ceptas condonare adversariis: num autem deponit,

qui vix dimisso sacro coetu et iniuriam recolit, et vindictam spirat? Dicit se non vindictae, sed honoris sui tuendi causa id facere. Audio; sed id ipsum an satis Christianum sit, existimationis tuae causa alterum famoso iudicio percellere, ante expendendum est. Quid enim si infamatorem sine iudicio ad officium atque pietatem reducere possis, nonne id satius est, quam iniuriarum agere? Sane si nulla sit spes adversarium lucrifacendi, tuaque patientia ille in dies fiat deterior: haec demum, etiam Theologis assentientibus, iustissima agendi causa est, ut saltem iudicio et poena corrigatur, quem sacrae conciones inflectere nequeunt. Iam quod ad similia attinet, ea cum ipsa quoque controversa sint, vim arguendi habere non possunt. Nam quod de oratione dominica dicitur, et de remissa iniuria in articulo mortis, id sub eodem temperamento intelligendum puto. Hoc amplius, si praesenti in articulo mortis iniuriam remiseris, licet convalueris, non posse te eam iniuriam recolere, verissimum est: haec enim remissio nihil aliud, quam pactum conventum est. Neque probo sententiam Eguinarii Baronis, qui distinguendum censet, utrum aeger simpliciter iniuriam remiserit, an specie donationis mortis causa: ut priore casu recoquere iniuriam non possit, posteriore possit. Turpis enim haec captio videtur; nec solet ea mens esse moriturorum, ut quemadmodum res donant mortis, causa repetituri ubi convaluerint; ita etiam remittant iniuriam, repetituri ubi periculum imminens evaserint. Optimus quisque est cum moritur, aut moriturum se suspicatur. Quod autem ad osculum pacis attinet, id valde durum videtur, eo non censi remissam iniuriam, cum amicitiae atque fraternae dilectionis symbolum sit. Obtendunt qui hoc scribunt, non posse id salva honestate recusari: at cogitent, non necesse fuisse id dare adversario, cum potueris vel abstinere sacro coetu, vel intervenientibus presbyteris expostulare de contumelia, dein in gratiam cum eodem redire. Cum vero nec coetu abstinueris, et osculum ultro dederis, cur minus hoc validum sit ad remittendam iniuriam,

Bar. in §. ult.
instit. de
iniur.

quam quod extra fidelium congregationem civitatis more obvio offertur? recte igitur et hoc casu dixeris, indicem post osculum non temere actionem dare debere nisi forte probet actor, sua levitate atque patientia nihilo meliorem effectum adversarium.

Aboletur etiam iniuria pacto, transactione, iureiurando, *L. si tibi 17. §. 1., L. si unus 27. §. D. de pact., L. non solum 11. §. 1. D. h. tit.* non tantum si actor iuraverit se remittere actionem, sed etsi reus delata conditione ab actore vel iudice iuraverit infamandi causa nihil factum esse, aut indignum esse adversarium hac contumelia, *L. 4. §. hac lege 8. D. eod., L. 3. §. 1., L. iusiurandum 34. D. de iurei.* Pacisci permisit Lex XII. Tab, cuius fragmentum hoc Gellius refert, *Si membrum ruit, ni cum eo pacit, talio esto.* Videamus ne Gell. lib. 20. cap. 1. vetuerit Praetor in Edicto *de his qui not. infam.*; notat enim non solum damnatum iniuriarum, sed et pactum. Verum Edictum interpretatur Ulpianus in *L. §. 6. pactusque eod. tit.* ita: Infamia notatur qui dato pretio manifestam turpitudinem redemit; non notatur qui precibus impetravit ne secum ageretur, nam hoc inhumanum esset nullum dari veniae locum. Nec ille notatur, qui inssu Praetoris dato pretio pactus est; sed nec qui transegit: hic enim non manifestam turpitudinem redemit, sed de re incerta, et dubio litis eventus pactus est *L. 1. D. de transact.* Fingamus iniuriam eiusmodi esse, quae non solum contumeliam continet, sed et damnum; veluti si aliquem fimo corrupto, aut loto perfuderis, si vulneraveris, si re sua, aut publico iure uti prohibueris, an remissa actione iniuriarum, censetur etiam remissa persequentio damni, et eius quod interest? Negant communi calculo interpretes, ducto argumento ex *L. si pro fure 7. D. de conduct. furt.* Qui furti pactus est non prohibetur rem ipsam condicere: igitur et qui contumeliam remisit de damno tamen agere potest. Rectissime; sed est communis sententia amplius confirmanda, removendumque quod obesse videri poterat. Poterat enim quis obicere, damni rationem ipsa iniuriarum actione haberi, *L. dominum 8. C. de iniur.*; remissa ergo iniuriarum actione,

Gomes. d. per consequentiam damni quoque aestimationem re-
cap. 6. n. 13. mitti. Ad hanc objectionem ita respondendum; non
Clar. §. fin sola iniuriarum actione damni rationem haberi, sed
q. 58. n. 38. concurrere cum ea actionem Legis Aquiliae. Quo-
Ferin. d. 105 tiones autem circa eandem rem plura delicta con-
quest. 105 currunt, toties altera actio per alteram non consumi-
n. 365, tur. Et quoties ex eodem facto plures actiones nascun-
tur, quarum diversus finis atque exitus est, toties al-
tera electa, altera quoque experiri possumus, *L. 1. D. de privat. del., L. cum ex uno 22., L. quotiens 41. D. de. obl. et act.* Hic aut plura delicta concurrunt, damnum atque iniuria: aut quod verius est, et Paulus probat in *L. qui servum 34. D. eod.*, ex uno facto plures nascuntur actiones, quarum una electa, adhuc altera experiri possumus, in id quod in ea plus est. Confirmat idem Gaius in *d. L. 15. §. si quis servo verbato D. h. tit.*, ubi testatur, ei qui iniuriarum egit, si damni iniuriae agat non posse opponi exceptionem rei iudicatae; eo quod *altera actio ad damnum pertinet, altera ad contumeliam*, Videamus ne et falsum sit, quod *ex d. L. 8. C. de iniur.* obiectum est, haberi damni rationem in actione iniuriarum: nam contra Ulpianus in *L. praetor edixit 7. §. quid ergo D. eod.* scribit actione iniuriarum non in hoc agi, ut damnum sarciaur, sed ut contumelia vindicetur. Verum nulum hio dissidium: Ulpianus enim hoc solum vult, actione iniuriarum principaliter vindictam nos persequi, sicut actione Legis Aquiliae principaliter damnum. Sed quemadmodum Lege Aquilia non solum damnum persequimur, sed per consequentiam poenam, cum res tanti aestimetur, quanti retro diebus cccxlv., aut diebus, xxx. plurimi fuerit: ita etiam in actione iniuriarum damnum venit, tamquam appendix et se sequela contumeliae,

17 Postremo aboletur iniuria anno, ut Imp. Diocl. et Maxim. rescripserunt in *d. L. si non convitii C. h. tit.*

Eniac. in f. 14
§. 1. Quod
met. caus.
Govean. 1.
var. lect 10
n. obs. 105.

qui tamen annus variis agitur controversiis, quas ex-
met. caus. scussisse non leve operae pretium duco. Controverti-
Govean. 1. tur primo, continuusne, an utilis annus intelligen-
var. lect 10 dus sit? Communis schola, quam praestantissimi quo-

que viri Antoni Goveanus et Cuiacius sequuntur, utilem intelligit, eo quod plerumque Praetor de anno utili loquatur, quodque Ulpianus scribat in *L. item si cum 14. §. in causae D. Quod met. caus.* iniuriam per metum illatam anno et quidem utili exolescere. Videndum est, an recte: in primis cum Antecessor noster Cuiacius hac parte sibi non constet, neque contemnenda argumenta adferantur a diversae sectae auctoribus. Nam quod attinet ad *d. L. 14. §. in causae D. Quod met. caus.*, ea nihil ad rem facit, ut Cuiacius fatetur, cum non de contumelia, sed violentia loquatur: quae violentia iniuria quidem vocatur, sed alia significatione. Quod ad alterum fundamentum, quo dicunt dubia interpretatione annum utilem accipiendum, eo quod Praetor consueverit de anno utili loqui, id quoque oppido infirmum esse videtur, cum plura sint Edicta, quibus Praetor simpliciter de anno loquitur, nec quidquam adiecit, unde colligere possis, annum utilem ab eo denotari: Veluti in Edicto, Si quis ius dicenti non obtemperaverit, *L. un. in fin. eo d. tit.* in Edicto de in ius vocando, *L. pen. eod. tit.*: in Edicto Ne quis eum, qui in ius vocabitur, vi eximat, *L. pen. §. ult. eod. tit.*: in Edicto, de eo per quem factum erit, quo minus quis iudicio sistat, *L. 1. in fin. eod.*: in Edicto de edendo, quo argentarios edere iubet rationes, *L. ult. D. de eden.*: in Edicto de deiectis vel effusis, si homo liber perisse dicetur, *L. 5. §. haec autem actio D. de his qui dei. vel effud.*: in Edicto, Quod falso tutore auctore gestum esse dicetur, *L. 9. §. 1. eo tit.* in Edicto de publicanis, *L. 1. D. eo tit.*: in Edicto de eo, qui se dolo malo pro servo venire passus est, *L. 14. L. 21., L. 22. §. ult. D. de lib. caus.*: in Edicto de rebus auctoritate iudicis possidendis, *L. 9. §. ult. eo tit.* in Interdicto, Ne vis fiat ei, qui in possessionem missus erit, *L. 1. pr. et §. hanc actionem D. eo tit.* Sunt alia Edicta, quibus Praetor nominatim expressit, intra annum, quo primum experiendi potestas erit, id est, utilem actionem se daturum, ut *L. 1. pr. et §. annus D. Quand. de pecul. aet. ann. L. 10. pr. §. 18. L. 24. D. Quae in fraud. cred., L. 1. pr. D. ut possid.*

n. 3. Cuiac.
in parat. C.
de Injur. A.
20 in sum.
aur. ibid. m.
17.

L. 1. 15. §. 24. D. Quod vi aut clam. Unde possis colligere, quibus Edictis id Praetor nominatim non expressit, iis annum continuum intelligendum. Accedit, quod Imp. rationem redditurus, cur pleraeque praetoriae actiones annales sint, istam adducat, quod ipsius quoque Praetoris imperium annum fuerit, *pr. Inst. de perp. et tempor. act.* Quemadmodum igitur Praetoris imperium anno continuo terminabatur, ita credibile est actiones quoque eius anno continuo, exspirasse, nisi nominatim edixerit de utili. Praeterea odiosa est actio iniuriarum et tollitur etiam aliis modis facile, nempe dissimulatione, pacto, iureiurando: versimile ergo et anno continuo extingui. Postremo computat *L. 5. C. de iniur.* annum ex eodie, quo iniuria facta est: non computatur, nisi de continuo anno sentiret. Utilis enim computandus videtur ex eodie, quo quis rescivit iniuriam sibi factam, habuitque experiundi copiam, *L. 1. D. de div. et temp. praeser.*, *L. 8. D. de his qui not. in fam.* Illis tamen omnibus non obstantibus, communem sententiam verissimam iudico, quippe cum videam multis in locis, cum Praetor de anno loquutus esset, iureconsultos verba Praetoris interpretari de anno utili: quid vetat ergo, quo minus exemplum veterum sequuti, in hac quoque quaestione idem faciamus? Nam praeter *L. 6. D. de alien iud. mut.* (quam solam adduxit Cuiacius), edixit Praetor, se in cum, qui calumniae causa pecuniam accepisse diceretur, intra annum in quadruplum actionem daturum, *L. 1. D. de calumn.* Gaius interpretatus est de anno utili, eum in *L. 6. eod.* respondit, annum in personam eius, qui dedit pecuniam, ne secum ageretur; ex eo tempore cedere, ex quo dedit, si modo potestas ei fieret experiundi. Edixerunt Aediles se ob morbum vitiumve actionem minoris in anno daturos, *L. aediles 38. D. de aedil. ed.* Annum Ulpianus in *L. sciendum 19. §. ult. eod.*, utilem intelligendum esse dixit. Interdictum de vi Praetor intra annum pollicitus est, *L. 1. D. de vi et vi arm.* Annus, inquit Ulpianus, in hoc interdicto utilis est, *eod. L. 1. §. annus 39.* Intra annum Praetor actionem in factum dedit adversus mulierem, quae ventris no-

mine per calumniam in possessione esse dicitur. Hunc annum utilem esse Ulpianus respondit. in *L. 1. §. hanc autem actionem D. si mul. vent. nom. in poss. cal. caus. es. dic.* Quodque praetereundum non est, Ulpianus eo loco ait; *Hanc actionem Praetor intra annum utilem pollicetur, ultra non; videlicet quasi poenalem:* tanquam innuëret, poenales actiones plerumque annum utilem durare. Et Paulus in *L. honorariis 35. D. de obl. et act.*, cum dixisset, praetorias poenales intra annum dari, item rei persecutorias, quae contra ius civile competunt, subiicit exempli gratia actionem doli, interdictum de vi, rescissoriam: quas actiones cum constet intra annum utilem dari, consequens est regulariter annum utilem intelligendum. Sed et illud vehementer movet, quod video reliquas quoque actiones praetorias ex delictis, quae actionem iniuriarum proxime praecedunt, anno utili terminari. Nam si is, quo testamento liber esse iussus est, post mortem domini ante aditam hereditatem subripuisse quid dicitur, intra annum utilem dupli iudicium in eum datur, *L. 1. D. Si is qui testam. lib. ess. ius.* Si bona vi rapta sint, intra annum utilem in quadruplum actio datur, *L. 1. §. in hac actione 13. D. de vi bon. rapt.*, *L. 2. §. 3. C. eod.* Si cuius dolo malo in turba damni quid factum esse dicetur, intra annum, quo primum experiundi potestas erit, in duplum actio datur *L. 4. D. eod.* Si ex incendio, ruina, naufragio raptum quid dicetur, intra annum, quo primum experiundi potestas erit, actio in quadruplum datur, *L. 1. D. de incend. ruin. naufr.* Valde igitur verisimile, etiam sequenti titulo, quo Praetor de iniuriis edixit, annum utilem intelligendum esse. Neque ea sententia durior videri debet: nam quamvis actio vindictam persequatur, atque ob id odiosa audiat, tamen publicae disciplinae interest, non nimis aretari actorem, nec lapsis brevissimi temporis illico securitatem tribui reo. Dissimulatione et pacto tolli iniuriam, non mirum videri debet; cum violentes paciscantur, violentes dissimulent; tempus autem legitimum currat etiam invis. Iam quod de anno Praetoris imperio adferebatur

ex pr. Inst. de perp. et temp. act., id leve est. Non enim quia Praetoris imperium anno continuo terminabatur, idcirco necesse est omnes eius actiones anno continuo finiri : multas anno utili nominatim circumscripsit, alias JCti anno utili finiri testantur : Sunt et de quibus nihil nominatim expressum est, sed in quibus per annum utilem annum intelligere possis, argumento eorum quae iam allata sunt. Quid quod et perpetuae sint, veluti furti manifesti, et arborum furtim caesarum *d. pr. Inst., et l. 7. §. pen. D. arb. furt. caes.* Non igitur verba Imperatoris captanda sunt, sed civili modo intelligenda, alioqui multa, etiam quae certa sunt in iure, subvertemus. *L. et ideo 21. D. de legib., L. pen. D. exhib.* Quod postremo obiciebatur, annum in *d. L. 5. C. h. tit.* computari ex eo die, quo iniuria facta est, non posse ergo annum intelligi utilem, id ita dissolvendum est. Computat idcirco Imp. annum ex eo die, quo iniuria facta est, quia facta erat praesenti, qui ignorare non poterat factam sibi esse; in rixa enim adversarium homicidii crimen obiecerat: rixa autem praesentium est. Ceterum si absenti iniuria facta foret, haud dubie computaretur annus ex eo die, quo cognovisset ille iniuriam sibi factam. Nam et in Edicto de calumniatoribus JC. Gaius eandem adhibet distinctionem, *L. annus 6. D. de calumn. Annus*, inquit, *in personam eius, qui dedit pecuniam ne secum ageretur, ex eo tempore cedit, ex quo dedit, in illius vero personam, cum quo ut agatur, alius pecuniam dedit, ex eo numeratur, ex quo cognovit datam esse.* Et in Edicto Aedilium annum utilem Papinianus ita computat, ut dicat, non videri potestatem experiundi habuisse eum, qui vitium fugitivi latens ignoravit, dum tamen dissoluta ignorantia non excusetur, *L. cum sex 55. D. de aedil. adict.* Quanquam et illud dici poterat, non esse perpetuum, ut aut utile tempus ex die cognitionis, aut continuum ex die, quo quid gestum, admissumve est, computetur. Nam in interdico quod vi aut clam, tametsi utili anno circumseribatur, *L. 1. pr. D. Quod vi aut clam, iunct. L. 1. D. de div. et temp. prescr.*, annus tamen ex die ope-

Gail. 2. obs.
105.

ris perfecti numeratur, *L. semper* 13. §. *annus D. Quod vi aut clam.* Contra tutor intra centesimum lapidem habitans, licet intra quinquaginta dies continuos excusare se debeat, spatium tamen istud non ex nominatione, sed ex quo cognovit se datum, computatur, *L. scire oportet* 13 §. *quinquaginta D. de Excus tut.*

Argumentis dissentientium profligatis, progrediamur ad secundam controversiam, qua disceptatur, an iniuria, quae literis facta est, eodem temporis spatium extingatur? Germaniae decus Zasius, cuius sententiam Camera Imperii sequitur, scripsit hanc perpetuam esse, eo quod literae semper loquantur, habeantque, et Baldus loquutus est, actum permanentem: quemadmodum et leges scriptae semper loquuntur, vetantque, aut iubent non in praesens solum, sed et in futurum. Absurda profecto ratio, ac vix modiocribus Ictis digna: quid enim, si cui vulnus per contumeliam illatum, sit ideo perpetuam iniuriam dicemus, quia, obducto vulnere semper loquitur cicatrix? Contra, si cuius domus vi introita sit, ideo dicemus temporalem iniuriam, quia non continet actum permanentem? Quid autem, convitia semel prolata, ubi in vulgus exierint, nonne in animis hominum semper loquuntur, verissimumque vulgatum illud: Calumniare audacter, semper aliquid haeret? Et quod Hesiodus de fama dixit,

Famam vero nulla prorsus perit, quam quidem multi populi divulgant.

nonne id idem de infamia verum?

Iam si actus durans contumeliam continuat atque pctuat, sequetur etiam furtum in dies, seu magis magisque fieri, quia contrectatio quoque rei alienae actus durans, seu permanens est: At contra Pomponius respondit in *L. 9. de furt.* ei qui furti actionem habet, assidua contrectatione furis non magis furti actionem nasci; ne in id quidem, quod crevisset res subrepta. Igitur nec assidua famosi libelli lectione magis iniuriarum actio nasci infamato potest. Quapropter aut falsa est haec sententia, aut valentioribus confirmanda rationibus. Videtur autem valentior illa

Zas. in l. cum. lex. n. 72. D. delegib. Gail. 2. obs. 104. n. 3. Worms. t. lit. 47. obs. 11 Wes. parat. de iniur. n. 13. Bald. in l. gn. n. 5. C. confes.

Rauehb. 1.
quæst. 48.
n. 5.

base, quæ a magnitudine huius iniuriæ desumitur; quæ tanta est, ut publico iudicio atque capitali eam vindicari voluerint Impp. in *L. un. C. de famos. libel.* Et cum de iniuria manu facta semper queri possimus ex Lege Cornelia, verisimile est multo magis id licere de famoso libello, cum iniuria manu facta non illico vindicetur poena capitali: Concludamus igitur ita: Si praetoria actione ob iniuriam scripto factam agere velis, obstat annalis praescriptio: sin publica accusatione reum subvertere, non nisi vicennii spatium te excludet, quoniam non ex edicto, sed constitutione descendit, et graviores praeterea sunt iniuriæ, quæ vindicantur publico iudicio, quam quæ Lege Cornelia.

19 Tertia controversia est, an actio ex Lege Cornelia descendens finiatu- Gloss. fin. 1.
5. C. 2. et in.
1. 5. D. cod.
Clar 5. sent
§. iniuriu n.
9. Feb. in §.
sed et lex
Inst eod.
Faria. qu.
10. n. 23. Har.
Pist. 4. qu.
20. Myns. 1.
obs. 84. et 5.
obs. 7.
Conf. Sint.
Amin furt
n. 55.

descendens finiatu-
negat, eamque fora sequuntur. Pugnat autem non
solum regula, sed et ratione. Regula, atque immo-
tum iuris fundamentum est, actiones civiles, nisi
nominatim breviori spatio concludantur, perpetuo
competere, *pr. Inst. de percp. et temp. act.* Nuspiam autem
haec actio nominatim anno circumscrip-
ta est: idcirco
perpetuo competat necesse est. Ratio adiicitur ista: Si
anno quoque expiraret actio Legis Corneliae nihil in-
Faria. qu.
10. n. 23. Har.
Pist. 4. qu.
20. Myns. 1.
obs. 84. et 5.
obs. 7.
Conf. Sint.
Amin furt
n. 55.

ter hanc et praetoriam interesset, quia utraque con-
sequimur aestimationem iniuriæ, *L. 37. §. 1. D. de
iniur.* Nec est quod dicas, gravior sit condemnatio ex
Lege Cornelia; nam et praetoria, si agas ob atrocem
iniuriam, gravior fiet estimatio, §. *poena et §. atrox Inst.
de iniur.* Accedit et haec, quod *L. 5. C. de iniur.* tan-
tum de praetoria actione loquatur: quippe de convi-
tio, de quo non agitur ex lege, sed ex edicto, *L. lex Cor-
nelia 5. D. eod.* non potest igitur id rescriptum ad
actionem Legis Corneliae extendi. His argumentis com-
munem sententiam ita roboratam ac quasi septam in-
venio ut incassum laborare videantur, qui eam ever-
tere conati sunt. Qui quanquam praestantes viri sunt,
nihil tamen aliud habent quod obtendant, quam ipsum
illud rescriptum, quod de anno loquitur: odium prae-
terea actionis et dissimulationem, et pactum atque iu-

aiurandum: quae obiectiunculae partim suas ponte corruunt, partim ex iis, quae iam dicta sunt, dissolvi poterunt. Speciosius argumentum duci poterat ex responso Ulpiani, *L. sed si unius 17. §. si ante iudicem D. de iur.* ubi Ulpianus respondit, ipsam iniuriam tempore aboleri. Non aboleretur autem, si praetoria duntaxat actio anno expiraret, civilis extenderetur ad annum xxx. Comparat ibidem Ulpianus temporis lapsus cum dissimulatione et pacto. Quemadmodum igitur omnis iniuriarum actio tollitur dissimulatione atque pacto; ita omnem quoque temporis lapsu tolli necesse est. Verum responderi potest, non loqui Ulpianum in eo responso de atroci iniuria manu facta, ob quam Legis Corneliae actio competit, sed de aliis iniuriis, de quibus praetoria actio redditur. Hae anno prorsus abolentur: illa non anno, sed annis xxx. (3).

Quarta controversia est, an accusatio quoque iniuriae annali praescriptione submoveatur? Id nonnulli simpliciter, adfirmant, adeo ut licet actionem Legis Corneliae perpetuam esse fateantur, accusationem tamen anno circumscribi asseverent. Verum absurdum id videtur, cum tam actio, quam accusatio vindictae causae paratae sint, actionem quidem civilem perpetuam esse, accusationem anno terminari. Verisimilius longe est, ex quibus causis praetoria tantum actione experiri possumus, ex iisdem accusationem quoque anno terminari: at quas causas Cornelia Lex perpetua actione persequitur, eas etiam usque ad vicennium persequi licere, ultra enim xx. annos crimina non extenduntur, *L. querela C. ad L. Cor. de*

20

Clar. d. §. iniuria n. 9.
Farin. d. qu. 10. n. 22.

(3) Cum ex edicto Praetoris iniuriarum actio annalis sit, et quidem non ideo, quod annum esset Praetoris imperium, uti vel ipse auctor animadvertit, cum etiam ob atrocem iniuriam actio praetoria in promptu sit, cum actio ex Leg. Cornel. descendens et ipsa dissimulatione aboleatur, cum denique absque ullo discrimine Ulpianus ita sit. *L. 17. h. 1.* comparet temporis lapsum cum dissimulatione et pacto, non adeo iuri consona esse videtur communis Scholae sententia, qua traditur actionem ex Leg. Cornel. descendentem perpetuam esse, ut de illius veritate nequeat dubitari.

fals. Sic et furti actio annos xxx. durat, cum accusatio finiatur xx. Et actiones civiles, quae cum Lege Cornelia de falso concurrunt, annos xxx. durant: accusatio tament falsi extinguitur xx. annis, *d. L. quere-la.* Excipienda videtur et publica accusatio ex *L. un. C. de famos libel.,* et *L. si quis in hoc C. de epis. et cler.,* quam et ipsam xx. annos durare verisimile est, quamvis praetoria actio anno tollatur. Absurdum enim foret ex Lege Cornelia perpetuam esse accusationem: non esse ex novis constitutionibus: cum, ut modo diximus, graviores sint iniuriae quae vindicantur *d. L. un.,* et *d. L. 10.,* quam quae vindicantur Lege Cornelia (4).

31
Costal. ad f.
7. l. f. de cond.
furt.

Quinta et ultima est quaestio, si iniuria anni lapsa extincta sit, an extinguatur etiam persecutio damni, et eius quod interest? Id nequaquam dicendum est, cum actio Legis Aquiliae, qua eo casu damnum persequi possumus, perpetua sit. Et cum, ut supra retulimus, qui pacto iniuriarium actionem remisit, non censeatur remisisse aestimationem damni, utique nec ille, qui temporis praescriptione submovetur a vindictae persequutione, submovendus erit eadem praescriptione, quo minus damnum per contumeliam factam persequatur.

(4) Fieri quandoque potest, ut ob illatam iniuriam iudicium institui publica postulet utilitas. Vid. Not. ad *Tit. 4. Num. 8. in fin.*, nec non Leopoldi II. criminalem pro Hetruria Legislationem cum meis observationibus. In hac equidem facti specie accusationi locus fieri debet, etiamsi civilis actio non amplius competat.

CAPUT II. DE POENA.

- | | |
|--|--|
| <p>1. Quae fuerit poena iniuriarum ex XII. Tab.</p> <p>2. An talio conveniat iustitiae distributivae?</p> <p>3. An Pythagorei atque Decemviri de simplici talione loquuti sint?</p> <p>4. Quae hodie iniuriarum poena,</p> | <p>et ex quibus causis publicum sit iudicium?</p> <p>5. Poena capitalis ad omnes famosos libellos an pertineat?</p> <p>6. Quomodo extra ordinem iniuria vindicatur?</p> <p>7. An accusatio competat etiam de levi iniuria?</p> |
|--|--|

Poena Iniuriarum alia Lege XII. Tab. introducta fuit, et aliam Praetores proposuerunt. Ex Lege XII. Tab. propter membrum ruptum talio erat, propter os fractum, id est depalmatum nummaria poena assium XXV. Fragmenta legis Gellii diligens cura nobis conservavit, Gell. 20. cap. quorum altero ita sancivere Decemviri. **SIMEMBRVM. RVPIT. NL. CVM. EO. PACIT. TALIO. ESTO: altero, SI. INIVRIAM. FAXIT. ALTERI. VIGINTI. QVINQVE. AERIS. POENAE. SUNTO.** Utraque autem poena exolevit. Nummariae antiquandae causam dedit, ut idem Gellius refert, Lucius Veratius, ut alii legunt, Neratius, egregie homo improbus, atque immani vecordia. Is pro delectamento habebat os hominis liberi manus suae palma verberare: eum servus sequebatur crumenam plenam assium ferens; et quemcumque depalmaverat numerari statim secundum XII. Tab. viginti et quinque asses iubebat. Ut igitur apparet, Lex veterum quidem paupertati congruebat: sed crescentibus opibus adeo non coercere pronos ad contumeliam hominum animos potuit, ut et ultra invitaret. Atque huic incommodo omnes fere sanctiones subiectae sunt, quibus absque differentia personarum, atque facultatum certa aliqua nummaria poena irrogatur, ut pauperioribus quidem oneri, ditioribus ludibrio sint. Ex his enim nimis multi et memores, et immemores sunt eorum, quae Isocrates Demonico praecepit. Curare ille iussit rem familiarem duarum rerum gratia, ut aut multam grandem exsolvere, aut aq̄uico egentis subve-

Simile quiddam narrat Mollers. 1. Sem. 23. in fin.

nire possimus. At plerique curant hodie rem, aut ut luxuriae suppetat sumtus, aut ut adversum iudicia legumque poenas securi degant: qui amico laboranti succurat, reperitur nemo. Quare longe praestat nummarus poenis in ferendis legibus extraordinarias coercitiones adiicere, ut quemadmodum pecuniariam animadversionem egestate eludentes extra ordinem puniuntur, ita etiam qui opum fiducia idem faciunt extraordinaria aliqua poena corrigantur.

Quod ad talionem attinet, quanquam de ea magni viri iam ante docte graviterque disseruerunt, tamen quoniam disputatio elegans est, nos quoque hoc loco quaeramus, rectene ea pars, XII. Tab. antiquata sit. Placuit olim retaliatio quam *antipepothos* dixere, Pythagoreis Rhadamanthum auctorem eius laudantibus, celebraturque eis versiculus iste.

... *patiatur quae fecit, et par sit poena.*

Et videtur sane naturali rationi maxime consentaneum, pati unumquemque quod facit: rationem autem experientia subsequitur; experimur enim, quo genere admissi quisque alios laeserit, eodem se quoque puniri. Cyrus sanguinem Crassus aurum sitiebat: victi, ille sanguine, hic auro tandem satiati sunt: Et qui alienorum matrimoniorum subsessores fuere, similia plerumque patiuntur. Sed praecipuum talionis firmamentum divina lex, quae aperte oculum oculo, dentem dente, manum manu, pedem pede, unctionem unctione, vulnus vulnere, tunicem tunice pensari puniriue voluit *Exod. 21. v. 24.*: quam legem quis ausit iniquitatis accusare? His tamen non obstantibus, verius est simplicem talionem iustitiae distributivae non esse consentaneam: ad quod confirmandum partim utemur Favorini contra Sextum Caecilium, partim summi viri Aristotelis argumentis. Favorinus ita arguebat, *Consistere lex talionis non potest, cum propter ulciscendi acerbitatem, tum quod exsequutio procedere non possit, cum quis membrum alteri imprudens rupit; non enim retaliari per imprudentiam potest. Sed etsi prudens ruperit, nequaquam aequa est retaliatio, cum possit, aut altius laedi, aut latius,*

nec sit in potestate punientis rupturae aequilibrium servare: quin etiam si quid plus erit, aliterve commissum, res fiet ridiculae atrocitatis, ut contraria actio mutuae talionis obiciatur, et adolescat infinita quaedam reciprocatio talionum. His argumentis occurrit Caecilius ita: *Tametsi, mi Favorine, talioni par non sit talio, neque rumpi membrum facile possis ad alterius rupturae aequilibrium, non tamen, propterea talio iniqua videri debet: non enim eundem rumpendi casum exigere debemus, sed potius eundem animum, eundemque impetum rumpendi in eadem corporis parte; quoniam modus voluntatis praestari potest: casus ictus non potest. Et cum lex pacisci de membro permiserit, si quis talionem redimere nollet, in super habendum censuerunt Decemviri, prudens, an imprudens id fecerit. Quae autem, obsecro te ista acerbitas est, si idem fiat in te, quod tute in alio feceris: praesertim cum habeas facultatem paciscendi, et non necesse sit peti talionem nisi eamtu elegeris?* Ita Caecilius, qui, ut apparet, posterius Favorini argumentum, si non admodum, utcumque tamen dissolvit: quod vero ad prius attinet, id non tam dissolvit, quam Legem XII. Tab. satis callide atque solerter excusavit. Non enim si Romae retaliationem redimere licuit, idcirco in universum talio iusta esse potest in iis, qui per imprudentiam alteri membrum ruperunt. Esto igitur primum hoc contra Pythagoreorum *antipepothos* argumentum; procedere non posse talionis exsequutionem in iis, quae per imprudentiam atque culpam admissa sunt. Neque enim si eadem culpa feceris, nulla culpae poena esse debet, nec tamen talione vindicari potest, quia talionis exsequutio per imprudentiam fieri nequit. Secundum est, quod in primis Aristoteles urget, iustitia poenas atque praemia distribuens, non solum facti, sed et personarum rationem haberi iubet; ut consideret prudens iudex, a quo, et in quem quidque fuerit admissum. Graviora enim sunt, quae humiles audent in senatores, liberi in parentes, liberti in patronos: contra, quae in hos statuerint illi, leviora. Ad secundum *antipepothos*

eveniet, ut eadem poena adficiatur qui pugnam duxit Principi, quique duxit homini ad medium lanum, vel etiam in ponte sedenti: et si libertus patrono intulerit manum, nil gravius patientur, quam ut vicissim patronus liberto manum inferat: quae quis non videt valde esse absurda? Ex eodem fonte et illud descendet, ut si monoculum visu privaveris, tibi non visus, sed oculus eripiat. Et contra si monoculus oculum tibi eruerit, amittat visum, qui visu non orbavit. Sic si bimanus unimano manum amputaverit; manu crimen luet, nec esuriet fortasse: cum alteri, qui manum quam solam habebat amisit, etiam de fame et vita periclitandum sit. Tertium: Distributiva iustitia etiam locum atque tempus diligenter perpendit: neque enim idem crimen omni tempore atque loco aequè grave, aut leve est: multoque minus, ut Stoici philosophabantur, omnia delicta paria sunt. Lex autem talionis ubi viget, ibi eadem poena afficitur, qui in conspectu Praetoris vulneravit, qui in obscuro fornice inter temulentos: qui in SS. Ecclesia, aut in Principis palatio, quique in taberna aut lupanari. Quartum atque ultimum: Non potest retaliatio locum habere in omnibus criminibus; non enim in iis, in quibus quod factum est poena esse nequit. Ex gr. Clodius Pompeiam Caesaris adulteravit: secundum ius Pithagoricum ita puniendus crit, ut vicissim Caesar adulteret uxorem Clodii. Caesar auri pondo mille furatus est ex aerario: ergo vicissim populus auri pondo mille furetur ex arca Caesaris? Albinus convitium dixit Medio: Ergo Modius convitium dicat Albino? Turpissima profecto retaliatio: in eoque genere non solum adulterium est, et furtum, et convitium, sed et veneficium et falsum, suppositio partus, abactio, plagium, ambitus, sacrilegium, incestus, stuprum, termini motio, sepulcri violatio, stellionatus, calumnia, praevaricatio, et pleraque crimina alia; ut quod factum est, id poenae vicem atque locum subire minime possit. Quae ergo, malum, ratio, simplex illud *antipepothos* quod in paucissimis criminibus locum habere potest, obtrudere nobis tanquam distributrici iu-

stitiae prorsus consentaneum? Non est profecto, quod moveamur argumentis superius pro hac poena adductis: nam quod dicebatur iuri naturae videri retaliationem consentaneam, id totidem verbis negare possumus: concedi certe necesse non est, nisi eiusmodi fingas casum, quo et crimen, quod commissum est, poenae vice fungi potest, nec personae, tempus, locus, qualitas, caussa crimen aut aggravant aut elevant. Quamquam ne hoc quidem casu retaliatio satis commoda futura est. Fingamus rusticum rustico colaphum impegis- se, non in conspectu Praetoris, sed in privato, aut ut fieri solet, in taberna: secundum Pythagoreos colaphus colapho pensandum erit: A praetore de palmari se reus non iniquo animo feret: ab adversario si fiat, vindictae cupidus aequilibrium excedet, quo facto nascetur infinita illa talionum reciprocatio, quam Favorinus Caecilio obicit. Neutro igitur modo exsequutio commode fieri potest: quae a Praetore fiet, non emendabit reum, cum gravis non sit: quae ab adversario, ea aequilibrium servare nequit. Quod ad legem divinam attinet, ea non recte adducitur pro Pythagoreis; non enim de simplici talione accipi debet. Sed proportionata, ut ita loquar. Ea enim formula, qua Deus Opt. Max. utitur, significare vult, poenas delictis aequas esse debere, ne scutica dignum, horribili flagello sectemur, aut secure meritum, scutica soleave caedamus. Id autem inde colligere licet, quod supremus Legislator nec furtum furto, nec adulterium adulterio, nec vulnus vulnere puniat: sed furtum duplo quadruplove, adulterium morte, vulnus pecunia multet. Personarum quoque rationem ius divinum habet: nam si privato maledixeris, nihil gravius nominatim cautum reperimus: si privatus Principi, aut filius patri maledixerint, capital id habetur. Filia plebei si scortata fuerit, morte, non luit, si filia summi sacerdotis idem fecerit, ultimo supplicio, et flammis quidem vindictibus absumitur. Nequaquam ergo ius divinum de simplici talione intelligendum est. Itaque respondere malo cum Bodino, quam cum aliis dicere, licuisse iniuriae talionem exposcere Hebraeis apud iudices,

Bodin. 9. de
rep. ult. sect.
767. Grot.
de iur. bel. 2.
n. 8. et lib.
2. cap. 20. p.
191.

3 non tanquam licitam, sed maioris malī vitandī causa, quod gens ad ultionem valde prona esset. Verum quod idem Bodinus existimat, neque Pythagoreos, neque Decemviros, de simplici talione loquutos, esseque veteratoriam Aristotelis ac Favorini contra illos disputationem, in eo adsentiri non possum: quis enim credat, quid Pythagorei senserint rectius calluisse Bodinum, quam Aristotelem? aut Decemvirorum mentem, Caecilium quidem latuisse, non latuisse Bodinum, qui post Caecilium mille trecentis circiter annis vixit? Solet polihistor ille in reprehendis veteribus nimis facilis esse: atque in hac quoque parte affectui magis, quam ingenio indulsisse videtur (1).

4 Igitur, ut ad institutum revertamur, quia simplex retaliatio iustitiae praeceptis nequaquam convenit: recte Praetores aliam poenam introduxerunt. Permisserunt enim iniuriam passo eam aestimare, et vel tanti, vel etiam minoris condemnabatur reus. Verum haec poena tum locum habuit, cum civiliter agebatur: cum vero criminaliter, extra ordinem admissum vindicabatur. Et de exitu quidem accusationis seu criminalis iudicii, cum nobis propositum sit potissi-

(1) Cum facti inquisitio saepe magnam diligentiam, poenae autem aestimatio multum prudentiae, et aequitatis desiderent quae vix in hominem cadunt ultionis vehementer rapidum non raro eveniebat, ut nocens damnum ab altero acciperet illato gravius. Quamobrem apud Hebraeos iniuriam ulcisci volens ex alterius culpa manifeste profectum, lege coactus est adire prius iudices, qui poenam manu laesi inferendam decernerent, et si quis in huiusmodi poenae executione praescriptos limites excederet, pro eo, quod excesserat puniebatur, quemadmodum a Grotio, Bodino aliisque observatum est. Qui quidem doctissimi Viri aperte docent talionem ideo potissimum apud Hebraeos introductam fuisse, ut quilibet ex eo populo disceret iram intra certos fines cohibendam esse, nec aliquid accepto dolore serius laedenti inferri, aut vitam eripi illi oportere, qui oculum ex. gr. ademerit. Qua in re laudatis Viris Augustinus praestisse videtur, qui talionem definiens atque explicans verba Exodi Cap. 21. Vers. 24. oculum pro oculo, dentem pro dente, inquit: non fomes, sed limes furoris est, non ut id quod sopitum erat, hinc accenderetur, sed ne id, quod ardebat ultra extenderetur, impositus. Vid. August. contra Faustum Conf. Grot. de iur. bell. et pac. lib. 1. Cap. 2. et lib. 2. Cap. 20. §. 8, num. 6, et §. 10. num. 2. Bodin. 6. de Republ. sect. ult.

num agere, enumerandae sunt sanctiones, quae de puniendis iniuriis latae sunt. Lege Cornelia publicum iniuriarum iudicium constitutum fuisse satis apparet ex *L. hos accusare 12. in fin. D. de accusat. (2)*. Sed cuiusmodi fuerit poena, id non apparet: divinandumtaxat libet, poenam pecuniariam fuisse, quia ea Lege servum reum recipi Cornelius Sulla vetuit. Publicum etiam iudicium constituitur Lege Arcadii et Honorii, si quis in Ecclesias catholicas irruens, sacerdotibus, vel ministris. vel ipsi cultui locove aliquid iniuriae imposuerit; cuius facinoris poena capitalis est. *L. si quis in hoc 10. C. de episc. cler.* Publicum denique iudicium ex Senatusconsulto redditur ob famosum libellum, *L. 6. D. de iniur.*, cuius poena similiter est capitis, *L. un. C. de famos libel. (3)*.

Sed hanc capitis poenam recte restrinxisse videntur 5 interpretes ad eiusmodi libellum, quo gravia et capitalia crimina alicui obiciuntur, ab eo qui saevitiae iudicium, aut Principis adrepere satagit: valde enim absurdum foret ob quamcunque contumeliam scripto factam, reo capitis poenam imminere. Et confirmatur communis sententia partim per huius constitutionis verba, partim per constitutiones, quae sunt in *Cod. Theod. eodem titulo*. Verba huius constitutionis sunt ista: *Sane si quis devotionis suae ac salutis publicae custodiam gerit, nomen suum profiteatur, et quae per famosum libellum persequenda putaverit, ore proprio edicat, ut absque ulla trepidatione accedat, sciens, quod si adsertionibus suis fides veri fuerit optulata, laudem maximam et praemium a nostra clementia consequetur: quibus verbis, cum salutis ac devotionis*

Gomes. 3. res.
vol. 6. n. 1.
Farin. qu.
15. n. 424.
statu. Qua.
l. 6. §. 6.

(2) Et hic repetit Auctor Lege Cornelia publicum iniuriarum iudicium constitutum fuisse. Verum vid. Not. ad *Cap. 1. Num. 12. in fin.*

(3) Carmine famasi iudicium et publicum et privatum est, cit. *L. 6. §. 1. D. de iniur.*, quod si scriptum sit, non adiecta Persona eius cui inferitur iniuria, in hac specie ob difficultatem probationum, difficile enim probari poterat cui iniuria facta sit; oportet, cessante privata actione, solum publicum iudicium reddi. Vid. ipsam. *Leg. 6. in pr.*

publicae fiat mentio satis innuitur eiusmodi libellum intelligendum, quo crimina capitalia, atque ad salutem reip. pertinentia obiiiciuntur. Constitutiones in Codice Theodosiano plures sunt, sed nonnullas inserendas nominatim duxi, ad id quod volumus confirmandum aptissimas. Huius generis est vi. tit. *de famos. libel.*, *Famosa scriptio libellorum, quae nomine accusatoris caret, minime examinanda est sed penitus abolenda*; nam qui accusationis promotione confidat, libera potius intentione, quam captiosa atque occulta conscriptione alterius debet vitam in iudicium devocare. Item v., *Non igitur vita cuiusquam, non dignitas concussa his machinis vacillabit, nam omnes huiusmodi libellos concremari iubemus*, Et viii., *Iam pridem adversus calumnias firmissima sunt comparata praesidia. Nullus igitur calumnias metuat. Contestatio vero, quae caput alterius contra iuris ordinem pulsat, depressa nostris legibus iaceat intercidas furor famosorum libellorum*. Postremo x., *Universique, qui famosis libellis inimicis suis velut venenatum quoddam telum iniecerint: hi etiam, qui famosam seriem scriptionis impudenti agnita lectione non illico discerpserint vel flammis exusserint, vel lectorem cognitum prodiderint: ultorem suis cervicibus gladium reformident*. Porro puniunt Imperatores Valentinianus et Valens eos quoque capite, qui libellum inventum non illico consumserit, sed aliis sensum eius manifestaverint: quod durum videri poterat; sed haud dubie verba ad eum sunt restringenda, qui contenta libello crimina differt dolo malo, ut periculum ex ea re capitis creet infamato. Quod qui fecit, cum eo non valde duriter agetur, si ea poena adficiatur ipse, cuius spectaculo in alterius cervice crudelem animum satiare voluit. Calumniatori enim similis est, quem talione puniri iura voluerunt, non illa Pythagorica, sed Aristotelica, per quam eo adficitur supplicio, quo alter periret machinabatur, *L. non prius 7., L. ult. C. de calumn.* Quanto autem exitio generis humani haec fiant tyrannidis tempore, utinam non experiri nobis contingat unquam: tum enim plurimi in-

veniuntur Romano Hispani similes, de quo Tacitus, *Tacit. 1. annal.*
Formam vitae iniit, quam postea celebrem miseriae
temporum et audaciae hominum fecerunt. Nam egens,
ignotus, inquit, dum occultis saevitiae Principis
adrepit, mox clarissimo cuique periculum facessit,
potentiam apud unum, odium apud omnes adeptus,
dedit exemplum, quod sequuti ex pauperibus divites,
ex contentis metuendi, perniciem aliis, ac postremum
sibi invenere. Ceterum si quis non dolo id faciat; sed
linguae vitio atque impotentia, dum cognita tacere
nescit, durissimum foret garrulitati poenam statuere
capitis; est enim perpetuum illud atque immotum:
Iniuria sine dolo, atque affectu iniuriandi non com-
mittitur: garrulitas vero non dolus, sed culpa est. Quid
ergo, si quis non adpetierit famoso libello vitam et sa-
lutem alterius, sed famam duntaxat atque exitimatio-
nem, quam dicemus esse poenam? Nihil nominatim
ea de re scriptum invenio, nisi quod damnatus ob car-
men famosum fiat intestabilis L. 5. §. si quis librum
D. de iniur., L. ob carmen 21. D. de testib. Sed cum
lectus dicat in D. L. 5., si condemnatus sit, qui id fecit,
intestabilem ex Lege esse iuberi, satis indicat aliam
fuisse poenam, quae sententia iudicis infligeretur.
que cum prodita non sit, dicamus extra ordinem reum
puniendum arbitrio iudicis (4).

(4) Auctoris igitur sententia est solum carmen famosum, quo capitalia crimina obiciuntur summo supplicio vindicari: cetera vero extra ordinem arbitrio iudicis puniri. Sed mihi placet aliter sentire. Sana ex Legib. XII Tabb. cuiusvis famosi libelli auctor sine discrimine, sive capitalia crimina obiciat, sive non, capite plebetebatur. Sunt autem qui putent huic severiori poenae ex instituto Augusti fustigationem substitutam fuisse ob ea Horatii carmina quae in Ep. 1 lib. II. habentur. . . Quia etiam lex Poenae lato malo, quae nollit carmine quemquam.

Describi: vertere modum fœnidine fustis

Ad bene dicendum, delectandumque poëtae.

Verum Marcellius recte observat poenam fustuariam duplicis esse generis, unam non capitalem; alteram, qua damnatus ad inter-
 necionem usque caederetur. De hac ultima accipienda esse relata
 Horatii carmina probatur Cornuti antiqui Persii interpretis testi-
 monio, qui ad haec Persii verba *Satyr. I. .. audaci quicumque*
offlato Crutino, iratum Eupolidem praegrandi cum seno palles.

- 6 Atque ex supra scriptis caussis publica accusatio est: ex aliis non publica, sed extraordinaria seu privata, competens iis duntaxat, qui laesi sunt. Statuitur autem in reum ex caussa et persona, et servi quidem flagellis caesi dominis restituuntur, liberi veri humilioris quidem loci fustibus subiiciuntur, ceteri autem vel exilio temporali, vel interdictione certae rei coercentur, ut dicit Hermogenianus in *L. ult. D. de iniur.* Graviter animadvertitur in eos, qui fimo corrupto aliquem perfuderint, coeno lutove respenserint, *L. 1. §. 1. D. de extr. crim.* Gravius in eos, qui puerum puellamve interpellaverint, quidve impudicitiae gratia fecerint, domum praebuerint: nam tametsi effecta sceleris potiti non sunt, in insulam deportantur, corrupti comites summo supplicio adficiuntur, *L. 1. §. ult. D. eod.* Quo argumento recte nonnulli tradunt, protervam atque temulentam iuventutem, quae mulieres honestas in via publica sibi obvias impudicius contrectare solet, non leviter puniendam: et sunt qui fustibus huius gregis quendam caesum relegatumque memorant. Gravissime animadvertitur in iudicem qui decurionem alterius criminis gratia, quam laesae maiestatis torserit: capite enim puniri iubetur constitutione Diocletiani et Maximiani, *L. decurion 16. C. de Quaest.* eamque constitutionem recte producinus ad omnes quos torquere nefas est, seu propter dignitatem, seu
- Moller. 3.
semest. 27.
- Menoeh. 2.
de arb. cas.
L. 563. n. 5.

ita scribit — *Cratinus Eupolis et Aristophanes Comoediarum Auctores fuerunt. Primi etiam exemplum dederunt libere scribendi, qui cum amaritudine multa inerti sunt in principes civitatis. Propter quod lege XII. Tabb. cautum est ut fustibus feriretur qui publice inveleretur.* Ulpiani porro tempore poenam fustis et verberum usque ad interpersionem in eo desisse ipse Ulpianus testis est in *L. 8 §. 1. et 5. D. de poen.* et quod potissimum spectat ad auctores famosi libelli, in eos extra ordinem usque ad relegationem insulae animadverti tradit Paulus *lib. V. Sent. Tit. 4 §. 17.* Tandem hinc Valentianus et Valens in *cit. L. unv. capitalem poenam* revocaverunt in eos qui libellos famesos aut coamonebant et deinde spargebant aut inventos manifestabant, et tantum in praxi criminum distinctionem fieri, quae famosis libellis impinguntur, ut si capitalia sint, Auctoribus gladii poena imponatur: non, si capitalia non sint, observavit ill. lac. Gotof. in *Comm. ad Cod. Theod. lib. ix. Tit. 34. L. 10.*

quod nullis iudiciis atque argumentis premantur, *arg. L. milites 8. §. 1. D. eod.* Gravissime etiam animadvertitur in eum qui Principi convitium dixit, *arg. L. un. C. si quis Imp. maled.* aut magistratui iniuriam fecerit, quo casu ad mortem usque poena extendi potest.

Haec poenarum exempla, atque species in iure repertiuntur, ex quibus sibi prudens callidusque iudex facile quod in usum sit, sumet. Videamus an accusatio extraordinaria de quacumque iniuria, etiam levi seu modica competat? Id omnino affirmandum, cum praedicti loci sint ea, quae supradictis de furto de modico furto diximus. Cumque *L. ult. D. de priv. del.* non distinguat inter modica et magna admissa, sed simpliciter dicat, de malefictis vel civiliter agi posse; vel criminaliter, subscribente accusatore in crimen, utique de iniuria quoque id sine distinctione intelligendum est. Aperte sane id confirmare videtur Imperator Iustinianus in *§. summa Inst. de inur.*, cum ait, de omni iniuria posse eum, qui passus est vel criminaliter agere, vel civiliter: si de omni; ergo de modica quoque seu levi. Neque obest, quod ex *L. 1. D. de Extr. crim.* adducitur, vindicari extra ordinem graves duntaxat iniurias: non enim hoc dicit, prorsus non vindicari leviores iniurias extra ordinem, sed illud, graviter extra ordinem animadverti, cum gravior est iniuria, veluti, si quis simo corrupto per fusus, coenoveoblitus sit. Quamquam et illud fateor non videre me, cur inter graves iniurias ea connumeretur: nec minus grave puto, si cui convitium dicatur, quam si coeno aspergatur. Quare si coeno aliquem oblinens extra ordinem accusari potest, poterit et ille qui pugnam duxit, aut convitio proscidit. Adducitur etiam *L. 7. §. posse D. de iniur.* ubi cum JC. testatur, posse hodie de omni iniuria, sed et de atroci civiliter agi, innuere videtur ante de atroci tantum criminaliter, de levi tantum civiliter agi solitum. Verum haec omnino perversa est illatio: non enim cum JC. dicit posse hodie de atroci iniuria agi civiliter, inde inferre possumus de levi tantum civiliter agi solitum: sed illud potius de atroci olim cri-

criminaliter actum fuisse, forte publico iudicio ex Lege Cornelia; verum id iudicium abiisse in desuetudinem postea, actumque etiam civiliter ad aestimationem iniuriae ex causis Lege Cornelia comprehensis, *L. constitutionibus* 37. §. 1. *D. de iniur.* (5).

CAPUT III.

DE CONCURSU IUDICIORUM.

- | | |
|--|---|
| 1. De actione iniuriarum; et an recte aestimatio iniuria fiat interposito iureiurando? | do factenda? |
| 2. Ad quod tempus referenda aestimatio? | 6. De actione Legis Corneliae. |
| 3. Utrum ad lucrum, an ad damnum referenda iniuriandi formula? | 7. De actione ad palinodiam. |
| 4. Iuramentum utrum praecedere, an sequi debeat taxationem iudicis? | 8. De reliquis iudiciis concurrentibus, et in specie de actione <i>L. diffamari.</i> |
| 5. Operarum aestimatio quomodo | 9. Quatenus publico per privatum possit praeiudicari? ad <i>L. 6. et D. de iniur.</i> |
| | 10. Quae privata iudicia sibi invicem praeiudicant? |

Concurrit cum accusatione iniuriarum actio praetoria qua Praetor permittit ipsis, qui iniuriam passi sunt, eam aestimare, ut iudex vel tanti reum condemnet, quanti

(5) Verum quamvis Iustinianus in *cit. §. Inst. de iniur.* nimis generatim tradat de omni iniuria posse eum, qui passus est vel criminaliter agere, vel civiliter, melo tamen contrarium amplecti sententiam, ob levem scilicet iniuriam criminale iudicium accusatione institui non posse. Huius autem sententiae Auctor mihi est. ipse Paulus, qui in *cit. L. 1. de extraor. crimin.* nonnulla enumerans crimina, quae extra ordinem puniuntur ea recenset, quae ad iniuriam publicam referuntur — Fit iniuria contra bonos mores, in eius verba: *veluti si quis fima corrupta aliquem persuaderit, coeno, luto oblinuerit aquas spurcaverit, fistulas, lacus quidve aliud ad iniuriam publicam contaminaverit: in quos graviter animadverti solet.* Praeterea cum ante de atroci iniuria criminaliter tantum agi solitum innuat Ulpianus in *cit. L. 7. §. 6. de iniur.* manifesta res est ita ius fuisse constitutum, ut de levi iniuria civiliter, de atroci criminaliter ageretur; quam iuris constitutionem id eo tantum immutatam fuisse video; quod hodie etiam de atroci iniuria civiliter agi queat. Vid. *cit. L. 7. §. 6. D. de iniur.*

iniuriam passus aestimaverit, vel minoris, prout ei visum fuerit, §. *poena Inst. de iniur.* Obtinuit autem moribus hanc aestimationem fieri delato actori iurciurando. Quod quamquam nuspiam nominatim in iure proditum est, non ineleganter tamen ex locis nonnullis confirmari potest. Nam primo Marcianus in *L. 5. §. ult. D. de in lit. iur.* respondit, etsi regulariter in stricti iuris iudiciis in litem non iuretur, interdum tamen iurari, nempe cum iudex sine delatione iurisiurandi non potest aestimare rem quae, non exstat. Atqui et iniuriarum actio stricti iuris est, et iniuria res eiusmodi, quae sine delatione iurisiurandi non videtur aestimari posse. Deinde Iavolenus testatur in *L. cum furti §. D. eod.*, in furti actione posse in litem iurari, ut reus iuret, tanti rem fuisse, cum furtum factum esset: qui minus ergo in actione iniuriarum? Non est, quod quis cavilletur, de conditione eum locum intelligendum, non actione furti; cum verba responsi clara sint, nec possit aliter dupli quadrupli vel iniri ratio, nisi ante res furto abscata fuerit aestimata. Adhaec cum bona vi rapta sunt, si non possit, qui vim sustinuit, quae perdidit, singula comprobare, taxatione a iudice facta pro personarum atque negotii qualitate, sacramento aestimationem eorum manifestare poterit, *L. si quando §. C. un. vi.* Cur non ergo iniuriae quoque acceptae magnitudinem licet actori interposito sacramento manifestare? Postremo, ut facilius esset probatio rerum ex naufragio raptarum, permisit Hadrianus Imp. adire Praefectos, et apud eos testari: id est, testibus productis probare admissam rapinam, nec necesse esset illico excurrere ad Praesidem: utque pro modo culpae rei vel vineti, vel sub fideiussoribus ad Praesidem remitterentur, *L. ne quid. 7. D. de inc. ruin. naufr.* Praefecti intelligendi eiusmodi, qui infra Praesidem erant, forte in illis locis in quibus ius dicebatur, et nundinae agebantur. De huiusmodi Praefecturis, consulendus Festus, atque Sigonius. Si igitur in delictis a iure communi receditur ut laxior atque facilius probatio sit, cur non etiam iusiurandum deferatur actori, non ut eo probet iniuriam factam, sed ut adiuret tanti se eam aestimare? His ra-

Festus in
verb. Prae-
fectura Si-
gon. 2 de
antiq. iur.
Ital. cap. 20.
Fab. in §.

poena Inst
de iniur
Tuld. tit. C.
de iniur. n.
16.

tionibus inductus assentior quidem Ioanni Fabro, qui negat hoc iniure contineri, ut iniuria aestimetur iurē iurando, si nimirum ita intelligit, nūspiam nominatim proditum esse: illis vero prorsus reclamo, qui etiam improbandum censuerunt, eo quod praecipitia atque lubrica iuramenta vitanda sint: futurum autem hoc iuramentum maxime lubricum, quod quisque odio inimici, et vindicta ardens non tantum ultra bonum et aequum, verum etiam ultra sui animi sensum iniuriam aestimaturus sit. Fateor verissimum esse, quod nobilis scriptor quondam firmavit, nulli mortalium iniurias suas parvas videri, multos eas gravius aequo habere: sed eam ipsam ob causam aio, recte iurisiurandi religionem iniici, ut hoc tamquam fraeno cupiditatem nocendi regat et sufflaminet ratio. Neque quod nonnulli fallere Diespitrem scientes non timent, idcirco propter abusum tollendus usus est: alioqui eadem opera et in aliis iudiciis iusiurandum deferendum minime esset, eo quod multi lucripetae et avari cerdones non dubitent vel de asse peierare. Postremo si ab incerto eventu ius esset dosumendum, nihil iam certi in iure haberemus: quid enim non sapientissime excogitatum aliquando male cadit? Accendit, quod nec liberrima aestimandi potestas deferatur actori, sed iudex taxare possit quantitatem, intra quam iuretur: possit etiam non sequi iusiurandum, sed minoris reum condemnare, *arg. L. 4. §. iurare, et §. seqq. D. de in lit. iur.*

- 2 Quaeri potest, ad quod tempus aestimatio referenda sit, utrum ad tempus litis contestatae, an ad illud, quo iniuria facta est? Prima specie existimare quis posset, tempus litis contestatae spectandum esse, eo quod haec actio sit stricti iuris: in iudiciis autem stricti iuris spectatur id tempus, quo petitur, *L. vinum D. de reb. cred., L. 3. §. in hac actione D. Commod.* Verum contrarium planis verbis responsum est in *L. iniuriarum at. D. de iniur.* *Iniuriarum aestimatio*, inquit Iavolenus, *non ad id tempus, quo iudicatur, sed ad id, quo facta est, referri debet.* Ratio in promptu est: non hic res aestimatur, sed contumelia, quae cum maxime dignitate personae censeatur, neque rei iudicandae tem-

pus spectari potest, sed iniuriæ illatae. Ridiculum enim foret, contumeliam plebeio factam tanto pluris aestimari, quod is postea Senator vel Consul factus sit. Et contra si Consuli facta fuerit, aut Praetori, ridiculum foret minui aestimationem, quod is rei iudicandae tempore privatus factus sit. Sic et cum in furti actiones iureiurando actoris aestimatur: tanti aestimatur, quanti fuit, cum furtum factum est, *d. L. cum furti D. de in. lit. iur.* Et cum bona vi rapta sunt, tanti, aestimatur damnum, quanti fuit tempore raptionis, *d. L. si quando C. und. vi.* Regula igitur supra scripta moveri non debemus, cum in toto iure generi derogetur per speciem, *L. in toto 80. D. de reg. iur. (1).*

Quesitum etiam in aestimanda iniuria, utrum ita 3
lucrum, an ad damnum referenda sit iurisiurandi formula? utrum ita iurare debeat, *Nolle se pro eiusmodi iniuria aureos capere mille: an, Malle se ex patrimonio suo tantam summam perdere, quam huiusmodi perpeti iniuriam?* Et licet multi existiment, ad damnum potius, quam ad lucrum referenda esse iurantis verba, eo quod animo magis communi feramus lucrum interceptum, quam damnum illatum; verius tamen est, quod Gomesius scripsit nihil interesse, utro modo actor iuret. Nam qui iniuriarum agit, neque lucrum sibi interceptum, neque damnum illatum queritur, nisi forte per consequentiam; sed aestimationem contumeliae petit, quam certa pecuniae summa aestimari sufficit. Quare et si quis neque damni, neque lucri fecerit mentionem, sed simpliciter iura-

Vide Farin.
quaest. 105.
n. 42.

Gomes. 3
resol. 6. n. 7

(1) Actionem iniuriarum stricti iuris esse existimat Auctor, quod tamen non probo. Actiones enim stricti iuris sunt, quae ex negotiis iuris civilis certis solemnialibus peractis descendunt, quemadmodum bonae fidei sunt, quae ex negotiis iuris gentium proficiuntur; Actio autem iniuriarum, cum ex delicto descendat, neque stricti iuris, neque bonae fidei actionibus accensenda videtur. Cum porro in poena statuenda ratio habeatur ad tempus, quo delictum fuit patratum, ad idem tempus rationem esse habendam perspicuum est in civili aestimatione peragenda ipsius delicti, cuius aestimatio tota pendet ex iis circumstantiis quibus delicti qualitas constituitur.

Verit, se hanc iniuriam extimare mille aureis, recto cum iurasse respondebimus.

4 Illud quoque controvertunt Dd. iusiurandum actoris utrum praecedere, an sequi debeat taxationem iudicis? Plerique concludunt et recte, sequi debere iusiurandum, praecedere taxationem: id enim colligitur ex d. *L. si quando C. und. vi.*, ubi Imp. Zeno rescripsit, taxatione a iudice facta aestimationem rerum sacramento manifestari; nec licere actori ultra taxationem a iudice factam iurare: et quod huiusmodi iureiurando fuerit declaratum, in id iudicem condemnare oportere. Quid apertius hoc rescripto? ut merito usus fori isti sententiae palmam dederit. Sed scrupulum iniicit *L. 4. §. item videndum D. de in lit. iur.*, ex qua apparet, posse etiam taxationem sequi. Verum id negandum est: neque enim hoc dicit JC., sed illud potius quaerit, an praestito iureiurando iudex omnino cogatur illud sequi, et respondet sequi debere iudicem id iusiurandum, nisi ex magna causa, et postea repertis probationibus ab eo recedendum putaverit.

5 Postremo quaerunt nonnulli, si per iniuriam homo debilitatus sit, extimatio operarum quibus caruit, cariturusve est, quomodo sit facienda? Et distinguunt, utrum homo ex iste vulnere perierit, an superstes et inutilis sit. Priore casu censent spectandam computationem JC. Macri in *L. computationi 68. D. ad L. Falcid.* ut a prima aetate usque ad annum xxx, computentur operare annorum xxx. Ab annis vero xxx. tot annorum computatio ineatur, quot ad annum lx. deesse videntur. Ab anno lx. cuiuscumque aetatis sit, annorum v. Posteriore casu certa quantitate annuorum condemnandum censent. In hoc responso plura deprehenduntur censoria virgula digna. Nam primo, non recte sub hoc titulo de iniuriis, agunt de homine per contumeliam occiso, cum iniuriarum actio de caede non detur, ne praedicetur Legi Corneliae de sicariis: si qua actio locum habet, Aquiliam eam esse oportet, *L. praetor edixit 7. §. 1. D. de iniur.* Secundo, actio iniuriarum heredibus non datur, §. 1.

Clar. §. iniuria n. 7.
Farin. d. qu. 105. n. 48.
40.
Gail. s. obs. 202.

Gomes. 8.
resol. 6. n.
1 r. Farin. q. 119. n. 99.
Argent. ad
Cons. Bri-
tonn. artic.
603. h. 23.

Inst. de et perp. temp. act.: qui ergo possunt heredes occisi hac actione de damno et operis agere? Tertio, qui potest cum homo iniuria occisus est, observari computatio JC. Maeri, cum Macer de alimentis loquatur, non de operis? Alimenta omnis aetas flagitat: operae non omnis aetatis sunt *L. ult. D. de oper. serv. L. 33. ub. Morn. D. de rei vind. L. 26. §. libertus D. de cond. indeb.*, nam nec valde pueri eas edere possunt, nec valde senes, Quarto et ultimo cur distinguitur posterior a priore casu? Nonne etiam posteriore casu, si operas semel aestimare velimus, facienda erit annorum computatio? aut priore, non etiam singulos annos certa quantitas definitur? nam quanquam eo casu semel praestetur operarum aestimatio, in singulos tamen annos certa quantitas exprimenda est: quinimo nec necesse est representari omnium annorum aestimationem; poterit hocquoque casu iudex, si velit, in certam quantitatem annuam reum condemnare.

Revertamur nunc ad concursum. Concurrit cum 6 accusatione actio ex lege Cornelia, quae competit ex his causis, si quis se pulsatum, verberatum, domumve suam vi introitum esse dicat, *L. 5. pr. D. de iniur.*, vel, ut subiicit ibidem JC. Ulpianus, Lex Cornelia loquitur de omni iniuria quae fit manu. Hanc praetoria graviolem habitam colligere possumus inde, quod dubitatum fuerit, procuratorem admittat, nec ne, *L. licet 42. §. 1. D. de pe. procur.*, quae tamen res inter praetoriam et hanc interfuerit, non promptum dictu est; cum JC. testetur, etiam in actione Legis Corneliae condemnationem officio iudicis faciendam, *L. constitutionibus 37. §. 1. h. tit.* Fortasse igitur hoc solum interfuit, quod praetoria annalis, Cornelia perpetua esset.

Vid. Hartm.
Pist. part. 4.
q. 20. n. 52.

Concurrit etiam actio ad palinodiam, qua petimus, ut reus recantet iniuriam verbis factam, nam quae re facta est, verbis sarciri non posse videbatur, Haec autem actio moribus atque usu fori introducta est, iure Romano incognita fuit. Si tamen coniectura uti licet, occasionem nihilominus huius actionis introducere ex moribus Graecorum et Roma-

norum profectam existimare possis. Illi enim iniuriam factam iureiurando purgabant, vel in iudicio vel extra iudicium praestito, quo iurabant nolle se iniuriam factam, indignum esse hac contumelia etc. Cum autem tenaces multi propositi atque iniuriae essent, eo tandem descensum, ut petente actore, iudex cogeret reum iniuriam verbis factam contrariis verbis retractare. Dubitarunt nonnulli, sine causa tamen, civilisne, an criminalis sit haec actio, nam accusatio omnis aut publica, aut extraordinaria est: publica lege constituitur: extraordinaria petimus extra ordinem reum arbitrio iudicis puniri. Cum igitur haec neque certa aliqua lege constituta sit, neque petat acto reum arbitrio iudicis puniri non video cur accusatio magis, quam actio nuncupari debeat. Perperam etiam nonnulli distinxerunt circa locum, ut si iniuria in publico facta sit, in publico quoque recantetur: sin in privato, privatim infamato per se vel per alium petat veniam. Cur enim non eadem ratione distinguitur, ut adulterium sub tecto factum, sub tecto puniatur; factum sub die, publice et in conspectu omnium puniatur? Fures autem, qui plerumque clam et obscura nocte peccant, cur patibulo affixi omnibus atque diu spectaculo sunt? Nonne igitur etsi delictum clanculum admissum sit, poena tamen publica esse debet, ut exemplo deterriti ceteri dissimiliter se gerant? Adhaec perperam nonnulli scripserunt, coniungi et cumulari eodem libello posse utramque actionem, et qua ad palinodiam, et qua ad aestimationem iniuriae agitur, quoniam cumulatio plurium actionum, ex eodem facto nascentium regulariter prohibita est, *L. cum filius 76. §. poen. D. de leg. 2.*, *L. singulis 6. C. de excep. rei. iud.*, nec admittitur nisi cum dubitatur utra actio competat: tum utramque dictare possumus, protestati, ex altera nos velle consequi, quod nos contingit, *L. 1. §. quia autem D. Quod legat.* Et hodie tamen passim utramque coniungi videmus, ut etiam ex utraque actione reus condemnationem sustineat, quemadmodum nominatim expressum Statuto huius civitatis *Rubr. XLVI.*

V. d. Const
Zurphan tit
de del. q. 6.

Parin. qn
20 J. n. 71. et
156.

Gail. 1. obs.
65. n. 2.
Mins. 2. obs.
98 Zutphan.
tit. de action.
q 7.

Concurrit denique cum accusatione iniuriarum **8**
 actio Legis Aquiliae, si nimirum damnum contume-
 liae mixtum sit, ut si servum alienum iniuriose ver-
 beraveris, *L. 5. §. 1. D. ad L. Aquil., L. qui servum 34. D. de obl. et act., L. 15. §. si quis servo verberato D. de iniur.*, si ancillam alienam viro nondum maturam stupraveris, *L. si stuprum 25. D. eod.* Publicum iudi-
 cium Legis Corneliae de sicariis, si homo alienus con-
 tumeliae causa occisus sit, aut si cuius caput gladio percussus, *L. praetor edixit §. quid ergo D. eod.* Pu-
 blicum iudicium Legis Juliae de vi, si quis domum alterius vi introierit, *arg. L. 3. §. 2. et ult., L. pen. D. ad L. Jul. de vi publ., L. 5. D. de vi privat.*, sive de servo alieno questionem habuerit, *L. 4. D. eod.* Actio ex *L. diffamari C. de ingen. man.*, qua diffamator, in-
 tra certum a iudice praeligendum, agere cogitur dif-
 famatumque talem ostendere, qualem ipse dixerit: id ni faciat, silentium ei perpetuum imponitur. Ve-
 rum et haec actio ab interpretibus conficta est, cum non caperent verba constitutionis ista, *Praesertim cum affirmes, diu Praesidem unum atque alterum interpellatum a te, vocitasse diversam partem, ut contradictionem faceret; unde constat, merito rectorem provinciae commotum allegationibus tuis sententiam dedisse, ne de cetero inquietudinem sustineres; quibus verbis nihil aliud significatur, quam Crescentem, cui Impp. rescripserunt, cum diffamaretur status eius a Maevio, actionem praeiudicalem instituisse ultro adversus Maevium: cumque Maevius vocita- tus a Praeside, ut contradictionem faceret, non compareret, monueros causa cognita pronuntiasse rectorem provinciae, Crescentem ingenuum sibi videri. Qua sententia provisum, ne de cetero inquietudinem sustineret Crescens: habetur enim res iudicata pro veritate, L. lugen. 25. D. de stat. hom.*, quare si Maevius non temperet sibi ab iniuria, vel extra ordinem coërcebitur, vel actionem iniuriarum adversus cum instituet Crescens. Haec verissima constitutionis istius fa-
 mosae interpretatio est, a qua longe in diversa abi-
 ere interpretes, cum quibus hoc loco disputare non libet,

Giph. in L.
 diffamati.
 Sarm. 1. scd.
 interp. 2.

cum id ab aliis viris doctissimis prolixè atque eleganter factum sit.

- 9 Quod ad concursum horum iudiciorum attinet, est utique in potestate nostra, utrum iniuriarum agere, an extra ordinem accusare reum velimus. *L. ult. D. de iniur., §. in summa Inst. eod.*; sed actione electa tollitur accusatio, et contra per accusationem actio, quoniam utriusque iudicii idem finis est, nempe vindicta, arg. d. §. in summa, *L. interdum 56. §. 1. D. de furt., L. 6. D. de iniur., L. 34. et 41. §. D. de oblig. et act.* Sed non videtur in potestate nostra esse, si homo forte occisus sit, publico Legis Corneliae, an privato iniuriarum iudicio experiri velimus, non enim aequum est publico per privatam actionem fieri praeiudicium, *L. praetor 7. §. 1. D. de iniur.* Si tamen aliquis famoso libello nomen atque famam nostram lacessierit, electio datur laeso, vel actione iniuriarum, vel publico iudicio ex Senatusconsulto experiendi; ita ut si publico iudicio actum fuerit, denegetur privatum, et contra, *d. L. 5. D. de iniur.* Ratio diversitatis obscura est, cur publico iudicio Legis Corneliae non possit fieri praeiudicium per privatum: possit fieri publico iudicio de famosis libellis? Ad glossographos frustra aspexeris; garriunt enim nugae magnas; totoque coelo aberrant a mente Iurisconsultorum Pauli atque Ulpiani. Franciscus Duarenus existimavit in *d. L. 6.* iudicium de famosis libellis, alio sensu publicum dici: nempe quo sensu nonnumquam omne iudicium criminale publicum dicitur, etsi criminis exsequutio non competat cuivis e populo. Ita publicum accipi putat in *L. 4. D. de publ. iud.*, quod falsissimum est, ac ne litera quidem exstat in *ea L.*, ex qua id colligi possit. Acutior longe atque rectior est Cuiacii observatio, qui observat, esse quidem summo iure in potestate laesi, utrum publico, an privato iudicio experiri velit; rectius tamen Praetorem facturum, si non temere patiaturo publico per privatum fieri praeiudicium, sed potius privato per publicum. Eodem enim modo et Paulus J.C. de concursu Legis Juliae cum actione iniuriarum iudicare videtur in *L. 4. D. ad L. Jul. de*

Duar. 1. disp.
anuv 37.

Cuiac. 24,
obs. 16.

vi priv., eum ait, *Moderatius edicto Praetoris de iniuriis utendum esse*: id est, non facile Praetorem peti debere, ut ante instituta actione iniuriarium praeiudicium fiat publico iudicio Legis Juliae de vi. Atque hoc modo si utrumque responsum et Pauli *d. L. 6.*, et Ulpiani *d. L. 7. §. 1.* interpretemur, non crit, cur quisquam exigit a nobis diversitatis rationem, cum diversi nihil ab utroque responsum sit (2). Sed nec est quod quisquam obiiciat *L. un. C. Quand. civ. act. crim. praei.* Ea enim constitutio hoc solum vult, si concurrat actio de re familiari cum publico iudicio, alteri per alteram praeiudicium non fieri; at actio iniuriarum non ad rem familiarem, sed ad vindictam pertinet: ideo et actioni per accusationem publicam fit praeiudicium; et contra, si forte actionem dederit Praetor (quod tamen rectius non fecerit) accusationi publicae praesindicabitur, *d. L. 7. §. 1. vers. quid ergo D. de iniur.* Diversa est causa Legis Aquiliae, qua si damnum contumeliae iunctum sit, aestimationem damni petere non prohibemur, etsi iam publico iudicio aut extra ordinem egerimus: quia haec actio non

(2) Rationem diversitatis, cur publico iudicio legis Corneliae non possit fieri praeiudicium per privatam, possit fieri publico iudicio de faustis libellis, obscuram esse Auctor existimat, quam tamen obscuram non esse probat comparatio, quae instituta est inter *L. 6.* et *L. 7. c. 1. D. de iniuriis*. Paulus namque in cit. *L. 6.* ait eum in quem libellus scriptus est non esse prohibendum privato agere iudicio, quod publico iudicio praeiudicatur: *quia ad privatam causam pertinet*: Ulpianus autem in cit. *L. 7. §. 1.* Quaestionem proponit, si dicatur homo iniuria occisus, nunquid non debeat permittere Praetor, privato iudicio Legi Corneliae praeiudicari! idemque et si ita quis agere velit, *quod tu venenum dedisti hominis occidendi causa?* et respondet lectus rectius facturum Praetorem si huiusmodi actionem non dederit. quamvis solemus dicere ex quibus causis publica sunt iudicia, ex his causis non esse nos prohibendos, quominus et privato agamus: hoc scilicet verum esse, sed ubi non principaliter de ea re agitur, quae habet publicam executionem. Concludit itaque Ulpianus actionem de Lege Aquilia concurrere posse cum iudicio Legis Corneliae, non autem actionem iniuriarum ob hominem occisum; nam ibi principaliter de damno agitur, quod domino datum est; at in actione iniuriarum de ipsa caede vel veneno, ut vindicetur, non ut damnum sarciatur.

ad vindictam, sed ad rem familiarem pertinet, d. *L. 7. vers. quid ergo, d. L. un. C. Quand. civi. act. crim. praeiud.*

De actionibus eodem modo iudicandum, ut nec Aquilia tollat iniuriarum actionem, nec iniuriarum actio Legem Aquiliam, quia altera ad damnum pertinet, altera ad contumeliam, *L. 13. §. si quis servo D. de iniur., L. qui servum 34. D. de obl. et act. L. 5. §. 1. D. ad L. Aquil.* At actio iniuriarum Praetoria, actio civilis ex Lege Cornelia, actio ad palinodiam, actio ex *L. diffamari*, cum omnes tendant ad vindictam, consequens est, una electa reliquas consumi, arg. d. *L. 7. §. 1. D. de iniur.*, nec excipio actionem ad palinodiam, tanquam ea non ad vindictam, sed honoris atque estimationis reparationem pertineat. Nam eo ipso, quo cogitur adversarius in publico illatam iniuriam recantare, satis acerbum supplicium substat.

CAPUT IV.

DE IURE MUNICIPALI.

Ad Rubr. XLVI. Stat.

- | | |
|--|--|
| 1. Ex statuto actio praetoria cum actione ad palinodiam coniungi potest. | 5. An praeter poenam statuto expressam habeat et locum extraordinaria coercitio? |
| 2. Si literis facta sit iniuria, an ad palinodiam agi potest? | 6. Qui viles sint in statuto? |
| 3. In statuto annus utilis intelligendus? | 7. An vilibus detur actio Praetoria? |
| 4. An palinodiae locus, si convitium verum sit? | 8. Quibus casibus denegetur actio ad palinodiam? |

Quamvis, ut modo diximus, actio ad palinodiam iure civili prodita nulla sit, moribus tamen hodiernis nihil frequentius est, quam iniurias postulante actor recantari. Eamque actionem cum actione Praetoria, qua ad aestimationem iniuriae agitur, idcirco coniungi posse putant, quod haec poenalis sit, et vindictam persequatur: illa ad famae duntaxat et estimationis iacturam sarcendam pertineat. Verum hanc rationem

Gail. t. obs.
65.

Nyns. 2 obs.
93. Christ.
tit. 2. §. 2.
n. 23. Grot.
3. manud.
34.

nūquam probare potui, cum enim recantatio iniuriae in loco publico fiat, et plerunque cum ignominia quadam coniuncta sit, dum verberare palma os, Deumque et actorem deprecari reus cogitur; utique ea ipsa deprecationis acerbum poenae sensum habet. Quamobrem si iuris civilis regulas sequi liceret, omnino dicendum erat, alteram actionem per alteram consumi, nec eodem utramque libello cumulari posse. Sed cum Statuta huius civitatis *Rubr. 146. art. 1.* communem errorem donaverint iuris auctoritate, frustraneum sit, pluribus huic doctrinae redarguendae inhaerere velle. Verba Statuti sunt ista: *Alle iniuriën verbael, daer yemandsdere ofsfame ancleest't nient veriaert zynde, sullen met eerliche ende profyteliche amendbn, naer gelegentheyt, van der saken, tot discretie van den gerecte gecorrigeert everde.* Hoc est: *omnes iniuriae verbis factae, quibus alicuius existimatio et fame laeditur, pro qualitate admissi, arbitrato iudicantium, et pecuniariter sarciri, et honoris restitutione emendari debent.*

Ait Statutum: *Alle iniuren verbael*: His verbis admonemur, si re facta sit iniuria, actionem ad palinodiam non habere locum. Quo modo enim unumquodque contractum est, eo modo in contrarium acto dissolvitur, *L. nihil tam 35., L. fere 153. D. de R. J.* Igitur iniuria verbis facta, contrariis verbis retractari potest: quod autem re malefactum est, id verbis recantari nequit. Quid ergo si literis facta sit iniuria, an ad palinodiam ex hoc statuto agi poterit? Non desunt, qui id affirmant, eo quod inter scriptam et ore prolatam iniuriam parum interesse videatur, tamque carmen animos imbuit, cum legitur, quam aures, cum recitatur. Adhaec absurdum foret, ob iniuriam levio- Ratel. decis. 121. rem duplici ratione agi posse; ob gravio- Gomes. 5. resot 6. n. 2. Farin. qu. 105 ni 459. 440. rem non posse. Est autem eo gravior iniuria, quae literis fit, quo latius in vulgus exit quod scriptum, quam quod dictum est. His tamen non obstantibus alii existimant, non posse ad palinodiam agi, si literis facta sit iniuria: non solum, quod distinctae, sint speciei, iniuria quae fit verbis, quaeque literis, §. 1. *Inst. de iniur.,*

L. aut facta 16. *D. de poen.*; sed vel in primis, quod iniuria quae sit famosis libellis, gravior sit, quam ut palinodia reus defungi possit. Publicum enim iudicium eo nomine comparatum est, cui per privatum non debet fieri praeiudicium, *L. un. C. de famos. libel.*, *L. 7. §. 1. D. de iniur.* Meo vero iudicio non inepte quis distinguere posset, utrum crimina capitalia libello famoso obiecta sint, an levius aliquod opprobrium, Priore casu non facile patietur iudex, ut publico quod eo nomine comparatum est, per privatum praeiudicium fiat: posteriore casu privato agi poterit, quoniam publicum iudicium, quod concurrat, capitale non est, *arg. L. 6., et d. L. 7. D. eod.* Ac licet iniuria literis facta a convitiis specie distingui videtur, pressius tamen rem putanti apparebit, non minus maledicta esse, quae scribuntur, quam quae ore proferruntur. Communis sane loquendi usus ita observat, ut maledicentia non solum in sermonibus, verum etiam in scriptis lucubrationibus notetur. Quid, quod qui per calumniam accusat, aut defert, palinodiam cantare iubetur *Rubr. 41. art. 1.* Atqui qui id facit, non solum verbis, sed vel maxime scripto iniuriam facit.

- 3 Ait Statutum: *Niet verjaert ziinde*. Exspirat actio praetoria anno utili, ut supra *cap. 1.* disputavimus. Praesens articulus etiam actionem ad palinodiam anno terminat. Sed cum statutum simpliciter loquatur de anno, dubitari poterat, utrum continuus, an utilis intelligendus? Ego non dubito, statutum hoc ex iure communi haustum esse, atque ex eo interpretationem recipere. Itaque licet vulgo dici soleat: verba statutorum proprie accipienda, et prout iacent; tamen secundum ius commune, annum utilem intelligendum existimo, non continuum: quod et Christinaeo recte placuit. Actio autem ex Lege Cornelia descendens, ad hanc praescriptionem non pertinet: sed perpetua est, ut nos eodem capite defendimus, et supremae Curiae Traiectinorum Frisiorumque probant.

- 4 Ait: *Sullen met eerlicke ende profytelijcke amenda gecorrigeert vverden*. Hic duo quaeri possunt. Prius,

Christ. d. tit
2. art. 4. n. 4.
Rutel. decis
121.
Sand. 5 tit
8. def. 3.

si convitium verum sit, an nihilominus poena locum habeat? Posterius. an praeter poenam pecuniarum, etiam extra ordinem reus coerceri possit? Quantum ad prius attinet, multi existimant, recantationi quidem locum non esse, quoniam verum convitium recantari nullo modo potest: in aestimationem tamen iniuriae reum nihilominus condemnandum esse itaque Frisiae Senatum decidisse testatur Sandius. Ego vero distinguendum arbitror, ut si vitium aliquod naturae, aut fortunae contra bonos mores obiectum sit, utraque poena locum habeat; licet enim appareat vitium, deprecari tamen reum aequum est, quod id contra bonos mores exprobraverit. Quod si verum crimen obiectum sit, neutri poenae locus erit, quoniam reipublicae interest, peccata nocentium nota esse, *L. eum qui* 18. *D. de iniur.* Prior sane distinctio nullo modo probari potest: nam si idcirco ad palinodiam agi nequit, quod convitium verum sit, quae, malum, ratio dandi nihilominus actionem pro iniuriae aestimatione? An quia contra bonos mores obiectum est? Utraque igitur actio danda erat. Postremo, aut utraque, aut neutra. Utraque, si contra bonos mores factum sit. Neutra, si verum convitium sit, et reip. interfuerit id notum esse, *d. L. 18 (1)*:

Quantum ad posterius attinet, sunt qui scribunt, non posse hoc casu reum extra ordinem puniri, ob id quod statutum sanciendo poenam pecuniariam, videtur eo ipso criminale iudicium, poenasque arbitrarias sustulisse. Horum sententiam ego tum deum probandam existimo, si levior sit iniuriae quae facta est; nec enim mores nostri in levioribus criminalia

Farin. d. qui
105. n. 75.
Sand. d. tit.
8. def. 7.

Angel. in l.
fia. n. 2. D.
de iniur. Fa-
rin. q. 106.

(1) Veritatem eius, quod obicitur actionem civilem ob iniuriae aestimationem, non autem semper publicam animadversionem excludere superius animadverti. Ubi porro civilis actio deficit ob veritatem convitii, actio quoque ad palinodiam deficere videtur, nisi aliter nominatim legibus cautum reperiatur. Quod si aliquod naturae vitium, quod appareat obiciatur, non video quomodo iniuriarum ob idipsum agi queat, cum vel ipse Auctor in *Cap. 1. Tit. de iniur. Num. 3.* animadverterit huiusmodi iniuriam levitatem esse et infra legum curam.

n. 60. Resp.
Hollan. 329.
Statut. Oml.
l. 6. §. 5.

Coler decis.
161. n. 26.
Fr. 2. tit. 2.
§. v. d. Sand.
tit. 8. de k5.

reddunt iudicia: ceterum si *gravior sit iniuria, non* puto hunc articulum impedimento esse, quo minus actor omissa civili actione, criminaliter extra ordinem in reum animadverti petat. Verba enim, *pro qualitate admissi, et arbitrato iudicantium*, hoc innuere videntur: quippe, quae non simpliciter iudicem aligent, et adstringant pecuniariae condemnationi, sed multum arbitrato eius deferant. Arbitrio autem boni iudicis hoc incumbit, ut si poena delictum aequare non videtur, durius extra ordinem in reum animadvertat. Huius generis est iniuria, quam calumniator facit, qui dolo sciens hominem innocentem desert, aut accusat: qui si autem sententiam culpam agnoscat, aut actione iniuriarum condemnatur, aut extra ordinem coercetur, *Rubr. stat. 41*. Eiusdem generis est, si homo impudicus et protervus dissimulandae virginis, aut matronae honestae causa, se cum ea concubuisse iactet, quem extra ordinem Saxones Frisique puniri iubent, et exemplo firmat Sandius. Sed etsi Principi, aut Episcopo dum sacra fecit, convitium dictum fuerit, non est impedimento Statutum, quo minus iniuria graviore iudicio vindicetur. Deficiente enim statuto, ad ius commune recurrimus. Igitur, ut concludamus, si improbius convitium sit, concurrat accusatio cum actione: ita tamen, ut altera electa, altera perimatur. An autem actionem nonnunquam iudex denegare debeat, ne accusationi praeiudicium fiat, ipsius arbitratus erit, *arg. d. L. praetor 7. §. 1. D. de iniur.* Sequitur art. 2.

- 6 *Wel verstaende, dat men lichte personen, van qua de name ende fame, geen eerlijke amende of reparatie doen sal: Hoc est, Vilibus tamen personis, nominis et famae prodigis, non est damnandus reus ad palinodiam.* Non est quod hic magnopere laboremus circa enumerationem vilium personarum, quandoquidem auctor statuti generaliter definivit viles hac adiectione, *van quade name endefame*. Quibus verbis admonemur, in hoc statuto non eandem compactionem personarum instituti, quae iure civili institui solet, inter digniores, et humiliores: sed inter

honestos, seu integrae frontis homines, et eos qui famam et existimationem decoxerunt. Possit autem quis esse humilior, et integrae tamen famae: contra lecuples et in dignitate quis esse possit, et tamen prostitutae famae. Itaque vilium personarum appellatione comprehendemus omnes, qui aut infamia iuris, aut infamia facti laborant. Non publicanos; non tabernarios, et caupones, non spurios, nisi moribus et existimatione regionis probrosum sit esse spurium, cauponem, publicanum: nam opera horum hominum reip. necessaria est. Et *L. quae adulterum 29. C. ad L. Jul. de adult.* separat dominam tabernae a famula intemperantibus vina ministrante: hanc vilem et infra leges censent: non etiam illam. Sane qui et caupo est, et puellas quaesturias domi alit, is in vilium grege continetur; leno enim est, et infamis. De foeneratoribus magis dubitare possis: neque enim tam necessaria eorum opera videtur, quam cauponum et publicanorum. Magis tamen est, circa hos quoque spectandum esse sensum, et existimationem cuiusque civitatis: ubi enim montes et praesidia tenuiorum nulla; unde levi foenore pecuniam mutuari possint, ibi trapeza quasi necessarium malum est.

Videamus nunc, an cum hic articulus actionem ad palinodiam denegat vilibus personis, eo ipso denegat etiam actionem Praetoriam pro iniuriae aestimatione? Hic sine haesitatione respondendum, praetoriam non denegari; neque enim aequum est, prorsus impune ferre eum, qui hominem quamlibet vilem convitiis prosciderit. Nam ut maxime dignus videatur, cui fiat iniuria; indignus tamen alter, qui faciat. Et si haec mens statuentis fuisset, quam facile fuisset id adiacere, ut nec honoraria, nec pecuniaria poena locum haberet: cum autem de sola honoris restitutione loquutus sit, non debemus circumvenire eius sententiam. Denique quis gravior huius Statuti interpretes, quam Illustres Ordines, qui cum Edicto in homicidas proposito §. 16. dixissent, vilibus non dari actionem ad palinodiam, disertis verbis adieccerunt, dari actionem pro aestimatione iniuriae? Erit igitur hic casus, quod

Duar. tit. D.
tunt. caup.

cessante actione ad palinodiam, datur nihilominus praetoria pro iniuriae aestimatione (2).

8 Est et alter casus moribus nonnullorum comprobatus, cum nimirum reus ante litem contestatam proficetetur, poenitenter se convitii temere obiecti: nolle dictum, quod inconsulto calore protulerat. Cum enim haec professio species quaedam palinodiae sit, non immerito ab alia palinodia absolvitur. Quinimo prorsus, etiam a praetoria actione abstinere modestiores solent: videturque ea modestia apud nos ius fecisse, ut Pragmatici nonnulli adfirmant. Nec immerito: professio enim illa pro satisfactione cedit: cui autem satisfactum est, is neutra actione experiri potest. Tertium casum, cum nimirum convitium obiectum verum est modo reiecit. Quartum quoque nonnulli adducunt, si clericus fecerit iniuriam, tanquam indignum sit, hunc condemnari ad recantationem. Sed nulla profecto ratione.

Sand. d. tit. 8.
def. 7. Adde
Fer. d. quaes.
105. n. 171. et
seqq. Gail. 2.
obs. 106. n. 8.
lib. p. 169.
Res. Hollan.
324. Christ.
2. §. 4. n. 7.
et 17. Fraus.
2. c. 18. Da-
vent. 4. c. 2.
§. 8. Ferin
d. qu. 105. n.
76.

(2) Nisi officeret Auctoritas Illustrium ordinum, quam hic Auctor in medium profert, auderem dicere Statutum eo ipso quod vilibus personis actionem denegat ad palinodiam praetoriam quoque pro iniuriae aestimatione denegare. Equidem ait Praetor: *Ne quid infamandi causa fiat. Si quis adversus ea fecerit, prout quaeque res erit, animadvertam*; ac inde docet Ulpianus generaliter vetuisse Praetorem quid ad infamiam alicuius fieri, ac esse actionem iniuriarum, quodcumque quis fecerit, vel dixerit ut alium infamet, vid. L. 15. §. 25. et §. 27. D. de iniur. Si quid itaque vilibus Personis obiciatur, quae famam et existimationem decollerunt iniuria abesse videtur, cum quid ad infamiam alienius fieri aut dici nequeat, qui infamia sive iuris sive facti laborat.

Finis Tomus Primi.

I N D E X

CAPITUM ET SERIES ORDINATA MATERIA-
RUM, QUAE SUB SINGULIS CAPITIBUS PER-
TRACTANTUR

IN TOM. I.

PROLEGOM. CAP. I.

Quid sit crimen.	Pag.	i
------------------	------	---

Q uid sit crimen, quantumque distet a delicto	ibid.
Crimen dolo contrahitur : an et culpa	3
Quae impetu fiunt , an fiant dolo	5
An nequitia vel luxuria doli species	7
Cogitatio nuda an crimen	8
An conatus solus	9
An consilium aliis dedisse , crimen	ibid.
Quid sit consilium dare	11
An ille criminis reus qui tantum instigavit ad scelus	ibid.
Explicatur. L. 20. D. de his qui not. infam.	13
De his qui opem ferunt	14
De his qui mandant scelus, quique mandatum exsequuntur	15
An iussus eadem ratio , quae mandati	16
Ratihabitio an mandato comparanda in crimi- nibus	18
Qui prohibere potuit, nec prohibuit an reus criminis	20
An maritus, si non prohibeat uxorem	23

C A P. II

Qui crimina admittere possint	Pag.	24
-------------------------------	------	----

An in bruta crimen cadat	ibid.
An in infantes et minores	26

<i>An minor omittendo crimen contrahat</i>	Pag.	27
<i>An impubes stuprum, adulterium committere possit</i>		29
<i>Quid de furiosis et mentecaptis iudicandum</i>		30
<i>Quid si dubitetur an in furore crimen admissum</i>		32
<i>Quid si post admissum in furorem inciderit</i>	ibid.	
<i>An eo casu puniendus ob crimen valde grave</i>		35
<i>Quid si culpa sua in furorem inciderit</i>	ibid.	
<i>An qui non custodierant furiosum, puniendi</i>	ibid.	
<i>An prodigi in delictis comparandi furiosis</i>		36
<i>Quid de surdo et muto iudicandum</i>		38
<i>Quid de dormientibus</i>		39
<i>Quid de ebriis, amantibus et excaedescendentibus</i>		41

C A P. III,

<i>Adversus quos crimina committi possunt</i>	Pag.	45
---	------	----

<i>Crimina et iniuriam pati possunt, etiam qui facere non possunt</i>	ibid.	
<i>Etiam si velint pati</i>		46
<i>An volenti fiat iniuria</i>	ibid.	
<i>An in se admittere crimen quis possit</i>		48
<i>An adversus mortuos committi crimen possit</i>		51
<i>Quibus casibus contingat, ut invitatus quis patitur, nec tamen crimen sit</i>		52

C A P. IV.

<i>De divisionibus criminum</i>	Pag.	56
---------------------------------	------	----

<i>Crimina vel committendo, vel omittendo contrahuntur</i>	ibid.	
<i>Sunt vel graviora vel leviora</i>		57
<i>An ex poena aestimandum, crimen grave sit, nec ne</i>		58
<i>Rectene PP. criminibus levioribus adnumerent adulterium</i>		59
<i>Sunt capitalia vel nec capitalia</i>		61
<i>Sunt vel communia vel propria certo hominum generi</i>	ibid.	

	235
<i>Sunt vel extraordinaria, vel publica</i>	Pag. 63
<i>Quae sit huius divisionis ratio</i>	64
<i>Quae opponi possunt huic divisioni, solvuntur</i>	65
<i>An possint poenae, et quatenus, arbitrio iudicis relinqui</i>	67
<i>Quousque se extendat potestas iudicis in infligendis poenis</i>	68
<i>Divisio extraordinariorum criminum reiecta</i>	71
<i>Reiecta divisio criminum in nominata et innominata</i>	72
<i>De criminibus exceptis, et non exceptis</i>	73
<i>De criminibus notoriis atque occultis</i>	74

LIB. XLVII. DIG. TIT. I.

DE FURTIS

Pag. 76

C A P. I.

<i>Quid sit furtum</i>	ibid.
<i>Furtum unde dictum</i>	ibid.
<i>Furti definitio examinatur</i>	ibid.
<i>Qui totum contrectat, partem aufert, an totius fur</i>	77
<i>Inficiando an fiat furtum</i>	80
<i>Quid sit dactyliotheca in L. 67. D. h. t.</i>	81
<i>Cur addiciatur in definitione fraudulosa</i>	82
<i>An furtum faciat, qui urgente fame cibum aufert</i>	83
<i>Quarum rerum furtum fiat</i>	84
<i>An furtum natura prohibitum</i>	85
<i>Quid sit furtum manifestum et nec manifestum</i>	86
<i>An detur tertium furtum manifestum simul nec manifestum</i>	88
<i>Quibus casibus denegetur furti actio</i>	89

C A P. II.

De poena

Pag. 92

<i>Quae poena furti ex XII. Tabb.</i>	ibid.
<i>Quae postea legi decemvirali successit</i>	93
<i>An poena furti nec manifesti ex XII. Tabb.</i>	94
<i>An criminale iudicium de quocumque etiam modico furto competat</i>	ibid.

<i>Rectene Justinian. vetuerit furem membro mutilari</i>	Pag. 97
<i>Rectene fures puniantur laqueo</i>	98

C A P. III.

De usu

<i>Ad tit. xxxix. Stat. Ultraiect.</i>	Pag. 110
<i>Mores furtum grave capite puniunt</i>	ibid.
<i>Quod sit furtum grave</i>	111
<i>Rectene Galli, Belgaeque domestica furtia gravius coerceant</i>	ibid.
<i>An furtum magnae rei capite puniendum</i>	114
<i>Et quid de illicita venatione et piscatione</i>	117
<i>Defenditur compilator iuris saxonici adversus Glossographum</i>	118
<i>Quatenus locus exaggeret furtum</i>	119
<i>Quatenus tempus, et de incendio, ruina, naufragio tumultu</i>	121
<i>De modo et effractione, nec non de directariis</i>	124
<i>De tertio furto an id puniendum capite</i>	125
<i>Quomodo tria furti computanda</i>	126
<i>Quid de conatu auxilio, et receptatione satuentum</i>	127

C A P. IV.

De concursu actionum cum accusatione

	Pag. ibid.
<i>Quae actiones cum accusatione concurrant</i>	ibid.
<i>An condictio furtiva in heredem in solidum datur</i>	128
<i>An accusatio cum actione concurrere possit</i>	131
<i>An rem furtivam fiscus sibi vindicare possit</i>	133

T I T. II.

DE VI BONORUM RAPTORUM

C A P. I.

<i>Quid sit rapina</i>	Pag. 133
<i>Quid sit rapina, et quae raptorum species</i>	ibid.
<i>An raptor sit qui rem suam rapuit</i>	139
<i>Quid si debitor creditori permittat res obligatas occupare</i>	140

<i>Quid si expulsus sit de possessione fundi</i>	237
<i>An necesse sit rem auferri lucrificandi animo</i>	142

C A P. II.

<i>De poena</i>	Pag. 142
<i>Quae sit poena raptorum</i>	ibid.
<i>Quae iudicia cum accusatione extraordinaria concurrant</i>	143
<i>In raptorem utrum manifesti, an nec manifesti furti actio detur</i>	144
<i>De concursu plurium iudiciorum quid iudicandum, et an uno electo perimantur reliqua</i>	145

C A P. III.

De iure Municipali

<i>Ad §. iv. Rubr. XLII. Statut.</i>	Pag. 142
<i>In statuto an viae appellatione contineantur viae privatae, an ager, sylvae</i>	ibid.
<i>An statutum sustulerit differentiam inter raptorem et metum inferentem</i>	148
<i>An omnes raptores ex statuto puniendi capite</i>	149
<i>Quid si plures simul latrocinati fuerint</i>	150
<i>Mors in statutis naturalis an civilis intelligenda</i>	ibid.
<i>Curveniae spem raptoribus praeciderit statutum</i>	151
<i>In statutis an appellatione facientis contineatur mandans</i>	152

T. I T. III.

DE DAMNO INIURIA DATO

C A P. I.

<i>Quid sit damnum</i>	Pag. 153
<i>An damni iniuriae nomine accusationes proditae</i>	ibid.
<i>Quid sit damnum, et in quibus rebus detur</i>	154
<i>Quid sit damnum iniuria dare</i>	ibid.
<i>Quibus casibus cesset hoc iudicium</i>	155

C A P. II.

<i>De Poena</i>	Pag. 156
<i>Quae poena damni iniuria dati, et leve sit hoc crimen</i>	ibid.
<i>An minora damna tantum civiliter vindicanda</i>	157
<i>Rectene quaedam damna vindicentur capite</i>	158
<i>Quae iudicia cum hac accusatione concurrant</i>	160

<i>Quomodo concilianda L. 4. D. de pub. iud. cura.</i>	
<i>L. 25. §. si dolo D. ad L. Aquil.</i>	Pag. 162
<i>Explicatur L. 6. pr. D. ad L. lul. de adult.</i>	163
<i>Explicatur L. 9. D. arb. furt. caes. et L. 18. §. 1. D. commod.</i>	164

C A P. III.

De iure Municipali

<i>Ad Rubr. xxxii. Statut.</i>	Pag. 165
<i>Quomodo Edictum ordinum vindicet damna a colonis data, et quam recte</i>	166
<i>Damna quaedam maritima sarcienda, etsi sine culpa contingerint</i>	ibid.
<i>Quibus casibus hodie de damno agatur criminaliter</i>	167
<i>Quomodo hodie damnum aestimetur</i>	ibid.
<i>Auctor pugnae quis censendus</i>	168
<i>An index multam statutam augere, aut minuire possit</i>	169
<i>An praeter multam extra ordinem coercere</i>	170
<i>Quid iuris si pugnatum sit in alia civitate</i>	171
<i>Quid si plures plagae inflictae, aut saepius facies consputata sit</i>	173
<i>Multa utrum fisco applicanda an actori</i>	174
<i>Et quid si actor exoratus sit</i>	175
<i>Noctis et diei quae spatia atque discrimina</i>	ibid.

T I T. IV.

DE INIURIS ET FAMOSIS
LIBELLIS

C A P. I.

<i>Quid sit iniurie</i>	Pag. 177
<i>Quid sit iniuria et quot modis fiat</i>	ibid.
<i>Quo modo verbis iniuria fiat</i>	178
<i>Si obiciatur vitium naturae, an sit iniuria</i>	179
<i>Quid si quis alium laudet, convitii auctorem</i>	181
<i>Quomodo iniuria fiat literis</i>	ibid.
<i>Quae atrox, quae levis iniuria</i>	182
<i>Iniuria non fit sine animo iniuriandi</i>	ibid.
<i>Qui noctem infamavit, an iniuriarum teneatur</i>	186
<i>An ille, qui convitio provocatus ulcisci se voluit</i>	187

<i>Quid si dubitetur animus iniuriandi fuerit,</i>	
<i>nec ne</i>	188
<i>Per quas personas nobis fiat iniuria</i>	189
<i>An pater nomine filii habeat accusationem</i>	190
<i>Quomodo iniuria tollatur dissimulatione</i>	191
<i>An sacra synaxis dissimulationis argumentum</i>	ibid.
<i>Quomodo pacto : et ibi de persecutione damni,</i>	
<i>an pacto quoque remissa censeatur</i>	193
<i>Anno continuo, an utili expiret iniuriarum actio</i>	195
<i>An ea quoque iniuria, quae literis facta est</i>	196
<i>An actio ex Lege Cornelia</i>	201
<i>An accusatio</i>	202
<i>An persecutio damni</i>	203

C A P. II.

De poena Pag. 205

<i>Quae fuerit poena iniuriarum ex XII, Tabb.</i>	ibid.
<i>An talio conveniat iustitiae distributivae</i>	206
<i>An Phythagorei atque Decemviri de simplici talione loquuti sint</i>	210
<i>Quae hodie iniuriarum poena, et ex quibus caussis publicum sit iudicium</i>	ibid.
<i>Poena capitalis ad omnes famosos libellos an pertineat</i>	211
<i>Quomodo extra ordinem iniuria vindicetur</i>	214
<i>An accusatio competat etiam de levi iniuria</i>	215

C A P. III.

De concursu iudiciorum Pag. 216

<i>De actione iniuriarum; et an recte aestimatio iniuriae fiat interposito iureiurando</i>	ibid.
<i>Ad quod tempus referenda aestimatio</i>	218
<i>Utrum ad lucrum, an ad damnum referenda iurisiurandi formula</i>	219
<i>Iuramentum utrum praecedere, an sequi debeat taxationem iudicis</i>	220
<i>Operarum aestimatio quomodo facienda</i>	ibid.
<i>De actione Legis Corneliae</i>	221
<i>De actione ad palinodiam</i>	ibid.
<i>De reliquis iudiciis concurrentibus et in specie de actione L. diffamari</i>	223
<i>Quatenus publico iudicio per privatum possit</i>	

praeiudicari Ad L. 6. et 7. D. de iniur. Pag. 224
Quae privata iudicia sibi invicem praeiudicent 226

C A P. IV.

De iure Municipali

Ad Rubr. XLVI Stat. Pag. *ibid.*

Ex statuto actio praetoria cum actione ad palinodiam coniungi potest *ibid.*

Si literis facta sit iniuria, an ad palinodiam agi possit 227

In statuto annus utilis an intelligendus 228

An palinodiae locus si convitium verum sit *ibid.*

An praeter poenam statuto expressam habeat et locum extraordinaria coercitio 229

Qui viles sint in statuto 230

An vilibus detur actio praetoria 231

Quibus casibus denegetur actio ad palinodiam 232

FINIS